

黃帝魂

羅家倫
編
中華民國史料叢編

A 8

中華民國
史料叢編

黃帝魂

45 527

1/8

45527 - 1/8

SBB



N12<129295514010

主 羅家倫
編 中華民國史料叢編

黃帝魂

中國國民黨
中央委員會
黨史史料編纂委員會印行

yi-he-tuan

黃帝魂

(45527)
Stiftung
Staatsbibliothek
Preuss. Kulturbesitz

世界第一之民族主義大偉人黃帝

肖像



中國民族開國之始祖

黃帝者、少典之子、姓公孫、名曰軒轅、生而神靈、弱而能言、幼而徇齊、長而敦敏、成而聰明、軒轅之時、神農氏世衰、諸侯相侵伐、暴虐百姓、而神農氏弗能征、於是軒轅乃習用干戈、目征不享、誅蚩尤戰於涿鹿之野、諸侯咸爲軒轅爲天子、代神農氏、是爲黃帝、以雲名官、置左右太監、監於萬國、萬國和而鬼神山川封禪與爲多焉、獲寶鼎、迎近日推策、舉風后力牧常先大鴻以治民、順天地之紀、幽明之占、死生之說、存之亡之、難、時播百穀、草木漚化、鳥獸蟲蛾、旁羅日月星辰、水波土石金玉、勞動心力、耳目節用水火材物、有土德之瑞、故號黃帝、

黃帝魂叙

今人嚆不曰黃帝子孫哉。雖然五帝之事若茫若昧。文不雅馴。薦紳難言。若驟詰以何以爲黃帝子孫之故。蓋鮮有不瞠目結舌者矣。母亦名祖禮官。法祖理官。吾種之所由昌。姑溯其派始於軒轅乎。然何不曰亞當而曰黃帝也。噫。吾知之矣。夫天者人之始也。父母者人之本也。人窮則反本。故勞苦倦極。未嘗不呼天也。疾病慘怛。未嘗不呼父母也。乃者胡氛瀰漫。中原陸沈。賣身鬻祖。相處百年。鞭策之毒。屠創之慘。盜入主室。橫施無忌。嗚呼。復仇之訓。勦夷之祖。亦既照人耳目。吾雖不欲祝吾黃帝。誦吾黃帝功德。以稍紓其痛苦。又烏可得。今「黃帝魂」一書之所以集。正窮迫無聊。欲吾兄弟共誦功德。以紓其痛苦者也。然而謀痛苦之所以紓。而不謀痛苦之所以去。非計也。書中宏議具在。方法井然。舉而行之。惟吾同胞。黃帝子孫之嫡派。黃中黃謹識

黃帝魂例言

黃帝曰。『日中必彗。操刀必割。』自逆胡猖獗。盜主中原。吾黃帝子孫。暴骨於烈日之中。待命於刀俎之下者。二百六十年。顧皆顛連困苦。相顧莫敢發聲。推原其故。則以覺羅玄曄（即康熙）覺羅弘曆（即乾隆）兩代。誅求文字。大獄繁興。積威虐之勢然也。是編所取。皆吾黃帝子孫痛極思伸之言。哀絃激楚。絕無忌避。而又言之井然。讀之可泣。可歌。可興。可發。意者黃帝在天之靈。實式憑之。故以黃帝魂名篇。亦日本入所謂大和魂之義也。

是編乃收攝近十年來新聞雜誌及各種新撰述之精魂。前代如黃梨洲王船山戴南山輩。雖思深痛遠。議論精闕。因其各有專集。故未採入。天皇洪氏。起於匹夫。思以熱血蕩洗祖國。用心苦已。而一代事實。既顛倒紊亂於逆子賊孫之手。（洪氏事實。今東籍中尚有能存其真相者。）文章亦消滅無傳。不過石達開『忍令上國衣冠。淪於夷狄。相率中原豪傑。還我河山。』及『我志未酬人亦苦。東南到處有啼痕。』等句。尙傳誦人口。然已破碎不完。（石詩計七律四章。東籍尚有完全者。檄則止此。

數語而已。惟陳玉成等一檄尚存。然文彩不佳。其言亦多近君主制度。編者有遺憾焉。

是編凡八閱月。始搜輯成書。撰者既出多數。文體自殊。意見亦不無稍異。編者時有增刪。或於篇末以己意發明之。至其宏綱鉅領。則始終一律。

近人有撮其舊著若干首。自爲一書。名曰中國魂者。其實腐敗駁雜。雖爲之上窮碧落。下極黃泉。亦不知彼之所謂國魂安在也。且其書中多主張立憲。欲維持現時之清政府。則直謂之曰滿洲魂可矣。於吾中國何有。況欲以一人而代表全國。其誣枉吾國人也。亦已過甚。以此例彼。不知讀者以爲何如。

近日吾國辭界。頗爲發達。能一掃從來孝子忠臣之習慣而空之。閱著傑作。美不勝收。以友人黃中實編有專集。故是編不具。

黃帝紀元四千六百十四年冬十二月編者校竟附識

黃 帝 魂

黃帝魂目次

黃帝紀年說

亡國二百四十年紀念會叙

君禍（節仁學）

客帝

論髮辮原由

正仇滿論

釋仇滿

說漢種

漢奸辨

王船山史說申義

亡國篇

中國滅亡論

目次

黃 帝 魂

義和團與中國之關係

代滿政府籌禦漢人之策

俄據滿洲後之漢人

滿學生與漢學生

孫逸仙與白浪菴滔天之革命談

革命之原因

革命必剖清人種

駁革命駁議

論復仇主義

黃河

揚子江

舊浙江

新湖南

黃

帶

魂

福建之現勢

過金陵

燕京遊記

駁康有爲書

覆張之洞書

獄中答新聞報

閱湖南官報

蘇報案

鄭成功

追論張汝祥

畢永年

林錫珪

書周雲祥事

目次

黃

帶

魂

記仇滿生

祭沈盡文

叙庚子銷夏記

觀戲記

少年登場(北曲一套)

歎老(南北曲一套)

黃 帝 魂

黃帝魂

黃帝子孫之多數人撰述

黃帝子孫之一個人編輯

黃帝紀年說 (附大事表)

民族者。國民特立之性質也。凡一民族。不得不溯其起原。爲吾四百兆漢種之鼻祖者。誰乎。是爲黃帝。軒轅氏是則黃帝者。乃製造文明之第一人。而開四千年之化者也。故欲繼黃帝之業。當自用黃帝。降生爲紀年。始吾觀泰西各國。莫不用耶穌降世紀年。回教各國。亦以摩哈麥特紀年。而吾中國之紀年。則全用君主之年號。近世以降。若康梁輩。漸知中國紀年之非。思以孔子紀年代之。吾謂不然。蓋彼等借保教爲口實。故用孔子降生爲紀年。吾輩以保種爲宗旨。故用黃帝降生爲紀年。夫用黃帝紀年。其善有三。黃帝以前。歷史之事實少。孔子以前。歷史之事實多。故以黃帝紀年。則紀事一歸於簡便。而無由後溯前之難。其善一。日本立國。以神武天皇紀年。所以溯立國之始也。中國帝王雖屢易姓。與日本萬世不易之君統不同。然由古迄今。凡

漢族之主中國者。孰非黃帝之苗裔乎。故中國之有黃帝。猶日本之有神武天皇也。取法日本。擇善而從。其善二。中國政體。達於專制。極點皆由於以天下爲君主私有也。今紀年用黃帝。則君主年號。徒屬空文。當王者貴之。說將不擊。而自破矣。其善三。嗚呼。北敵蹈隙入主中華。謂非古今來一大變遷耶。故當漢敵不絕如線之秋。欲保漢族之生存。必以尊黃帝爲急。黃帝者。漢族之黃帝也。以之紀年。可以發漢族民族之感覺。偉哉黃帝之功。美哉漢族之民。黃帝降生四千六百一十四年閏五月十七日書。

黃帝降生後大事畧表

中國紀年。無劃一之法。自竹書紀年以降。編年之史。無一不複雜者。今用黃帝降生爲紀年。將黃帝降生後之大事。列表如左。

降生後年代

中國大事紀

十一年

黃帝卽位

三百五十年

唐堯卽位

黃

四百九十八年

夏禹卽位

九百四十年

商湯卽位

一千五百八十六年

周武卽位

一千八百六十年

周民逐厲王

一千九百三十一年

周避犬戎東遷

二千二百四十年

大哲學家孔子生

二千四百八十八年

秦始皇卽帝位

二千五百三年

陳涉起革命軍

二千六百五年

晉避五胡南遷

三千三百年

隋文帝一統南北

三千六百三十八年

沙陀夷李克用主中國

三千八百四十二年

金虜陷宋京師宋南遷

三千九百九十三年

蒙古夷滅宋主中國

四千八十一年

明太祖排斥蒙古

四千三百五十九年

滿洲入關

四千五百六十年

洪秀全起兵金田村

四千六百十一年

聯軍入北京

此表最注意者凡三事。一民族。二政體。三文化。記周避犬戎者。記異族戰勝漢族之始也。記晉避五胡者。記異族入主中華之始也。記沙陀金元者。為異族僭位記也。記隋文帝明太祖洪秀全者。為漢族光復記也。記聯軍入北京者。為漢族將受制於西人記也。是為中國民族之變遷。夏禹即位。曷為記為君主世襲記也。商湯即位。曷為記為諸侯革命記也。周民逐厲王。曷為記為平民革命記也。秦始皇陳涉。曷為記為君權民權之消長記也。是為中國政界之活動。黃帝時代。文化胚胎時代也。唐堯之時代。文明漸起時代也。周武之時代。文治極盛時代也。故於其即位也。特記之。而孔子者。又集中國學術之大成者也。故於其降生也。亦記之。是為中國文化之變遷。此三者外。他書自能詳之。茲弗記。

黃 帝 魂

亡國二百四十二年紀念會叙

處今世而懼亡國。非狂則嚙哉。自永歷建元。窮於辛丑。明祚既移。而炎黃姬漢之邦。族亦因以漸滅。迴望皐。瀆雲物如故。惟茲元首。不知誰氏。中國之亡。既二百四十二年矣。民今方殆寐而占夢。非我族類而憂其不祀。覺寤思之。寧俟歐美分割始云。郊丘乏主也。歟。自頃品庶彫瘵。邦人諸友。愍然自謀。作書告哀。持之有故。有言立憲君主者矣。有言市府分治者矣。有言專制警保者矣。有言法治持護者矣。豈不以討謫定命。國有與立。抑其秩序。無乃凌獵。衡陽王而農有言。民之初生。統建維君。義以自制。其倫仁以自愛。其類疆幹善輔。所以凝黃中之網。縕也。今族類之不能自固。而何仁義之云云。悲夫。言固可以若是。故知一于化者。亦無往而不化也。貞夫觀者。非貞則無以觀也。且滿洲八部不當數省之衆。雕弓弧矢。未若鉛彈之烈。而薊丘大同。鞠為茂草。江都番禺。屠割幾盡。端冕淪為髯髮。坐論易以長跼。茸茲犬羊。安宅是處。哀我漢民。宜臺宜隸。鞭笞之不免。而欲參與政權。小醜之不制。而期扞禦哲族。不其忤乎。夫力不制。則役我者衆矣。莫之與。則傷之者至矣。豈無駿雄憤發。其所而視聽素。

移民無同力。恬爲胡象相隨。倒戈故會。朝清明者。鮮觀而乘馬班如者。多有也。吾屬子遺。越在東海。念延平之所生長。瞻黎洲之所乞師。潁然不怡。永懷疇昔。蓋望神叢喬木者。則興懷土之情。觀孤裘臺笠者。亦隆思古之痛。於是無所發舒。則春秋恩王父之義。息矣。昔希臘隕宗。卒用光復。波蘭分裂。民會未弛。以吾中國方幅之廣。生齒之繁。文教之盛。曾不逮是。偏國寡民乎。乃召儔侶。集會紀念。以志亡國。凡百君子。蟬嫺相屬。同茲惻隱。願吾蜀人無忘。李定國。願吾閩人無忘。鄭成功。願吾越人無忘。張煌言。願吾吳人無忘。翟式耜。願吾楚人無忘。蒙正發。願吾燕人無忘。李成黎。明天演以箴大。同察種源。以別蒙古。齊民德以哀同。胤鼓芳風。以扇游塵。庶幾陸沈之禍。不遠而復。王道清夷。威及無外。然則休戚之數。悲欣之府。其在是矣。莊生云。舊國舊都。望之暢然。雖丘陵草木之縉入之者。十九猶之暢然。況見見聞聞者耶。嗟呼。我生以來。華鬢未艾。上念陽九之運。去茲已遠。復逾數稔。逝者日往。焚巢餘痛。誰能撫摩。每念及此。彌以腐心流涕者也。君子。

禍君 (節仁學)

君禍

七

君統盛而唐虞後。無可觀之政矣。孔教亡而三代下。無可讀之書矣。乃若區玉檢於塵編。拾火齊於瓦礫。以冀萬一有當於孔教者。則黃梨洲明夷待訪錄。其庶幾乎其。次爲王船山之遺書。皆於君民之際。有隱惻焉。黃出於陸王。陸王將續莊之彷彿。王出於周張。周張亦綴孟之墜遺。輒有一二聞於孔之徒。非偶然也。若夫與黃王齊稱。而名實相反。得失背馳者。則爲顧炎武。顧出於程朱。程朱則荀學之雲初也。君統而已。豈足罵哉。夫君統有何幽邃之義。而可深耽熟玩。至變易降衷之恆性。變易隆古之學術。至殺其身家。殺其種類。以宛轉攀戀於數千年之久。而不思脫其軌耶。嗚呼。盍亦反其本矣。生民之初。本無所謂君臣。則皆民也。民不能相治。亦不暇治。於是共舉一民爲君。夫曰共舉之。則非君擇民而民擇君也。夫曰共舉之。則其分際又非甚遠於民而不下儕於民也。夫曰共舉之。則因有民而後有君。君末也。民本也。天下無有因末而累及本者。亦豈可因君而累及民哉。夫曰共舉之。則且必可共廢之。君也者。爲民辦事者也。臣也者。助辦民事者也。賦稅之取於民。所以爲辦民事之資也。如此而事猶不辦。事不辦而易其人。亦天下之通義也。觀夫鄉賽社會。必擇舉一長使。

治會事。用人理財之權威。隸焉。長不足以長。則易之。雖愚夫愚農。猶知其然矣。何獨於君而不然。豈謂舉之戴之。乃以竭天下之身命膏血。供其盤樂怠傲。驕奢而淫殺乎。供一身之不足。又濫縱其百官。又欲傳之世世萬代子孫。一切酷毒。不可思議之法。由此其繁興矣。民之俯首帖耳。恬然坐受其鼎鑊刀鋸。不以為怪。固曰大可怪矣。而君之亡。猶顧為之死。節故夫死。節之說。未有如是之大悖者矣。君亦一民也。且較之尋常之民。而更為末也。民之於民。無相為死之理。本之與末。更無相為死之理。然則古之死節者。乃皆不然乎。請為一大言斷之曰。止有死事的道理。決無死君的道理。理君者。宦官宮妾之為。愛匹夫匹婦之為。諒也。人之甘為宦官宮妾。而不免於匹夫匹婦。又何誅焉。夫曰共舉之。猶得曰吾死。吾所共舉。非死君也。獨何以解於後世之君。皆以兵強馬大。力征經營。而奪取之本。非自然共戴者乎。況又有滿漢種類之見。奴役天下者乎。夫彼奴役天下者。固甚樂民之為其死節矣。一姓之興亡。渺渺乎小哉。民何與焉。乃為死節者。或數萬而未已也。本未倒置。寧有加於此者。伯夷叔齊之死。非死紂也。固自言以暴易暴矣。則亦不忍復觀君主之禍。遂一瞑而萬世不視耳。

黃 帝 魂

黃

帝

魂

且夫彼之為前主死也。固後主之所深惡也。而事甫定。則又禱之祠之。俎豆之。尸祝之。豈不欲後之人之為我死。猶古之娶妻者。取其為我譽人也。若夫山林幽貞之士。固猶在室之處女也。而必脅之出。仕不出仕。則誅是挾兵刃。擄處女而亂之也。既亂之。又訴其不貞。暴其失節。至為貳臣傳以辱之。是豈惟辱其人哉。實陰以嚇天下後世。使不敢背去。夫以不貞而失節於人也。淫凶無賴子之於娼妓。則有然矣。始則強姦之。繼又防其姦於人也。而幽錮之。終知姦之不勝防。則標著其不當從己之罪。以威其餘。夫在弱女子。亦誠無如之何。而不能不任其所為耳。奈何四萬萬智勇材力之人。彼乃娼妓畜之不第。不敢微不平於心。且謫謫然曰。忠臣忠臣。古之所謂忠。乃愚爾乎。古之所謂忠。以實之謂忠也。下之事上。當以實上之待下。乃不當以實乎。則忠者共辭也。交盡之道也。豈又專責之臣下乎。孔子曰。君君臣臣。又曰。父父子子。兄弟弟。夫夫婦婦。教主未有不平等者。古之所誨。忠中心之謂中也。撫我則厚。虐我則讎。應物平。施心無偏袒。可謂中矣。亦可謂忠矣。君為獨夫民賊。而猶以忠事之。是輔桀也是助紂也。其心中乎不中乎。嗚呼。三代以下之忠臣。其不為輔桀助紂者。幾

希況又爲之哀。哀。歛。竭。澤。而。漁。自。爲。理。財。爲。報。國。如。今。之。言。節。流。者。至。分。爲。國。與。民。爲。二。事。乎。國。與。民。已。分。爲。二。吾。不。知。除。民。之。外。國。果。何。有。無。惑。乎。君。主。視。天。下。爲。其。囊。橐。中。之。私。產。而。犬。馬。土。芥。乎。天。下。之。民。也。民。既。擯。斥。于。國。外。又。安。得。少。有。愛。國。之。忱。何。也。於。我。無。與。也。繼。自。今。即。微。吾。說。吾。知。其。必。無。死。節。者。矣。

天下爲君主囊橐中之私產。不始今日。固數千年以來矣。然而有知遼金元清之罪。浮於前此之君主者乎。其土則穢壤也。其人則癩種也。其心則禽心也。其俗則毳俗也。一旦逞其凶殘淫殺之威。以攫取中原之子女玉帛。勦虎狼之巨齒。效盜跖之肝人馬足。蹴中原中原墟矣。鋒刃擬華人。華人靡矣。乃猶以爲未暨峻死灰復然之防。爲盜憎主人之計。錮其耳目。桎其手足。壓制其心思。絕其利源。窘其生計。塞蔽其智術。繁跪拜之儀。以挫其氣節。而士大夫之才。窘矣。立著書之禁。以緘其口。說而文字之禍烈矣。且即挾此土所崇之孔教。爲緣飾。史傳以愚其人。而爲藏身之固。悲夫。悲夫。王道聖教典章文物之亡也。此而已矣。與彼愈切近者。受禍亦愈烈。故夫江淮大河以北。古所稱天府膏腴。入相出將。衣冠文物之藪。澤詩書藻翰之津塗也。而今北

五省何如哉。夫古之暴君。以天下爲己之私產。止矣。彼起於游牧部落。直以中國爲其牧場耳。苟見水草肥美。將盡驅其禽畜橫來吞噬。所謂駐防所謂名糧。所謂厘捐。及一切誅求之無厭刑獄之酷濫。其明驗矣。且其受官也。明明托人以事。而轉使之謝恩。又適其祿入焉。何謝乎。豈非默使其剝蝕小民。以爲利乎。雖然。成吉思汗之亂也。西國猶能言之。忽必烈之虐也。鄭所南心史紀之。有茹痛數百年不敢言。不敢紀者。不愈益悲乎。明季裨史中之揚州十日記。嘉定屠城紀畧。不過略舉一二事。當時既縱焚掠之軍。又嚴薙髮之令。所至屠殺虜掠。莫不如是。即彼準部方數千里。一大種族也。遂無復餘。隆以前之舊藉。其殘暴爲何如矣。亦有號爲令主者焉。及觀南巡錄所載淫掠無賴。與隋煬明武不少異。不徒鳥獸行者之顯著。大義覺迷錄也。台灣者東海之孤島。於中原非有害也。鄭氏據之。亦足存前明之空號。乃無故貪其土地。據爲己有。據爲己有。猶之可也。乃既竭其二百餘年之民力。一旦苟以自救。則舉而贈之於人。其視吾華人之身家。曾弄具之不若。噫。以若所爲。台灣固無傷耳。尙有十八省之華人。宛轉於刀砧之下。瑟縮於販賣之手。方命之曰。此食毛踐土之分然也。

夫果誰食誰之毛誰踐誰之土久假不歸烏知非有人縱不言己寧不愧於心乎吾願華人勿復夢夢引以爲同類也夫自西人視之則早歧而爲二矣故俄報有云「華人苦到盡頭處者不下數兆我當滅其朝而救其民」凡歐美諸國無不爲是言皆將藉仗義之美名陰以漁獵其資產華人不爲之其禍可勝言哉

法人之改民主也其言曰「誓殺盡天下君主使流血滿地球以洩萬民之恨」朝鮮人亦有言曰「地球上不論何國但讀宋明腐儒之書而自命爲禮義之邦者卽是人間地獄」夫法人之學問冠絕地球故能唱民主之義未爲奇也朝鮮乃地球上最愚闇之國而亦爲是言豈非君主之禍無可復加非生人所能任受耶夫其禍爲前朝所有之禍則前代之人既已順受今之人或可不較無如外患深矣海軍燬矣要害扼矣堂奧入矣利權奪矣財源竭矣分割兆矣民倒懸矣國與教與種將偕亡矣唯變法可以拯之而卒堅持不變豈不以方將愚民變法則民智方將貧民變法則民富方將弱民變法則民強方將死民變法則民生方將私其智其富其強其生于一己而以愚貧弱死歸諸民變法則與己爭智爭富爭強爭生故堅持不變也

黃

帝

魂

黃

帝

魂

究之智與富與強與生決非獨夫之所任爲彼豈不知之則又以華比比牧場之草木寧與之同爲齏粉而貽其利於人終不令我所咀嚼者還抗乎我此非深刻之言也試徵之數百年之行事與近今政治及交涉若禁強學會若訂俄國密約皆毅然行之不疑其跡已若雪中之飛鴻泥中之團獸較然不可以掩況東事亟時決不肯假民以自爲戰守之權且曰「寧爲懷慙微欽而決不令漢人得志」固明宣之語言華人寧不聞而知之耶乃猶道路以目相顧而莫敢先發曰畏禍也彼其文字之冤獄凡數十起死數千百人違礙千禁書目凡數千百種並前數代若宋明之書亦在禁列文網可謂至密矣而今則莫敢誰何故天命去則虐焰自衰無可畏也詩曰上帝臨汝無貳汝心武王周公之呼吸直通帝座矣易明言湯武革命順乎天而應乎人而蘇軾猶曰孔子不稱湯武眞謬說也至謂湯武未盡善者自指家天下者言之非謂其不當誅獨夫也以時考之華人固可以奮矣且舉一事而必其事之有大利非能利其事者也故華人慎毋言華盛頓拿破侖矣志士仁人求爲陳涉楊玄感以供聖人之驅除死無憾焉若機無可乘則莫若爲任俠亦足以伸民氣倡勇敢之

黃

帝

魂

風亦撥亂之具也。西漢民情易上達。而守令莫敢肆。匈奴數犯邊。而終驅之於漠北。內和外威。號稱一治。彼吏士之顧忌者。誰歟。未必非游俠之力也。與中國最近而亟當效法者。莫如日本。其變法自強之効。亦由其俗好帶劍行游。悲歌叱咤。挾其殺人報仇之氣。醖出則鼓更化之機也。儒者輕詆游俠。使比之匪人。烏知困於君權之世。非此益無以自振拔。民乃益愚弱而竊敗言治者。不可不察也。

幸而滿人之兵不强也。向使海軍如英法。陸軍如俄德。恃以逞其殘賊。豈直君主之禍愈不可思議。而彼白人焉。紅人焉。黑人焉。梭色人焉。將爲準噶爾。欲尙存嚙類焉。得乎。故東西各國之壓制中國。天實使之所以曲用其仁愛。至於極致也。中國不知感。乃欲以挾忿尋仇爲務。多見其不量。而自窒其生矣。又令如策者之意。見竟驅彼於海外。絕不往來。前此本未嘗相通。仍守中國之舊政。他日覩爲大盜。鄉愿吞剝。愚弄縣延。長夜豐蔀。萬劫不聞。一新理不覩。一新法則二千年由三代之文化降而今日之土番野蠻者。再二千年將由今日土番野蠻降而猿狖而犬豕而蛙蚌而生。理殄絕。惟餘荒荒大陸。若未始生人。生物之沙漠而已。夫焉得不感天之仁愛。陰使

黃

帝

魂

中外和會。救黃人將亡之種。以脫獨夫民賊之鞅。輒乎遠者吾弗具論。湘軍之平定。東南此宛宛猶在耳目者矣。洪楊之徒。苦於君官挺而走險。其情良足憫焉。至西國刑律。非無死刑。獨於謀反。雖其已成。亦僅輕繫數月而已。非故縱之也。彼其律意。若曰。謀反公罪也。非一人數人所能爲也。事不出於一人數人。故名公罪。公罪則必有不得已之故。不可任國君以其私而重刑之也。且民而謀反。其政法之不善。可知爲之君者。猶當自反。藉曰重刑之。則請自君始。此其爲罪。直公之上下耳。奈何湘軍乃戮民爲義。耶。雖洪楊所至。頗縱殺。然於既據之城邑。亦未嘗盡戮之也。乃一經湘軍之所克復。倍搜緝捕匪。爲名無良莠。皆膏之於鋒刃。乘勢淫擄。焚掠無非。不至捲東南數省之精髓。悉數入於湘軍。或至逾三四十十年。無能恢復。其元氣若金陵其尤凋慘者也。中興諸公。正孟子所謂服上刑者。乃不以爲罪。反以爲功。湘人既挾以自驕。各省遂爭慕之以爲可長恃。以無敗。苟非牛莊一潰。中國之昏夢將終。天地無少蘇。夫西人之入中國。前此三百年矣。三百年不駭詫。以爲奇。獨湘軍既興。天下始從而痛絕之。故湘人守舊不化。中外讎視。交涉愈益棘。手動召奇禍。又法令久不變。至今

爲梗亦湘軍之由也。善夫東方商埠述要之言曰：「英人助中國蕩平洪楊而有識之士愈謂當日不若縱其大亂。或有人出而整頓政紀。中國猶可渙然一新。不至如今日之因循不振。蓋我西國維新之政。無不從民變而起。」云云。是則湘軍助紂爲虐之罪。英人日分任之矣。奈何今之政治家猶囂然侈言兵事。豈其膚革堅厚。乃踰三尺之鋼甲。雖日本以全力創之。曾不少覺辛痛耶。若夫日本之勝。則以善倣效西國仁義之師。恪遵公法。與君爲仇。非與民爲敵。故無取乎殺敵軍。被傷者爲紅十字會以醫之。其被虜者待和議成而歸之。遼東大饑。中國不之恤。而彼反糜巨金。汎粟以賑之。且也摧敗中國之軍。從不窮追。亦不過鳴空礮。懾之而已。是尤有精義焉。蓋追奔逐北。能斃敵之十五六爲至衆矣。而其未死者必鑒於奔敗之不免於死。再遇戰事。將憤而苦鬪以求生。是敗卒皆化爲精兵。不啻代敵操練矣。惟敗之而不殺。使知走與擒皆求生之道。由是戰者知不戰不死。戰必不勇。守者知不守不死。守必不堅。民知非與已爲敵。必無固志。且日希彼之惠澤。當日本去遼東時。民皆號泣從之。其明徵也。嗟乎。仁義之師。所以無敵於天下者。夫何恃。恃我之不殺而已矣。易曰。神

武不殺。不殺卽其所以神武也。佳兵不祥。蓋圖之哉。

滿人之兵。固不足以禦外侮。而自屠割其民。則有餘。自屠割其民。而方受大爵。膺大賞。享大名。矍然驕居。自以爲大功。此吾所以至恥。惡湘軍不須臾忘也。雖然。彼爲兵者。亦可謂大愚矣。月得餉銀三兩餘。營官又從而減蝕之。所餘無幾。內不足以贍其室家。外僅足以殖其生命。而且飢疲勞辱。無所不至。寒凝北征。往往凍斃於道。莫或收恤。其無所賴於爲兵如此也。然而一遇寇警。則驅使就死。養之如彼。其薄責之如此。其厚自非喪心病狂生而大愚者。孰肯願爲兵矣。迨聞牛莊一役。不戰而潰。爲之奇喜。以爲吾民之智。此其猛進乎。至於所謂制兵。養蠶愈薄。然本不足以備戰守。又不足論。且其召募皆集於臨事。非素教之也。敵既壓境。始起而奮。其農民之耒耜。強易以未嘗聞之後。膛槍礮。使執以禦敵。不聚殲其兵。而饋械於敵。夫將焉往。及其死。綏也。則委之而去。視爲罪所應得。旌恤之典。盡屬虛文。妻子哀望。莫之過問。卽或幸而不死。且嘗立功矣。而兵難稍解。遽遣歸農。扶傷裹創。生計乏絕。或散於數千里外。欲歸不得。淪爲乞丐。而殺游勇之令。又特嚴酷。吾初以爲游勇者必其兵勇之逃亡。

爲盜賊者。然不得爲盜賊之証也。既乃知不然。即其遣散不得歸者也。今制獲游民。先問其曾充營勇否。曾充營勇。即就地正法。而報上官曰。殺游勇若干人。上官卽遽以爲功。所謂游勇。此而已矣。嗚呼。吾今乃知曾充營勇。爲入於罪死之名。上旣召之。乃卽以應召者。爲入於罪死之名。是上以死罪召之也。設陷罪。以誘民從而扼之。殺之以遇禽獸。或尙不忍矣。奈何虐吾華民。果決乃爾乎。殺游勇之不足。又濟之以殺會匪。原會匪之興。亦兵勇互相聯結。互相扶助。以同患難耳。此上所當嘉予贊歎者。且會也者。在生人之公理。不可無也。今則不許其公。不許其公。則必出於私。亦公理也。遂乃橫被以匪之名。株連搜殺死者。歲以萬計。往年梅生李洪同謀反之案。梅生照西律監禁七月。期滿。仍逍遙海上。而中國長江一帶。則血流殆遍。徒自虐民。不平孰甚。況官吏貪於高擢。賤勇誣於厚賞。於是誣陷良民。枉殺不辜。蔑所不有矣。凡此皆所謂罪也。彼其治天下也。於差役亦斯類也。旣召而役使之矣。復賤辱之。蹴踢之。三代不得爲良民。著於今。且又不唯兵與役之爲罪也。其所以待官待士待農待工待商者。繁其條例。降其等差。多爲之網罟。故侵其利權。使其前跋後躓。牽制百狀。力

倚筋疲末。由自振率老死於奔走艱蹇。而生人之氣。索然俱盡。然後彼君主者。始坦然高枕曰。莫予毒也。已。此其穿天下之故。莊子所謂游於羿之彀中。中者地也。然而不中者命也。今也不中者誰歟。君王之禍。所以烈矣。

客帝

自古以用異國之材爲客卿。而今始有客帝。客帝者何也。曰如滿洲之主震旦。是也。夫整軍之將。司稅之吏。一切假客卿於歐美。則以鷄林棘藿之實旅而爲客帝。於中國也何損。知是而逐漸之論。殆可以息矣。抑夫客卿者有用之者也。客帝者孰爲之主。而與之靈紱者也。明堂大微不司其勳。岱山梁父不載其德。沃土于震旦。而食其賦稅。旣無主矣。而客于何有。曰已矣。勿復道矣。咸池之均。勿可以入里耳矣。必若言之。吾則曰。震旦之共主。自漢以來二千餘年。而未嘗易其姓也。昔者春秋以元統天。而以春王爲文王。文王孰謂。則王愆期以爲仲尼。是已。歐洲紀年以耶穌衛藏紀年。以釋迦而教皇與達賴刺麻者。皆嘗爲其共主。震旦之共主。非仲尼之世。則誰乎。梅福之訟王章也。見新室盜漢之朕而塞之也。及王章不可訟。而上紹殷之議。其指

歸則以聖庶奪適爲臬。是何忘漢之社稷而爲此闊疏之計耶。夫固素王不絕黑絲之德。不弛則震旦之域。亘千百世而有共主。若夫攝斧展掌圖籍者。新乎漢乎。則猶菌鶴馬蜩之相過乎前而已矣。繇福之說。苟言大同。必有起於側陋。握石椎而懷神珠者。吾民以爲可恃。然後君之斯固擁戴也。亦不得世及矣。若猶是世及也。冠冕未裂。水土未堙。震旦之共主。其必在乎曲阜之小邑。而二千年之以帝王自號者。特猶周之桓文。日本之羈府也。苟如是。則主其賞罰而不得尸其名位。震旦有主。則爲羈府於豐鎬。秣陵汴雒北平者。漢乎。滿乎。亦猶菌鶴馬蜩之相過乎前而已矣。苟攝之者不得其指。而自以鎮撫九有。若天之有攝提大角。斯猶大夫之臆岱。其罪不赦。此漢唐之所以爲天囚。非命而客帝之所以愈迫民以攘逐也。難者曰。今之衍聖公。其爵則九命。其冊封則必于京室。今倒置其分。羈其封之者。而帝其受之者。其左夫曰。已矣。勿復道矣。吾固曰。咸池之均。勿可以入里耳矣。繁露有言。天子不臣二代之後。而同時稱王者三。是則杞宋之在周世。其名則公。其實則王也。書梓材以厥臣達王。惟邦君正義曰。鄭以王爲二王之後。夫以勝國之餘孽。不立其圖法。不用其官。

黃 帝 魂

黃

帝

魂

守。然猶通三統而王之。況朝野皆奉其憲法。以綱紀品庶者歟。名曰衍聖公。其實秦皇也。若夫錫命之典。自漢之封紹嘉。以至于今。更十七姓。七十有餘主。而不能以意廢黜之。夫非一代之主所得廢黜者。則亦非一代之主所得冊封也。雖微冊封于孔氏之位。何損其冊封。則羈主媚臣之自僞。僭濫亦猶乾隆之世。英吉利嘗一通聘而遽書之以爲入貢之藩。云爾。且昔者成周之末。王赧已虜。而東周特畿內之侯也。其于七王爵位。固不相若。亦侍祠貢獻惟謹。且聽其黜陟焉。宋氏之于金元。亦嘗至乎稱臣稱姪矣。然而言神州之王統者。終不以彼而奪。此苟以是爲比。則衍聖當帝。而人主之當比于桓文羈府也。豈顧問哉。雖然。此猶千載蠱事。藏于石室。史官儒生。得守空文。以持其義。而世主未嘗既其實也。土著之后。逆取順守。尙已。方其盛時。持重萬鈞。環天下而爲臣妾。雖臨辟廂。固不欲捐其黃屋。以朝孔氏之嘗酎。斯已泰矣。及夫陵夷積弱。處逃責之臺。被竊鈇之言。大枋既失。勢儕于家人。寧奉表以臣敵國。而猶歸然自謂尊於玄聖之裔。豈不忤哉。乃夫賓旅侵突。而爲君者。故邇梁遠。皆以華夏爲異類。蠶刃所抵。類禡厥宗。而無所慰痛。揚州之屠嘉定之屠江陰之屠金華之。

屠陷肉也。如黑鷺竊室也。如羣毫其他搭發。審藏掘冢。壞陵而取其金鼎玉杯銀食。朱儒之寶以爲儲藏者。不可以簿籍記也。及統一天下。六官猶耦防營。猶設一明末馬阮築板機城爲西防。左良玉歎曰。今西何所防。殆防我耳。今之駐防。則誰防乎。名不正言不順。二百年泄泄然而不改。異夫。一託不加賦以爲美名。而以胡騎之饑饉。剽敝府庫。迄有獄訟。則漢民必不可以得直。迄有劇寇。漢臣賢勞而夷其難。創痍既復。又置其同族於善地。以亂其治。吾義士之謀攘逐者。亦寧有過職乎。逐加於滿人而地割於白人。以是爲神州大詢。夫故結肝下首而不欲逞其志。鑒于蜀宋也。蜀相之結荆楊也。非忘報也。彼忌曹氏。則吳不得怨。故覆於南郡。燼於白帝。再挫之。忿而不敢復焉。宋與女真宗禍之痛也。引蒙古以滅之。終自戕敗。廟算失矣。故地處其逼勢處其遑。九世之仇而不敢復焉。何者。犖牛之鬪。玄熊之怒。以格其間。則二牛皆鬪也。且夫今世則有所謂聖明之客帝。椎胸齧臂以悔二百五十年之過矣。彼疏其頑童。昵其地主。以百姓之不得職爲己大恥。將登薦賢輔。變革故法。使卒越勁。使民果毅。使吏精廉。彊力以禦白人之侮。大東辛顓之胄。且將倚之以爲安穩。若是又

黃帝魂

黃帝魂

可逐乎。雖然。勿逐則高義殆乎。格配天之志殆乎。息天決勝負于一朝兩族。皆奮而不顧。其後者。日莫途遠之所計。雖非少康猶之伍員也。震旦雖壞敗寧無其人耶。其攘逐滿洲也。在今日。其不攘逐滿洲也。亦在今日。客帝誠聖明。則必取謨于陸贄。引咎降名以方伯自處。一唐書陸贄傳。德宗議更益大號。贄曰。今乘輿播越。大慙未去。此人情向背。天意去就之隙。陛下宜痛自貶勵。不宜益美名以累謙德。帝曰。卿言固善。然要當小有變革。爲朕許之。贄奏。晉古之人。君德合於天曰皇。合於地曰帝。合於人曰王。父天母地。以養人。治物得其宜者曰天子。皆大名也。三代而上。所稱象其德。其德不敢有加焉。至秦乃兼曰皇帝。流及後世。昏僻之君。始有聖劉天元之號。故人主輕重。不在稱謂。視德何如耳。若以時屯當有變革。不若引咎降名。以祇天戒。且矯舊失。至明也。損虛損。大知也。寧與加冗號。以受實惠哉。按天子降名之義。自秦以後。廢絕久矣。贊圖高引古義。用相匡正。豈非二千年中嘉言之端冕乎。至言加冗號。受實惠則益爲客帝針艾矣。一締郊之祭。鷄次之典。天智之玉。東序之寶。一切上之於孔氏。彤弓黃鉞。納陛電匱。一切受之於孔氏。退而改革。朝官皆知宗人府丞。一朝官

皆滿漢二昌。獨宗人府丞。則祇一漢員。固以漢人非其僕隸。得臨制公族爾。知此微意。夫何遠哉。一圉地之滿蒙。駐防之八旗。無置馬甲。而除而名糧。一切受治於郡縣。自將軍以至佐領。皆退爲散秩。大政既定。奏一尺書。以告成於孔氏。吾讀伊尹書。有九主。有素王。吾讀中候。至於霸。免（鄭注。霸猶把也。把天子之事。）有受空之帝。（鄭注。謂楚之義帝。）今以素王空帝尸其名位。而霸者主其賞罰。則吾震旦所君事者。固聖賢已。其建霸府於域中。則師不陵正。而旅不逼師。臣民之視客帝。非其。后辟其長官也。霍光也。金日磾也。李晟也。渾瑊也。其種系不同。而其役使我王室也。若一則部曲之翼戴之也。漢乎。滿乎。亦猶南鶴馬蜩之相過乎前而已矣。君臣不屬。則報志或可以息。雖無攘逐。亦無負於高義。然則二族皆寧。而梅福之大義。且自今始乎。雖然。尙觀明堂合宮之法。家天下則帝孔氏。百世丕天之大律。非獨爲猾夏之代已也。

著者此篇。雖懷抱種族之悲思。以從容降替今之竊據中國者。而主張帝孔。仍不脫教宗窠臼。今日民族主義。日益發明。吾黃帝子孫也。自當遠溯黃帝。編者識。

論髮辮原由

自頃道路傳言。廣西民黨。割辮者。至一萬八千人之多。而吾人之旅南洋荷屬者。又相率而各去其辮。聞者快之。蓋數年來。吾人之惡此辱國物。而從而去之者。已大有日增月盛之勢矣。其有眷戀故鄉。不乃毅然舍去者。亦多購取頭等卷辮髮而藏之。外着西服。其如面黃肌瘦。不脫「差拿文」一本相何哉。夫人與人相處。最易生感情者。莫如性情語。言衣服裝束。而性情如何。非久處不知。語言如何。非問答不知。若衣服裝束。則一望而見。其與己同者。安之。與己異者。駭之。與己同者。喜之。與己異者。惡之。人情之大較也。鄉人之惡僧道也。豈有他哉。惡其增之衣服裝束。異於常人耳。衣服裝束之異。既以此見。惡於衆。斯并其爲人而惡之矣。漢人之視漢人。且然。況於外人之視漢人乎。外人之入中國內地也。漢人空巷而觀之。一市而閱之。愚夫愚婦。乃至有投以瓦礫者。夫外人者。亦兩眼兩耳。兩手兩腳。一鼻一口。與吾漢人無少殊別。未嘗如觀音化身。七手八腳之奇。山海經雙頭雙身穿胸一足之異。而何以取憎於吾漢人也如是。毋亦衣服裝束之殊。有以動其感情歟。外人之至吾國。日然。況漢

人之旅外國乎。其見惡也宜矣。故凡吾人所至之地有半邊和尚之稱。有拖尾奴才之號。或侮之或辱之。甚或以鎗轟斃之。含冤茹苦。無可告訴。嗟我漢人。託身異國。爲馬爲牛。爲奴爲婢。爲人開闢土地。滋生財產。固未嘗稍有侵犯外人之權利也。即並一己之勤勞。亦曾不得享爲人之權利。夫亦已矣。而外人乃從而憎之。何哉。其故固由國家政治之不振。兵力之不強。而衣服裝束之殊。抑亦有以召之。不可謂非無因也。夫漢人之形狀。所以特異於外人者。莫如髮辮一事耳。天下之賤種。至紅毛土番。烟剪巫來黑人而已極。衰亡之國。至印度高麗而已極。而外人之憎之惡之。乃遠不若漢人之甚者。其故何哉。蓋彼雖賤種。能自改裝。故不覺其甚異。高麗雖不改裝。而用前明之製。藏髮於頂。以冠覆之。亦與西人短髮畧同。而漢人則頭蓬其半。背曳以辮。如繩索如鎖鏈。如獸尾自顧亦覺形穢矣。何況外人其於身體種種之不便於家計。種種之不便於國家。種種之不便遊外洋者。莫不備嘗其害。深惡而痛絕之。其猶有未能盡決者。乃不曰朝廷固如此。則曰祖宗所留遺。一若此髮辮爲吾族所固有。去之不獨有違國法。抑且羞見祖宗者。人之愚一至此哉。今請與言此髮辮之所由。

來嗚呼。吾言及此。吾撫此髮辮。不禁淚涔涔下。哀吾同胞。祖先之慘狀。而吾輩子孫今日之苦。尙未有窮期也。

諸君。諸君。吾輩祖先之衣服裝束。不可得而見之矣。卽或見之。一。二家傳之遺像。亦近代之祖宗。則然耳。明以前罕有存焉。然諸君雖或不及讀書。不能考古。要未有不曾觀劇者。劇中所演。大抵多先朝之事實。用先朝之衣冠。夫先朝之衣冠。卽吾輩祖先之衣服裝束也。其與一。同否。耶。自秦漢迄明。千餘有年。衣服所尙。雖間有微異。而大體則同。蓋中國爲文明發生之國。文物衣冠。艷稱世界。古所謂垂裳之治。如春秋時會盟。征伐。夷狄戎蠻。凡來會者。皆喜而書之。以爲與於衣裳之會。吳夫差蒞會。呼曰。冠來。春秋嘉之以吳爲斷髮。文身之蠻俗。能重冠裳。卽爲去夷狄而入中國之明証。及夫五胡之亂。金元之入。雖殘暴戕賊。野性難馴。而一踐漢土。莫不自慚形穢。去氍毹之舊俗。效漢官之威儀。讀累朝輿服志。固猶歷歷可考也。古詩曰。『結髮爲夫妻。』今諺猶曰。『結髮夫婦。』結髮者。前明之制。夫婦同之。若今則婦結髮而夫不結髮矣。又曰。『臣結髮從戎。』『臣束髮受書。』結髮束髮。皆以髮加於頂。未有曳。

黃

帝

魂

之於背者。蓋吾明以前。不論何種。不論何土。一入中國。則皆一用中國之衣服裝束。雖以齊桓之短衣。而霸趙靈之胡服。騎射衣制。偶異而結髮之風。要歷四千年。不易也。何居天不宥吾遽。以此如繩索如鎖鏈如獸尾者。驟加吾項乎。滿清種族。起自韃靼之部落。侵擾北邊。明代賊臣吳三桂。以寵妾故。激於私憤。不顧利害。大開山海關。引之入寇。而滿清遂得席卷中原。所躪名城。皆令薙髮。不薙者屠之。當時有洗城之令。得城或大殺十日。而後止。或小殺數日。而後止。餘者則皆薙髮。以爲其民。吾輩同胞之祖先。皆其殺戮之餘也。薙髮之令。既嚴其餘而降者。或萬人或數千人。限以一日。而畢髮匠荷擔於市。標其幟曰「奉旨剃頭」。逢人則強薙之。而吾輩同胞之祖先。生平未經此創。一旦去此。則腦膜無所遮護。或爲薄寒之所中。或爲疾風之所侵。頃刻而死者。蓋不可以數計。其他刀痕隱隱。膚破血流者。更不知幾何矣。嗚乎。吾輩同胞之幸。存於今日。皆吾祖先淚痕血點之所留餘也。乃吾漢人受如此關於國種最大且鉅之奇慘毒虐。歷史不得而載之。父老不得而傳之。遂令愚夫愚婦。以爲髮辮之事。爲中國從古所已然。不敢變易。變則謂之背祖忘先。嗚呼。抑孰知其祖先之

死於髮辮如是。其可悲也哉。孰知吾言至此。哀吾祖先與同胞祖先。當時薙髮之慘。而撫身摩頂。今日猶未能出奴隸之籍。脫牛馬之羈。以雪祖先之遺恨。而爲之長號痛哭也哉。

黃

帝

魂

昔明太祖之討元也。布檄文於國中曰：「予本淮右布衣。因天下大亂。爲衆所推。率兵渡江。據金陵。形勢之地。自痛中原民庶久陷北虜之中。方欲舉兵北伐。起斯民於塗炭。復漢官之威儀。」讀此可見中國之陷於異族。則衣服必稍變易矣。然元之竊據。不過數十年之久。卽爲我漢人所撲滅。未有若滿清之盤踞二百五十餘年。而以半邊和尚貽羞我漢人。如今日之甚者也。諸君。諸君。髮辮之害如此。雖欲不變通之。其可已乎。戊戌推翻新政。一蹶不振。論者多咎變法之初。不先變髮。髮短不可以驟長。不可以驟長。則面目形狀既變。衣服裝束不得不隨之而變。衣服裝束變而行爲政治皆不得不變矣。惜乎未能先事於斯。遂令一往無餘也。蓋欲除滿清之藩籬。必先去滿洲之形狀。舉此累贅惡濁煩惱之物。一朝而除去之。而後彼之政治乃可得而盡革也。雖然。髮辮旣去。其去滿洲之衣服裝束必矣。則將效僧道之衣服裝束乎。

抑仍取劇中所演之古衣服。古裝束而效法之乎。率四萬萬人而僧道之不祥。而所謂古衣服古裝束者。則又寬綽腐敗而不適於用。合古今中外而變通之。其唯改易西裝。以漸進於大同矣。既有西裝之形式。斯不能不有所感觸。進而講求西裝之精神。西裝之精神在於發奮踴躍。雄武剛健。有獨立之氣象。無奴隸之性根。且既講求其精神。斯不能不取法西人所謂政學法律工藝商農之美法。一一而舉行之矣。不寧唯是。衣服裝束與西人同。則酬酢易相和洽。無形格勢禁之疑。衣服裝束與西人同。則往來查察事務。於政學工商取資不少。無猜忌凌辱之患。萬國咸尚西裝。一國獨爲異服。則於公理上有礙。不獨見惡於觀瞻。已也。西裝嚴肅而發皇。滿裝鬆緩而衰懦。則於人種上有關。不獨取便於身體。已也。西裝之利如此。滿裝之害若彼。雖無取辱之弊。猶將變之。況見逐取禁。國內取滅。海外被擊。有種種傷心慘目之事哉。雖然。髮辮之所由來。由於滿洲之入中原。意者髮辮之消除。亦與滿洲而俱盡乎。語曰。『出乎爾者。反乎爾。』髮辮之行運如此。其久而中國退化之局。乃如此。其極意者。以髮辮之低垂而人之聰明智識亦由之而低下乎。吾滋感焉。以吾觀之中外之大。

黃

帝

魂

黃

帝

魂

古今之久。先代之結髮。滿清之辮髮。西人之短髮。髮凡三變。而世界之風潮日新月異。而歲不同。進化文明之程度亦不知相去幾千矣。欲脫滿清之羈軛。而比肩世界之文明。以復我漢人之國土者。其知所擇矣。至於髮之爲用。或長或短。或少留。或全薙。劉陽譚氏仁學言之詳矣。而西人論者尤多有好頭顱者。攬鏡當自知之。不具論。中國古世衣冠。誠如著者所云。寬綽腐敗。不適於用矣。然如近日所演之水滸傳。七俠五義等劇。頭頂高髻。內束緊身。外披圓領。雙結寬綽長袍。既美觀瞻。又復靈便。不失尙武精神。視西人之遍身結束。舉止生硬者。反覺文明。使他日全地球胥同乎此。人不亦懿乎。編者誌。

正仇滿論

梁啓超既主立憲政體。又爲積弱溯源論。曰。真有愛國心而具特識者。未有仇視滿人者也。嗚呼。梁子迫於忠愛之念。不及擇音而忘理勢之所趨。其說之偏宕也。亦甚矣。夫今之人人。切齒於滿洲。而思順天以革命者。非仇視之謂也。屠創之慘。焚掠之酷。鉗束之工。聚斂之巧。往事已矣。其可仇視者。亦姑一切置之。而就觀今日之滿人。

則固制漢不足亡漢。有餘載其咎。竊無一事不足以喪吾大陸。今夫官吏之溺職者。則取而廢黜之。非有所仇視於官吏也。人民之殺人行劫者。則執而斷斬之。非有所仇視於人民也。今滿人之鬪茸者。進不知政。退不知農商。睚眦狀若鹿豕。惟賴宗祿甲米爲養。而一二桀黠者。則一切取吾漢人之善政。而顛倒更張之一切。取吾漢人之賢駿。而芟薶鉏刈之。然則所謂溺職者。與所謂殺人行劫者。其今之滿人。非耶。雖無入關以來屠創焚掠鉗束聚斂之事。而革命固不得不行。奈何徒以仇視之。見狹小漢人乎。觀梁子所論以路易十四比乾隆。以擁護一姓私產而不爲國民全體罪。曾左諸公。其知滿洲全部之當去也明矣。所極不忘者。獨聖明之主耳。夫其所謂聖明之主者。果能定國是。厚民生。修內政。禦外侮。如梁子私意所料者耶。彼自己未以後。長慮却顧。坐席不煖者。獨那拉氏之廢置我耳。殷憂內結。智計外發。知非變法。無以交通外人。得其歡心。非交通外人。得其歡心。無以挾持重勢。而排沮那拉氏之權力。故戊戌百日之新政。足以書于盤盂。勒于鐘鼎。其迹則公。而其心則祇以保吾權位也。曩令制度未定。那拉天殂。南面聽治。知天下之莫予毒。則所謂新政者。亦

實 帝 魂

實

帝

魂

任其遷延。墮壞而已。何也。滿漢二族固莫能兩大也。今以滿洲五百萬人。臨制漢族四萬萬人。而有餘者。獨以腐敗之成法。愚弄之鋼塞之耳。使漢人一日開通。則滿人固不能晏處于域內。如奧之撫匈牙利。土之馭東羅馬也。人情誰不愛其種類。而懷其利祿。夫所謂聖明之主者。亦非遠于人情者也。果能敝屣其黃屋。而棄捐所有。以利吾漢人耶。藉曰其出於至公。非有滿漢畛域之見。然而新法猶不能行也。何者。滿人雖頑鈍無計。而其怵惕于漢人。知不可以重器假之。亦人人有是心矣。頑鈍愈甚。團體愈結。五百萬人同德戮力。如生番之有社寮。是故漢人無民權。而滿洲有民權。且有貴族之權者也。雖無那拉氏而掣肘者。什伯於那拉氏。雖無榮祿而掣肘者。什伯於榮祿。今夫建立一政。登用一人。而肺腑暱近之地。羣相譁曉。朋疑衆難。雜沓而至。自非雄桀獨斷。如俄之大彼得者。固勿能勝是也。共譴四子於堯。皆葭莩姻婭也。靖言庸回而堯亦不得不任用之。今其所謂聖明之主者。其聰明文思。果有以愈於堯耶。其雄桀獨斷。果有以儕於俄之大彼得者耶。由是言之。彼其爲私。則不欲變法矣。彼其爲公。則亦不能變法矣。進退無所處。而猶隱憂於此。一人何也。梁子又曰。今

之民。賊其在漢人者。往往而有。非獨新入。然也。夫漢人之有民賊。固也被思。今之漢人。判渙無羣。人自爲私。獨甚於漢唐宋明之季者。誰致之。而誰迫之。耶。吾以爲今人雖不盡以逐滿爲職志。或有其志而不敢言。言於嚆人。然其輕視難。輟以爲異種。族者。此其種性。根於二百年之遺傳。是固至今未去者也。往者陳名夏錢謙益輩。以北面降虜。貴至閣部。而未嘗建白一言。有所補助。如魏徵之於太宗。范質之於宋祖者。彼固曰。異種賤族。非吾中夏神明之胄。所爲立於其朝者。特曰冠貂蟬。襲青紫。而已。其存聽之。其亡聽之。若曰。爲之馳驅效用。而有所補助於其一姓之永存者。非吾之志也。理學諸儒。如熊賜履。魏象樞。陸隴其。朱軾輩。時有獻替。而所因革。未有關於至計者。雖曾胡左李之所爲。亦曰建殊勛。博高爵耳。功成而後。於其政治之盛衰。宗社之安危。未嘗有所籌畫焉。是并梁子所謂擁護一姓者。而非其志也。其他朝士入則彈劾。權貴出則搏擊豪彊。爲難能可貴矣。次即束身自好。優游卒歲。以自處於朝隱而下之貪墨。無藝怯懦。忘恥者。所在皆是。三者雖殊科。要其大者。不知會計之盈黜。小者。不知斷獄之多寡。苟得稟祿以全吾室家。妻子。是其普通之術矣。無他。本

黃 帝 魂

黃 帝 魂

陳名夏錢謙益之心。以爲心固二百年而不變也。明之末世。五遭革命。一命之士。文學之儒。無不建義旗。以抗仇敵者。下至販夫乞子。兒童走卒。元志不屈。而仰藥割刃以死者。不可勝條也。今者北京之破。民則願爲外國之順民。官則願爲外國之總辦。食其俸祿。資其保護。盡順天一城之中。無不牽牛把茅。甘爲武臣者。若其不事異姓。躬自引決。縉紳之士。殆無一人焉。無他。亦曰異種賤族。非吾中夏神明之胄。所爲立於其朝者。特曰冠貂蟬。襲青紫而已。其爲滿洲之主。則聽之。其爲歐美之主。則聽之本陳名夏錢謙益之心。以爲心者。亦二百年而不變也。然則滿洲弗逐。而欲士之爭自濯磨。民之敵愾。効死以期。至乎獨立不羈之域。此必不可得之數也。浸微浸衰。亦終爲歐美之奴隸而已矣。非種不去。良種不滋。敗羣不除。善羣不殖。自非躬執大彗以掃除其故家汙俗。而望禹域之自完也。豈可得乎。梁子又曰。歐洲列國。常有君統乏嗣。而迎立異國之公族。以爲君者。故知中國積弱之源。非必由於滿人之君天下也。夫歐洲各國。大抵出於日耳曼種。偷通賽而脫等。百種千名。所在殊狀。而其文明程度。大略相等。且其迎立新君。往往出於婚媾之國。是非滿漢之可與並論者也。之

嗣而迎立新君則其國家已定矣。若夫兩種雜居。擴者處上。束鉗縛制。使其一種欲爲牛馬。臧獲而不可得我欲。以大度容人。而如人之不以大度容我。何則。希臘意大利之自立。有故事矣。梁子頌言歐洲迎君之美。而諱稱希臘意大利自立之事。豈不持之有故。言之成理。耶。抑何其偏宕而遠於事情也。嗚呼。梁子所悲痛者。革命耳。所悲痛於革命。而思以建立憲法易之者。爲其聖明之主耳。夫所謂革命者。固非溷淆清濁。而一概誅夷之也。自渝關以外。東三省者。爲滿洲之分地。自渝關而內。十九行省者。爲漢人之分地。滿洲嘗盜吾漢土。以爲己有。而吾漢人於滿洲之土。未嘗有所侵攘焉。今日逐滿。亦猶田園居宅。爲他人所割據。而據舊時之契約。界碑。以收復吾所故有而已。而彼東三省者。猶得爲滿洲自治之地。故曰逐滿。而不曰殲殺滿人。其地未割於俄羅斯歟。則彼猶得保其主權。而將率醜類。以爲蠻夷之大長。尙不失其地位也。其地果割於俄羅斯歟。東胡大地。曠蕩鮮人。水草猶多。牧馬猶殖。使五百萬人者。反其故土。林林而立。總總而居。亦猶是滿洲之舊俗也。夫苟奮然切齒於前日。屠創焚掠。鉗束聚斂之怨。則將挈其庭。掃其閭。鞭其墓。瀦其宮。積醢成阜。喋血爲渠。

如去歲西人之仇殺義和團者。比於揚州十日。嘉定三屠。尙爲未減。而未有增也。此則合於九世復仇之義。夫誰得而非之。今一切不計。而徒曰逐滿而已。宅爾宅。畋爾田。各營生計。特不得以腥羶於吾漢土。是其待之也。亦可謂至公至仁矣。其尙得曰仇視歟。乃夫此一人者。誠使不失其聖明。而能與俄羅斯相安。則奴爾哈齊之帝號。固未替也。若其漸染華風。樂慕上國。如匈奴賢王之歸化者。則封以三恪。處以大第。入朝不趨。贊拜不名。所以酬其百日變政之功者。固自有道。寧有斬以輕呂。懸以大白者乎。嗚呼。爲說至此。而革命與梁子所謂保皇會者。抑可以無間矣。昔之保國者。曰保中國。不保大清。今之革命而不廢保皇者。曰保生命。不保權位。雖梁子躬自革命。而於其忠愛之念。猶若可以無憾。夫何灼灼慈愛。以悲痛於此乎。若夫梁子所謂立憲者。吾又不知其何以能立也。凡一國專制之主。而欲立之權限。勿使自恣者。必有國會議院。以遏其雷霆萬鈞之勢者也。而是二者。皆起於民權。非一人之所能立。方今疆埴屯否之世。顧所謂民權者。安在乎。其必睿聖仁彊之丈人。文能附衆。武能却敵者。糾合志志。大縣小搏。以與凶頑爭命。而後可以就事。事之既就。人心所歸。必

在英桀。則此睿聖仁彊者。雖欲不居帝位。而抑無所遁。苟日使被反其初服。而惟以舊日假號之帝王。爲吾共主。是則遷立共主之法。不於賢否。而惟於成俗沿襲之虛名也。今夫中國非可以日本爲比例者也。彼以二千五百年之舊主。神器相傳。無有移易。則臣民之於舊主。亦既有其感情。故維新之始。雖以志士號呼搏擊。得奠大功。而卒以尊王爲成績。是豈處置異種者所得援以爲例者哉。必使民權既成。而猶立憲以保此一人之位。何異漢高破秦而使之尊事懷王。明祖滅元而使之擁戴林兒。微特於義無取。亦事之必不可得者也。吾故曰。梁子迫於忠愛。而忘理勢之所趣也。案梁子又言。日本異國。我猶以同種同文引而親之。何有於滿洲。夫自族民言之。則滿日皆爲黃種。而日爲同族。滿非同族。載在歷史。粲然可知。自國民言之。則日本隔海相對。自然一土。而滿洲之在鷄林鞬鞞。亦本不與支那共治。且其文字風俗之同異。則日本先有漢字。而後制作和文。今雖雜用漢字。猶居大半。至滿洲則自有清書。形體絕異。若夫氈裘渾酪之俗。與日本之葛布魚鹽。其去中國。孰遠孰近。然則日親滿疏斷可知矣。雖然。以獨立自主言。則雖以日本宰制吾土。而猶不

欲降心相從。何有於滿洲。卽此義既多知者。故今不辯辯以理勢如此。

釋仇滿

吾國人一皆漢族而已。烏有所滿洲人者哉。凡種族之別。一曰血液。二曰風習。彼所謂滿洲人者。雖往昔有不與漢族通婚姻之制。然吾所聞見。彼族以漢人爲妻妾而生子者甚多。彼族婦人。密通漢人及業妓。而事漢人者尤多。江浙駐防。殲於洪楊之手。其招補者。多習與彼族遊處之漢人。此皆血液混雜之證據也。彼其語言文字。起居行習。早失其從前撲鷺之氣。而爲北方稗士莠民之所同化。此其風習消滅之證據也。由是而言。則又烏有所謂滿洲人者哉。然而滿洲人之名詞。則嚇然揭著於吾國。則亦政略上占有特權之一記號焉耳。其特權有三。世襲君主。而又以少數人專行政官之半額。一也。駐防各省。二也不治實業。而坐食多數人之所生產。三也。其二。其三。在今日。既爲貧弱困苦男盜女娼媒介。而亦適足爲詭痴之符。招怨之的。然自一方面觀之。要不得不謂之政略上之特權。世界因果之應不爽毫髮。諺所謂種瓜得瓜。種豆得豆。是也。其因之動力在政畧上者。其果之反動亦必在政畧上。故近日

紛紛仇滿之論。皆政略之爭。而非種族之爭也。夫吾非謂最多數之漢族。果無種族之見存也。所謂生降死。不降老。降少。不降男。降女。不降者。吾自幼均習聞之。而道咸之間。刻文集者。尙時存仇滿洲之微文。粵西三點會。以洞字爲記。號示滿清無主之義。持之已二百數十年。一洩於洪楊之事。而至今未已。此皆種族之見之未泯者也。然洪楊之事。應和之者。率出於子女玉帛之嗜好。其所殘害。無所謂滿漢之界。而出死力以抵抗之破壞之者。乃實在大多數之漢族。是亦足以證其種族之見之薄弱也。且往者暗於生物進化之理。謂中國人種。概由天神感生。而所謂蠻貊羌狄者。乃犬羊狼鹿之遺種。不可同羣。故種族之見熾焉。自歐化輸入。羣知人爲動物進化之一境。而初無貴種賤種之別。不過進化程度。有差池耳。昔日爭種之見。宜若爲之消釋。而仇滿之論。反熾於前者。則以近日政治思想之發達。而爲政畧上。反動之助力也。蓋世界進化。已及多數壓制少數之時期。風潮所趨。決不使少數特權獨留有亞東之社會。此其於政畧上。所以有仇滿之論也。雖然。人之神經。甚爲複雜。彼染於歐化者。非能盡滌其遺傳性也。是以其動機雖在

政畧上。而聯想所及。不免自混於昔日種族之見。且適聞西方民族主義之說。而觸其格致古微孔教大同之故習。則以仇滿之說附麗之。故雖明揭其並非昔日種族之見。而亦不承認也。然吾爲細剖解之。而見其重心。乃全在政畧上。何則。果其注重於種族上者。則其術不外兩端。一曰暴動。二曰陰謀。暴動者。如義和團之惡洋人也。不問其爲教士爲商人。見洋人則殺之。使以此術而讐滿也。則今日之所謂滿人者。自京師及東三省外。已殄矣。無遺矣。陰謀者。如周之於殷。越之於吳。聞敵之治焉。而憂聞其亂焉。而喜遣諜者以間之。貽玩好以惑之。循是而論。則彼李蓮英之惑溺王。文韶張之洞輩之貽誤。而各省官吏勒索賄欺。公行賄賂。以爲彼政府。歛怨於平民者。皆足以動搖滿洲人之基本。而爲多數漢族之功臣。如張百熙之流。實心舉行新政者。官斥爲助桀之民賊。而誅之。至於滿洲人之中。如所謂光緒肅干醇干號聖明者。當行間而殺之。而如剛毅榮祿。則惟恐天去其疾。而圖所以保護之。而漢族之稍有權力者。宜遺辨士說以帝王之業。此皆陰謀者之所有事也。要之無滿不仇。無漢不親。事之有利於滿人者。雖善亦惡。而事之有害於滿人者。雖凶亦吉。此則純乎種

族之見者也。而今之唱響滿者，其所指揮所褒貶，一與吾前者云云相反，是非眞響滿者也。

雖然今之眞響滿者，則有之矣。分爲二黨，甲黨出於少數，號爲滿人之中，襲『漢人強滿人亡』之論，而密圖所以壓制漢族者也。乙黨出於多數，漢族之中，欲請行立憲政體，奉今之朝廷爲萬世一系之天皇，而卽滿洲人以爲貴族，議院者也。乙黨資章甫以適越，其售否固未可必。甲黨之舉動多類兒戲，其甚者如禁漢族學陸軍於日本，如曰殺一人是一人是皆喚醒多數漢人，使之重入種族之舊夢者也。而兩黨相合之一點，在保守少數人固有之特權，此其響滿之策之中心點也。世運所趨，非以多數幸福爲目的者，無成立之理。凡少數特權，未有不摧敗者。且今日少數滿人中，固有一二開化者，然以與多數漢族中之開化者相比，例孰強孰弱，較然易睹。果率兩黨之策，是樹此少數者以爲衆射之鵠，不使蹈法國貴族之覆轍不止也。夫民權之趨勢，若決江河，沛然莫禦，而吾國之官行政界者，猥欲以螳臂當之以招他日慘殺之禍，此固至可憫歎者也。而甲乙兩黨又欲專其禍以貽少數之滿洲人，

是豈非響滿之尤者乎？吾所謂響滿固不在彼而在此。

說漢種

東方一大陸，其面積一百三十餘萬英方里，人口三百兆八千萬有奇。粵厥祖先，實爲文明之族，而有四千餘歲歷史者也。迨及中葉，北方胡族逐漸侵入，以水草獷狁之性，肆鯨鯢踐踏之威，自晉以降，無代無之。黃河以北，爲異族投鞭蹴蹄之區者，千餘年於茲矣。鴛鴦伏櫪千里之志，已虛懸肉在，俎寸鬱之苦，方劇嗟我漢人，上鑒往蹟，下循近情，苟有血氣，能無悲乎？雖然，此後爲漢種之患者，於匈奴蒙古（西人謂東亞人爲蒙古人種，甚非一狎族之外，復出一亞利安人種，劉淵石勒，不如其狡成吉思汗，不如其猛奴爾哈齊，不如其智，乘席捲環球之威，挾驅山倒流之勢，以直壓我東方。東方之漢種，其將奮起以抗之乎？抑將坐以待斃乎？鯨浪排空，檣舵皆折，傾覆之危，在於瞬息，睡獅睡獅，曷其醒焉？

漢人自稱其踐之漢土曰中國，實則地偏極東，不可謂中。神器外移，不可謂國。猶太民族漂泊地球，所至皆其國家，印度非洲主權在人，隨時易其母國，以面積一百三

十餘萬英方里之漢土人口三百兆八千萬有奇之漢人不能自建一中央政府以與各種族相頡頏甘踞於獷狻民族之軛下其與猶太印度非洲諸人種復何以異耶人民不能自主而受人之抑壓羈絆者謂之奴土地不能自治而任人之治之且變更不一者謂之大陸非所謂國也非所謂有國之人民也國者終古不可滅之者也然則四千年來之歷史雖謂爲漢種未有國以前之歷史可也

俄羅斯者斯拉夫人種之代表國也斯拉夫人種不能合成一大團體或散處普魯士或散處奧大利或散處土耳其屢受他種人之制禦侵壓自千八百二十年以來斯拉夫人種統一主義逐漸浸入八千萬斯拉夫同胞之腦內不十年間此主義遂致發揚光大聞其說者（斯拉夫人種統一主義爲仲郭拉所創）莫不思發奮自勵以圖將來之統一共建一國以與歐洲大陸相頡頏同胞感情之易相關切固如是矣今漢種爲數之衆冠絕宇內所有各族且所占有之地亦既優於其他各種矣惜乎渙散易潰絕無團結不拔之精神以致常爲異族所屈嗚呼安得一仲郭拉其人倡全漢人種統一主義以陶鑄我同胞獨立不羈之精神乎

黃

帝

魂

黃

帝

魂

雖然漢種之特色固亦有不可磨滅者矣以蒙古人種之獷狻匈奴人種之跋扈一踰長城則各舉其嘯昔風化習慣以及精神上之嗜好一一滌去無遺而甘爲漢種之所化是以刀箭制漢人而反爲漢人之無形之風化所制徒負括囊四百餘州臣奴億兆之名實則漢種文明之降虜而已試問元與清之領有漢土髮辮服制而外更有何物以變更漢種之面目者乎無有也俄國一大哲學家曾就義和團事件而論之曰「吾歐洲人所至之地莫不被靡而今所存者不過極東諸國而已極東諸國巍然獨立之日本已爲吾歐文明所征服其猶蠶然不相下者獨漢種焉吾人其乘此亂機而傾此鉅人乎」蓋歐人觀漢種過去之歷史深爲駭恐且黃種爲禍之虞尙橫亘其胸中故視之過高而不以其他劣種埒觀之乃有斯言耳漢種其果能爲亞利安人種所征服乎抑能與之並駕齊驅或凌而上之乎此固吾所難以一言決之者惟漢種已過之歷史不過僅亞洲中之漢種其四環皆水草游牧之族文明程度皆遠出其下其制勝也固宜今既進世界中之漢種之歷史範圍中四面強敵武力與文明力皆與蒙古匈奴種絕異懸殊漢種歷史之光彩其能永保其不日趨

漸滅乎未敢信也。

歐洲生物學者已克曼論人種之將來曰：『人種上之生存競爭，惟富有生殖力之人種能制勝之。富有生殖力者莫漢種若。歐人殆非其敵也。』又英國魏斯將將軍當洪氏起義之際，特奉英廷之命，東來巡視中國情形，歸而有言曰：『中國將昂首奮起之國民也。他日有英偉之軍人及政治家崛起其間，建一轟轟烈烈之大帝國，揮其武力以先奔俄羅斯，則俄人非其敵。中國既驅走俄人之後，復蹂躪印度，而逐吾人於印度洋之外。當此性命決於呼吸間之時，英國其將不得不與亞美利加及歐洲大陸同盟以抗之矣。』歐人之爲斯言也，蓋亦有因。一可以危詞聳國民之聽，聞而藉以勵其敵愾之心。一因成吉思汗西侵之歷史，深藏於歐人之腦內，黃禍一語雖三尺童子亦能道之。窺弓思蛇，固其恒性。茫茫漢種，慎勿以自誇也。

漢種之移殖海外者，不下六百萬。西伯利亞之颶風飛沙，不足以拒之。南阿南美之炎瘴，不足以驅之。白黑櫻紅各種之殘酷暴虐，不足以阻之。美國獨立之始，澳洲聯邦之年，非律賓歸美之日，百政未布，首卽高揭嚴禁華人登岸之例。而今在澳之華

黃

帝

魂

人身稅則增至百磅矣。一舉一動皆不獲自如矣。即同洲同文同患共憂之日本，當前載布內地雜居之條之日，亦惟不許華人與享其權利。外人之遇漢人若是其酷。忌漢人若是其深。漢人之足跡宜其絕於天壤矣。然而剝之愈甚，而其所以求復之道愈備。法蘭西人有曰：『支那人乃天然不可壓服之人種也。』吾於是而知漢種之無形戰鬥力之鉅焉。

抑西人所至之地，其地主權必爲其所握。如西人之駐華者，除割據地之住民與兵而外，不出五萬餘人。然而中國全國商務重權，涓滴皆入其囊中矣。而中國人則不然也。布哇全國人民十萬，中國人與日本人幾居其半。土人居十分之二三。然其島中一切稍重大之權利，莫不墮於少數白人之手。觀白人之經營地球，殆如善奕者之奕棋，經其所布置之處，則必爲所占。據他人之布置，雖密終不過成爲贅疣束手待斃而已。讀白人侵略世界史，可爲寒心也矣。

西人優捷東方劣敗之故，其抑何因而致耶？悄然以思，默然以索，遠鑒歷史，近窺近情，確有所得曰：非東西智力富力武力之懸殊，乃國與無國者爭，國民與亡國之民

爭猶以卵觸石以鬼火當皓月其敗也不亦宜耶猶太之富冠絕地球然橫被擠斥宇宙雖廣而無其容身之地印度人體魄之強超越宇內然英人每有戰鬪則置之。前驅學兵學政之權亦不與焉每歲饑饉死亡之數或數萬或逾數十萬奇酷奇慘莫或恤之無國之慘固如是矣吾人不揣其本而惟懟白人之跋扈不仁白人誠跋扈矣抑思吾人所處之地位與印度猶太人相去幾何耶。今日之漢土其爲漢種之漢土乎抑爲非漢種之土地乎今日之清國其漢種之清國乎抑爲非漢種之清國乎惟漢土爲非漢種所有故漢土之喪失割裂曰與我非漢種之休戚無關也惟漢種爲非漢種所奴曰小奴之孱弱凌夷與我非漢種之榮辱無關也其邇來非漢種之悍而愚者彼新倡一說曰『漢人強滿人亡漢人瘠滿人肥』於是滿人對漢人之手段愈毒而辣矣曰練兵以防賊滿之賊曰籌餉以剝漢人之膏血曰禁言論以窒漢人之耳目曰通強寇以爲滿人之保障任滿員以布滿人之爪牙暴厲恣苴無所不至嗚呼同舟之客共網之魚魚腹熱釜之災奚克免之抑何相逼之甚耶

魂 帝 黃

雖然非漢種之遇漢種若其酷猶可曾也漢人中之謬種惟利祿之是知罔顧大義不僅心滿人之心事滿人之事更從而揚其波焉變本加厲其酷更劇噫此誠堪痛心者矣夫燈之滅也由油竭國之亡也由人心死奴顏妾面於異族之下而曰忠狀賊同胞以媚異類而曰豪傑不顧前古義烈之呵責不畏千載下之唾罵昧彼心靈而唯財貨祿位是求其與犬彘牛馬之相去復何遠焉當甲午戰役之際日人曾有曰『吾國欲席捲支那全國當以支那人攻支那人循英人滅印度滿清滅明朝之故策可也支那人口稱四萬萬其實渙散異常以野蠻無知人口不及千萬之滿洲種尙足以制服之況吾四千餘萬之大和民族（即日本）乎』誦讀之下不禁心爲之寒舌爲之咋而胸欲裂也茫茫神州梟獍橫行見披髮於伊川不埃百年而再戎矣悲夫

漢奸辨

中國漢初始防邊患北鄙諸胡日漸交逼或與之和親或與之構兵由是漢人之名漢奸之號稱焉漢人爲漢奸者有之外人稱漢人爲漢奸者亦有之積自二千年來

傳至今日。漢奸名號。未有定評。故往往有視愛同類。爲漢奸者。涇渭不分。殊堪痛歎。所謂眞漢奸者。助異種害同種之謂也。教單于進兵之管敢。勸石勒滅晉之張託。以父事契丹之石敬瑭。率犬羊殘同類之趙延壽。爲元滅宋之張宏範。扶清滅明之吳三桂。耿繼茂。尚可喜。助滿洲。殲滅太平王之曾國藩。左宗棠。李鴻章等。今日之死漢奸也。如諂媚那拉氏。杜殺中國義士之張之洞。爲滿清阻止遊學生進步之蔡鈞。助滿清官吏搜括中國貨財。孝敬滿洲。承抽各行之巨商劣紳等。今之生漢奸也。至滿洲人之所謂漢奸者。乃漢族中之偉人。碩士。卽爲愛同類之故。甘心戎首。雖犧牲其身。而不顧如漢武帝時。誓殺匈奴之霍去病。衛青輩。宋朝之岳飛。近代之太平王洪秀全。烈士唐才常。林述唐等。乃如之人。誠漢奸中之卓卓者矣。惜乎不及今日。滿人之所謂滿忠者。既庶且多。既延且碩耳。然烈士唐林等。其腦想則敬天愛人。自由平等。其倡議則革命獨立。種種布置。無一非爲傾覆暴虐政府起見。一可當百。而後起者。猶復無量。嗚呼。豈非上帝終不欲中國三千餘萬方里。錦繡山河。爲犬羊盜據。然後于二十世紀初。葉生出正色漢奸如恒河沙數。使異族之民賊。料不及料防不勝。

防如項羽之聞楚歌四面。哉。吾敢決之曰。三年之內。胡虜朝廷必亡於漢奸之手。敬告漢人。慎毋爲害己之漢奸。當爲愛己之漢奸。更願今日之爲漢奸者。各盡其才智力量。勇往前。勦滅醜類。恢復三千餘萬方里之山河。更新四百兆人之魂。胆立新中國於環球之上。漢奸之名。不將流芳於萬世乎。不將傳揚於地球乎。今日漢奸尙其勉之。不必以異族人之目。我爲漢奸。遂畏漢奸之名。而爲之諱也。

王船山史說申義

亡國多才。自古已然。王船山者。亡國之一國民也。故其言皆亡國之音。所說多亡國之慘。今繹其義。可得而言。

船山在當日。伏處南疆。艱貞絕學。與李二曲。孫夏峰。黃梨洲。顧亭林。共稱講師大儒。而船山之書。獨晚出。直至洪楊盪定之後。曾國藩始輯遺書刻之。其說大唱於湖湘。而遍於天下。夫張李時代。爲他人驅除難。而致其國天下迄定。而船山方殫精而著書。至洪楊時代。天下一轉捩。而所以驅除之者。仍不異疇昔。天下亦迄定。而船山之書。一於是時大發明。是何故歟。嘻。吾知此後其被吾船山之影響者。必

無量而必生出許多之波動。則敢斷言者也。惟其書之發要處多用□□字代之。是殆削於曾氏之手。此亦何怪其然。然無別本之可校。爰就確不可移之義。爲之補亡。其標識則在左肩右脚之間也。

自招拔氏之興。假中國之禮樂文章。而冒其族姓。隋唐以降。胥爲中國之民。且進而爲士大夫。以自旌其閥閱矣。高門大姓。十五而非五帝三皇之支庶。婚宦相雜。無與辨之矣。漢魏徙戎於塞內。空朔漠以延新起之夷。相踵相仍。如蟹之登陸。陵陵藉藉。以繼進。天地之紀亂而不可復理。乾坤其將『圯』乎。謀之不臧。莫知其『禍』之所極。將孰尤而可哉。

按種性之辨。不外風習血液二者。若風習既同。血液復混。是無從而辨之。故拓拔氏當時冒中國之文化。復以亡國之虜。經數傳而竊中國之種智。以同於我。此自我之同化力之所致。高門大姓。亦有所以得之。所以與之者也。胡元之禍。較之拓拔。則妄分蒙古色目爲一級。漢人爲一級。南人爲一級。此視爲士大夫。僅自旌其閥閱者。其相去果幾何。夫冒我族姓。則彼自知其不肖。而欲以吾種易之也。乃當

元之時。至有竄易其名。爲不骨都拔。古台等字者。（見趙甌北念二史劄記中）此又誰爲不肖也。嗚呼。種亦賤矣。若夫取其職官之志而讀之。某官某得幾員。某官某得幾員。則對於高門大姓。十五而非五帝三王之支庶之一言。尤可痛心。宦相雜而婚懸爲禁。且以爲貴冑也。而忽弛之。誰應之者。風習本我之國粹。而血液亦實無可言。何謂新起之夷。吾寧易之曰。將亡之虜。

天下所極重而不可竊者二。治統之亂。『權奸』竊之。『盜賊』竊之。『夷狄』竊之。不可以永世而全身。道統之竊。沐猴而冠。教條而升。尸名以徼利。爲『夷狄盜賊』之羽翼。以文致之爲聖賢。而恣其妖妄。嗚呼。至於竊聖人之教。以寵『夷狄』而禍亂極矣。石勒起明堂。辟離靈臺。拓拔宏修禮樂。立明堂。皆是也。敗類之儒。嚮道統以教之。竊而君臣皆自絕於天。故勒之子姓。駢戮於冉閔。元氏之苗裔。全高齊而無噍類。天之不可欺也。如是其赫赫哉。

按夷狄盜賊之敢於竊天下者。以恃有敗類之儒爲之送徽號而頌功德也。夫人未有能自欺其心者。夷狄盜賊豈不自知爲夷狄盜賊。不過吾雖夷狄盜賊之肺。

魂 帝 黃

賜而已。作聖明天子之面目。工部具一奏曰：修聖廟禮部具一奏曰：開鴻科而天下之士走集而相慶者已填駢於日下。則文化大起居然。聖朝昨日之夷狄盜賊則永遠之太祖太宗。是何樂而不爲夫天下惟名與器不可以假人以夷狄盜賊何以被太祖太宗之名則敗類之儒假之也。嗚呼！此敗類之儒罪豈勝殺其長一二人非分竊國之想猶可言也。其蒙蔽萬世子孫不識太祖太宗之卽爲夷狄盜賊不可言也。天下無此種敗類之儒則夷狄盜賊之來直呼之爲夷狄盜賊人人心目中有一夷狄盜賊則未有逐之不力者。夷狄盜賊而自知無可假借之名則未有不自阻喪者。以此而立國則夷狄盜賊之不絕跡於天壤者吾不信也。若必恃天之不可欺而駢戮其子姓吾猶嫌船山之不智。雖然既至其子姓之朝則又不得不謀所以戮之之道也。敗類之儒之毒一至此哉。

取東晉之勢與南宋絮論。東晉愈矣。然而宋之南渡自汪黃秦湯諸姦而外無不以報讎爲言。而進畏懦之說者皆爲公論之所不容。若晉則蔡謨孫綽王羲之皆當代名流。乃其侈敵之威量己之弱創盈胸退阻之說以坐困江東讀蔡謨駁止庾亮經

魂 帝 黃

畧中原之議苟有人之氣者未有不憤者也。夫彼亦有所爲而言矣。庾亮之北略形王導之不振也。而左袒導者詘亮以伸導。桓溫之北伐志存乎篡也。而惡溫之逆者忌其成而抑之。於是而中澆之情深於外禦。爲宰相保其勳名爲天子防其篡奪。嗚呼！天下之大防『夷夏』之大辨五帝三皇之大統。即令桓溫功成而篡猶賢於載『醜夷』以爲『中國』主。況僅王導之與庾亮爭權勢而分水火哉。則晉之所謂賢宋之所謂姦不必深察其情而繩以古今之大義則一也。

按時勢之紛亂人心之朽敗未有甚於十六國之頃者也。自晉以前幽燕之地依然也。雖五胡雲擾江東立國其內備之裕外逼之輕較之南宋則甚遠也。（船山詳論之故不贅）乃首潰夷夏之防大紊天下之紀。過江名士之罪投之濁流束之高閣詎足以蔽之乎。夫蔡謨之流清談竟夕諱言國事仇之不審何以言報且宰相風流將軍儒雅當時之士互結職爲名高國事之來輒以情之所費沮敗天下之大局將相相訐而奸雄啓釁乃小朝廷之天子祇顧青衣行酒而決不欲臣下之稍議之。桓溫之篡誠不足尙然國恥彌天只談風月以之應付寇已深矣。是

區區者亦何足保。夫桓溫之才諒非東晉羣帝所敢望。充其野心之所至。江淮以北亦不足以限其馬足。儻東晉而得桓溫爲之帝。醜夷未必如是之猖獗也。何哉。豎儒之簧鼓。竟執小以遺大。勇私鬪而忘國仇。以至於亡。宏光之時。其宴安一如東晉。而內訌而致敗也。亦似之。史可法督師淮上。無王導之倚重。黃得功與史異趣。恃功而驕。左良玉屯兵襄楚。就勢南下。可以規復中原。而侯恂阻其就食江南之簡。與蔡謨駁止。庾亮經略中原之議。又何以異。就如所憂何物。宏光寧足當良玉之一指跡。夫豎儒拘牽名義而貽誤後世。雖無懷姦誤國之志。而究不得逃於汪黃秦湯名教之誅也。嗚呼。醜夷之爲中國主。自船山出之。吾知其若何之沈痛也耶。

再閱盡滅羯胡。而曰吾屬固晉人。請各稱牧守奉迎天子。有胡陸者。稱閔功德。謂晉人遠竄江左而不足戴。然後閔無所復忌而僭以成。嗚呼。陸固晉之遺民也。而其逆如此。夫亦有其故矣。白劉淵起『中國』人士。迫于勢而事之。始亦有不得已之心焉。已而食其餘以有富貴。假其威福以陵孤寡而齧齕之。改易禮法以狎其俗。口甘

味。身便其服者數十年矣。故心盡亡而習之也安。藉使歸故版而奉正朔。則江東人士羞與爲伍。而無以自容。於是聞『羯胡氏羌』之名而慙然阻矣。

按故總督而今仍總督。故尙書而今仍尙書。認敵作父。反顏噬人。新訂會典。項禮入朝。其所謂心亡而習安者是。船山之所見者也。嗚呼。吾猶喜胡陸之廉恥道存。而所處之時與勢去。今日且優異也。胡陸之爲此逆。知自絕於河東人士。無以自容。則其心固未昧大晉民族之本來。而江左一隅。猶有遠顧之一祖國。樣於吾目也。雖然。國未全亡。故有如斯之比較。可以激其義而勵其恥。彼國亡已數百年者。欲歸故版而無可歸。欲奉正朔而無可奉。渾然莫知其所自來。子以傳子。孫以傳孫。其聞羯胡氏羌之名而慙然阻者。則必詆之曰。大逆不道。則其心亡而習安也。至於如是。是又何以獨無冉閔也耶。

於崔浩以史被殺而重有感焉。浩以不周身之智。爲索虜用。乃欲伸直筆於狼子野心之廷。以速其死。其愚固矣。然能存拓拔氏之所由來。詳著其不可爲君師之實。與其乘間以入中國之禍。始俾後之王者鑒而知懼。以制之於早。後世之士民知機而

不屑戴之爲君。則浩之爲功於人極者亦僅矣。前乎此而劉石慕容符姚赫連之所自來佚矣。後乎此而契丹女真蒙古之所自出泯矣。劉石慕容符姚赫連之佚也。無史也。契丹女真之泯也。蒙古氏諱其類。脫脫隱之也。然猶千百而存一也。宋濂中華之士。與聞君子之教。佐興王以復『中國』者也。非有崔浩族誅之恐。而修蒙古之史。隱其惡。揚其美。浩以赤族而不恤。濂以曲徇處集危素。而爲蒙古掩其『醜迹』。使後王無所『鑒』以『去』其『種』。後人無所『激』以『創』其身。人之度量相越。有如此哉。

按索虜之史。未有不穢者也。然吾服崔浩之直。吾尤服拓拔氏之能容崔浩之直。蓋浩雖赤族。而其書流傳於後世。則固不得謂吾直之不伸也。夫崔浩之史。今所稱大部之史。是必當時開史局以編之。設史館以藏之者也。崔浩直書其穢迹。而拓拔祗殺其人。而不敢燬其書。此種文明。豈近時之所有。卽官家示禁。而民間能藏此大部以永其傳。近時尤覺無此古道之人心也。至由契丹而女真。由女真而蒙古。皆銜接微分而來。自爲一類。脫脫之諱其類。關乎種性。自無足怪。後之爲脫

脫諱者。吾知必有屬也。何物宋濂忘其本來。於光天化日之下。寫狼野心之真。而乃曲爲之庇。至於如是。此直心死已矣。豈祇愧於崔浩。其視姚樞許衡。標榜自鬻於蒙古之廷者。一牛其時一立。其後則揚醜虜之餘波。重後世之種禍。其罪且復浮於千萬也。若萬季野之訂史。莫朱竹垞之辨史。例則與宋濂適得其反。吾又不知所云者也。

張駿傷中原之不復。而曰先老消謝後生不識慕戀之心。日遠日忘。嗚呼。豈徒士民之生長於邊遠之地者。不知有中國之君哉。江左君臣自忘之。自習而自安之。固不知中原爲誰氏之土。而畫山河以不相及之量矣。以洛陽爲拓拔氏固有之洛陽。唯其子孫應受之。而我不能有也。嗚呼。梁之喪心失志。一至此哉。君忘其爲『中國』之君。臣忘其爲『中國』之臣。割棄山河。恬奉『異』類。又何怪乎士民之視『中國』之主如寇賊。而戴『他』族爲君父乎。

按從來之立國。未有如南朝之謬者。天之置南朝。正天之所以驕夷狄也。充南朝君臣之所志。只圖階前盈尺之地。可以三五對坐。美人醇酒。日夜消磨。其餘皆非

我有畫明圈限不得出此盈尺之地而亦對於此約而必署名者也。今日畫江而守何得急急以河南爲意。嗚呼中原之不復也殆非偶然。先老儘有及身而事敵者何消謝之足云。後生之不知慕戀關於謬種之流傳也種之既謬不復能辨其同異。僅視洛陽爲其子孫應受之地及今思之則固爲唐虞三代之盛也何也中國有自君中國自有臣山河之割棄與山河之淪沒則割棄者猶出於我之手拋其土地陷其士民則猶得以招寇賊之徽號最後則不復知有他族而併爲一談並寇賊亦不可得見也已。

拓拔氏有中原數世矣而其挾持天下者唯秀容之裔夷。六鎮之殘胡此外更無一人焉。而其主舍此而更將何依。（時元修畏高歡之逼將奔長安就宇文泰）爾朱榮河陰之殺魏之人殫矣。雖然彼駢死於河陰者皆依違於淫后女主之側趨赴逆臣戎馬之間賴以迷心柔若無骨上不知有君國內不惜其身名者也。即令幸免而瓦全亦惡有人焉。可倚爲社稷之衛哉。夫拓拔氏之無人也非但胡后之虐鄭儼徐紇之姦耗士氣於淫昏也。由來漸矣。自遷洛以來塗飾虛僞始於儒濫於釋皆所謂

沐猴而冠者也。繫天下於無實之文自詫昇平之象於是而精悍之氣銷矣。樸固之風斲矣。內無可用之禁兵外無可依之州鎮部落心離浮華氣長。一旦羣雄揭竿而起出入於無人之境唯其所欲爲。拓拔氏何復有尺土一民哉。此亦一寇讐也。彼亦一寇讐也。舍此而又奚之也。詩書禮樂之化所以造士而養其忠孝爲國之棟梁者也。拓拔氏自以爲能用此矣。乃不數十年之間而君浮寄於無人之國明堂辟雍養老興學所謂德成人造小子者安在哉。故鬻詩書禮樂於「異」類之庭者其國之妖也。其跡似其理逆其文詭其說淫相帥以嬉不亡也何待。虞集危素祇益蒙古之亡而爲儒者之恥。姚樞許衡實行之矣。

按拓拔氏之亡其原因甚複雜求其總因則「繫天下於無實之文自詫昇平之象精悍之氣銷樸固之風斲」之數語者其定案也。蓋凡立國必有其天然之國粹不與人同雖所遭之時世逼之不得不然而其所席之舊治之胚胎究不可失失之吾未見其能自立國者也。彼拓拔氏以游牧打牲之族率其驍悍曠野之衆相與逐水草而居殺人野戰以爲樂角弓勁羽疾走羊腸黑月黃沙冥行絕塞是

其所長也。蓋不如是不足以成爲部落。各種部落皆賴此以成立。則於此又生出最烈之競爭。以最烈之競爭而逼出最苛之淘汰。故其能集大部爲可汗雄長於諸番且牧馬於陰山之下。遺矢於長城以南者。必其種性絕特。爲諸酋所羅拜者。也。則以數千年文敝無氣之中國。開關以與之敵。幾何不盡喪其地於該種之手。然其種也賤其性也驕。一日胥中國而淪亡之。驟易其草木鹿豕而宮廷陛殿跳舞踰躑而禮樂威儀文身披髮而衺冕冠裳牝牡之聚強弱之曠而典禮法律粲乎備具。彬彬郁郁彼視之其氣頓阻其性抑又爲之潛移也。益以一輩不二心之臣善頌善禱之士。又復爲之揄揚貢其忠孝。而所謂明堂辟雍詩書禮樂種種者。隱焉與三代同風。是固可謂鳴一時之盛也。中原人士既相習而相忘。而彼之族乃由野而之文。由勞而之逸。當年短刀匹馬之雄。久消磨於腦後。數傳而降。風習益淆血液。亦有時而混。所有中原積弱之病。無不被其所同化。況拓拔氏當南朝風靡之秋。其塗飾虛僞之道。更有特甚者乎。種之既弱。則雖多置禁兵隨處駐守。所生之人生而有當兵之義務。而終不能收涓滴之效。區區殘胡寧足當羣雄之

一。注船山謂拓拔氏何復有尺土一民者。以今思之。當非虛語也。彼其裔夷尙不能。有豈復有認賊爲父。自貨其祖宗。且爲之詞以欺天下也者。此船山所以歎息痛恨於虞集危素之徒也。雖然。虞集危素者。所以益蒙古之亡者也。天下果何患虞集危素之多。不過虞集危素之風盛。舉世而趨之。則利蒙古之亡者。亦將失其所以立國而與之俱亡。甚且羣殉其亡也。嗚呼。彼胡后之虐。鄭儼徐紘之姦。何代蔑有。吾恐依違於淫后女王之側。趨赴逆臣戎馬之間。而駢死者。非魏之人也。吾船山其恫矣。

陳高非忠於蕭氏。而保中國之遺民。延數十年以待隋之一統。則功亦偉矣哉。夫陳高起嶺表之日。逮乎入討侯景之初。固知其未有妄干天位之志也。蕭氏子孫自相戕賊。天下莫適爲主。而後思攘之。其罪既輕。雖無赫赫之功。而功亦不可泯。視隋之居中狐媚以奪宇文氏者。遠矣。若夫君子之有恕於隋者。則以「中國」而代「夷狄」。得之不以其道。而終不可名爲篡也。此陳隋之後。天下所以定也。

按天下之有君。無不以其取君之地爲其私產也。人之欲得誰不如我。勢不得不。

出於竊奪。今日逆賊。明日高皇。自書契以來。其歷史大抵如斯也。陳隋斤斤之計。較亦五十步百步之相去已耳。雖然。此中亦有一鴻溝焉。妄殺致位。謂之竊奪。順時取國。謂之弔伐。同種相殘。謂之竊奪。異種相勝。謂之驅除。陳之立於南朝。爲矯矯者。以其樹幟於中原。無主之時也。隋之於周。雖終其臂而奪之。而不得謂之不得。道以其於驅除之理得之也。此固歷史之公例。俟諸聖人而不惑者也。

陳氏篡梁。王琳起兵至淦城。以伐陳。赫然討賊之義舉也。而侯平不受琳之指揮。遂奉表於高洋。去『順』卽『逆』。惡已大矣。猶曰高氏非吾讎也。以妻子陷入於關中。復奉表稱臣。而西嚮。身爲盟主。二三其德。荏苒妻子之私愛。北面稽顙於殺吾君亡吾國之索虜。一元帝死於宇文氏之刃。一無恆之小人。旦夕莫測。而許之以討賊之義乎。爲君也。忠而死。爲父也。孝而死。非爲君父而忠孝也。吾臣吾子。不忍自廢者也。豈忍以忠臣孝子。子猶可獵取之浮名乎。失身於『異』類。則已無身矣。無身而君誰之。君父誰之父。遑及忠孝哉。且若琳者。則又失身於『異』類。而亦無據也。倏而人。倏而禽。妖魅而已矣。

按討賊義舉。乃孤注也。非可求全者也。有一輩之士。或爲時勢之所逼。或爲名義之所動。而勉出於此舉。有欲圖之功。而無必死之志。五中惶惑。無可把持。吾必先保吾身。而後求吾目的之所在。稍涉危境。遂以情急勢迫。無論仇讎寇賊。而惟可以庇吾身者。之是託。綜其出處。打成數槓。身敗名戮。國亡種滅。爲祖國痛。爲後世戒。若此類者。易姓之交。何代蔑有。若陳琳者。不過吾之適取而論之者也。如平西之請兵。其亦援高洋之例也。當是時。無北周與之並立。故別無所稱。臣源源之陷。衝冠立起。以視陳琳戀關中之私愛。而奉表於人。則猶見其風烈。雖然。二者之所陷。皆仇敵之所在也。一直接以媚之一間。接媚於人以創之。其義一也。嗚呼。己則無身。而假於人以爲忠孝。彼則及身。而仍有所謂君父。以爲對照。吾又何忍見數百年無君父之國也耶。

亡國篇

亞之大陸。有一種焉。聚其若奴隸。若非奴隸。若國民。若非國民。雜焉糅焉。以成一國。不揣其本。而齊其末。囂囂然號於衆曰。吾保國。吾保國。國其能保也哉。已亡之人。而

以亡。歸之奚怪其扞格也。吾不欲保之。惟欲亡之。其亡也勃焉。其興也勃焉。吾寧使漢種亡盡死盡殺盡而必不願其享昇平。舜河山優游于韃靼之下。吾寧使志士殺盡死盡亡盡而必不願其爲拿破崙華盛頓雄立於亞洲之上。由前之說故悲漢種。由後之說故歲志士。

悲夫悲夫。吾漢人之有今日也。雖然則亦幸矣。漢人之衰何兆乎。則戰國時兆之也。春秋之所謂白狄長狄者。則支那之異種也。而盡亡矣。秦政用其盛而漢種乃獨優矣。獨優則無競爭於是乎。二因出焉。爭不烈則智不進而囂然自大之習於以深。則民智不開之說也。種競愈烈。國民之力愈張。彼君之心既不必慮外禍之來。於是惟家賊之是慮。則君權日張之說也。秦政以力項羽以殺而天下之人稍和。苦劉乃術之以緩劑而漢種乃衰亡矣。於是五胡亂之。遼金繼之。雖然則半壁耳。至成吉思汗而蹂躪遍中原矣。雖然則九十餘年耳。天禍中原。犬狼雜至。一見吾土地之美。物產之豐。遂覲然留之徘徊不忍去。有俚焉。從而殺人以媚之。嗚呼揚州十日。嘉家萬家。固各府縣之代表哉。此僅其始事耳。洪承疇俚之於始。曾國藩俚之於中。漢種之爲

保彼一姓之位而死者何止億萬。至於今吾又見夫俚之者之於終矣。彼愚者之俚也。吾又何責獨怪彼自命爲智者亦從而俚之。則何說也。且充其術亦足以保其所謂亡身變法之皇上矣。而獨忍於皇皇種族乃使之永永沉淪。其非人心也哉。洪承疇曾國藩則固漢種中之才焉者也。惟其才也乃足以濟其惡。嗚呼漢種其死矣。雖然吾漢種則又何可以輕視之也。戰國之盛也。則衰之源也。今之衰也。其將興之機乎。然而欲興種必先亡國。

今日之漢種無所謂國也。彼白人之視我也。則曰支那。支那之國何在也。而彼之所謂支那國者。則清國也。夫清國云者。一家之私號。一族之私名也。而以吾漢種冒之乎。吾怪夫今之所謂保國者也。視然曰「我中國」。又曰「中國將亡。我將保之」。又曰「中國將爲印度爲波蘭」。夫中國之爲印度波蘭也。二百年於茲矣。今試問之曰。中國之政府何在矣。曰滿洲。夫既云中國而政府乃滿洲也。豈吾神明之胄。乃與彼韃靼渾乎不然。則漢種乃遊牧水草者也。不然則奴隸也。有內奴有外奴。俄內奴也。印度外奴也。內外兼至。是惟真奴。漢種是已。北省之亂也。爲大日本順民者到

處。皆是有志者聞之。莫不深恨而恥之。夫亦何怪其然也。既可以大金大元大清朝也。夫孰不可以大英大法而大日本使奴隸之根性種之未深。則彼之臣妾億兆者。又何能一日得安其位。既爲張氏奴。復強之使不爲李氏奴。不可得也。夫亦力之是視耳。則吾見彼之倡言保國者之自盾其說也。

彼韃靼之入我中國也。其始既橫加殺戮。慘毒不忍聞。其繼也分其醜類。遍我中國。名之曰駐防。夫駐防云者。則豈不以防我漢族哉。不使之自謀其生而坐食我膏腴。婚姻有滿漢。官階有滿漢。夫豈惟此洪氏之起也。以漢攻漢。疊尸山積。而所保者滿洲也。團匪之起也。以漢攻夷。血流津京。所保者滿洲也。且二百兆之償。取我漢民之錢。以保彼宴游之地。臺灣之割。夷我漢種之人。以保彼根本之地。今日又至矣。勝敗惟漢之是禍。而滿人坐享其利。無論異種稱王。斷無委施其前之理。卽以恩怨論。滅此朝食。亦復何言。彼有恒言曰。『吾寧以家產付之鄰友。而斷不與我家僕也。』故吾曰。吾寧使漢種亡盡。死盡而斷不使之歌舞安樂於韃靼之下也。幸而使滿清將亡也。如其軍備足財用富。電線如絲。鐵路如織。如彼俄也。則漢種乃

魂 帝 黃

眞永永沉淪永永靡壞而無振興之日矣。夫俄之專制。猶可言也。同類爲之也。中國之專制。不可言也。異類爲之也。吾嘗有言。文明之事。文明國得之而愈。文明野蠻國得之而愈。野蠻則若海陸軍。若電線。若鐵路。使中國得之。則適以制革命者之死命。而阻其文明而已。是故戊戌之政變。中國之福也。而保國者乃從而痛惜之。曰。不變則亡。夫所謂變者。豈僅如彼之所謂學校報章而已哉。豈僅如彼之所謂憲法政體而已哉。韃靼不死。盡無所往。而非奴隸也。夫以言乎文野。則彼羣羶之俗。其較歐西爲何如矣。以言乎智愚。則彼游牧之習。其較歐西爲何如矣。同一奴也。與其爲野者。愚者之奴。則盡爲智者文者之奴矣。是故本非外奴。而後始可以奴。奴之既奴。之二百餘年矣。則必蕩滌其邪穢。斬絕其性根。斬之以刃。蕩之以血。夫而後可與言治也。是故不亡則興。不興則亡之言。斷不能施之於今之中國。以言中國則亡之。乃興亂之。乃治也。吾知非一大殺戮。則奴隸之根永不能除。而身家之念終不能忘。天下斷未有新舊雜糅而可與言國者也。譬所以除舊布新也。舊之亡也。勃焉新之興也。勃焉中國而欲新其國乎。則必自亡舊始。

中國滅亡論

嗚呼。拳民颺起。聯軍駢入。滿酋西走。墳墓邱墟。此不過一姓之存亡而已。於我國民何與哉。余奔走未遑。奚暇論此。所痛者。二千萬里山河。已爲白種殖民之地。四萬萬黃種。已爲歐人注藉之奴。而我國民。愚蒙如故。渙散如故。醉生夢死。禽視鳥息。以爲中國即亡。亦不過十七朝之尋常鼎革而已。嘻。今日之事。豈復復古之例。所可同日語乎。且即如往古之例。何求一二姓之忠臣義士。如古之力抗異姓。百折不回者。而并不可得乎。然則吾國之民。其心已死。其氣已絕。聞唐宋元明清之君。我國也。則我爲唐宋元明清之忠臣義士。此所以茫茫亞洲。絕無男兒之性。芸芸黃種。無一獨立之民。固無足怪也。

今試執一人而問之曰。國何以亡。則鮮不曰。君易其姓。朝易其名。則國亡。又試執一人而問之曰。今日之中國。亡乎不亡乎。則鮮不曰。西安之朝廷。儼然者如故。政府之號令。赫然者如故。操四萬萬蒼生殺之柄。握二十二行省土地財賦之權。今不過戰敗出走。一時失利而已。及和議告成。則儼然大國也。內外大僚之所以歌舞太平。

魂 帝 黃

者依然。宦官宮妾之所以供我奔走者依然。內務府之膏粱錦繡。所以養我身體者依然。若是者。而謂之國亡。是必喪心病狂者也。嗚呼。斯言也。何足與辯。然吾竊聞今日之亡人國者。有新例焉。向之亡人國者。必占其地。虜其君。戮其臣。而後已。今之亡人國者。則有其地。而弗守。即以其君若臣守之。其所以然者。何也。驟占其地。則其民未必服。而治之甚難。故不如以土人守之。吾國向者之處苗民生番。即用此道矣。且也。其君若臣。既有亡國之才。則留之無所害。若一旦去其亡國之君。則英明之主出。是其國終不得而亡也。若一旦去其亡國之臣。則愛國之士進。是其國又不得而亡也。故吾國志士。每歎息痛恨於外人處置之不得其宜。而豈知外人之爲己謀者。固有所不得不然者。在乎由此觀之。則今日之中國。亡乎不亡乎。

吾聞世界所謂完全無缺獨立強盛之國。非徒以其土地之大。人民之衆也。恃其有特立不羈至尊無上之主權者也。世界之國。不論爲君主爲民主。爲君民共主。凡有主權者。則其國存。無主權者。則其國亡。故獨裁君主之國。其主權萃於元首。民主之國。其主權萃於國民全體之代表。君民共主之國。其主權萃於君主與議院。雖逼處。

之強鄰。不得而賤削之。暴戾之政府。不得而操縱之。暗弱之君主。不得而放棄之。不軌之人民。不得而干犯之。若是者。乃謂之主權。若是者。乃謂之有主權之國。

然則中國之主權。果安在哉。謂其在滿。曾耶。則爲權奸所禁制。已視爲贅疣久矣。謂其在政府。耶。則儉安苟且。穀鯨待斃者久矣。謂其在直省。疆吏耶。則以官爲傳舍。唯宰洋人之不來。謹詞之未至。俯仰偷生。因循塞責者久矣。謂其在國民。耶。則爲隸爲奴。流離瑣尾。分割未定。國籍無屬也久矣。故兵權者。所以保護一國之權力者也。乃中國有兵而已。不知練。中國有亂而已。不知平。卒由外人越俎代庖。起而爲我練之。勤之。是操我之兵權也。於是中國失兵權。法律者。所以保護一國之安寧秩序生命財產者也。凡其封域之中。人無論貴賤。種無論黃白。法律所立。皆有守之之責。乃中國有訟獄。外人得而會審之。中國有罪犯。外人得而懲罰之。是操我之法權也。於是中國失法權。海灣者。爲一國文明野蠻貧富強弱之關鍵。公法離海岸三十里以內。則爲領海。凡船舶入其領海者。惟其國之號令是聽。其慎重海疆爲何如乎。乃中國沿海要隘。莫不爲外人所占據。長江天塹。莫不爲外人所圈定。是操我江海之權也。

黃 帝 魂

黃

帝

魂

於是中國失江海權。鑛山者。一國之財源也。凡貨幣器用。悉於是乎賴焉。關稅者。歲入之大宗也。凡國中度支。多於是乎取焉。乃中國有鑛山。外人得而開採之。中國有關稅。外人得而抵押之。是操我財政之權也。於是中國失財政權。鐵路者。爲一國交通之樞紐。凡載運師旅。輸送糧械。搬運貨物。利濟商旅。悉賴於是。吾嘗考之列邦鐵路之制矣。有國有者。有民有者。國有者何。歸官辦之謂也。民有者何。歸私辦之謂也。然未聞爲外人有者也。乃中國之鐵路。悉爲外人所有。是操我交通之權也。於是中國失交通權。夫地球萬國。其興亡強弱之故。雖各有不同。然能操兵權。操法權。操江海權。操財政權。操交通權者。則土地雖割。而其國不亡。失兵權。失法權。失江海權。失財政權。失交通權者。則土地雖存。而其國實亡。乃中國兼此數者。猶日號於衆曰。不亡。誰其信之。至若宮中之默許。政府之密約。疆吏之暗失。使臣之陰從。怪怪奇奇。不可思議之約章。雖非草野寡陋。不曉朝事者。所可根究。然一則曰。『量中華之物力。結友邦之歡心。』非所謂煌煌之聖訓乎。一則曰。『與其與奴隸。不如贈朋友。』非謂所良相之嘉謨乎。故戊戌以後。宗旨已定。拳民之役。其願已償。彼無識之徒。猶日

號於衆曰。中國未亡。誰其信之。乃無何而又有變法之諭。無何而又有督辦政務處之設。於是向之高談革命。昌言勤王者。莫不感激歔歔。且欣欣喜色相告。一若中國有中興之望也。嗟乎。家中枯骨。豈足有爲亡國大夫。難與圖存。而乃以新政望之。是何異印度之百姓。望酋長之自立。滇黔之苗。徭求土司之變法乎。在稍有知識者。應知其必無是事矣。吾同胞其有以處此矣。

且國之所以立者。賴有一定不移完全無缺之疆域。故國之有疆域。猶室之有界址也。文明之國。雖人煙稠密之區。市井衝繁之地。凡甲屋界址與乙屋界址之距離。必互以三尺爲限。載在民法。其通例也。惟國亦然。故瑞士雖小。圍於衆大國之間。其疆域如故也。葡萄牙雖弱。翹於大西洋之濱。而疆域如故也。中國則不然。不唯旅大膠威臺澳香廣險要之港灣。已爲白人所宰割。且舉所謂滿洲發祥之地。亦拱手讓之於俄。嗚呼。今日之密約。雖拒其如往日之密約。何一時之密約。雖廢其如無窮之密約。何。吾知一轉瞬間。不獨滿洲而已。且將率其獯悍淫虐之可薩克兵。以席卷內外。蒙古進克新疆。建瓴而下。秦晉幽燕之郊。一戰而長城失。其險再戰而黃河斷。其流

黃

帝

魂

當此時也。雖聚中國十八省之精銳。將無以禦之。固不待智者而後知也。且也。當此之時。德必驅膠州之兵。以占山東。英必發香港印度之兵。以據大江南北。諸省會法必率安南廣州灣之衆。以取兩廣雲貴之地。日必起臺灣澎湖之師。以據閩浙。而進圖江西之南部。其外若意若美若比及一切無名之小國。亦將染指於我國焉。嗚呼。搏搏大陸。白人縱橫。哀哀衆生。螻蟻同命。從此萬國地圖。永無支那之稱。斯時吾國人士始駭然知吾國之亡。而豈知有形之亡。亡於瓜分。無形之亡。亡於今日。譬之某甲之田。售之某乙。則其田亡。瓜分之謂也。某甲之田。押之某乙。而某甲已爲乞丐。萬無可贖之理。則其田亦亡。今日之謂也。

夫常人之情。以敝縕袍一襲。爲人所持去。且有不能忍然者。以其愛之所鍾。權之所屬也。今乃以數千年蕃息生存衣食父母之邦。一旦由狗種獶孫之手。轉而販之他人。而我國民竟唯唯聽命。不敢一與論。其是非而爭其得失。是視數千年蕃息生存衣食父母之邦。而敝縕袍之不若也。其所以然者。蓋屈於專制之下。譬之產業爲豪奴所奪。久遂以爲豪奴之所固有。而忘其所自來焉。抑吾聞之美法意希日本各國。

先亦失其產業。徒以爲民者不忍聽其放棄。遂萬衆戮力起而奪之。豪奴之手不觀之美乎。其初受國英之壓制。蓋無異於今日之中國。一千七百七十五年。十三州志士若戎阿丹士若惹希邇遜若富蘭克林等。開國會於費拉地費。舉華盛頓爲大都督。起兵以拒英。飛機四方。法人義之。舉師以助。血戰七年。卒得獨立。爲世界第一等之共和國。不觀之意乎。自維也納會議以來。尙爲奧國所箝制。其諸州君長。惟奧命是從。且藉其威力以滋殺戮。志士痛之。仰天號泣。奔走呼救。以倡意大利統一之說。其後當法國之革命。及日耳曼之變動。影響所及。波於半島。意人遂離奧自立。而渙散各州。遂一旦歸於統一。不觀之法乎。法之敗於德也。幾不國矣。其國志士憤政府之無能。慨帝政之腐敗。乃開國民議會於波爾登。於是黨派叢集。定謀決策。割二州以和德國。廢帝政以易民主。未幾而雄長歐洲矣。不觀之希臘乎。隸於土耳其之版圖者。四百有餘年矣。以土人待之殘忍。乃於一千八百二十年。舉國以抗土。卒賴各國之助。而以黑子彈丸。巍然獨立於地中海。又不觀之日本乎。明治維新之初。藩閥之臣。恃其覆幕之功。把持政權。當是時也。學校之所培植者。無非薩長之子。府縣之

黃

帝

魂

所庸登者。無非薩長之士。內閣之所出入者。無非薩長之黨。舉國擾擾。幾蹈幕府之覆轍。板垣退助憂之。乃大倡自由平等之說。奔走遊說。遍於國內。卒成大黨。名曰自由。於是各政黨接踵而起。以要求政權。監督政府。遂得於明治二十二年。布憲法開議院矣。我東方之有憲法議院。自日本始也。

由此觀之。凡國之所以因禍而爲福。轉敗而爲功者。必賴千百志士不畏艱難。以肩鉅任。殺身以易民權。流血以購自由。前仆後興。死亡相繼。始能掃蕩專制之政治。恢復天賦之權利。此今日民權之世界所由來也。嚮使各國之民。忍受束縛。而無反抗之力。則所謂合衆國者。今猶一印度。所謂意大利者。今猶一波蘭。法已爲德所滅。希

卒爲土所制。而日本政治之專制。固無論矣。

然則天生豪傑。去人不遠。固非我國民而獨爲滅亡之國民。亦非彼國民而獨爲強盛之國民也。故有志士則興。無志士則亡。今試問美國何以強。則必曰有華盛頓富蘭克林等。而強。又試問法之何以強。則必曰有齊威耳甘畢達等。而強。更試問意希日三國何以強。則必曰意以加里波的等。而強。希以嘉納利司等。而強。日以板垣退

助。而。等。強。故。中。國。而。有。志。士。如。美。法。意。希。日。者。即。我。中。國。亦。美。法。意。希。日。矣。特。患。其。沉。溺。於。利。祿。之。中。而。不。能。自。脫。耳。

歐美日本之政治家。掉三寸舌。持三寸管。或登演臺。或著報紙。似嘲似諷。似婉似惜。謂中國人視國家若秦越。興亡隆替。渺不相涉。一若鳥獸不可與同羣者。而天然之團結力。遂瓦解冰泮。故中國於世界。有四萬萬國之稱。嗚呼。我國人。豈無羣哉。誰爲爾無羊。三百爲羣。誰爲爾無牛。九十其特。於是亞洲大陸之牧場。已儼成。或降於阿。或飲於池之圖畫矣。無他。惟無政黨之故。

我中國自開闢以來。無黨如史家所載。三君八俊。八顧八及。八厨之屬。在一部十七史中。非不黨禍迭見也。然即有數千百人。薈萃名流。痛詆時政。究之匿跡門巷。呻吟晤晤。其思想無有出於獨裁君主之外。而可以進退政府者。故雖以歐陽永叔持論之平。亦不過曰。黨分君子小人而已。未見其言黨與政府有直接之關係者。張儉何以望門投止。杜根何以忍死須臾。至一頒大赦。黨人之詔而團結之立解。而欲如法之民主黨德之社會黨。俄之虛無黨。可以與政府相持不下者。已渺不可復得其宗。

魂 帝 貴

魂 帝 貴

旨。誠。不。外。標。榜。名。稱。表。吾。高。尙。之。跡。云。耳。故。曰。我。中。國。自。開。闢。以。來。無。黨。

百年以來。有所謂白蓮哥老三合大刀小刀安清道友義和拳民等野蠻集會。出沒于沿江沿海各行省。其數之多。無慮數千萬。其勢力雖充足。至於糜爛六百餘名城。若當時洪楊之事。尙不能組織一政府。與地球各大國通帛往來。遑問今日以亡國之將敗軍之師之乞食於敵人者乎。吾嘗縱觀其間。叩其宗旨。莫不曰。吾將反清以復明也。噫嘻。明之樊政。何可縷指殺人流血反一獨裁君主之清。而復一獨裁君主之明。庸有濟乎。且不止此也。其宗旨亦不過震震鑠鑠。慷慨譚之。究之所謂反也。復也。亦並不能踐。蓋欲藉此名以聚衆。而遂其攻擄劫奪之私願而已。黨且不可。何況於政黨。

中國時士視朝野之趨向。強分守舊維新等名目。既而於守舊維新之下。加一黨字之稱。吾不知守舊者於何年何日。曾於何處布結黨之儀式。維新者亦於何年何日。曾於何處宣言結黨之宗旨。何竟如青天霹靂。平地風波。而中國忽一躍有兩黨之稱乎。但聞浮名未見實際。其爲守舊者自稱歟。維新者自稱歟。抑不新不舊所謂中

立者誤稱歟。吾滋惑焉。然則所謂守舊者。亦不過幾許聾聵無知頑固昏謬之徒。死守幾經劫餘之祖宗成法。朝堂齷齪鄉里謾罵。作蚊蚋之汙渠。一閔而已。非真有黨也。所謂維新者。亦不過幾許相傾相軋無能無爲之輩。誤講自由平等之字義。匿跡租界。飄蓬海島。作山海經之所謂山膏而已。非真有黨也。較哥老三合秘密結社之團結力等之此輩之中。反不如彼之能恪遵其十條十款。延其集合於數十百年以至今日。而彼猶膠膠然稱之曰新黨。曰舊黨。不亦恬不知愧耶。

吾居東。又習聞僑寓經商於南洋日本。有所謂革命黨者。有所謂保皇黨者。蟻集蜂屯。紛紛嘖嘖。而性猶湍水。宗旨無定。朝秦暮楚。反覆無常。究之無教育。無思想。其慕功名者。遂有非后胡戴之思。其不足與功名之人往來者。乃生鋌而走險之志。非真能討論革命勤王之孰是孰非也。且有不知革命勤王之爲何解者。亦昧然從而叫囂不絕。如醉如夢。有若病狂天獨生此星羅棋布南洋羣島之英領土與一字長蛇東海三島之日本國爲中國人談革命勤王之地乎。昔波蘭求救英人之文。引英相馬堅拓之言。曰吾寧以英倫之島爲天下言獨立者之逋逃。藪嗟吾同胞試觀波蘭

黃帝魂

果獨立否耶。已固不振而望於人。雖有萬島以爲中國人踰天瘡地之場。其何補哉。其何補哉。且若輩中之首領。非真能如德儒李拔之所言也。一德儒李拔所著政黨首領論。連篇累牘。可檢閱之一。其所謂君恩未報者。亦既讀書萬卷。儼然爲一代之經師。而又深鑒夫中國四萬萬同胞之腦氣筋各具一事。父事君家奴走狗之性質。於是。以對病下藥之名。醫自居。而求便於我功名之想。究之所行。所爲。不過書生之見。如梁山泊所謂白衣秀士王倫而已。迨至一經挫折。遂至舉平日所視爲身心性命者。一擲而不復顧。曰君恩曰友仇。豈恩仇之已報而責任之果盡耶。何其前之勁而後之餒也。天姬待宴。衆仙同日詠霓裳。稚子候門。同作天涯淪落客。吾不知拿破崙流於愛爾巴海島時。其境遇與彼若何。嗚呼。休已。至若以顛覆政府自命者。其宗旨非不正也。非不美也。而自吾觀之。其人蓋老於世故者。流逆知世界文明之動機。或將航太平洋。而達於中國大陸。除非由各強國瓜分終古爲等於印度之奴隸。萬無有以一人自民間而能爲昔日之所謂漢高祖明太祖者。於是開創君主之念。遂變乃陽襲民權革命之名號。以自便其私圖。然吾何故而得其證據哉。蓋見華盛夫

傾。倡。美。國。之。獨。立。不。聞。以。一。身。而。逃。至。他。邦。阿。主。拿。度。與。美。國。開。兵。端。不。聞。以。一。身。而。匿。跡。異。國。彼。豈。不。曰。艱。難。風。雨。一。人。嘗。之。而。他。日。之。萬。古。隆。名。吾。將。以。一。人。當。之。乎。此。其。心。究。與。專。制。何。異。耶。及。吾。細。察。若。輩。之。舉。亦。並。非。有。公。理。公。義。之。不。容。已。而。爲。國。民。奔。走。者。其。籠。絡。人。才。假。仁。假。義。口。是。心。非。則。梁。山。泊。宋。江。之。替。人。也。天。爲。中。國。生。黨。人。天。並。不。爲。中。國。黨。人。生。首。領。其。福。我。中。國。哉。抑。禍。我。中。國。哉。吾。不。才。不。得。而。論。斷。之。矣。借。曰。政。黨。則。如。吾。向。之。所。述。哥。老。三。合。等。會。誰。非。政。黨。

且。夫。世。界。文。明。之。邦。其。民。之。所。以。能。革。獨。裁。專。制。之。亂。政。脫。壓。抑。羈。絆。之。巨。禍。享。自。由。平。等。之。幸。福。操。代。議。監。政。之。實。權。者。豈。有。他。哉。是。必。先。有。豪。傑。之。士。其。威。望。及。於。一。部。之。國。民。率。彼。以。化。道。一。國。之。輿。論。公。議。而。日。進。於。文。明。以。結。成。一。公。黨。爲。彼。野。蠻。政。府。之。勁。敵。卒。能。組。織。內。閣。出。入。國。會。以。統。轄。一。國。之。人。民。而。一。國。驟。幸。昌。盛。此。一。定。不。拔。之。原。因。也。惟。自。一。千。八。百。十。五。年。有。維。也。納。之。會。議。歐。洲。列。國。遂。變。當。時。之。政。策。而。欲。復。十。七。紀。之。舊。觀。推。其。意。蓋。欲。改。正。法。國。革。命。猛。烈。之。旨。以。息。人。權。自。由。之。說。其。政。權。仍。歸。於。君。主。貴。族。之。手。然。卒。不。五。十。年。得。令。專。制。之。政。掃。地。無。餘。蓋。

因。革。命。之。旨。已。播。厥。種。於。全。歐。人。之。腦。質。中。而。其。中。之。傑。出。者。乃。得。乘。此。時。組。合。政。黨。使。維。也。納。之。議。終。歸。烏。有。嗚。呼。何。其。志。之。堅。也。及。反。觀。之。於。中。國。如。吾。向。之。所。述。其。無。志。者。則。劫。而。已。乞。而。已。即。稍。有。志。者。其。始。既。爲。功。名。而。來。則。非。有。萬。死。不。顧。之。志。歲。寒。松。柏。之。操。是。不。過。數。月。一。時。之。成。敗。繁。繞。於。彼。靈。臺。以。爲。無。端。之。喜。戚。而。欲。遽。望。彼。以。爲。國。民。造。福。是。何。異。牽。貓。以。獵。鼠。僅。足。飽。貓。之。一。腹。已。哉。嗚。呼。亡。國。之。一。大。原。因。不。誠。在。此。不。在。彼。耶。

綜。而。論。之。中。國。人。有。四。病。焉。曰。妒。曰。詐。曰。怯。自。南。宋。時。受。互。相。傾。軋。之。感。冒。至。今。不。衰。故。苟。有。兩。團。體。則。鬩。牆。之。禍。作。而。禦。侮。之。念。銷。而。其。所。爭。者。以。小。利。益。成。大。寇。讎。否。則。事。非。成。於。我。手。必。竭。智。以。傾。倒。之。冤。冤。相。報。無。有。寧。已。此。妒。病。也。以。天。下。之。大。事。作。一。人。之。功。名。若。登。泰。山。之。巔。視。行。路。之。人。皆。成。螻。蟻。舉。可。以。指。揮。自。如。者。則。衆。叛。親。離。矣。此。專。病。也。以。詐。行。誠。則。合。羣。之。道。備。焉。以。誠。行。詐。則。勝。敵。之。術。粹。焉。而。以。待。敵。者。處。羣。是。舉。天。下。而。皆。爲。我。敵。也。此。詐。病。也。自。有。虛。無。黨。而。俄。王。食。息。之。頃。若。履。春。冰。規。國。者。乃。許。俄。民。之。必。興。起。也。中。國。人。則。通。客。而。已。此。怯。病。也。自。有。四。

病則黨不成。黨不成則雖海軍若英法陸軍若俄德而國亡終無以救。嗚呼此吾所以長太息痛哭於中國之前途也。

吾聞夫一國之驟興必有無名之英雄出焉。故雖以中國今日之情形亦未可先事而論斷。安知異日東方華拿其名字尚未貫注於亡人之耳。今乃屑屑焉以魚餒肉敗之政府蜂屯蟻聚之黨人少見多怪刺刺不休腸一日而九迴何所見之不廣也。然在閉關自守之初欲開闢一小天地則即此小天地中之教育似無不可以潤色鴻業以收濟濟人才之盛由是泗上亭長乃至貴不可言淮陰少年亦可登壇選將。今試問二十世紀之中國爲何時乎。美國未革命以前其政治之教育與英人等法國未革命以前其政治之教育亦與歐洲各國等此與國者之往蹟而中國之所無也。猶太印度無政治教育此亡國者之往蹟也。而中國人乃獨有惟問意大利之統一日耳曼之聯邦十三州之獨立以前各國之歷史當時所以鼓動一國國民獨立不懼之精神而倒母國廢君王殺貴族抗強鄰上至議院典型下至地方制度往往於兵連禍結之時創體國經野之業於時所謂人傑者其道學學問一切具如何景

黃

帝

魂

黃

帝

魂

象嗚呼此即所謂無名之英雄當時其名不彰而彪炳於今日之世界歷史者也。若今日之中國既合一國人腦質融洩於詞章入股之中吾見恆有披地圖不知亞細亞爲何地覽歷史不知畢士馬克爲何人亦貿貿然侈談經世偉業者由是侈言民氣則曰殺人與談行軍則曰湘勇告以有各大國之承認然後可以獨立彼既不知承認爲何解即知之亦無不曰安得有是事乎但知十年以來未有以開教能逞其志者彼惟知開教之不可此即我中國無名之英雄近來之進步如是而遽責彼以經國之偉略寧不知中國今日尙爲歐洲十四五世紀時之世界與今日歐洲之世界其文明之程度相隔尙五六百載是必於中國未倡獨立以前先令地球各大國一改所有之國際法一一就於中國人腦質中所有之習慣或不至徒襲獨立之空名而抱杜蘭斯哇非律賓之餘痛然杜蘭斯哇非律賓其舉動尙無有一文明之敵非無英雄非戰之罪不過其國之地位遜於亞洲大陸而已若驅今日中國之英雄而上二十世紀之演劇臺上未有不以其英雄而亡其國者故以中國人對於中國無名之英雄其令人畏懼之迹未有不勝於英俄德法者也其亡其亡無可疑也。

或謂日本三十年以前。其所以破除排外之思想。而成維新之盛業者。直以伊藤博文井上馨之遊學爲之起點。故中國當以留學生爲一線之生機。而從不敢以此阿其所好也。夫以中國留學生之敢於今日專制政體之下而毅然談革命排滿洲者。決不得謂非昔日派英派美中銚銚之鐵而又絕不敢謂此即他日國民中櫛風沐雨以倒滿樹政者也。何則。伊藤井上之所以能立殊勳者。以迫於國之危急存亡而後出。既非出而後知其國之已瀕於危險。則與今日口頭革命以博通達之名。低首而求膏火圖保舉者。其遊學之初心固自有差別。雖然。吾豈爲是言。以概今日之留學生哉。苟無留學生。則東方之病夫不必英法俄德之聯軍。吾亦將滅此而朝食。苟無留學生。則如今日腐敗之公使羅豐祿伍廷芳其人者亦並不可得慰情聊勝。無彼覩國者聞之。或亦作此中萬有一人之想。由是觀之。則中國之政府與國民。既於甲午以還爲外人所盡測。而留學生之一部尙爲世界上隱秘不可窺之國。然則留學生苟自振拔。豈非吾輩所尸祝而樽俎之者哉。蚩蚩愚民。既非做買辦細崽。不出國境有之。則今日數十百人之留學生。是也。合全國國民之膏血歲納數萬萬金以

黃 帝 魂

黃

帝

魂

養民賊乃傾歸墟之水。僅得滴此一勾餘潤。以爲國家培植人材之用。是此數十百人不啻費國家數萬萬金。以爲求學之貲。其責任固如何者。嗚呼。往事已矣。前此英美之留學生。所謂東流之水。吾不復論。惟吾甚願其勿援成例。隸籍於泰西。前此派美學生中。有入美國籍者。勿作教徒。榮膺其博士。前此學生中。有爲傳教博士者。近頃信教者。亦復有之。一臨別贈言。一今之派美學生。近日始於日本東渡。一當刮目以待。也。且夫留學生中。人才之盛。直以東京爲首屈一指。即如倡民權而就戮於張之洞。余廉三之手者。亦以十餘人計。不可謂不雄矣。雖然。以俄羅斯近日之倡革命抗政府。戮力同心以求有濟者。視吾中國之學生。爲何如乎。孔子曰。『先行其言而後從之。』革命之口頭禪。吾斷不肯頂禮膜拜。抑吾聞之以文明之形而下者。而濟野蠻其亡國之速。率不次於光與電。諸君子。非學於法律行政陸軍警察之學者。哉。以之輔滿人。則誠子孫帝王萬世之業矣。其如我漢族之萬劫不復。何故以政府而亡中國。以列強而亡中國。以義和團而亡中國。則中國將亡而不至於遽亡。以留學生而亡中國。則誠我之所不忍出諸口者也。嗚呼。羅豐祿伍廷芳。儻源

黃

帝

魂

不絕於日美之留學生乎。則中國不亡又何待。倘今日日美之留學生僅優於伍庭芳羅豐祿乎。則四萬萬人終泯泯禁禁於狗種狢孫專制政體之下。而中國不亡又何待。而況有三年肄業不曾一入學校之門。而欲憑空以求一卒業之證書。歸以驕其妻妾者哉。語曰：『冤死狐悲。物傷其類。』使留學生而如死於湘鄂者也。吾誠悲之。使留學生而果以此名爲贅疣也。學云乎哉。文明之嚆矢云乎哉。革命之種子云乎哉。母亦爲伊藤井上等所竊笑乎。敢以春秋責備之義。附諸中國滅亡之篇。非謂中國亡於留學生之手也。蓋謂留學生有可以亡國之才是。或一說。

嗚呼。天厭中國如此。其酷其政體之得失。固已連篇累牘。爲婦孺之所共知。而其所謂志士者。又復如嫫母無鹽之姬妾。爲主人所唾棄。閉以幽室。不召幸者。已隔歲年。而彼猶日施脂粉。冀復專幸於六宮粉黛之中。乃考厥由來。其主人蓋殺彼之生父母。行劫以得彼者也。波蘭之亡也。以死戰而亡之。烈者也。非律賓杜蘭斯哇之亡也。於欲獨立時而亡之。傑者也。印度之亡也。亡於文明國之手。中國之亡也。以四千年神明之胄。亡於彼游牧水草之民。既爲世界歷史中所僅見。而其最可駭者。亡

黃

帝

魂

之既已數百年。忽遇可脫羈絆之一。復生一輩。謬種志士起而爲吾所謂嫫母無鹽之姬妾。此真新發明之志士。所可傲地球萬國之所無者也。夫美之志士脫母國而賴以不亡。法之志士廢君主而賴以不亡。日本之志士尊其同胞同種之王而賴以不亡。此興國之成例也。惟中國之亡之奇。惟中國所生志士之奇。吾故曰。吾國之民。其心已死。其氣已絕。其無廉恥之態。爲印度猶太人之所不忍出。聞唐宋元明清之君我國也。則我爲唐宋元明清嫫母無鹽之姬妾。聞英法德俄之君我國也。則我爲英法德俄嫫母無鹽之姬妾。此所以茫茫亞洲。絕無男兒之性。芸芸黃種。無一獨立之民。志士尙如此。則志士之外。吾何責哉。吾何責哉。

義和團與中國之關係

世界之大。可驚可惑。而又可憎惡者。非今之所謂文明國乎。堅其船利其礮。眈眈其視。逐逐其所欲。施屋人社壘。人國之政策。下衆暴寡。強凌弱之方針。不亦可驚矣乎。今日唱瓜分之言。明日唱保全之議。或已割人之要土。得人之重金。而又以告於人曰。予於此舉。一時之不得已也。而今而後。當講人道。教玉帛。斷不復蹈前非。焚取強

素以貽不知我不得已之苦衷者之怪。不亦可惑乎。內政始修。外侮僅鎮。不至一落千丈。輒謂吾將保泰持盈矣。見人之橫使強索於他人也。則執干戈以隨之。既見侵索者之不得所欲也。則又爲之太息。爲之嘲笑。或倡言與此聯合。使認爲平足。或倡言與彼保全。使交逾肝胆。試一問其國昔日之狀況如何。將來之狀況如何。則固懵然絕不自量。不亦可憎可惡矣乎。嗚呼。豈真不如是。遂不足以爲文明國乎。當上古文化未開時代。爭城爭地。殺人如草。流血成河。曾無停昇者。所謂春秋無義戰。審其時勢。忖其人心。無足怪也。今則輪船鐵路電線之消通矣。地球面積日形縮小。渺茲萬國。視若比鄰。風教之盛。文化之隆。開亘古未有之新景。誠人羣進化之時期哉。宜如何講和平之人道。顧萬國之公法。博愛仁義。以達世界文明之極點。使普天率土。彈丸莫非公國。匹夫莫非公民。國民皆公。其享世界公權。自不言而喻矣。孰意計不出此。而至今令人可驚可惑。而又可憎惡者。所謂文明固如是耶。此所以圓首方足。苟有國民之責任者。莫不勃然奮發。攘臂興起。思建獨立旗。而擊自由鐘。如美非之役。英杜之戰。其然也。吾國人雖至愚。而數十年來。受外界之激刺者。亦已至矣。尺蠖

黃 帝 魂

之。屈。尚。知。求。伸。豈。天。之。特。別。產。一。人。種。使。如。涼。血。部。之。動。物。終。日。幽。埋。毫。不。察。覺。甘。受。第。二。猶。太。之。惡。號。印。度。埃。及。之。失。權。哉。不。知。壓。之。愈。力。則。起。之。愈。驟。理。有。固。然。而。況。長。江。黃。河。促。人。激。發。波。濤。之。聲。洋。洋。入。耳。也。故。北。部。山。東。直。隸。之。人。民。每。謂。外。人。之。侮。我。雖。上。天。亦。代。爲。不。平。當。聯。民。氣。以。共。伸。之。順。天。之。心。盡。人。之。責。幸。則。杜。絕。列。強。不。幸。則。亦。振。起。國。民。排。外。之。思。想。此。義。和。團。之。所。由。來。也。

賞

帝

魂

義和團之崛起也。唱滅洋之議。率無學之徒。視死如歸。搖動世界。屠外使。火教堂。毀公署。折鐵道。動天下之兵。寒列強之胆。雖巨礮如雨。堅船如雲。而猶苦戰經時。前仆後起。直至滿會。走政府。傾北京。破然亦雅不欲罷出死力以持之。夫義和團。豈不知寡不可敵衆。弱不可敵強哉。然出於愛國之心。忍無可忍。故悍然冒萬死出萬難。以一敵八。冀國民之有排外自立之一日耳。而謂二三民賊。假神託鬼。所能使之履險如夷。置生死於不顧乎。乃今日執成敗論人之輩。動曰團匪蹂躪北部。傾倒政府。啓釁鄰邦。請盟城下。是貽國家百代之羞也。噫嘻。是何言哉。夫使義和團一戰而勝。有志者復乘其機而導之以國民之義務。曉之以天賦之民權。掃專制之頹風。開共和

之善政。則此際之排英排俄排德排法排美排地球各國者。爲義和團安知不旋踵而排除滿族大倡改革者。非義和團耶。不過事機失敗。棄甲曳兵。引狼入室。致貽人口實耳。雖然。義和團雖一敗塗地。不齒於人。而其爲中國種無數強根播無數國民。獨立之種子。吾中國人其亦知之否耶。敢述所見以質國人。而使義和團得瞑目於九原。吾四萬萬同胞國民亦知所自任焉。

吾國人日言爲外人奴隸之恥矣。而不知爲滿洲奴隸之恥。日言排外種矣。而不知排滿洲之外種。滿洲人之盜竊我中原也。二百餘年於茲矣。當明季失德。烈皇繼統。盜賊繁興。凶災疊見之時。滿人乘機而入。壟斷獨登。視吾神明之胄。曾胡虜奴隸之不若也。而考其種類。乃居吾國之東北。種原隸鞏。國號滿洲。地極苦寒。不利五穀。獵鳥獸之皮而衣之。肉而食之。極其野蠻之俗。雖今日非洲之黑奴。臺灣之生番。或未之逮。無教化。無禮義。如生理學家所謂『原人之起居食息。舍衣食男女之外。無餘思想』者。然而其野蠻又不寧惟是。無禦風雨之宮室。如上古之穴居野處也。無通書札之文字。如老死而不相往來也。聚則如蟻如蜂。散則鳥飛獸走。髮則薙去其半。

黃 帝 魂

墜其腦分三股而成一束。牽一髮而痛全身。以如此野蠻之人種。而居然踐我之土。食我之毛。主我之民。君我之國。吾國人亦遂主其主。君其君。甘爲臣妾奴隸。而不辭卽終。歲勞勸之所入。亦盡以享此滿洲野蠻之人種。而滿人且並不恤其艱辛。民不聊生。瞠若罔覺。甚至旅食異國。亦無勢力爲之護衛。徒派暴官若干人。以殘削之。嗟我同胞。何堪此苦乎。夫爲外人之奴隸。尙不過身羈異域。履外人之土。求外人之財。猶可言也。而至對此一大蠹賊。大寇讐。竊我之士。奪我之財。我方鏤心鐫骨。日夜謀所以剪滅之。而不暇者。乃反引爲同族。視顏而服事之。不亦僨乎。是故彼蒼亦爲不平。凶災疊見。兵刀水火。無日無之。義和團之揭竿而起也。雖未達其滅洋之目的。而亦開歷史之奇觀。傾此二百餘年根深蒂固野蠻無紀之政府。滅此不可枚舉尸位素餐冥頑不靈之滿族。使非天假義和團之手。藉聯合軍之力。而爲我國民雪二百餘年之深恨。苗固有民權之萌芽。曷克至此。然則義和團之功。勳豈淺鮮哉。此其有關係於中國者一。

且也。吾中國人不悉外情。輒自尊大。號曰中華。舍一國之外。則爲洋鬼。或以番鬼目。

之。蓋自明正德間外人侵入。葡萄牙初據香山。英吉利繼據廣東。吾國人見葡人不知其所自來也。遂由其形色之異。而曰紅毛鬼焉。迨至英得香港。各國商人雲集。見其皆紅髮。皆碧眼矣。使一以紅毛鬼目之。不且無以示區別乎。於是見其國旗之花者。曰花旗鬼。而聲音之與英美雜然不同者。則曰雜港鬼云。噫。亦可笑也已。及夫安南之失。中東之役。澎湖之割。旅大威海之借。膠州之據。廣州灣之賺。九龍新安之奪。然後吾國人稍知外人之可驚可惑。而又可憎惡矣。而猶未敢遽信也。曰。以我中國堂堂大地。縱作俠舉。少惠於人。亦猶九牛之一毛耳。庸何傷乎。嗚呼。使無義和團之啓。列強烏有滿洲賤種堂親王。滿洲奴隸堂堂傳相僕僕。道途請盟。城下藉幾。層之皂隸。爲列國之馬牛。忽而任駐外兵。忽而禁進軍械。忽而遣派顧問。忽而停止科舉。哉。於是林林總總之四萬萬人。始惕然知有國恥矣。望議和之速成。而國政之改革矣。此義和團有關係於中國者又一。

中國人之柔筋脆骨。已爲萬國所不齒矣。絕東老大之號。第二猶太之名。已淒聲入

黃 帝 魂

耳矣。甲午一敗。割地求和。俯首帖耳。任外人之取予。而曾不敢稍違。民氣奄奄。人心其死盡矣。然而悍勇之粵人。受九龍新安之奇辱。不顧政令。攘臂一呼。揭竿皆起。雖未能達其拒外之目的。復其自有之土地。而民氣所至。已足震動全球。即平日之鄙我以睡獅病獸者。亦未嘗不謂其言之過甚也。今日義和團之赤拳。鏘刃。又何以一勇至此哉。不過以目擊德據山東之奇慘。不忍聞見。故如擊石鑽木。力之愈烈。則木石愈熱。電火從此而生。義和團亦如木石之電火。因擊鑽過力而起者。也不然。何以不見於其他之十餘省乎。如是則我中國之民氣。固未嘗盡泯。刃未加頸。酸未沾唇。故如蟄之虫。噤而不發。誠使春雷一振。萬彙皆蘇。吾恐唧唧之聲。又將出而轟人耳。目然則義和團此舉。實爲中國民氣之代表。排外之先聲矣。彼眈眈逐逐。以一鼾睡而目盡我中國人。而狂思妄想。豆剖瓜分。我中國者。觀於此。能無廢然變計耶。此其有關係於中國者又一。

一能勇於私鬪者。則公戰必勇。一此歐美碩學家之通論也。今日義和團之起。其人不過直隸山東所恃。不過滿洲政府。其思想極下。其戰鬪極私。而能氣象發皇。精神

活動。置生死於度外。務欲滅盡外人之跡。火盡外人之居。如是則今日雖追奔逐北。濺血橫屍。要其勇之一字。未嘗不轟全球人之耳。電全球人之目也。如是則彼可驚。可惑。而又可憎。惡之所謂文明國人。平日唱兵力瓜分和平瓜分之議。或塗紅圈綠線于中國地圖。謀某地爲某國勢力範圍之企圖者。或亦未敢如前此之猖獗乎。且即欲達其野心之目的。又不知當立何種之方針。施何種之政策。然後敢向我亞細亞絕東而一發矢也。此義和團有關係於中國者又一。

義和團與中國之關係如此。其不可輒目爲匪也矣。而中國國民之精神。亦可從此振刷矣。孟子曰。雖有智慧。不如乘勢。今日乃吾國民振刷精神之好時機也。華盛頓拿破崙。猶將以追蹤許之。況今日民權獨立政體自由之理論。已印入人腦。牢不可拔。所謂時勢造英雄。有如是哉。嗚呼。大聲叱咤。開廿紀之風雲。隻手提携。張自由之旗鼓。席卷二省。蘇盡億兆人盡國民之責任。種同胞之幸福。在此時也不幸不濟。亦將以血繼之。不然則印度埃及之死水。即進渡太平洋而入我黃河揚子江之流域矣。淒風颯颯。苦雨瀟瀟。每念及此。毛骨灑拆。不知吾同胞國民。其亦致意於此否。

耶抑勃然興起而闢創一新世界耶。日夕望之矣。

代滿政府籌禦漢人之策

蠢爾滿人。胡爲而馭我漢人哉。拙爾滿政府。胡爲而治我漢土哉。其種族無漢人之優。其人口無漢人之衆。其思想無漢人之高。其教化無漢人之美。其土地無漢土之廣。其物產無漢土之豐。其形勢無漢土之壯。其製作無漢土之工。舉凡一事一物。以之較我漢人。漢土。直有天壤之別。亦絕無一事一物。可以爲滿洲人留忠厚者。而以之馭漢人耶。治漢土耶。其亦太不知自量也已。

然自甲申以後。滿洲人之竊我漢土。欺我漢人者。已二百五十餘年矣。而居然豐其衣。厚其食。奴漢人之子女。吸漢人之脂膏。使我優勝之漢人。轉敗於至劣之滿族。任其暴戾。任其侮慢。任其刻薄。任其剗削。絕不一思振奮。稍知冤抑。甘心生息於暴戾侮慢之下。俯仰於刻薄剗削之中。一隨其意之所之。以垂至今日者。則又何耶。豈滿人真有馭漢人治漢土之策耶。抑漢人漢土之劣。敗於滿人也。曰是皆不然也。當滿清入關之初。殺人如麻。待人如蟻。又乘我明季擾亂之後。民氣凋喪。國脉凌夷。

遂得歎我漢人竊我漢土要其所以馭之治之。以至今日者則亦無他固不外一強橫政策一恐嚇手段也。有稍不順從者則慘戮之。稍不如意者則屠殺之。如薙髮改裝其然矣。不論順與不順。從與不從。而先以強橫恐嚇壓服之。俾知我軍之惡。不敢側目而視者。如揚州嘉定其然矣。而漢人既遭屠戮之後。各懷畏死之心。不復爲之色然怒力然爭。而滿清遂半得服從之權力矣。然猶恐他日之或起而報復也。於是遇言語之不檢束者殺之。遇行爲之不服從者又殺之。甚至以一詩一詞而戮其全族。一題一句而誅其終身。又於各大省中設旗滿之防兵。立旗滿之將軍。凡漢人一舉一動。無不爲之窺伺。而漢人之心盡死矣。漢土之地盡失矣。漢人之婢質奴魂亦由此而澎湃矣。由順治至今。或以虛名誘之。或以利祿弭之。或以陰險之術愚之。或以殘暴之策制之。而所謂大清之二百六十年。遂居然酣歌恒舞。養尊處優。不復知有報復之患。而漢人之婢質奴魂益從此鞏固而不可拔矣。此滿人馭漢人滿政府治漢土之前世紀政策也。

雖然前之世紀。豈如今之二十世紀前之漢人。又豈如今之漢人哉。今之世紀。乃文

黃

帝

魂

黃

帝

魂

明發達之世紀。今之漢人乃中國主人之漢人也。夫自太平敗後。散勇之禍甚於洪軍。而漢人始知政府之無理。甲申戰後。今日割地。明日乞和。而始知政府之無爲。甲午戰後。剝民以爲賠款。割地以保安全。而始知政府之昏暴。庚子亂後。攤派鉅款。百物加抽。且移賠款之項。以爲園囿之樂。藉攤派之名。而爲中飽之私。則舉凡無智識。無腦筋。無學問。無吟域之人。亦莫不曰朝廷無用矣。官吏苛刻矣。蹙額歎歎疾首歎息。無論其爲何等人物。何等思想。而皆有危險之心。此時此際。滿人尙得以強橫政策。恐嚇手段。而馭我漢人治我漢土耶。

至於今而中國亂機有滂勃不可壓制之勢矣。廣西之游會蔓延于兩省。四川之拳黨猖獗于數郡。漳州則擁於南。馬賊則控於北。環顧其餘各省。殆無一不蠢蠢思動者。雖無楚霸。已有陳餘。卽無革命之思。亦有仇官之志。吾思之。吾重思之。不能不爲滿清憂。不能不代滿清危矣。然果操何術以禦之歟。是固滿政府之一最大研究問題也。

今滿政府之所謂籌禦我漢人之政策者。一曰借外力以防內亂。一曰壓民智以消

黃 帝 魂

患而已。此二者。自滿政府視之。固以爲無上之政策也。其由前之說者。結外人之歡。藉外人之力。以爲一旦內地有難。吾可因其援而抵禦之。於是不惜漢土之重貴。漢人之權利。一一拱手奉獻以求買其歡心。而於立約之時。且重言以其聲明之曰。『清國有內亂。則某國當出而剿平之。清國有外患。則某國亦當出而干預之。』此清俄密約。新疆條約之彰明較著者也。此借外力以防內亂之政策也。由後之說者。則名爲學堂。而實則禁錮。名爲實力開辦。而實則因循。所發之上諭。固不曰三令五申。則曰諄諄誥誡也。及觀之上。而京師。次而各省。下而各府州縣。未設者則搪塞之。已設者則糊塗之。然後知政府之維新。乃爲掩飾外人計。而實則不欲漢人之真有聰明才力也。蓋漢人之有聰明才力。非滿清之福也。此壓民智以消後民患之政策也。壓民智則杜其未萌。借外力則制其已發。遂以爲四百餘萬之漢種。無復可爲。而得長享治安之幸福矣。

雖然。欲抑之。則愈揚。欲敗之。則愈成。欲閉之。則愈開。欲阻之。則愈進。斷不能以反動力。勁而遂挫其原動力也。彼今之所謂防內亂者。是亦欲抑之。欲敗之之術。所謂消後患者。是亦欲閉之。欲阻之之術耳。其欲抑之。敗之。耶。吾恐適所以揚之。成之。其欲閉之。阻之。耶。吾恐轉而爲開之進之。以今之時。世處今之人。羣彼滿政府者。尙得以強橫之政策。恐嚇之手段。欲防其亂。而消其患乎。不至防亂轉而生亂。消患轉而養患不止也。

然則爲滿清計者。策將何出。曰。不過因其勢而利導之。收其心而無二耳。夫因也。收也。豈有他哉。實亦不過揚者揚之。成者成之。開者開之。進者進之而已矣。如是。則爲滿清計之。固有二策。一爲因。全國之勢。而收其全國之心。一爲因羣人之勢。而收其羣人之心。

所謂因全國之勢者何也。夫自庚子而後。攤賠鉅款。此絀彼贏。有寬於肇禍之省。而苛於各省者。而人心之不平者。一。既經攤派。則多方割削。極力搜羅。實則假籌款以爲名。而所籌之款。又有逾於所派之額者。而人心之不平者。二。既逾於額。則又乘此時機。借此名目。以至無物不抽。無地不括。即彼最眇小。最下賤。最污穢。最新奇。種種之捐項。亦幾無一幸免者焉。而人心之不平者。三。有此三不平。而又加以天災之流。

行物價之翔貴而亂機伏矣。一夫首難。一省應之。此省首難。彼省應之。亂勢一成。非爲滿清之福也。然則今日而爲之收其心也。固莫如節內費以減派額。減派額以省抽捐。抽捐省則物價平。物價平則衣食足。亂機其少熄矣。亂機一熄而所謂大清之天下者。不且可保無事乎。斯時也。吾恐無滿漢之別。無種類之界者。猶將歌之頌之。祝之禱之。曰『深仁厚澤』。曰『神聖勇智』矣。況乎派額既減之後。并不患賠款之無着也。宮中之費。每日一萬。每年且三百六十餘萬焉。頤和園之費。修葺者數百萬。供張者數百萬。合之又千餘萬焉。其餘欲建行宮之鐵路。與西陵之鐵路者。稍一舉動。非數百萬。或數十萬。不能。是亦不可以已乎。且吾非謂全節之而全省之也。亦第減其幾成耳。損內費之有餘。補派額之不足。此固欲保全其盜賊劣種者。所不能不睨勉曲從者也。既欲圖全。又思縱欲。天壤間寧有此兩全之事哉。此就全國之多數。而因其勢以收其心者。

所謂因羣人之勢者何也。自辛丑號稱維新而後。國內之冀望維新者。無不翹首企足引領而觀之。乃無何而廢八股之論果下矣。改經策之論又下矣。開學堂之論又

黃

帝

魂

黃

帝

魂

下矣。而所廢者如不廢。望維新者一次灰心焉。所改者如不改。望維新者再次灰心焉。所開者如不開。望維新者三次灰心焉。且其所謂維新者。實亦不過數端。又皆有名而無實。而望維新者四次灰心焉。外貌則曰維新。內弊曾無一革。昏潰如故。腐敗如故。賄賂之公行如故。內帑之虛糜如故。望維新者於是盡灰心矣。且決其無維新之日。亦無復興之時矣。而今之爲收其心者。則又無他。經策之不縛束。勿使影響於新舊之間。學堂之擴充。勿使介於可有可無之數。其欲言自由也。則任之言自由。欲言平等也。則與之言平等。新學問且貢之。新理想且開之。從而每行一事。則誓以實力。每有一利。則令在速行。夫如是而望維新者。且生其熱心。去其灰心矣。去灰心則無異志。無異志則所謂大清之天下者。不亦可保無事乎。彼無滿漢之別。無種類之界者。吾恐又將歌之頌之。祝之禱之。曰『深仁厚澤』。曰『神聖勇智』矣。至若恐民智開則非滿人之福。公理行則爲政府之禍。是固不妨者也。斯時之人。且曰能維新矣。無待於中變下變矣。何暇有他。此枉尺直尋。拋磚引玉之善策也。如欲其盜賊劣種之永存。而又恐漢人之忽智。是猶却行而求前耳。此就羣人之少數。而因其勢

黃

帝

魂

以取其心者。是二策者。一取其全體根本之人心。一取其羣人注重之人心。滿政府儻能實體而行之乎。則除排滿革命之志士外。而不服從之崇拜之者。吾不信之也。即滿清之私產。滿蒙之種族。而不安然固然者。又不之信也。夫今日者。非中國危急存亡之秋。實滿清危急存亡之秋也。奈何滿政府者。不此之爲。而徒以爲借外力。則內亂可防。壓民智。則後患可消。曰『漢人強。滿人亡。漢人肥。滿人瘠』。又曰『吾寧以利益予外人。而必不可以予家賊』。嗚呼。蠢爾滿人。拙爾滿政府。何其不畏滅亡之甚也。爾不與其強。則必起而取其強。爾不分其肥。則必怒而奪其肥。爾不與其利益。則必憤而爭其利益。其起而取。怒而奪。憤而爭者。誰之禍。而反誰之禍耶。夫滿政府者。其不欲漢人之強之肥之有利益固矣。不欲漢人之強之肥之有利益。而使滿人之亡之瘠之有害患也。亦固矣。然既不欲其亡。其瘠其有害患。而不思所以禦之。思所以禦之。而不思上策。以禦之。乃欲死守其強橫之政策。恐嚇之手段。其不致石相擊而火遂生。隄愈高而水益猛者。未之有也。蠢爾滿人。拙

黃

帝

魂

爾滿政府而遽出此下策耶。然吾非謂執前此之二策。遂可以馭我漢人。治我漢土。也不過既笑滿清之悍。又悲滿清之愚。既憐其有畏亡之心。又憫其無扞禦之策。周章狼狽。旦夕不安。至使彼無滿清之見。無種類之界。望維新而言保皇者。亦徒扼腕歎歎。無所藉口。故不憚越俎而爲此代庖之謀。蠢爾滿人。拙爾滿政府。其亦知之否耶。不然。吾漢人也。吾漢人而最愛惜吾漢土者也。胡爲而出於此。

俄據滿洲後之漢人

哀哉。二十世紀之漢人。哀哉。二十世紀之漢人。

泱泱乎枕歐亞之間。眈眈而南視者。非俄羅斯也耶。四體不動。五穀不分之游牧部落。以寡制多。以小制大。而傲然臨於最文明最膨脹之皇漢人種者。非滿洲也耶。自清俄交涉之問題驟起。滿洲人既自知滿人之勢力不足以敵強俄。而又慮漢人之日漸開通。足以爲滿洲人患。於是未嘗不欲犧牲滿洲之權利。爲借力以助制漢人之謀。故俄患雖在蕭牆。而滿洲君臣仍可優游宴樂。而不動於中。丁此時也。美德法

黃 帝 魂

既惟利是視。作壁上觀。英人又雖明知俄入遼東。後患必亟。而自俄人蠶食回疆。鯨吞浩罕。以還。印度領土。方且自顧之不暇。則其必不決裂而輕於一戰也。亦明矣。是無論若何變局。滿洲固始終必亡。然俄之欲據滿洲。非以滿洲爲上境也。爲據中國計也。彼既深知漢人之奴隸性質。與印度等差。前之葡萄牙。西班牙。法蘭西。荷蘭。與今之英國。能奴服印度。正猶前之五胡於晉。蒙古於宋。後之滿洲於明。能奴服漢人。是印度與中國者。直具天然之奴性。最易箝制而愚弄之。其爭也必矣。況以最野蠻最孱弱之五百萬滿族。奴役四百兆最文明最膨脹之漢人。恬然屈服而不自惡。則是土地之易得人種之易治。更未有若漢人者。宜俄之尤當注意也。嗚呼。滿洲亡中國亡。中國不足以亡滿洲。而滿洲乃有以亡中國。雖然。滿洲之亡。自亡之也。中國之亡。則既亡於滿洲。又由滿洲而轉亡於他族。吾不怪滿洲之亡之獨怪漢人之任滿洲以亡之也。

然而東方問題。其有密接之關係者。非日本也。哉。甲午之戰。所謂東三省者。已折入日本之版圖。俄人乃以強硬手段。紆其臂而奪之。當是時也。俄不過自爲俄人計。且

黃 帝 魂

懼日本之有東三省。以爲己害而已。非眞爲滿洲計也。俄之意。日人豈不知之。特以疲戰之後。無可如何。固隱忍至今。而積仇未雪者。夫以昔日之強俄。限於蒙滿之界。尙能凌日本。制東清。儼然爲遠東之盟主。況今日旅順既割。鐵路既成。兵隊既增。軍備亦足。東方一帶。已爲俄人勢力最盛之時。凌之制之。夫又誰憚。然以人材相較。兵力相衡。若其一戰。俄日之勝負。固未可知。若其隱忍以終焉。則俄之據滿洲必矣。以東瀛之三島。與虎狼之強俄。而相界一水。楊旁酣睡。俄其能不介懷於日本乎。然則滿洲之亡。日本方爲支那之續。當亦日本人所自知。是俄日問題。又爲東方強弱興亡之一大關鍵。而各國大轉動之機樞。胥在是矣。雖然。無論俄日或和或戰。或勝或敗。而滿洲則固暫亦亡久亦必亡。在滿洲之亡。滿人或不甚惜之。彼自以爲有漢土。可居有漢財。可用有漢種。可奴甚至棄漢土。擲漢財。殺漢種。皆可以贖我宴遊之地。如臺灣之可以易遼東九百兆之可以贖北京。漢人固無異言也。嗚呼。皇皇漢族。直如孤客窮軍。叩人鼻息。耶。是可哀矣。

允開通口岸。陽立日俄密約。而陰圖軍備。刻意經營。其屯集於東方附近滿洲之地者。不下四十萬有奇。而自旅順會議而後。復有設立滿洲總管之說。俄人固視滿洲爲所自有矣。而日人知俄人騎虎之勢。必不能以旦暮了也。故逐漸致廣。而駐兵朝鮮。以爲朝發夕至之計。則其勢力又實足相當矣。是則滿人雖禍主不省。如在夢中。而俄日備戰之內容。不已亟乎。然日本自更調樞臣。而伊藤博文又以和平爲宗旨。則日本將來之變動。或舍戰而言和。偷目前之小安。甘無窮之大害。亦未可知。有此問題。則無論若何結果。而滿洲之利害。已無待蓍龜。而漢人之陰受其禍者。更不能指數也。

俄日果免於戰。歟。則漢土瓜分之象成矣。夫瓜分之說。倡於甲午以後。庚子以前。自義和團出世。重款既賠。各國飽欲而去矣。於是忽變瓜分之言。而爲保全之說。夫各國何愛於滿清。何愛於漢土。而顧爲保全之也。毋亦列強相猜。彼欲施恩。此懷市德。玩滿人於股掌之上。以定其智取術馭之方針而已乎。而尸居暮氣之滿員。方以爲庚子和局之成。不過支費漢人九百兆之脂膏。而於濫廁之官階。竊據之私產。固未

黃

帝

魂

黃

帝

魂

嘗有所喪失。歌舞如故。奔走如故。咸有頌昇平而祝萬年之思。而曾不知滿洲之舊。丙復發也。然則俄日而免於戰。歟。則俄人坐受遼東。無論英美德法。國際如何。既如吾前者云云。必不決裂。而輕於一戰。且也。與其失睦於俄。何如得利於清。而援利益均沾之說。以羣起而要索之乎。如是。則微特英於揚子江。法於滇粵。日於福建。德於山東。圈界已定。即彼意奧西比。亦將并起而謀駐足之地矣。在滿人之視中國。何所吝惜。土自漢土。財自漢財。各國可以。是求滿人。可以。是應前此之賠償。分割。具有成例。寧有所謂休戚痛癢之相關哉。況乎滿洲既亡。彼固不任中國之獨存。以爲眼前之針刺。而受他年之報復。其勢有必然者。昔曹操之弑皇后也。獻帝欲以后方有孕。留之。操曰。豈留此遺種。作報仇地耶。故剛毅亦曰。『吾寧贈之鄰友。必不留之家人。』則亦相與俱亡而已。是俄日不戰而滿洲亡。滿洲亡而漢土之瓜分。所不能不慮者也。

即日與俄戰。不幸而日敗。歟。而漢土之瓜分。仍未可免也。波蘭以三番度分割而亡。自日割臺灣。俄割旅順。由是膠州。九龍。威海衛。廣州灣。相繼而起。口岸膏腴。四分五

裂。議者以爲漢土第一期瓜分之情。形矣。假令以東方問題之故。日本不幸而見敗於俄。是日方且自顧之不暇。何暇更謀中國。即使有一二國焉。號稱仗義起而干涉之。而俄人乘戰勝之後。勢力方強。何難挾制清廷。使以中國之利權。飽各國之欲。而消其猜忌。觀於俄人前此之滅波蘭。可分其利於普奧而知之矣。夫此一二國者。亦誠何愛於漢人。何愛於漢土。而必出死力以干涉之。則亦利之所在。不得不然耳。然則漢土雖廣。漢財雖多。而一國挾之各國。索之無論滿人。一息奄奄。不敢違命。而況雖損漢土。雖失漢財。固猶可以媚外作僥倖之計也。要索愈繁。瓜分愈亟。則是日人。一敗關係匪輕。必有激成第二期瓜分之禍者。而不計利害之漢人。或不之知也。

日與俄戰。幸而日勝。歟。則俄人方引兵北還。滿洲亦不復爲俄所據。由是大局或可少安。然漢人恐猶未能免禍也。何則。日人以局外之國。苟無密切之關係。何至發難於俄。毋抑如所謂齊人救韓之故事乎。昔龐涓之圍韓也。韓求救於齊。孫子曰。魏前歲伐趙。今歲伐韓。其志必不忘齊也。固當救之。然魏伐韓。韓未敝而齊代其受兵。是

黃

帝

魂

韓享其逸。而齊得其勞。韓取其利。而齊受其害也。今日人之意。固亦猶是耳。以爲俄人既圖滿洲。其勢將及日本。不得已而出於一戰。戰而勝。俄人固已絕望於遠東。而日人之仍據滿洲。與否誠非可預言。而既以局外之國。耗軍力。費貲糧。犧牲人命。以摧此萬乘虎狼之強。俄則以全力而來者。恐必不甘以空拳而去也。如是則必藉保全清國以爲名。而條約之議興。而交涉之事起。而列強之染指。又勢所必然。然則無論滿洲三省之菁華。有限。不足以飽各國之要求。即滿人亦得毋以彼祖宗遊牧相傳之故地。而謀有以保之乎。謀有以保之。則又舍漢土漢財。而外無所爲。抓沙抵水之計矣。是則東方問題結局之後。漢人之禍。必有更不可言者。吾恐所謂「民等具有天良。勉圖報稱。」與「民等食毛踐土。不可自外生成。」之謬文。又將煌煌然漾人眼簾。印人腦髓。而恬然屈服。二百餘年之馴靜。漢人且復賣妻孥。捐田宅。甘心以奉之。而無異言也。來日方長。安得起四百兆人。而遍告之哉。然則日俄不戰。而漢人之害。如斯。即日敗於俄。俄敗於日。而漢人之害。又如斯。是漢人無往而非禍端矣。綜思其故。實以無團體三字爲漢人衰落之一大原因。其官也。

黃 帝 魂

但知媚朝廷以圖富貴。其民也。但知守貲財以長子孫。彼自爲彼。我自爲我。而亦曾無休戚痛癢之相關。故即極之以二百餘年。桎梏之嚴。屠戮之慘。聚斂之工。而恬然屈服。無一謀結團體以爲抵抗之地者。此外人所以謂「中國人如灘邊亂石。如一盤散沙」也。漢人而欲雪斯言乎。則請繼自今日。萬衆一心。可以抗滿人者。卽可以抵外人。若其不然。則滿人可以制之者。烏知外人不可以制之。少數之滿人。可以制之者。烏知多數之外人。不可以制之。勢不至億萬斯年。奴隸牛馬。萬劫不復不止。其又何堪設想也。耶。要之滿洲之禍。未有不延發於漢人者。然滿人無興亡之觀念。吾無怪其然。以其固野蠻。固孱弱也。獨惜號稱最文明。最膨脹之學。漢人種顧乃茫然罔覺焉。然後知滅滿洲者。滿洲也。非俄人也。禍漢人者。漢人也。非滿洲也。乃滿人不自哀。而漢人哀之。漢人不自哀。而又誰爲之哀者。凡有血氣者。或亦有感於斯言。夫

滿學生與漢學生

自頃東京留學生。有滿漢衝突之一大風潮。其事蓋起於元旦。學生會館演說。有某生者。主張排滿。滿人之留學者。某某兩生。聞而大懼。三日不食。作書數十通。以遺

黃 帝 魂

人之當路有權勢者。使速備漢。並陳激烈和平二辦法。激烈法。主多殺漢人。和平法。則殺演說排滿者。而解散其餘。且令此後。毋使漢人得學陸軍警察。而悉遣滿人學之。某某兩生。並脅學生監督汪大燮。使不許送主張排滿之某生入成城學校。又有某生者。陸軍初級既卒業矣。以登載其論說於某雜誌。跡近排滿。某某兩生。更脅汪大燮。不許送學聯隊。汪唯唯聽命。於是漢學生全體譁然。各開同鄉會。以謀救濟。此衝突歷史之大凡也。吾以是滋惑焉。

夫滿學生。自二百六十年前之遠祖。率其游牧種族。佔據禹域。食我之毛踐之我土。不思報德。而顧爲盜憎主人之計。人之忘恩負義。有如是之甚者耶。此在北京。圍禁界之王公大臣。一物不知耳。目閉塞者。吾無怪其然矣。而獨怪滿學生。既留學於外。而無外界激刺之感。與同國同情之念。嗚呼。人之冥頑不靈。何一至於此。豈其六根六塵。別有一世界事物。與之接觸。而忘其所履之危。而欲操戈於同室乎。且彼自入關以後。性質久已淪變。而同化於禹域。故二百年來。漢族亦澹忘之。若不知其爲異類也者。一切專制之政。皆順受其正。所謂「臣罪當誅。天王聖明」之思想。實彌

綸於一切在官在民者之腦中。今試閱方望溪文集。即漢人歷來順受之代表也。故有權力有機會。如曾國藩李鴻章輩。皆不敢稍萌異志。此無他。政教之馴習。有以使然也。自戊戌政變。剛榮之徒。竊握大枋。神皇舊壤。生機遏絕。於是漢族知身家性命終不足託於頑固庸妄之手。仁人志士求其所以在我者。乃倡爲自立革命。排滿之議。然推其致此之由。則皆滿人之頑固者。有以感召之。今滿學生不知殺漢人之遠事。則請與言近事可乎。近事之主張殺漢人者。無過於剛毅。戊戌八月以後。庚子八月以前。又爲滿洲人才蔚起。珠聯璧合之盛會。顧其殺漢人之成跡。何如乎。被殺之人。不過六烈士一許景澄一袁昶一徐用儀而已。而其結果。遂令滿酋出走墳墓。邱墟其妻女。被聯軍之淫辱。財物被聯軍之劫奪者。何可勝道。而當時漢族之督撫。皆擁兵觀望。無一起而謀所謂勤王者。然則平日之『受恩深重』者。消滅於何處耶。毋抑平居相綴之空言。不足以易切膚之實禍也。使非有李鴻章其人者。出而排難解紛。刮漢民之膏血。以保滿人之殘喘。則滿人之歷運正未可知。而今之滿學生。其雄材大略。精能卓絕。較諸剛毅。何如。曾不審己曾不量力。而徒逞褊衷之私憤。吾恐

若敖之鬼。其將餒而滿學生其亦知之否。

漢學生者。其自命爲中國之主人翁。果能副其名。達其目的與否。吾不敢知。然既以此自命。則必有種種之責任。種種之義務。其對於本國之方面也。又必爲種種之研究。行種種之豫備。籌種種之方法。且必有弘毅之力。貞固之不撼之操。舍己爲羣之德。縝密嚴栗之態。而後有庶幾之望。而吾眼中實未見有斯人也。然則取一二革命排滿之言。騰諸口說。遂可以恢復中國乎。吾見其輕薄浮儇。器根淺劣。而斷非可以當大任之人也。傳不云乎。無報人之志。而令人疑者拙也。有報人之志。而令人知者危也。事未發而先聞者殆也。今漢學生坐此三失。而猶嘵嘵然曰。革命排滿。嗚呼。自有此輩口頭禪之革命。排滿。而革命排滿之實際。乃無望矣。不特此也。中國之前途。黑闇如膝。革命以興乎。亦以亡乎。立憲乎。專制乎。民政乎。雙立君乎。聯邦乎。分治乎。凡此一一絕大之問題。吾恐東西之大政法家。窮累年之腦力。有不敢輕下一判斷者。今也未嘗審顧。未嘗躊躇。而輒張其赤幟。是欲以神洲爲嘗試之一擲也。或謂禍福相倚。利害相待。子所慮爲禍爲害者。庸詎知非利之所存。凡事就一面論之。則易

流於偏頗。或之言誠當矣。然吾所貴望於漢學生者。則猶有說焉。慎到有言。不知而
言。知而不行者。不可以爲知。故陽明之學。即知即行。其意以爲知而不行。與不知等
也。今漢學生之治東西學說者。亦有年所。而東西諸國。絕不聞有稱道其知者。毋抑
知而不行。而人固以爲一無所知乎。而我漢學生六七百人。顧皆庸庸戢戢。以忍此
大辱。亦足以見其無能爲矣。嗚呼。某某兩生。倡其狂言。欲制吾輩之生命。其人非有
九重之威嚴。六師之擁護也。我漢學生。誠以爲公敵。則一夫之力。可以猝而去之。而
必集會以圖。乞靈於土偶木相之監督。不亦異乎。

祝北京大學堂學生

由地理上言之。革命有二種。曰中央革命。曰地方革命。何謂中央革命。革命之洪水。
以中央政府所在地爲起點。而延及於地方者也。何謂地方革命。革命之洪水。以地
方爲起點。而奔赴於中央政府所在地者也。二者之收効固同。然其成功則有難易。
譬如走馬。日暮下蘭臺。則其勢順其步速。高屋建瓴。一奔千里。不可遏也。反是。則由
平地而登高山。自覺其崎嶇難行。足疲身乏。不免有遲滯之憂矣。以走馬下蘭臺爲

中央革命之代表語。則平地登高山。可爲地方革命之好名辭。由是言之。中央革命
也。恆易而地方革命也。殊難。不惟此也。觀諸實際。歐洲之革命。由地方而起者。亦惟
英倫三島而已。全大陸諸國。則革命之主動力。莫不在京城。
悲夫。悲夫。奄奄待死之中國。數年以來。革命之聲日盛。一日孫文之黨。唐林之徒。屢
興革命。軍於南方。前仆後起。流血淋漓。非不偉也。非不壯也。然吾頗疑其舉動之近
於地方革命。以西人行之。尙有難色者。欲以程度低下之中國人而遽爲之。奚有不
扞格也。吾望中央革命軍之起久矣。

頃聞北京大學堂學生。結秘密會社。與海內外志士聯絡。希圖革命。那拉氏聞之。召
滿洲某親王於頤和園。令其察辦。而學生數人被執。殊爲慷慨。毫無卑屈之色。吾聞
之不覺頓足大呼曰。中央革命軍。將於是起乎。中國者。世界上之黑暗區也。北京者。
黑暗區中之黑暗地獄也。北京政府。乃黑暗地獄中之尤黑暗者。北京大學堂。爲北
京政府所建設。則其黑暗之程度。更可知矣。舉全國之漢人。皆爲滿洲遊牧之奴隸。
而直隸人尤爲滿洲遊牧之直接奴隸。北京爲滿洲遊牧之巢穴。則北京漢人之奴

隸性更可察矣。以如此黑暗之地。如此奴隸之民。而發出此種光線。眞世界莫大之奇事也。吾安得不以熱血歡迎之。

學生爲革命之原動力。而京都之學生尤爲中央革命之原動力。是世界所公認者也。巴黎之學生。維也納之學生。伯林之學生。聖彼得堡之學生。撞自由鐘矣。樹獨立旗矣。殺皇帝矣。倒政府矣。世界革命之大風潮。該等學生所造出者也。十八九兩世紀之歷史。該等學生之活劇臺也。北京學生諸君。將追其跡而照耀於二十世紀之歷史乎。將爲先人雪恥而壯大吾漢人之聲色乎。吾歌之。吾誦之。吾全國之學生將歡迎諸君矣。望諸君自重。諸君胆壯。那拉氏不足畏。滿洲人不足畏。清政府不足畏。母因一時之威嚇而斂其動作。母惜諸君之自由血而失全國人之希望。則學生之全體幸甚。中國幸甚。燕市之月。易水之風。敢爲諸君祝曰。中國萬歲。中央革命萬歲。

孫逸仙與白浪庵滔天之革命談

滔天問於孫逸仙曰。君之志在革命。僕知之矣。而未得其詳。願君將革命之宗主。與

魂 帝 寶

其附屬之方法及手段。明以教我。孫逸仙曰。噫。余以人羣自治爲政治之極。則故於政治之精神。執共和之主義。夫共和主義。豈平手而可得乎。余以此一事。而直有革命之責任者也。況羈勒於異種之下。而并不止經過。君民相爭之一階級者哉。清虜執政於茲幾三百年矣。以愚弄漢人爲治世第一義。吸漢人之膏血。錮漢人之手足。爲滿奴升遷調補之符。認賊作父之既久。舉世皆忘其本來。又經滿政府多方面之籠絡摧殘。致民間無一毫之反動力。以釀成今日之衰敗。沃野好山。任人割取。靈苗智種。任人踐踏。此所以陷於悲境而無可如何也。方今世界文明日益增進。國皆自主。主人盡獨立。獨我漢種。每況愈下。瀕於死亡。丁斯時也。苟非涼血部之動物。安忍坐圖此三等奴隸之獄。以與終古。是以僕不自量。欲乘變亂。推翻逆胡。力圖自主。徒以時機未至。橫遭蹉跌。以至於斯悲矣。

人或云。共和政體。不適於支那之野蠻國。此不諒情勢之言耳。共和者。我國治世之神髓。先哲之遺業也。我國民之論古者。莫不傾慕三代之治。不知三代之治。實能得共和之神髓而行之者也。勿謂我國民無理想之資。勿謂我國民無進取之氣。卽此

所以。墓。古。之。意。正。爲。富。有。理。想。之。証。據。亦。大。有。進。步。之。機。兆。也。試。觀。僻。地。荒。村。舉。無。有。浴。胡。虜。之。惡。德。而。消。滅。此。觀。念。者。彼。等。皆。自。治。之。民。也。立。尊。長。所。以。判。曲。直。置。鄉。兵。所。以。禦。盜。賊。其。他。一。切。共。通。之。利。害。皆。人。民。自。議。之。而。自。理。之。是。非。現。今。所。謂。共。和。之。民。者。耶。苟。有。豪。傑。之。士。起。而。倒。清。虜。之。政。府。代。敷。善。政。約。法。三。章。慰。其。飢。渴。庶。愛。國。之。志。可。以。奮。興。進。取。之。氣。可。以。振。起。也。

且。夫。共。和。政。治。不。僅。爲。政。體。之。極。則。且。以。適。合。於。中。國。國。民。之。故。而。又。有。革。命。上。之。利。便。者。也。觀。中。國。古。來。之。歷。史。凡。國。經。一。次。之。擾。亂。地。方。豪。傑。互。爭。雄。長。巨。數。十。年。不。能。統。一。無。辜。之。民。爲。之。受。禍。者。不。知。幾。許。其。所。以。然。者。皆。由。於。舉。事。者。無。共。和。之。思。想。而。爲。之。盟。主。者。亦。絕。無。共。和。憲。法。之。發。布。也。故。各。窮。逞。其。一。己。之。兵。力。非。至。併。吞。獨。一。之。勢。不。止。時。或。幾。人。稱。帝。幾。人。稱。王。因。有。此。傾。向。而。盜。賊。胡。虜。亦。遂。得。極。其。兵。力。之。所。至。居。然。可。以。爲。全。國。之。共。主。嗚。呼。吾。同。胞。之。受。禍。豈。偶。然。哉。今。欲。求。避。禍。之。道。惟。有。行。此。迅。雷。不。及。掩。耳。之。革。命。一。法。而。與。革。命。同。行。者。又。必。在。使。英。雄。各。充。其。野。心。充。其。野。心。之。方。法。唯。作。聯。邦。於。共。和。之。名。之。下。其。夙。著。聲。望。者。使。爲。一。部。

之。長。以。盡。其。材。然。後。建。中。央。政。府。以。駕。馭。之。而。作。聯。邦。之。樞。紐。方。今。公。理。大。明。吾。既。實。行。此。主。義。必。不。至。如。前。此。野。蠻。割。據。之。紛。擾。綿。延。數。紀。而。梟。雄。有。非。分。之。希。望。以。乘。機。竊。發。殃。及。無。辜。此。所。謂。有。便。利。於。行。共。和。之。革。命。上。者。也。

嗚。呼。今。舉。我。國。土。之。大。人。民。之。衆。而。爲。俎。上。之。肉。餓。虎。取。而。食。之。以。振。其。蠻。力。雄。視。世。界。自。熱。心。家。用。之。以。提。挈。人。道。足。以。號。令。宇。內。反。掌。之。間。相。去。天。壤。余。爲。世。界。之。一。平。民。而。人。道。之。擁。護。者。猶。且。不。可。忽。然。於。此。況。身。生。於。其。國。土。之。中。嘗。直。接。而。受。其。苦。者。哉。余。才。短。識。淺。不。足。以。擔。任。大。事。而。當。此。千。鈞。一。髮。不。容。袖。手。之。秋。不。得。不。自。進。爲。革。命。之。先。驅。而。以。應。時。勢。之。要。求。若。天。與。吾。黨。有。豪。傑。之。士。出。而。相。援。即。願。讓。渠。獨。步。而。自。服。犬。馬。之。勞。不。然。則。唯。有。自。奮。以。任。大。事。而。已。余。固。信。爲。中。國。蒼。生。爲。亞。洲。黃。種。爲。世。界。人。道。而。興。起。革。命。軍。天。必。助。之。即。君。等。之。來。締。交。於。吾。黨。亦。其。証。也。朕。兆。發。於。茲。矣。夫。吾。黨。所。以。努。力。奮。發。以。期。不。負。諸。人。之。望。諸。君。又。盡。力。於。所。以。援。吾。黨。之。道。欲。以。救。中。國。四。萬。萬。之。蒼。生。雪。亞。東。黃。種。之。屈。辱。恢。復。宇。內。之。人。道。而。擁。護。之。者。惟。有。成。就。吾。國。之。革。命。斯。爲。得。之。此。事。成。其。餘。之。問。題。即。迎。刃。而。解。矣。

魂 帝 黃

述者曰。吾國人心之死也久矣。逆胡之盜竊我土地。既二百六十年。奉天承運之僞。勅以掩吾之目。馬蹄鳥尾之胡裝。以梏吾之體。舉世奄奄之陳死人。方賣歡獻醜。無暇暑。豈曾有一人敢溢出其死圈。而一萌非常之想者。呂留良戴名世曾靜齊周華之徒。於網羅密布之朝。曾一發其狂嘯。至今談革命者。猶想望其風采。聞揚其緒論。此風豈不可尙。然尋其意例之所出。多以去明未遠。不能忘情於朱氏而已。是則以革命之精神。而傾注於既死不可復生之一私姓。初不問篡竊屬於誰氏。夫一言復明。則即令其繼世者。爲吾之本種。而或有優於明。亦在所當革之列。嘻。無怪胡虜之掀髯也。洪楊起義。其建邦策命之宜告。曷嘗不以恢復漢種爲職志。然掃除清虜。未盡其域之半。而卒以頽放恣肆。未竟其業。讀史興之。史豈勝遺恨。曾左起於湘中大奮其奴隸之力。剪滅我同胞之革命軍。而舉世傳爲口碑。諡爲命世。曷嘗不以民權革命之眼孔。眇及洪楊者。嗟呼。吾不料羶虜之惡德。沁人肝脾之至於是也。邇年以來。累經外界之激刺。民間之動力。亦驟增幾度。日清之役。舉國若狂。號稱維新之領袖者。初猶矜矜於保中國。不保大清之說。一觀其改革之僞詔。遂乃一歸於保皇。此

魂 帝 黃

可以告無罪矣。而其黨人亦至遭滿奴之慘辱。夫天王明聖。臣罪當誅。慘辱亦何足懼。食其迷而無所發。遂乃一變其派。爲勤王而勤王。亦卒莫逃。后黨之搜獲。戊戌之藥市。欺庚子之漢上。欺是蚩蚩者。豈不獲已。我以赤心向人。其如人之以爲馬肝何。雖然。勿謂秦無人。也。當康有爲僞說之風靡天下。天下之人無不惑之。而有立於反動之點。與之鑒戰。收集一部之人士。與之抗對者。而愛親覺羅之王氣。至此一洩。中國一線之血脉。正賴以延。伊何人。伊何人。得毋今之所稱孫中山其人者乎。孫君者。其出現之日。不久。方之呂戴。爲能實行其主義。且洞見非我族類之不可污。我一寸土。必不可有絲毫興滅繼絕之假借。方之洪楊。則成功乃遜之。然方如行星之初平。地平當行之軌道。正不可測。且其宗主其方畧。多洪楊之所不能望者。夫由孫而溯之。呂戴之相去已二百年。洪楊之相去亦四十年。世界之進步。運會當與之爲變遷。人才者由運會而生者也。則今日之有孫與康。乾之有呂戴。咸同之有洪楊。其難易之比較。第一之孫。當有無量之孫。以應之。嘻。何以二萬萬方里遼闊之幅員。竟如闐其無人。也是故。二十世紀新中國之人物。吾其懸孫以爲之招。誠以其倡革命於

舉世不言之中爭此不絕如髮之真氣深足爲吾國民之先導今諦聽其革命之判談言何時與之言何人吾其爲吾民族羞死矣

革命之原因

革命革命我四萬萬同胞今日何爲而革命吾先叫絕曰

不平哉不平哉中國最不平傷心慘目之事莫過於戴狼子野心游牧賤族之賊滿洲人而爲君以貽羞我始祖黃帝於地下而我方且求富希貴搖尾乞憐三跪九叩酣嬉濃浸於其下而恬然不知自恥不知自悟也哀哉我同胞無主性哀哉我同胞無國性哀哉我同胞無種性無自立之性

近世革新家熱心家常號於衆曰「中國不急急改革則將蹈印度後塵波蘭後塵埃及後塵而於是印度波蘭之活劇將再演於神州」著者曰噫是何言歟是何言歟何厚顏盲目而爲是言歟何忽染風病而爲是言歟不知吾之爲波蘭印度埃及於滿洲人之膝下者行已三百年來矣而猶曰將爲也何故請爲我同胞一解之將謂吾已爲波蘭印度於賊滿人賊滿人又爲波蘭印度於英法俄美等國乎苟於是

魂

帶

黃

也則吾寧爲此直接亡國之民而不願爲此間接亡國之民何也彼英法等國之能亡吾國也實其文明程度之高出於吾也吾不解吾同胞何既不願爲文明人之奴隸而偏愛爲此野蠻奴隸之奴隸乎嗚呼明崇禎皇帝殉國任賊碎戮朕尸母傷我百姓之一日滿洲人率八旗精銳之兵入山海關定鼎北京之一日此固我皇漢人種亡國之記念日也

世界之大右少數人服從多數人之理愚頑人服從聰明人之理使賊滿人而多數也則僅五百萬人尙不及一州縣之衆使賊滿人而聰明也則有目不識丁之親王大臣唱京調二黃之將軍都統三百年中雖或有一二稍知政體之人乎則皆爲吾教化之所陶鎔

一國之政治機關一國之人共司之有不能司政治機關參預行政權者不得謂之國不得謂之國民此世界之公理萬國所同然也今試游於華盛頓巴黎倫敦之市執途人而問之曰汝國中執政者爲同胞歟抑異種歟必答曰同胞同胞豈有異種執吾國政權之理又問之曰汝國人有參預行政權者否必答曰國者積人而成者

也。吾亦國人之分子。故國事爲已事。吾應得而參預焉。乃轉詰我同胞。何一。一與之。大相反對也。耶。今就賊滿人待我同胞之政策。一爲同胞揭破之。

滿洲人之在中國。不過十八行省中之一最小部分耳。而其官於朝者。則以一最小部分敵十八行省而有餘。今試以京官滿漢缺額觀之。自大學士尙書侍郎滿漢二缺平列外。如內閣衙門。則滿學士六。漢學士四。滿蒙侍讀學士六。漢軍侍讀學士二。滿侍讀十二。漢侍讀二。滿蒙中書九十四。漢中書三十。又如六部衙門。則滿郎中員外主事缺額約四百名。吏部三十餘。戶部百餘。禮部三十餘。兵部四十。刑部七十餘。工部八十餘。其餘各部堂主事。皆滿人無一漢人。而漢郎中員外主事缺額。不過一百六十二名。其每季繕紳錄中。則於職官總目下。僅標出漢郎中員外主事若干人。而渾滿缺於不言。殆有不能示天下以隱衷者矣。是六部滿缺司員。幾視漢缺司員而三倍（筆帖式尙不在此數）。而各省府道實缺。又多由六部司員外放。何怪滿人之爲道府者。布滿國中。也。若理藩院衙門。則自尙書侍郎以迄主事司庫。皆滿人任之。無一漢人錯雜其間。（理藩之事。惟滿人能爲之。咄咄怪事。）其餘掌院學士宗

實

帝

魂

實

帝

魂

人府、都察院、通政司、大理寺、太常寺、太僕寺、光祿寺、鴻臚寺、國子監、鑾儀衛、諸衙門缺額。未暇細數。要之皆滿缺。多於漢缺。無一得附平等之義者。是其出仕之途。以漢視滿。不啻霄壤雲泥之別焉。故常有滿漢人同官同年同署。漢人積滯數十載。而不得遷轉。滿人則俄而侍郎。俄而尙書。俄而大學士者。縱曰滿洲王氣所鍾。如漢之沛明之濠然。未有綿延數百年定爲成例。竟以王者一隅。抹煞天下之人材。至於斯極者也。向使嘉道咸同以來。其手奏中興之績者。非出自漢人之手。則各省督撫道府實缺。其不爲滿人攪盡也。幾希矣。又使非軍興以來。難以保舉軍功捐納。以爭各部滿司員之權利。則漢人幾絕跡於仕途矣。至於科舉清要之選。雖漢人亦居十之七八。然主事則多額外。翰林則益清貧。補缺難於登天。闕坊類乎超海。不過設法虛糜之以戢其異心。又多設各省主考學政及州縣教官等職。俾以無用之人治無用之事而已。卽幸而億萬人中。有竟登至大學士尙書侍郎之位者。又皆白頭齒落垂老氣盡。分餘瀝於滿人之手。然定例漢人必由翰林出身。始堪大拜。而滿人則無論出身如何。均能資兼文武。位兼將相。其中蓋有深意存焉。嗚呼。我漢人最不平之事。孰

有過於此者哉。雖然同種待異種是亦天演之公例也。

然此僅就官職一端而言也。乃至於各行省中。擇其人物之駢羅。土產之豐阜。山川之險要者。命將軍都統治之。而漢人不得居其職。又令八旗子弟駐防各省。另爲內城以處之。若江寧。若成都。若西安。若福州。若杭州。若鎮江等處。雖閱年二百有奇。而滿自爲滿。漢自爲漢。不相錯雜。蓋顯然有賤族不得等倫於貴族之心。且試繹其駐防二字之義。猶有大可驚駭者。得毋時時恐漢人之叛我。而羈束之如盜賊乎。不然何爲而防。又何爲而駐也。又何爲駐而防之也。

滿人中有建立功名者。取王公如拾芥。而漢人則大奴隸。如曾國藩。左宗棠。李鴻章。之倫。殘紂同胞。數百萬。挈東南半壁奉之滿洲。亦不過封侯而止。又試讀其所謂歷朝聖訓。遇稍著賢聲之一二滿大臣。獎藉逾恒。真有一德一心之契。而漢人中雖賢於揚名時。李紱。湯斌等之馴靜奴隸。亦常招譴責。挫辱。不可嚮邇。其餘抑揚高下。播弄我漢人之處。尤難枚舉。

我同胞不見夫彼所謂八旗子弟。宗室人員。紅帶子。黃帶子。貝子。貝勒者乎。甫經成

人。卽有自然之祿俸。不必別營生計。以贍其身家。不必讀書嚮道。以充其知識力。由少爺而老爺。而大老爺。而大人。而中堂。紅頂花翎。貫搖頭上。尙書侍郎。殆若天職。反漢人而觀之。夫亦可思矣。

中國人羣。向分爲士農工商。士爲四民之首。曰士子。曰讀書人。吾見夫歐美人。無人不獨書。卽無人不爲士子。中國人乃特而別之曰士子。曰讀書人。故吾今亦特言士子。特言讀書人。

中國士子者。實奄奄無生氣之人也。何也。民之愚不學而已。士之愚則學非所學。而益愚。而賊滿人又多方困之。辱之。汨之。馬之。且從而摧賊之。待其垂老氣盡。奄然軀殼而後。指揮鞭策焉。困之者何。困之以入股試帖楷摺俾之窮年矻矻不復暇爲經世之學也。辱之者何。辱之以童試鄉試會試殿試。（殿試時無坐位。待人如牛馬。）俾之行同乞丐。不復知人間尙有羞恥之事也。汨之者何。汨之以科名利祿俾之愚得患失。不復有仗義敢死之風。馬之者何。馬之以庠序臥碑俾之桀驁。愚魯不敢有議政著書之舉。摧賊之者何。摧賊之以威權勢力。俾之畏首畏尾。不敢爲鄉曲豪舉。

游俠之雄株連之獄。開創於順治（朱國治巡撫江蘇，以加錢糧株連諸生百餘人，一文字之禍，濫觴於乾隆（十全老人，以一字一語，徵誅天下，羣臣震恐，）以故海內之士，莘莘濟濟，魚魚雅雅，衣冠俎豆，充牣儒林，而抗議發憤之徒，絕迹慷慨悲咤之聲不聞。名為士人，實則死人之不若。佩文韻府也，淵鑑類函也，康熙字典也，此文人學士所視為拱壁連城之大類書也，而不知康熙之時代，我漢人猶有仇視滿洲人之心，思彼乃集天下名人以成此三書，借是消磨我漢人革命復仇之銳志焉。（康熙開千叟宴數次，命羣臣飲酒賦詩，均為籠絡人起見，）噫吁嘻，吾言至此，吾不禁投筆廢書而歎曰：「朔方健兒好身手，天下英雄入彀中。」吾不禁五體投地，頓首稽顙，恭維拜服滿洲人壓制漢人，籠絡漢人，驅策漢人，珠簾漢人之好手段，好手段。

中國士人又有所謂一種岸然道貌，根器特異，別樹一幟，以號於衆者，曰漢學。曰宋學。曰詞章。曰名士。漢學者流，尋章摘句，箋注訓詁，為六經之奴婢，而不敢出其範圍。宋學者流，日守其五子近思錄等書，高談太極無極性根之理，以求身死名立，一瞰

魂 帶 實

其東西兩廡之特豚。詞章者流，立其桐城陽湖之門戶流派，大唱其嬌紅姹紫之排腔濫調，以粉飾其太平。名士者流，則用其「一團和氣，二等才情，三斤酒量，四季衣服，五聲音律，六品官階，七言詩句，八面張羅，九流通透，十分應酬」之大本領，鑽營奔競，無所不至。此四種人，日演其種種之活劇，奔走不遑，而滿洲人又恐其頓起異心也，乃特設博學鴻詞一科，以一網打盡焉。至近世又有所謂通達時務者，拾腐敗報紙之一二語，襲皮毛西政之二三事，求附驥尾於經濟特科中，以進為滿洲人之奴隸，欲求不得，又有所謂激昂慷慨之士，日日言民族主義，言破壞目的，其言非不痛哭流涕也，然奈痛哭流涕何？悲夫悲夫，吾揭吾同胞腐敗之現象至此，而究其所以至此之原因，吾敢曰：半自為之，半滿洲人造之。嗚呼，嗚呼，刀加吾頸，鎗指吾胸，吾敢曰：半自為之，半滿洲人造之。

某之言可以盡吾國士人之醜態者，曰：「覆試而几案不具，待國士如囚徒，賜宴而塵飯塗羹，視文人如犬馬，簪花之袍僅存腰幅，棘圍之膳卵作鴨烹，一入官場，即成兒戲，是其於士也，名我恩榮，而實羞辱者，其法不行也。由是士也，鬻齡入學，皓首窮

窮。命運。祖宗風水之靈。僥房師主司知音之倖。百折不磨。而得一第。其時大都在強仕之年矣。而自顧餘生吃着。猶不沾天位天祿毫末。忽釐之施。於此而不魚肉鄉愚。威福梓里。或恤舍冤而不包詞訟。或顧廉恥而不打抽豐。其何能瞻養室家。撐持門戶哉。『痛哉斯言。善哉斯言。爲中國士人之透物鏡。爲中國士人之活動大寫真。』（卽影戲）然吾以爲生今之。日處今之時。此等醜態。當絕於天壤矣。既而又聞人羣之言曰。某某入學矣。某某中舉矣。某某報捐矣。發財做官之一片喊聲。猶是驚焉。然於社會之上。如是如是。上海之濫野雞。如是如是。北京之滑鬼子。如是如是。中國之腐敗士人。嗟夫。吾非好爲此尖酸刻薄之言。以罵盡我同胞也。實吾國士人屠毒社會之罪。有不能爲之恕者。春秋責備賢者。我同胞盍醒諸。

今試游於窮鄉原野之間。則見夫鰥其面目泥其手足。荷鋤墾畔。終日勞勞。而無時或息者。是非我同胞之爲農者乎。受田主土豪之虐待。不足而彼滿洲人者。復派設官吏。多方以刻剝之。以某官括某地之皮。以某官吸某民之血。若招信票。若攤賠款。其猶著者也是。故一納賦也。加以火耗。加以錢價。加以庫平。一兩之稅。非五六兩不

能完。務使之鬻妻典子。而後已。而猶美其名曰薄賦。曰輕稅。曰皇仁。吾不解薄賦之謂何。輕稅之謂何。若皇仁之謂。則是盜賊之用心。殺人而曰救人者也。嘻。一國之農。爲奴隸於賊滿人下。而不敢動。是非賊滿人壓制漢人之好手段乎。嗚呼。嗚呼。刀加吾頸。鎗指吾胸。吾敢曰。賊滿人壓制我漢人之好手段。

不見乎古巴。誘販之猪仔。海外被虐之華工。是又非吾同胞之所謂工者乎。初則見拒於美。繼又見拒於檀香山。新金山等處。飢寒交逼。葬身無所以。堂堂中國之民。竟欲以比草髮重唇之族。而不可得。誰實爲之。至此極哉。然吾聞之。外國工人有干涉國政。倡言自由之說。以設立民主爲宗旨者。有合全國工人立一大會。定法律以保護工業者。有立會演說。開報館。倡社會之說者。今一一轉詢中國。有之乎。無有也。又不見乎殺一教士而割地償款。罵一外人而動勞上諭慰問者乎。至我同胞置身海外。受外人不忍施之禽獸者之奇辱。而彼滿洲政府。乃一若育於目而聾於耳。漠然無所動於其心。夫頭同是圓也。足同是方也。而一則尊貴如彼。一則卑賤如此。嗚呼。嗚呼。刀加吾頸。鎗指吾胸。吾敢曰。滿洲人之虐待我。

抑吾又聞之。各國之富商大賈。皆得爲議員。執政權而中國。則貶之曰。末務卑之曰。市井賤之曰。市儈。不得與士大夫伍。及一旦償兵費。賠教案。甚至供玩好。養國蠹者。則又莫不取之於商。若者有捐。若者有稅。若者加以洋關。而又抽以釐金。若者抽以釐金。而又加以洋關。震之以報効。國家之名。誘之以虛銜。封典之利。公其詞。則曰。派美其名。則曰。勸實則剝吾同胞之膚。吸吾同胞之髓。以供其養家奴之費。修頤和園之用而已。吾見夫同胞之不與之計較也。自若嗚呼。嗚呼。刀加吾頸。鎗指吾胸。吾敢曰。滿洲人之剝吾膚。吸吾髓。

以言夫中國之兵。則又有不可忍言者矣。每月三金之糧餉。加以九錢七之折扣。與以朽腐之兵器。位置其一人之身。命驅而用之。使戰其不聚。殲其兵。而饋餉於敵者。夫將焉往。及其死綏也。則又委而去之。視爲罪所應爾。旌恤之典。盡屬虛文。妻子哀望。莫之或問。即或幸而不死。則遣以歸。農扶傷。裹創生計。乏絕流落數千里外。淪爲乞丐。欲歸不得。而殺游勇之令。又特嚴酷。似此殘酷之事。從未聞有施之於八旗駐防者。嗟夫。嗟夫。吾民何辜。受此慘毒。始也欲殺之。終也欲殺之。上薄蒼天。下徹黃泉。

不殺不盡不盡不快不快不止。嗚呼。嗚呼。刀加吾頸。鎗指吾胸。吾敢曰。滿洲人之殘殺我漢人。

文明國中有一人橫死者。必登新聞數次。甚至數十次不止。司法官審問案件。卽得有實憑實據。非犯罪人親供。不能定罪。（於審問時。無用刑審問理。何也。重生生命也。吾見夫吾同胞。每歲中死於賊。滿人借刀殺人。濫酷刑法之下者。不知凡幾。賊滿人之用苛刑於中國。言之可醜。可痛。天下積怨。內外咨嗟。華人入籍外邦。如避水火。租界必思會審。如禦虎狼。乃猶或援引故事。虛文而頓忘眼前實事。不知今無滅族。何以移親及疏。今無肉刑。何以立斃。杖下今無拷訊。何以苦打成招。今無濫苛。何以百毒備至。至若監牢之刻獄。吏之慘猶。非筆墨所能形容。卽比以九幽十八獄。恐亦有過之無不及者。而賊滿人方行其農忙停訟。熟審減刑之假仁假義。以自飾。嗚呼。嗚呼。刀加吾頸。鎗指吾胸。吾敢曰。賊滿人之屠戮我若夫官吏之貪酷。又非今世界文字語言所得而寫。擬言論者也。悲夫。

乾隆之圓明園已成灰燼。不可憑藉。而如近日之崇樓傑閣。巍巍高大之頤和園。問

其間一瓦一礫何一非刻括吾漢人之膏脂以供一賣淫婦那拉氏之笑傲乎夫暴秦無道作阿皇宮天下後世尙稱其不仁於圓明園何如於頤和園何如而我同胞無一敢道其惡者是可知滿洲政府專制之極點

開學堂則曰無錢矣派學生則曰無錢矣凡有絲毫利益於漢人者莫不曰無錢無錢乃無端而謁陵修陵則有錢若干無端而修宮園則有錢若干無端而慶壽則有錢若干同胞乎盍思之

「量中華之物力結友邦之歡心」是豈非所謂煌煌土論之言乎中國者中國人之中國也割我同胞之土地劫我同胞之財產以買其一家一姓五百萬家奴一日之安逸此割臺灣膠州之本心所以感發五中矣咄咄怪事我同胞看者我同胞聽者

吾讀揚州十日記嘉定屠城錄吾未盡吾幾不知其涕之所自也吾爲言以告我同胞曰揚州十日嘉定三屠是豈非當日賊滿人殘戮漢人一州一縣之代表哉夫二書之所紀不過舉一二耳而當日既縱焚掠之軍又嚴薙髮之令則賊滿人鐵

騎所至其屠殺擄掠必有十倍於二地無可疑者有一有名之揚州嘉定有千百無名之揚州嘉定吾憶之吾惻痛於心吾不忍而又不能不爲吾同胞告也

揚州十日記有云初二日傳府道州縣已置官吏執安民牌遍諭百姓毋得驚懼又諭各寺院僧人焚化積尸而寺院中藏匿婦女亦復不少亦有驚餓死者查焚尸載籍不過八日共八十餘萬其落井投河閉門焚縊者不與焉

吾又爲言以告我同胞曰賊滿人入關之時被賊滿人屠殺者是非吾高曾祖之高曾祖乎是非吾高曾祖之高曾祖之伯叔甥舅乎被賊滿人姦淫者是非吾高曾祖之高曾祖之妻之女之姊妹乎（揚州十日記云卒常謂人曰我輩征高麗擄婦女數萬人無一失節者何堂堂中國無恥至此讀此言可知當日姦淫之平極）記曰「父兄之仇不共戴天」此三尺童子所知之義也故子不能爲父兄報仇以托諸其子子以托諸孫孫又以托諸玄來初是高曾祖之仇卽吾今父兄之仇也父兄之仇不報而猶厚顏以事仇人日日言孝弟吾不知孝弟之果何在也高曾祖有靈必當不瞑目於九原

中國之有孔子。無人不尊崇爲大聖人者也。曲阜孔子廟。又人人知爲禮樂之邦。教化之地。拜擬不置。如耶穌之耶路撒冷者也。乃賊滿人割膠州於德。而聽德人毀我堯舜禹湯文武周公遺教之地。生民未有神聖。不可侵犯之孔子之鄉。使神州四萬萬衆。無復教化。而等倫於野蠻。是誰之罪歟。夫耶穌教新舊相爭。猶不惜流血數百萬。人我中國人何如。

一般服從之奴隸。有上尊號。崇謚法。尊謚爲聖祖仁皇帝。高祖純皇帝者。固在黑暗時代。所號爲令主賢君者也。及觀南巡錄。所載實則淫掠無賴。烏獸洪水汎濫。中國（乾隆欲食黃角蜂。由張家口遞至揚州。三日而至於此。可見其奢侈）嗟夫。竭數省之民力。以供覺羅玄暉（即康熙）覺羅弘曆（即乾隆）一民賊之行止。方之隋煬明武爲比例。差吾不知其相去幾何。吾嘗讀隋煬史。吾安得其人再蓄一康熙乾隆南游史。揭其禽獸之行。暴著天下乎。某氏以法王路易十四比乾隆。吾又不禁拍手叫絕。喜得其酷肖也。

主人之傳賣其奴也。猶且必問其奴之願否。今慨然以我之土地與人。並不一問及

黃

帝

魂

之而私相授受。我同胞亦絕不與之計之較之。反從而聽任之。若臺灣若香港若大連灣若旅順若膠州若廣州灣。於未割讓之先。於既割讓之後。從未聞有一紙公文。布告天下者。我同胞其自認爲奴乎。吾不得而知之。此滿洲人大忠臣剛毅。所以有『與其授家奴不如贈鄰友』之言也。

牧人之畜牛馬也。牛馬何以受治於人。必曰人爲萬物之靈耳。今以我同胞自受治於賊滿人鞭撻之下。而不自知。是牛馬之受治於牧人也。我同胞雖欲不自認爲牛馬。其如彼之實以牛馬畜之何何。言之彼於各州府縣。苟有催租勸捐之事。必有『受朝廷數百年參養深恩。力圖報効』之文。煌煌然榜之通衢。此識字者之所知也。夫曰參養即畜牧之謂也。吾同胞自食其力。彼滿洲人乃劫吾之財。攘吾之土。以食吾之力者。不自認爲賊而願以牛馬畜吾同胞乎。抑自居乎抑不自居乎。

滿洲人又有言曰。『二百年食毛踐土。深仁厚澤。浹髓淪肌。』夫中國者中國人之中國。非賊滿人所得而固有也。誰食誰之毛。誰踐誰之土。此不待辯而自知。彼賊滿人之爲此言也。其反言欺抑實謂欺。尙請吾同胞一自道之。賊滿人入關二百六十

年食吾同胞之毛踐吾同胞之土吾同胞之深仁厚澤淪其髓浹其肌此固滿洲人所粉骨碎身吮癰舐痔猶不足以報我爹養深恩於萬一者也乃此言也不出諸我同胞之口而反出諸於滿洲人之口喪心病狂至於此極耶

山海關外之一片地曰滿洲曰黑龍江曰吉林曰盛京是非賊滿人所謂發祥之地游牧之鄉固賊滿人所常竭力保守者乎今乃再拜稽首以之奉獻於俄羅斯有人焉已不自保而猶望其能保人焉其可得乎有人焉不愛惜已物而猶望其能愛惜人物焉其又可得乎

拖辮髮着胡服躑躅而行於倫敦之市行人莫不曰ハゲ（譯言猪尾）

（譯言野蠻）者何爲哉又躑躅而行於東京之市行人莫不曰チヤンチヤン（譯意拖尾奴才）者何爲哉嗟夫漢官威儀掃地已盡唐制衣冠蕩然無存吾撫吾所衣之衣所頂之髮吾惻痛於心吾見迎春時之春官衣飾吾惻痛於心吾見出殯時之孝子衣飾吾惻痛於心吾見官吏出行時荷刀之紅綠衣喝道之皂隸吾惻痛於心辮髮乎胡服乎開氣袍乎花翎乎紅頂乎朝珠乎爲我中國文物之冠裳乎抑

扞牲遊牧賊滿人之惡衣服乎我同胞自認賊滿人入關所下薙髮之令其略曰

向來薙髮之制不急姑聽自便者欲俟天下大定始行此事朕已籌之熟矣君猶父也民猶子也父子一體豈可違異若不歸一不幾爲異國人乎自今布告之後京城限旬日直隸各省地方自部文到日亦限旬日盡行薙髮若惜髮爭辮決不輕貸

嗚呼此固我皇漢人種爲牛爲馬爲奴爲隸棄漢唐之衣冠去父母之髮膚以服從滿洲人之一大紀念碑也同胞同胞吾願我同胞日日一讀之

娼妓之於人也人盡可以夫謂其爲纏頭計也至我之爲賊滿人之順民賊滿人之臣妾則從未見益我以多金者即有一二入其祿利誘導之中登至尙書總督之位者要皆以同胞括蝕同胞而賊滿人仍一毛不拔自若也嗚呼我同胞何娼妓之不若

吾同胞今日之所謂朝廷所謂政府所謂皇帝者非即吾疇昔之所謂曰夷曰蠻曰戎曰狄曰匈奴曰韃靼其部落居於山海關之外本與我黃帝神明之子孫不同種

族者乎。其土則穢壤。其人則羶種。其心則獸心。其俗則蠹俗。其文字不與我同。其語言不與我同。其衣服不與我同。逞其凶殘淫殺之威。乘我中國流寇之亂。盤踞上國。驅策漢人二百餘年。坐食其祿。故禍至則漢人受之。福至則漢人享之。太平天國之立也。以漢攻漢。山尸海血。所保者滿人。甲午戰爭之起也。以漢攻洋。血流津京。所保者滿人。故今日強也。地一行省。所保者滿人。拳民之亂也。以漢攻洋。血流津京。所保者滿人。故今日強也。亦滿人強耳。於我漢人無與焉。故今日富也。亦滿人富耳。於我漢人無與焉。同胞同胞。其甚母引以爲己類。已賊滿人剛毅之言曰。『漢人強滿人亡。』彼族之明此理久矣。願我同胞當蹈其言。毋食其言。

以言夫滿洲人之對吾待者。固如此。以言夫我同胞之受害也。又如彼。同胞同胞。知所感乎。知所擇乎。夫犬羊鬻骨。猶嫌鯁喉。我同胞之受此種種不平之感。殆有若銅駝石馬者焉。然而賊滿人之奴隸我者。尙不止此。吾心之所欲言者。而口不能達之。口之所能言者。而筆又不能宣之。吾今發一大誓以告人曰。有舉滿人對待我同胞之問題。以難於吾者。吾能雜搜博引。細說詳辨。揭其隱衷微意。以著於天下。吾願我

身化爲恒河沙數。一。身中出一。一舌出一。一舌中接一。一舌以演說賊滿人驅策我屠殺我姦淫我籠絡我虐待我之慘狀。於我同胞前。吾願我身化爲無量恒河沙數。名優巨伶。以演出賊滿人驅策我屠殺我姦淫我籠絡我虐待我之活劇。於我同胞前。

且夫我中國固具有囊括宇內。震耀全球。撫視萬國。凌轡五洲之資格者也。有一萬方里之土地。有四百兆靈明之國民。有五千年之歷史。有一帝三王之政治。而又地處溫帶。人性聰明。物產豐饒。江河源富。舉地球各國所無者。我中國獨擅之。倘使不受奴爾哈齊皇太極福臨諸盜賊之蹂躪。而脫離滿洲人之羈縛。吾恐英吉利也。俄羅斯也。德意志也。法蘭西也。今日之張牙舞爪。以蠶食瓜分於我者。亦將屏氣歛息。以憚我之威權。怵我之勢力。吾恐印度也。波蘭也。埃及也。土耳其也。亡之滅之者。不在英俄諸國。而在中國。亦題中應有之目耳。今乃不出於此。而爲地球上數重之奴隸。使不得等倫於印度之紅巾。租界用印度人爲巡捕。非洲之黑奴。吁可慘也。嘻可悲也。夫亦大可醜也。夫亦大可恥也。嗚呼。滅六者六國也。非秦也。族秦者秦

黃 帝 魂

也。非天下也。滿洲人亡我乎。抑我之自亡乎。語曰。往者不可諫。來者猶可追。昨日之中國。譬猶昨日死。今日之中國。譬猶今日生。過此以往。其光復中國乎。其爲數重奴隸乎。天下事不興則亡。不進則退。不自立則自殺。徘徊中立。萬無能存於世界之理。願我同胞。速擇焉。我同胞處今之世。生今之日。內受滿洲之壓制。外受列國之驅迫。內患外侮。兩相刺激。十年滅國。百年滅種。其信然乎。然吾聞達人有言曰。欲禦外侮。先清內患。如是如是。則賊滿人爲我同胞之公敵。爲我同胞之公讎。二百五十餘年之奴隸。猶能脫數十年之奴隸。勿論已。吾今與同胞約曰。張九世復仇之義。作十年血戰之期。磨吾刃。建吾旗。各出其九死一生之魄力。以驅逐凌辱我之賊滿人。壓制我之賊滿人。屠殺我之賊滿人。姦淫我之賊滿人。以恢復我聲明文物之祖國。以收回我天賦之權利。以挽回我有生以來之自由。以購取人人平等之幸福。

噫。吁。嘻。我中國其革命。我中國其革命。法人三次。美洲七年。是故中國革命亦革命。不革命亦革命。吾願日日執鞭以從我同胞。革命。吾祝我同胞。革命。

『忍令上國衣冠淪於夷狄。相率中原豪傑還我山河。』我同胞其有是志也。

革命必剖清人種

地球之有黃白二種。乃天予之以聰明才武。兩不相下之本質。使之發揚蹈厲。交戰於天演界中。爲亘古角力較智之大市場。卽爲終古物競進化之大舞臺也。夫人之愛其種也。必其內有所結。而後外有所排。故始焉自結其家族。以排他家族。繼焉自結其鄉族。以排他鄉族。既焉自結其部族。以排他部族。終焉自結其國族。以排他國族。此世界人種之公理。抑亦人種產歷史之一大原因也。吾黃種。吾黃種之中國之皇漢人種。吾就東洋歷史上。能相結相排之人種。爲我同胞述之。使有所觀感焉。

亞細亞黃色人種。約別爲二種。曰中國人種。曰西伯利亞人種。

黃 帝 魂

中國人種。蔓延於中國本部。西藏及後印度一帶地方。更詳別爲三族。

第一。漢族。漢族者。東洋史上最特色之人種。卽吾同胞是也。據中國本部。棲息黃河沿岸。而次第蕃殖於四方。自古司亞東文化之木鐸者。實惟我皇漢民族焉。彼朝鮮。日本。亦我漢族之所蕃殖者也。

第二。西藏族。自西藏蔓延克什米爾。泥八刺。及緬甸一帶地方。殷周之氏羌。秦漢時

之月氏。唐之吐蕃。南宋之西夏。皆屬此族。
 第三、交趾支那族。自支那西南部（即雲南貴州諸省）而蔓延於安南暹羅等國。此族在古代時似占據中國本部而為漢族所漸次驅逐者。周以前之苗民荆蠻。唐之南詔。蓋屬此族。


西伯利亞人種。自東方亞細亞北部。蕃殖北方亞細亞一帶。今更詳別之。凡四族。
 第四、蒙古族。原蕃殖於西伯利亞之貝加爾湖東邊一帶。其後次第南下。至今日乃自內外蒙古蔓延於天山北路一帶地方。胡元即由此族而起。印度之莫臥爾帝國亦由此而起。

第五、通古斯族。自朝鮮北部。經滿洲而蔓延於黑龍江附近。秦漢時之東胡。漢以後之鮮卑。隋唐時之靺鞨。唐末之契丹宋之女真等。皆屬此族。即今日僭竊我中國之滿洲人亦由此族而興焉。

第六、土耳其族。原蕃殖於內外蒙古地方。後漸西移。今日則自天山南路。凡中央亞西亞一帶。多為此族所佔據。周以前之獯鬻玁狁。漢之匈奴。南北朝之柔然。隋之突

黃 帝 魂

厥唐之回紇等。皆屬此族。而今東歐之土耳其亦此族所建。今就今日人種之能成立者。列表如左。



由是以觀我皇漢民族起自黃河東北一帶之地。經歷星霜繁衍四方。秦漢之時。已布滿中國之全面。以中國本部爲生息之鄉。降至今日。人口充溢。四萬萬爲地球絕大蕃多。無有倫比之民族。其流出萬里長城以外。青海西藏之地者。達一千餘萬之多。更進而越日本之境。或侵入北方黑龍江之左岸俄界。或達南方。進入安南交趾。東滿塞暹羅緬甸馬來半島。更入太平洋。侵入布哇美洲合衆國加拿大秘魯伯拉。踰南洋侵入呂宋瓜哇淳泥及澳洲歐洲者。亦不下三四百萬。其無資力者。孜孜勵精以勞力壓倒凌駕他國之人民。有資力者。擁數十百萬之資本。與歐美之富商大賈爭勝。敗於商場中。而不相下。我漢族之能富於擴張種族之勢力。如此吁。是卽以二十世紀世界之主人翁推尊我漢族。殆非河漢之言也。

嗚呼。我漢種是豈非飛揚祖國之漢種。是豈非獨立亞細亞大陸上之漢種。是豈非爲偉大國民之漢種。嗚呼。漢種雖衆。適足爲他種人之奴隸。漢地雖廣。適供足他種人之棲息。嗚呼。漢種不過爲滿洲人恭順忠義之臣民。嗚呼。漢種又將由滿洲人介紹而爲歐美各國人之奴隸。吾寧使漢種亡盡殺盡。而不願其享昇平盛

世歌舞河山。優游於滿洲人之胯下。吾寧使漢種亡盡殺盡。而不願其爲洪承疇。爲細思。爲通事。爲買辦。爲繙譯。於地球各國人之下。吾悲漢種。吾先以種族之念。覺漢種。

執一人而謂之曰。汝之父非眞汝父也。爲汝父者某某也。其人莫不起立而怒。以詰得其直而後已。又一家人。父子夫婦兄弟相居無事也。忽焉來一強暴。入其室。據其財產。而又奴其全家人。則其家人莫不奮力死鬪。以爭回原產。而後已。夫語人有二。父而不怒。奪人之家產。而不爭。是其人非行尸走肉。卽僵尸殘骸耳。吾特怪吾同胞。以一人所不能忍受之事。舉國人忍受之。以一家所不忍受之事。舉族忍受之。悲夫。悲夫。滿洲人入關。則稱大清順民。聯軍破北京。則又稱某某國順民。香港人立維多利亞紀念碑。曰德配天地。臺灣人頌明治天皇功德。曰德廣皇仁。前之爲大金大元大遼大清之順民。旣去矣。而今之爲大英大法大俄大美之順民者。又來此無他不明於同類異種之觀念。而男盜女娼。羞祖辱宗之事。遂至無不可爲也。

吾正告我同胞曰。昔之禹貢九州。今日之十八省。是非我皇漢民族嫡親同胞。生於

黃

帝

魂

斯長於斯聚國族於斯之地乎。黃帝之子孫神明之胄。裔是非我皇漢民族。嫡親同胞之名譽乎。中國華夏蠻夷戎狄。是非我皇漢民族。嫡親同胞。區分人種之大經乎。幸而滿洲人與我不通婚姻。我猶是清清白白黃帝之子孫也。夫人之於家庭。莫不相親相愛。而對異姓。則不然者。有感情故耳。我同胞豈忍見此莫大之奇辱而無一毫感情動於其中耶。爾爾隸於英也。以人種稍異。故數與英人爭。卒得其自治而後已。我同胞寧不彼若乎。傳曰：「非我族類。其心必異。」又曰：「狼子野心。是乃狼也。」我同胞其三復斯言。我同胞其有志跳身大海洋中。濯大海洋之水。以洗潔我同胞。羞祖辱宗。男盜女娼之大恥。大辱乎。

駁革命駁議

有著革命駁議者。自謂主張維新。而不主張革命。夫致以今日革命之難。一在外界干涉。一在內容腐敗。故不如降心壹志。研究實學。以爲異日輔佐君國興起宗邦之用。語多鶻突。未能分析。隱隱不知異日獲用。將以立憲政體。輔佐君國興起宗邦乎。抑將小小變法。補苴罅漏。遂可以輔佐君國興起宗邦乎。若僅變法而已。康有爲

黃

帝

魂

戊戌之事。成鑒未遠。誠使胡牝就戮。明辟當陽。百日新政。延至百歲。而外人之侵犯國權。要求割地。果能禦之與否。若言立憲。彼既知人心腐敗。以鑿井耕田爲本。分輪租納稅爲常職。初不知何者爲自由。何者爲不自由。而欲其決議稅則。規復權利。此又必不可得之數也。夫小小變法。不過欺飾觀聽。而無救於中國之亡。立憲足以救中國之亡。又非不知自由者所能就。然則研究實學。果安所用耶。然而維新之極點。則必以立憲爲歸矣。彼所以侈陳維新。諱言革命者。非謂革命之舉。必伏尸百萬。流血千里。大蹂小搏。以與凶頑爭命。而維新可從容晏坐以得之耶。夫各國新政。無不從革命而成。如意大利。匈牙利之轟轟烈烈。百折不迴。放萬丈光芒於曆史者。無論矣。英倫三島。非以不成文憲章與憲政祖國之名。自豪於大地者乎。然一千二百一十五年之革命。何如一千四百八十五年之革命。何如一千八百三十二年之革命。又何如使英人而不革命。則一土耳其耳。東曉日本。非以皇統綿綿萬世一系。貢媚言於其君主者乎。然薩長二藩尊王。覆幕之革命。何如西鄉南洲鹿兒島之革命。又何如使日本而不革命。則一朝鮮耳。然則革命與維新。又何擇焉。且彼之言論。洋酒

黃

帝

魂

萬千而莠言熒聽最足破衆庶之胆而短英雄之氣者則曰外人干涉而已夫干涉亦何足懼使革命思想能普及全國人人挾一不自由毋寧死之主義以自立於搏搏大地之上與文明公敵相周旋則炎黃之胄冠帶之倫遺裔猶多雖舉揚州十日嘉定萬家之慘劇重演於二十世紀之舞臺未必能盡殲我種族不然逆天演物競之風潮處不適宜之位置奴隸唯命牛馬唯命亦終蹈紅夷櫻蠻之覆轍而已非律賓前事尤吾黨所捶胸泣血飲恨終夕者也雖然以阿圭拿度之英傑非國國民之義憤今雖茹辛含苦暫爲強敵所屈伏而仰視天俯視地咄咄書空之形態殆不可以一日已黃河伏流一瀉千里大地風雲朝不謀夕吾敢昌言曰十年以後太平洋中無復美利堅人之殖民政略矣即不然而當日義旗一指千里從風西班牙九世之仇亦既掃蕩無餘不猶愈於他他覩覩長爲奴隸者乎彼謂鄉村富戶值羣盜在門之時其主人與僕從唯有齊心協力抵禦外侮若兩造同室操戈先已筋疲力盡迨至羣盜破門而入即更不復抵禦此固一定之理矣吾不知彼之所謂主人與奴隸者將何所指乎夫中國國民爲全國之主人翁若今之政府不能盡公僕之天責

黃

帝

魂

而反摧夷辱戮我民以爲快直羣盜之尤無賴者耳內盜不去盤踞輿而羣盜然曰拒外盜拒外盜縛手足而與人鬪烏可勝乎且彼既排革命而主張維新矣而維新終未可從容晏坐以得之則仍不得不望諸民黨之崛起彼政府之仇視我民也見我民之稍有氣節稍不舉動者莫不欲得而甘心又豈知革命與維新之有別哉唐才常昌言勤王而伏尸鄂市日本留學生以服從政府爲主義而下詔大索海內況維新革命相去之不能以寸乎吾知一旦憲政黨出現於中國而政府之追討外人干涉猶如故也

夫低首下心以求所謂維新者而終不成何如昌言革命反有萬一之希冀哉彼謂中國之民未有怨政府之心不可以言革命夫我國民豈生而有奴隸之性質牛馬之資格任政府之食吾毛踐吾土而不動於心哉母亦智識未開浸淫於四千年來之邪說上天下澤名分等嚴雖有怨尤末如之何耳使有人決此藩籬昌明大義二十世紀之中國何詎不如十九世紀之歐洲乎然則彼所謂明目張胆於稠人廣衆之中公言不諱并登諸報章以期千人之共見者正以中國國民未知革命而求所

以知之之道耳。彼所謂聯絡會黨，殊不足恃，而引拳民爲鑒。夫拳民之事，豈可與革命黨同日語哉？彼挾一「扶清滅洋」之宗旨，既可以皇漢之貴種，而視然自稱大清之順民，帖耳俯首，受治異族，無復廉恥矣。又何不得以爲大英大法大日本之順民乎？能爲張氏奴，亦必能爲李氏奴。性質如此，無足怪者。而遽以區區少數，并多數之未必如是者，而同類並譏之，亦嘗言之而已。抑今日之主張革命者，雖詞嚴義正，必不如彼所謂彼亦一是非，此亦一是非，而陽和之韻，不入里耳。逞臆爲談，猶多歧路。無已，請比較革命立憲之難易，還以商榷之。義與海內外人士質之，可乎？革命之舉，雖事體重大，然誠得數千百錚錚之民黨，遍置中外，而有一聰明睿智之大，人率而用之，攘臂一呼，四海響應，推倒政府，驅除異族，及大功告成，天下已定，而後實行其共和主義之政策，恢復我完全無缺之金甌，則所革者政治之命耳，而社會之命未始不隨之而革也。若夫維新，則必以立憲爲始基，立憲則必人人能守自治之法律，人人能有擔任憲政之資格，然後得以公布憲法，爲舉國所同認。今以數千年遺下，孱弱疲玩之社會性質，俯首屏息於專制政體之下，一日欲其勃焉而興，晉人

黃 帝 魂

黃

帝

魂

而革之以進於光明偉大立憲國之國民，吾恐遲之十年，數十年後，仍不得覩効於萬一，而中國之亡，已亟不能待。況滿清政府之初，無立憲思想乎？夫對此扞格不謀之敵體，出此迂遠無補之希望，如醉如痴，如夢如寐，外人乃朝換一約，暮索一款，伺我內情之懈弛，徐行其擴張權利之計，使我膏肓血竭，財窮智細，徧國人無能爲抵禦之策，而後印度我波蘭我支那大陸永永陸沉，吾不知行立憲主義者，尙足以救波蘭印度之亡，耶？無奮雷之猛迅，則萬蟄不蘇，無蒲牢之怒吼，則晨夢不醒，無掀大揭地之革命軍，則民族王氣不伸，民族主義不伸，而欲吾四萬萬同胞一其耳目，齊其手足，羣其心力，以與眈眈列強競爭於二十世紀之大舞臺，吾未聞舉國以從也。彼又謂中國一隅之地，往往彼焉怨咨，此焉謳歌，至證以科舉之醜態，釐金取捐之弊政，是真大惑不解者矣。科舉者，愚民之術，有志之士不入其彀中，即以常人言之，獲者不過少數，而不獲者仍是多數，是固謳歌少而怨咨多也。釐金取捐，鑿損元氣，舉國皆蒙其害，況於生物成物運物之農工商，隨在有密接之關係，吾未聞工商受釐金之酷虐，而農者謳歌於野，農者受取捐之勒派，而工商謳歌於市者，雖有謳歌

亦如哭泣痛苦之中暫而飲酒以慰無聊而已。及其既醒則怨咨如故也。此何足爲獨倡寡和不能革命之證哉。總之國民與政府立於對待之地者也。革命之權國民操之。欲革命則竟革命。維新之權非國民操之不操其權而強聒於政府亦終難躍此革命之一大階級也。悲夫。放棄國民之天職而率其四萬萬神明之同胞以仰一異種胡兒之鼻息。是又豈昌言維新者所挾以自豪乎。無量。願無量血即造成我新中國前途之資料。畏聞革命者請先飲汝以一卮血酒以壯君之胆。毋再饒舌徒亂乃公意。

論復仇主義

頃者金山各新聞載有自英屬域多利之轉來電言去歲廣東黨人舉事。該出首害事之人得賞金千圓不數日即爲黨人刺殺。割去兩耳。肢體糜爛。所得之千金尙存之而未用。所保之生命即去矣。而莫留害人。自害殺人。自殺死而有知應亦自悔生前之下愚而莫能補救也。然而天下最痛快最得意之事亦無過於此。彼會黨人而能演此大活劇又何其壯耶。

黃

帝

魂

襄公復九世之仇。春秋稱之。禮曰。父之仇不共戴天。兄弟之仇不反兵。交遊之仇不同國。蓋復仇者天下之公理。古今之通義也。夫今日黨人之運動汲汲然以謀自強者。爲外人之侵權奪利。由我國而對於人國。仇當復也。個人之自由不伸於是。振國民之精神。絞國民之腦髓。皇皇然爭之前仆後起。殺頭流血而不顧。以個人而對於政府。仇當復也。優勝劣敗而始於競爭。惡莠害苗而鋤其非種。我國與他國之交涉如是個人。與政府之交涉如是。然則我所實存之士義有反對我者。有陷害我者。其報復又當奚若耶。且不寧。是而已。彼外人之刑律固有自衛殺人。雖殺勿論之說矣。況乎此等出首害事之人。媚官竊之一走狗耳。其於人格固已久缺。而不得謂之人。殺一物而天下安者。物物皆安焉。而寧得謂之非耶。夫會黨之進步。黨人之所企祝者也。人以橫逆來。吾以順受往。則非會員者。裹足而爲黨人者。寒心運動之。襄脅之以發揮其主義。以光大其目的。又何爲也哉。然則不能復仇者。非會黨也。碧血無光。痛長宏之已死。白虹貫日。祝荆卿之復生。蓋自有此舉而彼之因以爲利者。當知所警矣。我敬復仇。我愛復仇。我信仰復仇。

庚子之歲。偽政府用神權以攘外人。又大捕黨人。劉學詢奔走於粵。先以別案電報總辦。經某黨人憤之於粵。之沙基發兩槍。以擊劉。傷重而不死。然而前日之兇。甚張者。至是而沉埋隱匿。不敢復現人形。作人語矣。則復仇之功也。

漢陽事起。有富有山堂大領袖朱楚香者。湘人也。避難至粵。武員楊某。渾號大霸道者。購線獲之。卒就戮。過數日。楊過粵城華寧里。遇四人。手槍而環之。楊遂死。肢體解焉。而粵之領黨捕黨人。諸姦惡皆爲寒心。則復仇之功也。

泰西有古神像。左手持衡。右手執劍。彼其意蓋以衛此權者。勢力而已。然則今日不講復仇之義。彼所謂權力者。安在耶。瞰枳深之井。窺豫讓之橋。撫劍光芒。雄心猶在。凡我國之黨人。凡我黨之有心人。盍亦自勉而自省之。不然者。受大辱以生。毋寧死。且何黨之足云。

黃河

挾七八百餘里之迅流。貫入秦隴。晉豫齊魯諸州。域浩浩巨浸。淤爲泥沙。曾不足以開駛航路。運輸文明之潮。惟是土質粗鬆。水勢漂忽。炎夏雨行。隄防屢傾。蓋不知

其耗損幾千萬。經費埋葬幾百萬人。類也。地理學家莫不道黃河爲中國之憂。然則今之黃河胡爲作也。

曰。世界人口凡十五億餘。吾族占其四分之一。漲力之發達如此。其大者實以黃河爲奠定之基礎。則種族上之黃河。不可不作主權者。司國家之鎖鑰者也。吾族歷來之主權大半寄於黃河流域之間。則國家上之黃河。不可不作

種族上之黃河。黃河之歷史。吾族最名譽之歷史也。從洪荒未奠之世。播殖文明於大陸。日張日進。侵入異族境內。獨遂其物競天擇之能。其人文蔚然可觀矣。然地理上之人文恒緣地文爲影響。則欲考吾族依黃河所建之事跡。不可不知黃河關於吾族之情勢。中亞細亞之高原。曰帕米爾者。爲世界人類發生地。黃河與揚子江皆導源中亞細亞之東部。吾族初祖之東漸。勢力何以必循黃河而下。洪荒之初。舟楫未興。一水之隔。一谷之限。輒礙進步。揚子江之上源。若鴉礪江。若瀾滄江。若怒江。諸流平行。其間豁谷交錯。隔絕行道。黃河則自出伏流以來。無巨浸之匯入。迤河岸而南。所注者皆涓涓小水。不足阻文明。過渡之路。川無大小。必有輿廢。兩河之間。

不無餘壤。揚子江之上源。峻嶺插天。若大雪山。若雲嶺。山若素龍。山脈絡連。屬橫亘諸大河間。黃河則循中崑崙山脈。東麓曲折。以入本部賀蘭陰山。二山皆讓入黃河之北境。崑崙山脈之支嶺。又不能遮斷於東南。當游牧時代。人民逐水草爲轉移。故結隊而進者。得以循序蕃衍於河濱。今試歷數中原之文化。何一非自黃河流域發生者乎。人類第一級之進化。必由游牧進於土著農業。土著之根原也。黃河一帶平原。彌漫蒼蒼。無極支流。細川之貫輸。皆足資灌溉之利。其適於農業者。一。地土以泥沙湊合而成。又時受沈澱之浸潤。所在肥沃。最宜耕作。其適於農業者。二。黃土積於兩岸。多至千八百尺。可爲糞田之料。其適於農業者。三。農業既興。居必定。所作必合力。於是社會之團結。以固。是以神農製耒耜。藝五穀。使人民經營牛計。脫游牧而進於土著時代。黃帝遂承之。而併部落四征。入討驅除異族。遷其溫和者於鄒屠其兇猛者。逐之北方。廼畫野分州。置左右大監。監於萬國。以奠定吾族之基礎。熱帶之地。生物繁殖。人民易於謀生。不復事遂養。成蠢惰之習慣。黃河雖適於農業之區。而廣漠荒寒。氣候凜烈。兩岸沙磧。數里偶有漲溢。千里腹壤。悉成澤國。廬居

黃

帝

魂

黃

帝

魂

受其漂沒。財產蕩爲子虛。上古之民。知識未具。方慶目前衣食之幸福。忽遇意外。可驚可愕之事。於是不得不勞役力作。冀得免於流離。以震怖於地理上現象。孕育此勤儉耐勞之特質。傳遺而無替。雖以無智無識處。今日文明世界中。猶足與白哲人種戰爭於優存劣敗之場。其蔽也專。其恐怖畏懼之念。束縛心思。閉塞理想。人人有幸免之智慮。而無獨立之精神。吾族後世之滯於進化。安於屈服。何嘗非此現象之所感召。則夫唐虞之以洪水汜濫。組織部落爲國家者。誠吾族之一大紀念時代也。凡物之憑藉也。小則膨脹之力。必微。黃河流域。遠接揚子江。幅員數萬里。實握本部之第一平原。中無大山大河爲之隔障。聽人民以自在之力。次第發育於其間。其占地廣。其取物博。直若造物之故設。此一絕大平原。以胎養龐然無二之民族。其性質被其影響。遂成一種自尊自信。不崇拜外人之人格。故雖以數千年之獨夫民賊所壓抑。箝制不得自由之身。當今日之內界。如斯摧殘。外界如斯驅迫。尙不能定其前途之何如。地理之關於人事。顧不偉哉。

國家上之黃河。檢二十四朝之史。凡夫詞臣。珥筆諛媚。皇室頌曰。美哉山河。帝

王之所居者。曾有幾何。不在此黃河流域之內也。夫黃河土不其豐。水不能航。何足爲吾國重。然今昔時勢不同。錮蔽時代之黃河。不可以概開化時代之黃河。交通時代之黃河。不可以概鎖國時代之黃河。

自皇古以訖。有周爲吾族開化時代。其時自中亞細亞移住而來者。以黃河爲根據地。王者奠都必宅中。以握形勝。故伏羲都陳。帝嚳都亳。殷都亳。周都洛。皆在今河南地。神農都曲阜。少昊都穹桑。皆在今山東。唐都平陽。虞都蒲坂。夏都安邑。皆在今山西。地自周季以訖。今朝中葉。爲吾族鎖國時代。其時根據口固。人民安於逸豫。易進取爲保守。國家之勢力雖日益發達。而民族之思想。反日束縛而不自由。朝廷以防民爲主義。都會所在。必擇山川形勝之所。以易於憑險而守。或沿前朝舊都。就施其馴制民族之術。交通之利便與否。所弗籌慮也。綜計大都會之地。有三曰洛陽。東漢西晉所都也。曰長安。西漢隋唐所都也。曰汴。五代宋所都也。此外不依黃河建都者。惟明祖驅逐胡元。定鼎金陵。餘皆偏據一隅。無有握我本部之全權者。則雖謂中國一部歷史。全由黃河流域上組織而成可也。

黃

帝

魂

其在黃河系所延之平原上建都者。更有燕京一所。負嵎北方。得居高馭下之勢。梟雄異類。嘗竊據其地。以臨中原。若安祿山。史思明。皆以崛起幽燕。用范陽盧龍之衆。蹂踐中國。以無道行之。其關係於全局之重輕。已若此矣。自有宋以來。胡元都之。以迄於今。豈非其地勢使然耶。天禍中國。強俄密邇。驅可薩克之兵而南下。駸駸乎以黃河北域爲其勢力圈焉。此尤撫念時勢而憤不自勝者也。

結論。嗟乎黃河所貫之諸洲域。曰甘肅。陝西。山西。河南。山東。孰非我黃帝子孫所移殖之地乎。甘肅僻在荒遠。無與交通之大勢者。無論矣。此四省者。就今日已成之現象觀之。其在鑛山。則陝西。河南。爲英意二國所承攬。山西北部。爲俄公司所採掘。英意亦握有開採之權。其在鐵道。則在黃河以北者。有自正定至太原之線。俄所經營。也有自館陶至澤州之線。英意所經營也。其貫黃河而南者。有比承修之蘆漢鐵路。英意敷設之鑛山鐵路。英德合辦之津鎮鐵路。而山東一省。且全轄於德。載諸不准讓與他國之條約內。茫茫北部。不數年間。將舉不便交通之地。悉進於文明。第不知所經營而建設之者。其有一爲我黃帝之子孫否也。回憶吾族初祖開墾洪荒時。

與禽獸戰與土蠻戰。不知絞若干之腦。流若干之血。始購得此安全之土。爲吾輩今日衣食之所。後人坐而安之。習於文弱。自漢受匈奴降衆以來。胡虜雜居於中原。人民無種族之觀念。北望蒼茫。忍令白種人次第闖入。演其亡國新法之慘劇。擴領土。拓殖民地。山河依舊。而國家無存焉。奴隸自甘。而種族尋滅焉。哀我四萬萬同胞。豈意長眠而不悟也。

揚子江

緒言 展一幅赤綠線文萬國輿圖。有所謂屬地。有所謂租界。有所謂條約港。有所謂勢力圈。有所謂某省開礦。利歸某國人承辦。某省築路。權歸某國掌握。使人目昏心悸。寢食具廢者。非我中國之全部輿地乎。盜賊充斥於室內。健者已飽橐而去。我方津津焉計算我財產。鋪張我土地。其抱歉何如。菁華盡獻於他人。大局且難支持。我猶舉形式屬我精神。屬人之一部分。以自雄。其抱慚又何如。今日之揚子江。實無面目出現於地理界中也。然讀日人國府犀東所著揚子江航路記。與藤戶計太所著支那富源揚子江。嘆彼外人之經營揚子江。且能編輯成書。餉其國民。我國之地

理家叙揚子江者。又徒知以測量流域。方向考求道里。遠近爲義務。未能發揮揚子江一切關係。俾讀者油然而生愛國心。此我國地理家之一大缺點也。於是揚子江問題忽從三萬萬個細胞腦界直躍入於二十世紀之舞臺之學界。外人民族帝國主義漸及於揚子江。歐洲自十六世紀以來。其政治之變遷。演出無限新世界。愈演愈新。愈演愈變。駸駸乎有不可遏抑之勢。全球因之受其影響。國於其間者。由弱而強。由強而弱。而亡。令人歡迎。悲送。發種種之思想。牛種種之希望。具冒險之精神。奮進取之能力。欲使其名占歷史之特色。其國居世界之優等。其民族爲世界之主人翁。以從事於政界。學界。軍事界。商業界。絞腦筋。勞心。系而爭趨若鶩者。不外民權。民族。與民族帝國數主義所運動而已。民權主義爲受虐之平民與專制之君主戰。脫壓力。享自由之時代。法蘭西所以革命。英吉利所以立憲也。民族主義爲同種之民族與異種之民族戰。脫羈縻。成獨立之時代。希臘所以復立。意大利所以建國也。民族帝國主義爲優等之民族與劣等之民族戰。優等日益膨脹。劣等日益消滅之時代。澳大利亞所以見闢。阿非利加所以見分也。茲數主義者互相

胎孕互相過渡。各有原因。各有結果。至近世紀而民族主義之發達。已由澳非兩大陸。直撲於太平洋中。電掣風馳。海倒山崩。忽抵我中國東南二面之海岸線。一躍登陸。乘我睡獅之未醒。病夫之未廖。舒其慘淡經營之手。段若廣州臺灣九龍膠州威海旅順大連諸要地。相繼割讓。均受此主義之影響。然其精神所萃。幹綫所趨。則又排崇明島入吳淞口。以上溯揚子江之源而行。此主義者。遽飾其名曰通商。我國政府亦沿其詞曰通商。英法德日猶屬舞臺之名優。蜿蜒一條水。移殖民政政策。爲通商政策。嗚呼。外人所謂通商者。乃愚我政府之美詞。而亡我國家之新法也。政府所謂通商者。乃乞憐外人之慣技。求免我國民干涉之實禍也。我是以不憚大聲疾呼。奔走相告曰。揚子江者。非外人通商之航路。乃外人實行民族帝國主義之中心點也。揚子江沿岸之民族。其知之乎。中國四萬萬之民族。其知之乎。行尸走肉。醉死夢生之政府。其亦有感悟乎。虎視鷹瞵。詭波譎雲之外人。其亦知顧忌乎。歷史上之揚子江與漢族之關係。黃帝發軔。帕米爾高原造崑崙。率子孫南下。備根據地於黃河沿岸。進取中原。是爲吾漢族發達之第一原因。大禹鑿山鑿川。大治

黃 帝

水患。出河渡江。大會諸侯於塗山。權力及於江南。是爲吾漢族發達之第二原因。不然亞洲東大陸洪水氾濫。猶是禽獸苗蠻交集之一塊荒土。吾漢族尙守老死不相往來主義。不知人間有滅國亡種之慘狀。與夫天擇物競優勝劣敗之公例。則彼白哲人種。開闢此土。吾漢族不知畫勢力範圍。圍圈於此。土吾漢族不知不待今日。攘奪於野蠻酋長主人翁之手。已成非洲之宰割。吾漢族更不知何必揮漢族之鐵流。漢族之血。與彼異族野種。爭生存於天演界中乎。東亞新天地。與漢族關係如何。試問吾輩一飲一食一起一居。非吾漢族曠古崛起。造時勢之祖宗。灑滿腔熱血。組織之經營。之以留其子孫乎。橫亘直走。東大陸中央之揚子江。與吾漢族之關係。又何如。終春秋之世。吳都江南。楚都江北。皆恃此富庶流域。挾江淮之新漢族。與吾中原之舊漢族。互爭雄長。朝聘盟會。雖漸染中朝之習慣。戎狄之號。未脫也。迨漢族文化漸移而南。劣等民族不能不爲優等民族所吸取。所化。合而日趨統一之勢。今日外人之行民族帝國主義。與此適成正比例。秦復開通巴蜀。布勢力於上流。自是揚子江上下南北。皆爲漢族。有人物發達。遂以揚子江爲中心點。迄今檢歷朝戶口之

數賦稅之冊生齒之繁殖物產之殷富歷史上占特色焉悲哉堅子談兵創長江天塹之說啓吾漢族殘殺同種之心長吾漢族苟且偷安之習當中國割據時代則用上游而控制下游當外夷侵略時代則由江北而遷都江左周瑜戰赤壁于潛下江南用揚子江以殘殺同種之代表者也典午東遷靖康南渡福王建國實借長江以苟且偷安之代表者也此皆我中國歷史最著之污點雖洗盡揚子江之水不能乾淨者嗟呼周瑜之徒素無種族思想印於腦筋中我黃帝孫子若其人者殆難悉數曾不若有如白水之揚子江猶存吾漢族於外夷雖沓異種蹂躪之際使吾漢族得藉以苟延殘喘待英雄再生徐圖恢復（晉之東遷以後能以數萬之師破苻堅投鞭斷流之衆者非吾漢族之謝玄乎宋之南渡以後能以一介書生禰金兀朮之魄者非吾漢之虞允文乎今過淝水流域與采石磯訪其父老談當年軼事未嘗不嘆吾漢族之熱於種族思想者前代尙有人也又未嘗不感淝水揚子江之靈能默助吾漢種也）所惜者當年君臣皆以偷安江左爲得計其光復革命之英雄或遲至數十年而生或遲至百餘年而生或遲至數百年而不生揚子江支持吾漢族之力

魂 帝 黃

稍歇故晉亡而漢族之天下仍歸於漢族之手宋亡以來而漢族之天下竟爲異族所竊取幾至百年而後還而不還此皆吾漢族有負於揚子江於揚子江乎何尤揚子江開港通商之原因今日之揚子江與昔日之揚子江異昔日之揚子江爲漢族之功臣今日之揚子江爲異種之奴隸昔日之揚子江爲吾漢族與漢族或漢族與異種兵戰之要地今日之揚子江爲彼異種與漢族或異種與異種商戰之市場昔日之揚子江爲中國南北競爭之樞紐今日之揚子江爲地球東西奔走之舞臺自故吳淞以上至重慶通商之港凡八（上海在黃浦江流域吳淞岳州兩埠我國近年自行開放故均不在內）曰鎮江曰南京曰蕪湖曰九江曰漢口曰沙市曰宜昌曰重慶是也汽船往來停泊江心絡繹不絕洋屏櫛比租界連雲其握我利源奪我主權種種現象書罄南山之竹嗟嗟同胞應下亡國淚矣

揚子江通商以南京爲最早道光二十二年（西歷千八百四十二年）與英訂南京條約（鴉片戰爭之結果爲商港條約之始）而南京遂爲揚子江通商港八分之一（同時開廣東廈門福州寧波上海諸港）咸豐十一年（西歷千八百六十

一年。與英法訂天津條約。（英法連合軍之結果。）而九江漢口遂爲揚子江通商港八分之一。二（同時開牛莊天津芝罘鎮口汕頭瓊州諸港。）光緒二年。（西歷千八百七十六年。）與英復訂芝罘條約。而鎮江蕪湖宜昌遂爲揚子江通商港八分之一。三（同時開溫州北海諸港。）光緒二十一年。（西歷千八百七十六年。與日本訂馬關條約。（清日戰爭之結果。）而沙市重慶遂爲揚子江通商港八分之一。二（同時開蘇州杭州諸港。）以上所開諸港皆係戰敗之後。聽其要求莫敢誰何。更不知擲吾民族若干之頭顱。耗吾民族若干之脂膏。以購此最腥穢最慘淡之數十年歷史也。尤可駭者。英人於光緒二十四年。（西歷千八百九十八年。）要以揚子江流域不許讓與他人之約。得政府之承認。法日（法人要以雲南兩廣不得讓與他人。日人要以福建全省不得讓與他人。）援以爲例。接踵要求。而勢力範圍問題遂喧騰於有勢力者之口。環球各國其資格稍優於我者。莫不以得一染指爲快。蓋外人之瓜分中國。始終未嘗變其目的。勢力範圍云者。不過瓜分之代名詞也。故開港通商時代。揚之子江瓜分主義。尙在理想。勢力範圍時代。揚子江瓜分主義。

將徵事實。揚子江者實亡中國之介紹也。傳有云。匹夫無罪懷璧其罪。吾則曰。中國無罪。揚子江其罪大禹九原有知。亦必弔其子孫之將盡而有痛於福兮禍伏之一語。

揚子江之資格優於黃河西江。雖然揚子江關係漢族之責任雖已放棄。揚子江固有之主權雖已見奪。揚子江之資格實於中國本部占獨一無二之地位。中國稱大水者三。曰黃河（發源於青海之札靈湖。東流入中國本部。經甘肅陝西河南直隸山東諸省入海。其支流最著者爲發源甘肅之渭水。與發源陝西之洛水。）位中國之北部者也。曰揚子江（發源於西藏之巴薩通拉木山。東流入中國本部。經雲南四川湖南湖北江西安徽江蘇諸省入海。其支流灌域最著者於甘肅四川有嘉陵江。貴州有涪陵江。陝西湖北有漢水。湖南有洞庭湖。及其湖內所匯之澧沅資湘等江。江西有鄱陽湖。及其湖內所匯之贛肝修鄱等江。安徽有魯明水陽等江。及巢湖等之支津。江蘇可由北運河以達發源河南之淮河。由南運河以達浙江之太湖。其流域灌域共經十二省。）位中國之中部者也。曰西江（有三源。曰東江北江西。

江。西江最大，發源於雲南，東流經廣西、廣東入海，三源於廣東台流之後，又名珠江。其支流最著者，爲柳江、通貴州，爲桂江。其上流連湘江，出洞庭湖，揚子江爲漢江下流，由三水來會，上流經廣東之北境，出鄱陽湖，達揚子江。位中國之南部者也。而揚子江之資格，優於黃河西江者，有二：一曰經濟上之資格，黃河之水勢如建瓴（昔人作詩云：黃河之水天上來），潰決之患，史不絕書，兼之氾濫所經，化爲沙礫，農業日有退步之象。河身甚淺，輪舟不通，商業永無起色之期。職此之故，黃河流域之人民，轉徙於他省者，道路相望。中部生活之品料，運輸於北部者，舟車不絕也。西江流灌（兼本流支流而言），雖亘五省，而土地豐饒，惟珠江之一帶，輪舟航行，以梧州爲終點。是農業、商業之發達，不過廣東一省、廣西雲南，瞠乎其後。然查近年輸入之項（指廣東一省言），食品最夥（自滿洲輸入者爲大豆及豆油，自美國輸入者爲小麥及麥粉），則廣東之農業，不待問。自鴉片戰爭以後，商港日多，則廣東之商業，不可知。而揚子江航路，能達千里之遙（重慶爲極點），其影響於商業，爲何如？四川之縣，兩廣之絲，江西湖廣之米，均爲出口大宗。其天然之農利，爲何如？故以江

黃 帶 魂

黃

帶

魂

子江之農業，輔以揚子江之商業。雖與南北兩部不相往來，東西各部不相聞問，尙可以自給自養，自立自強，無需一毫外助之力。此揚子江經濟上之資格，優於黃河西江者也。一曰改革上之資格。大河以外，頑黨淵藪，其專制之熱度，河水爲沸。其奴隸之種子，逐流皆布。故庚子之亂，持順民旗，執歌功傘，挺立街巷之際，以俟洋兵之至，而稽首投降於馬前者，黃河流域所經之地，人爲多是。非燕趙之故土耶？而慷慨悲歌之士，吾不知自何世而絕迹於茲土也。西江流域，雖不乏萬起之豪傑，自洪楊大事不成，英雄短氣。庚子機謀頓敗，志士灰心。近來不受壓制，具有愛國熱誠者，大半匿迹於海外。其不去者，則排外之心，或消滅於習慣獨立之性，又見妬於外人。西江洗兵雨，恐終無撥雲霧見青天之一日。而揚子江之開化，兩湖以下，在幼稚時代。兩湖以上，在萌芽時代。開化幼稚時代之揚子江，尙武之精神，雖未完全，而熱於政治思想、民族主義者，已有如水就下如蟻慕餌之概。故其昌言時局痛哭流涕，亦可以爲喚醒國魂之助。開化萌芽時代之揚子江，其人最富於勇力，將來借文明潮於下游者，必付尙武精神之利息於下游。上下互輸知識，交換爲揚子江必盡之義。

務。即。爲。揚。子。江。獨。立。之。基。礎。此。揚。子。江。改。格。上。之。資。格。優。於。黃。河。西。江。者。也。
 揚。子。江。之。將。來。過。去。者。揚。子。江。原。因。未。來。者。揚。子。江。之。結。果。也。今。對。揚。子。江。而。叩。
 以。將。來。之。命。運。則。茫。茫。前。途。彼。亦。不。能。自。決。要。其。結。果。惟。視。揚。子。江。今。日。之。民。族。能。
 自。立。與。不。能。自。立。爲。斷。揚。子。江。之。民。族。不。能。自。立。則。政。府。之。割。地。賠。款。於。外。人。也。聽。
 之。外。人。之。敲。膏。吸。髓。於。我。國。也。聽。之。鬼。氣。陰。陰。幽。囚。長。夜。酣。寢。臥。於。揚。子。江。之。旁。恐。
 不。數。年。揚。子。江。必。與。印。度。之。恒。河。埃。及。之。尼。羅。河。同。爲。亡。國。之。一。分。子。吾。四。萬。萬。民。
 族。揚。子。江。必。以。爲。葬。尸。之。穴。也。可。豫。爲。將。來。之。揚。子。江。弔。揚。子。江。之。民。族。如。能。自。立。
 擊。自。由。之。鼓。江。流。無。聲。揮。獨。立。之。旗。江。水。生。色。脫。家。奴。之。羈。絆。取。外。失。之。主。權。腐。敗。
 破。壞。之。揚。子。江。忽。變。爲。莊。嚴。燦。爛。之。揚。子。江。則。必。與。歐。洲。之。地。中。海。北。美。之。西。斯。比。
 士。河。同。產。文。明。占。歷。史。上。之。名。譽。而。永。爲。漢。族。一。大。紀。念。物。也。又。可。爲。將。來。之。揚。子。
 江。賀。吾。弔。揚。子。江。弔。吾。漢。族。競。隨。揚。子。江。水。以。去。也。吾。賀。揚。子。江。賀。吾。漢。族。能。逐。揚。
 子。江。而。起。也。吾。漢。族。乎。欲。隨。揚。子。江。水。以。去。乎。抑。欲。逐。揚。子。江。流。而。起。乎。敢。爲。漢。族。
 代。表。人。決。此。問。題。曰。揚。子。江。者。我。揚。子。江。民。族。之。揚。子。江。我。中。國。四。萬。萬。人。之。揚。子。

黃

帝

魂

黃

帝

魂

江。我。黃。帝。血。統。孫。子。之。揚。子。江。嗟。嗟。四。面。楚。歌。哀。江。山。其。誰。主。滿。腔。熱。血。對。容。與。於。
 中。流。凡。我。漢。族。寧。矢。破。釜。沈。舟。之。謀。不。作。楚。囚。對。泣。之。態。佐。漢。族。世。世。子。孫。飲。一。勺。
 自。由。之。水。巨。億。萬。年。居。游。於。揚。子。江。流。域。全。土。養。濟。大。地。噫。嘻。禹。域。久。沈。漢。族。應。有。
 同。仇。之。慨。歌。風。不。競。專。制。必。無。立。足。之。區。黍。禾。故。國。之。歌。被。髮。伊。川。之。痛。望。一。萬。一。
 千。里。之。域。誰。得。其。鹿。昨。夢。游。吳。淞。口。門。聞。揚。子。江。之。水。與。東。海。之。水。相。擊。成。聲。宛。如。
 人。語。東。海。之。水。曰。予。即。太。平。洋。之。特。派。員。要。爾。以。獨。立。民。權。各。條。如。敢。託。病。遲。約。痛。
 下。哀。的。米。敦。書。大。率。太。平。洋。最。新。式。文。明。潮。流。隊。與。爾。數。千。年。專。制。之。禍。水。激。戰。於。
 九。團。南。匯。線。內。更。派。支。隊。溯。流。窮。追。洋。溢。膨。脹。連。結。運。河。漢。水。各。大。支。流。汜。濫。全。大。
 陸。破。異。族。頑。鈍。之。巢。穴。一。洗。而。肅。清。之。揚。子。江。之。水。應。曰。我。亦。獨。立。民。權。土。義。惜。供。
 異。族。驅。遣。之。死。奴。隸。太。多。洗。之。必。污。吾。揚。子。江。水。線。以。後。予。擔。任。運。動。員。飲。死。奴。隸。
 以。文。明。種。族。水。助。爾。製。造。二。十。世。紀。初。期。之。新。江。漢。國。予。嘆。曰。水。猶。有。靈。吾。漢。族。庶。
 有。豸。乎。

舊浙江

揚子江

咄嗟。我非生歌舞升平之世。商也工也。据一二耳食之談。刺刺不休。望一漏萬。詎足豪浙江於今日。我思之。我思之。我迺改絃更鼓。爲變徵之聲。

咄嗟。朱明不祿。駢騎南馳。自薦紳先生以還。婦殉其夫。僕追其主。一瞑萬古。視死如飴。錢唐大江。積尸浮沈。多如鴈鷺。而草薶禽獮。於富陽餘杭之間。白骨如陵。流離稍稔。復集而望。祭宵哭之聲。至數十年。而不斷嗚呼。此亦社會之一大變境也。我思之。我思之。我何懼文字之誅哉。

嗚呼。荒天絕。鬼哭。飛無涕。可揮大風。滅燭。我方伸手疾書。悲鳴擊節。而一二循謹之士。談虎色變。起而責難曰。鄉曲士流。知識區萌。取東西政學。擇之心慎。而出以平和之口。浸淫輸灌。猶懼不既。此『浙江潮』之天性也。不此之務。而撫集舊聞。陳陳相因。道百年之故事。毋亦爲浙江潮之累矣。抑當此羣疑衆侮之日。謠咏紛乘。素絲易色。一言之末。指摘橫加。而子迺以盛氣出之。雖其心無他。然獨不爲浙江潮計乎。秘之秘之母。以多言獲罪。

我迺仰天大笑。冠纓索絕。應之曰。唯唯否否。不然。吾聞之西漢諸儒。牛類皆通其國。

8

黃

帝

魂

聞治其典故。考見當代得失之林。是非今昔。所謂淹雅通人。與吾又聞泰西歷史大家之言曰。『于歷史上所見意志行爲。宜下是非善惡之判定。然勿使徒走於感情失事實之真相。』又曰。『選擇教材。首宜使知國體之大要。取材必限於本國史。外國史事非與本國最有關係者。匪所亟。』嗚呼。吾亦取材於本國史。不失其真相而已。抑吾又謂東西學士。把臂如林。數其精理名言。昭昭在天。人人腦系。然窮鄉僻壤之士。讀書無多。或不能遽爲高論。又若青年秀穎。盲然於母國興廢之原。變更之要。猥拾唾餘。以平等自由。逢人樂道。嗚呼。反足以沮其愛國心。而長其浮囂之習矣。我非敢爲過激之談也。不過於陳編斷簡之餘。掇拾一二。引而伸之。爲內地人士告。爲海外青年告。使知今日何日。非吾人快意雄談之世界。至若專門學術。政法宏綱。則有諸鄉達先生。在。我不敢聞。

溯滿清入關之始。浙東則紹台嚴爲先。下而負嵎死鬪之徒。以寧之鄞城爲尤。烈浙西則杭嘉湖以次。下而方國安馬士英之徒。據杭之西北面。排百死以無懼。矢窮兵潰。妻子鯨鯢。天下仁人多哀之。當史可法死難之日。江淮倒流。順風呼嘯。揚州十日。

黃

帝

魂

橫流渡江長趨江南。逐福王而走之。豫王多鋒大功告成。迺引天下之精兵疾驅杭州。招撫全浙。時潞王猶在儼然監國。猥以人心未去。出其螳臂當隆車之隙。分兵兩道。岸然而抗。旌旗迺以潮汐無靈。賜夷屏息沙灘。露宿合郡。魂驚遂迺君臣涕泣。納款開門。嗚呼。此固熊履謙張煌言諸亡國大夫之所深痛矣。然淮王猶在紹也。率數千不戰之兵。烽火飛傳。心魂墮裂。遂迺白衣自縛。扁舟渡江。望門再拜泣於城下。此亦亡國諸侯之尤可憐者矣。然周王猶在湖州也。迺以高屋建瓴之勢。命一介以羅之繫。其妻女如鞭犬羊。囚而置之杭州。而浙西迺定矣。然且未已也。王之仁猶未降。方國安誓死不屈。相率聚兵於富陽。以爪燒。襲創之餘。捲土重來。覬覦故物。溯江而上。逕偃杭城。而王定國以姚樞寶默之雄。摩厲一勦。殺人乃至四千餘。方國安以殘喘餘生。折入餘杭一道。然且窮追不舍。斬其親子未幾。王之仁率所部迎降。而方氏之勢益孤矣。時魯王又據紹矣。方氏以大創之後。率老弱往依之。而馬士英在太湖。聲勢相聯絡。藉保全什一於千百之餘。而浙人姚志卓又復號召亡命。結方國安攻陷昌化。卒以

力孤援絕。一旦瓦解。馬士英又遭大慘。而博洛之大兵蜂至。方國安以屢敗之餘。人寒其魄。熾舟江上一炬成灰。方氏知勢不可回。乃挾魯王走台郡。終奪其魂膏於斧鑕。而浙東又大定矣。嗚呼。此亦浙江之至悲而不能移之他人者矣。撫卷嗚咽。泣不成聲。吾無以名之。名之曰亡國社會。

十世下讀史之徒。據一隅敗抵掌而談。每太息流涕於想像萬一之餘。以為當年人士望風奔潰。舳艫蔽岸。動若拉枯。其間必有遺謀不臧。事機失算者。不然則氣數耳。天命耳。雖然。非至言也。夫自史閣部揚州流血。福王出走。天下大勢固已無可挽回矣。然以旁海之郡。竭數輩書生之力。倉皇歃血。號召義兵。而多王博洛率其掃蕩江南之衆。乘風擊鼓。飄忽如神。嗚呼。此亦漢高帝引天下兵臨魯城之一日。雖百志士亦無能爲力於其間者矣。然且以孤憤摩天之概。不願與洪承疇張存仁諸名流共圖富貴。鋤耄白挺率市人而死之。乃至身爲俘囚。臨刑引決。猶堅持「薤露事大」之言。蹈白刃無難色。甚且斫頭墜地。猶大呼「死爲明鬼」。一時驕將悍卒爲之

色變。嗚呼！此其人皆挾必死之心而欲扶持君臣大義於萬一者也。然亦天地之至愚而爲今日讀書名士所鄙夷不道而不屑以民族主義責之者矣。

浙江人士自近古以來久以文弱暴著於天下而當明之季以堅銳鳴者多出南國衣冠自黃河以北莫不望風喁喁身先歸附雖以山東孔裔率其子孫告廟大毀章甫逢掖之餘而文譟一疏幾遭沒身之誅即以一代春秋論之北方之民氣遠不若南人之盛矣雖然我又思之

秦齊燕趙之間經李自成縱橫蹂躪者十三年一時氣節之士奮鄉里與之相撲輾轉死溝壑者不知幾人而此十餘年之中厲士卒出塞從事於大凌河小凌河錦州山海關以還不爲二臣而以馬革葬尸於疆場之間者必其爲當時之死士可知矣乃一挫再挫凋傷零落至烈宗殉國而士大夫之宛轉就死從其君於地下者蓋又冠帶如雲而士氣益摧殘殆盡矣至南疆片土大抵鷄犬不驚室家如故畜艾三年挺而一決遂使勝國遺聞獨爲南人伸氣嗚呼非南人之多悍也時勢使然耳況以睿王攝政握天下而鞭箠之攻下江浙雖以輿褓妻子迎降於馬前者亦駢

28

黃

帝

魂

僂而苜夷之無少吝江浙閩廣之間孤臣孽子人懷必死之心非竄而走海從鄭成功游則挺而反鬪耳不然則挈妻孥召宗族閉門積薪同爲焦土耳不然則以輕舸自載游於大江流之中心號天一躍葬身魚腹耳不然則割雞烹牢仰酒自飲沈酣起舞大呼宗社手刃家人還刀自決耳不然則片紙書名藏於衣裏倒首溪橋夷然不顧悶而復蘇絕粒而死耳嗚呼此皆我浙之先世仁人也推其必然之故走死地如鶩曾不一返顧者非浙人之獨忍也亦時勢使然耳

況當魯王未敗之日嘉定廢紳有侯峒曾其人者一使潛通結洪承疇王國寶爲捲土重來之想浙人不自量遽謂三戶可以亡秦而事機洩露終於潰決天怒難回大施雷斷此又其屠創之一大原因也浙人何悲焉浙人何悲焉

雖然自朱瑪喇爲杭州駐防（順治二年）張存仁爲浙江總督（順治二年十一月始改爲閩浙總督）以來迄二百數十祀已儼然天高地厚被自周方率土之藩莫非赤子我亦忘之久矣我獨謂事遠年荒無書可讀揭近百年之史乘公牘盈千後先塗附間有一二草野流傳之說則又魯魚亥豕不盡可徵曰僞曰逆縱橫綱貫

黃

帝

魂

精於去取之流。讀之不能無悶。我自被髮東走。雖獲一二遺傳之書。則又擇焉不精。語焉不詳。遂使一代遺聞。風流雲散。嗚呼。此亦我國修方志者之大罪矣。然亦以文字推移。纖而愈密。二百年來。安見無名山萬重。抱經獨往之徒。遞滅其中。不聞人事。而網羅萬狀。參以所聞。精心獨斷。結爲鴻篇。發當年之故實者。然吾知其書未出。而其人已先夷矣。昔在田氏以縣邑之心。無所寄托。論明季諸王之流落。而歎息痛恨。於修史之無人。嗚呼。此亦學者之常談耳。然率以清風冷灰之語。爲人訐發。誹謗得罪。身首橫分。嗚呼。我何敢遽謂著作之無人矣。

新湖南（節）

嗚呼。我湖南。有一大紀念事。諸君今日。抑知吾人之入奴籍。在於何時乎。始於故明

黃

帝

魂

甲申。國破後之二年。九月。滿政府遣兵入湖廣。其後二年三月。遂克長沙。於時。吾湖南父老子弟。方秣馬勵兵。以隨何騰蛟之後。思保全疆土。以存中原文獻於西南一角。彈丸黑子之地。兵氣不揚。內訌迭起。然而湖南人之扶傷更進。如故也。何騰蛟既歿。繼之以褚允錫之役。褚允錫既歿。繼之以李定國之役。至明祚既斬。死灰不然。而吳三桂以愚闇之姿。盜竊名義。猶足以傾我湖南人之觀聽。蓋佩強洞庭衡嶽之間。冀得仰首伸眉者。出入順治康熙垂數十年。滿政府乃痛懲而殲夷之。哀我子遺。自兵事休息以後。乃十室而失其九。故我湖南戶產。至今尙多標業。出郭門不十里。墓田葬地。往往有所謂標業者。外府州縣。標業之占糧籍。十居八九。蓋兵鋒所至。幾於刮地而一赤之矣。當日遺黎所著有下元甲子歌。託於青盲彈詞。以寫兵禍之慘。鬻首尾數萬言。讀之令人痛心酸鼻。所謂嘔起幾根頭髮氣者。村農里嫗。至今能謳吟之。湖南既當滇黔兩粵兵事之衝。草薶禽獮。生齒寥落。榛莽多而居人少。吏役無所得攫噬。而邊地苗獍。猶所出沒。林菁深阻。與山鬼爭席。遺民逸老。乃得展轉棲於虎豹蛇蟲之窟。以寄其天傾地塌之悲。所至則誅茅數尺。地結庵以居。樵夫牧豎。

黃

帝

魂

雖皆以其跡手跣足所得歡迎而陰飭之。至今吾鄉中數百丁舊族必有一庵。庵不必供佛。供不知誰何之神像。或并其祖先爲一庵而供之。其像若披緇爲頭陀狀。若黃冠爲道士服。若袒背戟肘爲武士裝。凡一姓之庵。子孫必世守之。蓋皆畸民烈士之餘痛也。試披楚寶及沅湘者。舊集所載遺聞軼事。羣蒿悽愴爲何如哉。王船山氏平生所著書。自經義史論以至稗官小說。於種族之戚家國之痛呻吟。嗚咽舉筆不忘。如育者之思視也。如痿者之思起也。如清者之思言也。如飲食男女之欲。一日不能離於其側。朝愁暮思。夢寐以之。雖以黃梨州之剛俠。至其沈酣沒溺。持此爲第一義諦。爲畢生歸根立命之所。或尙未之及其遺集所傳付。不在王氏子姓之家。亦不在其故舊親戚之家。而往往於破寮廢刹中遇之。故種界之悲劇流傳於我湖南人之腦。帶者最爲醴深微。至當未與湖北分關以前。趨風氣者寥寥焉。蓋自洞庭以南。自爲風氣。而獨以其龐民耆獻之學說展轉相傳播。自分關以後。則利祿之途既啟。而種性亦少劣焉。然而微茫滅沒於吾人之心目者。亦無往而不遇之。蓋士庶之家。非食祿服官者。其喪葬率用前代之衣冠名爲唐巾。詢其故則有所謂生降死不降。

黃

帝

魂

之說咸同間號稱中興。湖南悻悻然以名業自見矣。而巴陵吳敏樹暮年不樂應會國藩之招。其卒也亦以前代冠服殮其餘名士尙多有之。纏足惡習也。而湖南人保守之性特強。叩其所以。城市之人不能言其故鄉里之耻。又往有所謂男降女不降之說。取其與滿政府爲反對也。悲夫。以如此悻教害禮之薄俗。而託之以爲深痛巨創之一紀念碑。吾湖南人曷嘗一日忘奴倭之耻哉。諸君諸君。出苦海而上天堂。以洗二百數十年之積耻者。在今日展轉販賣鞭驅足踏自甲家而鬻之乙家者。亦在今日是在吾人之自爲之種性不滅。則兩戒山河湧起平地。種性既滅。則萬劫不復。沈淪九幽。吾豈敢煽起殺機以誼。嗚我父老子弟之性命哉。抑豈忍汨溺世法以任吾父老子弟之沈眠酣寢。席薪火以待焦灼哉。諸君諸君。謂我何求。或亦未之思耳。孔子之作春秋也。內其國而外諸夏。內諸夏而外夷狄。諸夏之與夷狄。其畛域截然不可紊也。其名稱判然不可假也。所謂稱子稱人。進退之大法。則以彼受吾同化力而進之。非以吾國民俯首帖耳於賤族劣種之下而進之也。民族主義之發達昌矣。自是以後。吾國民益腐敗五胡之亂淪於左衽。垂數百年中國之士不恥號劣種之。

衣冠中國之民不恥受劣種之鞭策矣。哀哉神聖之千孫奄然無氣。至於此極也。自唐至宋。胡族寢寢益猖獗。吾國民寢寢益柔懦。南宋諸儒雖大聲疾呼以復讎雪恥。號召天下。顧其學說之界畫國家與世界。混茫而不可辨。乃至朱學末流。若許衡吳澄輩。轉側於頑兒淫肆之胡俗。不以為恥。自前明之末以迄今世。紀滿人盜據天府。反藉崇奉朱學以伸其壓制鉗束之大義於天下。遂至吾國民忘其所自來。聞歐洲人則夷之。不知彼賤種者其聲明文物學術政理且遠出歐洲民族之下。見歐洲人則慕之。不知彼賤種者其銅鑼吾民之進步攘奪吾民之權利。鋤薙吾民之英傑。且樂奉歐人之饒吻而自爲其爪牙也。今日欲拔出於歐洲之坎窞。則不得不拔出於胡族之坎窞。歐洲之坎窞藉胡族以爲入筭之隧。若不伸明此義而欲親暱和會併爲一家。既失獨立之精神而益與人以名義。使得挾制政府以行其芟夷蘊崇之毒手。雖欲免白人之覆壓不可得也。

夫以吾國之學說。塵霾若彼。則此二百年來所生之現象。吾人亦可以自思而得之矣。彼胡族歷世相傳之政策。何一非防家賊者乎。所恃以爲詒謀者。不過漢人強滿

黃

帝

魂

人亡。漢人肥滿人瘠之秘密秘記所挾以爲威福者。不過摧折士氣解散民黨之強權辣手。至於今日。執名義以正告天下。猶且曰汝國民者。食我之毛踐我之土也。汝國民者。二百年來列祖列宗深仁厚澤之所覆育也。皇太后宵旰憂勤之所扶植也。自吾黨觀之。是惡可以欺小兒哉。二百年來之歷史皆愛親覺羅氏之罪狀也。自光緒初政以迄於今。皆那拉氏西邸賣官之貿易所梨園歌舞之淫樂圖也。諸君試入學宮門。讀所謂臥碑者。與周厲王之監謗。秦始皇之禁偶語。何異繙所謂大清律一書無一毫集會自由之權。無一毫出版自由之權。故十一朝之事實不暇詳言也。觀其對我國民之律令陰謀毒計。如對照磨鏡矣。那拉氏之淫縱。今亦不屑備舉。試問縱拳民以要太禍。使吾國民負九萬萬之鉅款。賣身鬻子。不得償者。誰之罪。歟。青衣蓬首。走出水竇。國門以外。豆粥難求。可以懲矣。及至西安。則酣歌恒舞。連日逮暮。岑春暄以梨園一部得優擢矣。賣官鬻爵。需索進奉之事。疊見於闕下。劉坤一張之洞之貢使。至以宮門費多少相比較。天下傳爲笑柄。回蹕入河南。百姓走徙如遭大寇。閭里爲墟。知縣辦差。至被太監勒索而縊死。百姓老幼婦女走避及懸縊林中者。相

望也。日進燕窩粥一頓。給宮監三百金。乃得達。故李聯英榮祿入京以後。富過於舊。此何從而得之哉。以那拉氏爲之城社也。日日言母子一心。勵精圖治。其所圖者何事。不過以數十萬金。修頤和園爲飲宴。外國婦女地耳白玉之牀。洋會酣睡。不以爲恥。且以爲殊榮。奇寵而張大之矣。俞正燮記康熙中黑龍江立約事。謂使臣與俄女主訂約於鏡匳之下。今日之事。諸君亦知之乎。中國割地賠款之約。其不訂於那拉氏鏡匳下者。幾何哉。嗚呼。臺灣之割於日本也。我國民之死於殺掠。死於覆溺者。數萬人。金州旅順大連灣之入於俄。我國民之死於搜殺。死於苦役。死於劫奪者。數萬人。廣州灣之入於法。我國民之死於搜殺。死於炸彈者。數千人。新安之入於英。我國民之死於格鬪者。數千人。東三省之搆斃於俄。我國民之擠死於黑龍江。蹴踏於可薩克馬足。焚搜村落。灰燼於煙焰者。數萬人。此其爲同胞之傷痛。何如哉。顧彼那拉氏。則日日樂觀此戲。以爲下酒物也。此何也。滿漢之不相爲苦樂。無怪其然也。華人在臺灣。避日本苛虐。相率航海入閩。滿將軍某命砲沈其舟。無一生活者。是而可忍。孰可忍。今試問土爲誰氏之土。歟。毛爲誰氏之毛。歟。吾國民之遺產。爲強梁所佔。

黃

帝

魂

黃

帝

魂

踞久矣。我國民之身命。爲強梁所役使。久矣。今日亦當泥首謝罪。以見還矣。然而彼之大命。不可以倖延。神器不可以久竊也。念爲吾奴隸。所得不如使吾友得之。爲愈也。使吾奴隸得之。則逆僭而上逼。不如使吾友得之。豆剖瓜分。猶可以洩忿。爲愈也。處心積慮如此。嘻。其甚矣。遍東南西北諸界線。割讓他人。無少顧惜。共幾千萬方里。豈不以物非固有。置諸不足輕重之數哉。嗚呼。以不同之民族。行無限之專制。學說不明。事至今日。尙欲求蘇息於恐怖政府之下。諸君。諸君。吾則安能忍而與此。終古歟。

福建之現勢

嗚呼。壯勇之夫。使戕其命。脈耗其精血。則死亡無日矣。富厚之家。或據其堂闔。劫其倉庫。則飢寒立至矣。向之中國。何其盛。今之中國。何其衰。向也。吾中國之福建。爲全部革新之試驗場。爲文明進步之起點地。今也。吾中國之福建。版圖之改隸。將在各行省之先。人民之再奴。不出一二年之後。向也。吾中國之福建。負可以有爲之資格。而能左右全國。雄立於世界。今也。吾福建之漢族。喪其所以圖存之憑藉。從此萬劫。

不復絕跡於地球。吾維吾福建之太勢而不禁愴然失聲也。臺灣失矣。臺民奴矣。唇亡齒寒。兔死狐悲。古今中外。具有此情。而況吾福建之與臺灣之本一體也。夫以吾福建土滿人彫。民食艱匱者。得臺灣之殊富異饒者。以濟其不足。則可不留缺點而成完全之雄邦。以吾福建之孤懸海濱。援絕易攻者。得臺灣以成犄角之勢。則進可以戰。退可以守。而不難建非常之偉業。嗚呼。今則藩籬撤矣。臂翼折矣。富源絕矣。形勢迫矣。封豕長蛇。將無厭。及我矣。夫使臺灣不隸於福建。而永沿吾漢人所定之年號。以爲吾漢種存一片乾淨土。豈非吾人之所甚願。乃自克塽降附。而臺灣一亡。而取吾臺灣者。又復已不能有輾轉以贈於日人。而臺灣乃再亡。殷鑒不遠。吾閩人其能無懼乎。吾聞日人畏吾臺人之圖恢復也。設種種限制之法。財用則取之臺民。權利則歸之彼族。臺民所執之業。農工而已。不許習商學。立公司。防其富也。不許習哲理。政治經濟諸學。防其智也。噫嘻。臺民安得有伸頭昂首。復見天日之一日乎。彼今者慮吾國人有興復之一日。必能爲吾同胞復仇雪恥。而苛抑之也。猶且如此。則使他日吾國而全亡也。又不知當以何等惡毒之暴政施之。

吾同胞矣。此可懼之現勢一也。

自清政府與日本立福建不得讓與他國之約後。日本已視吾福建爲其囊中之物。而極意經營。不遺餘力矣。蓋彼雖亦慮吾中國之亡。則彼有唇亡齒寒之懼。而不願吾國之瓜分。然彼觀吾中國之內情。覺其殊無足望。又恐各國分我土地而已。之益形單弱也。乃思一櫟共嘗。而爲匹力鉤勢之計。彼其觀吾國之東三省。則已入俄之範圍矣。山東全省。則已入德之範圍矣。揚子江之流域。則盡入英之範圍矣。兩廣雲南。則已入法之範圍矣。中土雖大。更無容彼插足之區。而獨有福建一隅。與臺灣相隔一水。暗取明攻。勢無不便。於是誘脅清廷。訂立此約。而我福建遂入於其掌中。自是而後。日人之來閩者。踵履相接。愚弄其官吏。籠絡我民人。山川阨塞。則測繪之。風土民情。則調查之。其勢力日以膨脹。其政策日益新奇。乃至以彼之一僕夫一剃匠。動勞大吏之迎送。而紳商之爲所愚弄。而爲彼効力者。又復不少其人。嗚呼。有此官吏。有此紳商。我閩人安得不盡入日人之奴籍哉。此可懼之現勢。又其一也。

英俄德法日美之六大強國者。其最利我之瓜分者爲俄德法其次也。而其不利我

之瓜分者。殆惟英日。若美則我之瓜分與否。於彼之利害不甚相關。彼嘗以世界之文明國自命。而外爲義俠之態度矣。至於今日。俄國既懷其并吞之大志。欲實收東三省入其版圖。更復潛窺蒙古衛藏。以益擴張其勢力。德法相和之。亦皆乘間以圖私利。於是英日聯盟。預爲共抗俄國。席捲南下之地。然俄國東三省之佔據。日英雖噴有煩言。卒不能出實力以與俄爭。且今者俄國雖在東方極力經營。而毛羽猶未豐滋也。而與已利害最切之日本。乃猶徬徨瞻顧。不乘此易能制勝之時機。一決其勝負。直至俄人極東之布置。既備。兵力既厚。則彼日本者。亦惟有急收我閩。以爲屬土。爲失之東隅。收之桑榆之計耳。彼各國於極東之問題。其利害皆不如日本之關切。則雖亦必執利益均沾之說。而各攬其所圈畫之土地。然當不若日本之迫不及待。必迅起而疾追。吾知俄人朝取滿洲。日人必夕取福建。固勢之所必至矣。是則福建之亡。當緊隨滿洲之後。而首開本部之先。吾觀日人之抵拒俄國。皆托空言。而經營吾閩。不遺餘力。不禁愀然憂傷。而嘆吾閩之命運將獨短於其他之各省也。此可懼之現勢。又其一也。

天下最可恥最可痛之事。莫甚於舉全族所安宅之土地。而見轄於異種。若甲既得我。而又轉移於乙。乙欲得我。而又見妒於丙。既受甲之羈絆。復虞乙之荼毒。而乙與丙劇烈競爭之禍。又復自我承之。則慘毒之情。更當何如矣。吾國人知吾閩在日人之勢力範圍中。而不知其懷叵測之心。欲潛圖而攫奪之者。乃更有法在。彼以吾閩與彼所圈定之廣東。相毗連。而便於撫有也。甲申之役。已有欲取之之心。迨至日割臺灣。又定福建不讓他人之約。忌嫉之心。不可復遏。於是乃用秘密詭詐之手段。攫收其權利。截取其命脉。使日人猝不及防。而福建遂轉落於其手。此其用心與俄之於東三省同乎。否耶。今表其證如左。

一運動滿清大吏。使之任法人爲船政之監督。彼更乘官吏之愚闇。出其操縱牢籠之手段。而盡收其實權。居然反客爲主。以我之有名船廠。儼爲彼之外府物焉。（先是船政乏款。法人請代彼造船。而受其租費。備值爲支持之計。及覈賬。乃反欠彼七十餘萬。於是有以船政押與法國三年之議。沈翊清爲會辦大臣。與其謀。迄今法人猶經營未已。法人得我船廠。則我東南門戶。爲法所扼。彼更

急製船隻屯駐海軍於馬江而吾國亡矣

二探出我福建之礦山而誘脅滿清大吏將我邵武延平建寧之礦山開採權讓與彼國

以上二端乃法人所取我福建之實利足以制我之致命者也而日本於我中國又舍福建之外別無可圖則此入口未嚙之福建豈復甘心而吐棄之乎是彼北既不能與俄爭滿洲南必不得不與法爭福建一旦法日相持至於衝突吾閩人集能收漁人之利否耶亦第見吾福建適成爲腥風血雨之場而坐受徧境糜爛之實禍而已此可懼之現勢又其一也

日人見法國之在福建既有突飛驚天一躍千里之進步而悄然危懼亟思有以保持其權利也於是「要求清政府讓與日本以福建建築鐵道權」之說諛騰於報紙討論於外務部人人熱心必欲得是而後已夫彼諸強之投巨資以築鐵道於吾境內也夫豈第欲收其往來運載之利而已哉凡鐵路所經之地則軍事上商業上交通之便利皆爲其所專擅而更可以藉保護之名而置戍而屯兵藉擴張利益之

名而設埠而科稅如是則卽謂爲改隸於其國之版圖可也吾福建幸尙未爲他國鐵道之所經進退周旋尙可自便不幸日人由閩達浙之鐵道而告成也則豈但民人之脂膏必爲所吸盡彼直已踏吾腹背扼我吭喉使我欲轉動而有所不得蓋至是而亡乃眞亡矣此可懼之現勢又其一也

然日人雖未遽築鐵道於吾福建而內地之航路權則已爲所攫取矣吾閩不幸歷遭貪吏民不聊生餓殍載道今更以航路讓與外人則是財益外流民愈困敝積年而後能免胥爲彼之奴隸乎不但爾也航路權既爲所挾持則懋遷有無彼得以壟斷而操縱之是不第失其運載水脚之利而已也今將其航之表列左

航線	船名	噸數	每月行駛次數
福州興化線	海龍丸	一五八	四
福州三都澳線	紀攝丸	二二七	六(聞此船已破近改用舞鶴丸)
廈門石碼線	鶴島丸	三七	一
廈門同安線	海光丸	同	同

以上乃大版商船株式會社福州出張所之現行則也。後此擴充尙未有已。嗚呼。吾閩人日日憂貧而孰知大利之爲人所剽奪如是乎。且日人之志。又不但在壟斷吾商利而已也。凡考究險阻調查內情聯絡聲氣及種種之密謀秘計無不藉是以售其奸。嗚呼。譬之人身精髓既傷而臟腑復又崇焉。其能以無斃乎。此可懼之現勢又其一也。

日人又憤法國以鬼崇之手段不動聲色而取我礦利。據我船政也。乃思急收吾閩之要害。入己版圖。於是設法割我廈門迤南之鼓浪嶼而爲各國之公地。以今年癸卯四月五日爲實行之期。所有裁判警察賦稅之權一併讓與。然諸國以福建日本之勢力範圍地也。咸推尊日人以爲主人翁。故實權皆落於其手。彼又不足更要索我與鼓浪嶼對峙之大嶼（俗名羊母嶼）爲洋油倉。此嶼高數十丈。長約二里許。（此據報告者所述）南面坡下可以艤舟。爲鷺江島之門戶。無大嶼卽無鷺江矣。而日人南閩之大欲。又不在是而在廈門。彼人之來廈門者。輒不惜重資使人教以廈門或福州之士語。且有改從清人之服飾者。其領事官名上野者。在廈十餘年。

黃

帝

魂

黃

帝

魂

尤精中文及廈語。廈之紳富多甘爲所籠絡。如是則廈門豈復爲吾福建有乎。廈門一失則福建之形勢愈孤。吾迴思外人頌揚我福建他省同胞責望我福建之語不自知其涕之何從也。此可懼之現勢又其一也。

自法國得我鑛山開採權後。各國不禁饒涎而咸思覓得我福建之鑛山以自利。於是英某公司派其幹員名法拉路者。巡視下游各府以覓鑛地。現雖未有所得。然其極力鑽營固誓必有得而後已也。又聞有某國人者。現亦欲於龍巖永春汀洲等處覓得鑛利而求予以開採之權。則彼視吾閩爲囊中物之日人其必躡足而起更可知矣。如是則吾閩卽徧地皆鑛亦何難爭取而立盡之乎。鑛利盡失則吾同胞何以爲富強之資。藉益以羸瘡益以痼瘵必無復振起之可望矣。此可懼之現勢又其一也。

夫以吾國之不講教育民智否塞者。得日人之助而爲我改良寧不甚幸。然日人非有愛於我而代荷教育之責任也。日人之言曰。諸國之在支那皆各得其所欲之利權以去矣。吾日人固當圖得其教育權使其人士親我信我而心向之。則更勝於

黃

帝

魂

得其他之所有權萬萬也。』於是响响然假同洲同種同文之誼。而大豎其赤幟於我學界之壁壘。而尤注意而併力者。則在吾閩。（他省亦有東文學堂。然不若其在福建之勢力日張。而範圍日擴也。）其所謂東文學堂。寧以養吾閩獨立革命之英雄。不過以培中日兩國之通事員已耳。不然彼果欲培我閩士使成爲救亡保國之材者。何以立校五年。不聞有由日本教師之訓導。而有國家之思想。種族之觀念者哉。且彼方經營我福建。而又爲我培救國之人材。是自操矛以伐盾也。有是理乎。吾故曰。日人之潛移我教育權。實欲籠絡吾民。以爲爪牙之用。非真有愛於我也。此可懼之現勢。又其一也。

報紙所以淪民智者也。而日人所刊之閩報。則適以愚民。并以輸內情於彼國耳。閩報之議論。則腐敗之卮言也。閩報之紀事。則瑣屑之謠傳也。彼其主筆政者。豈必不高尙明達。知天下之公理。與報館之責任哉。顧刊登之權。操之館主。（日人前島眞）凡稍涉於諷刺官吏。規勸士民者。概屏弗錄。更安得有昌言自由民權之論說。與激勵士氣民心之時事者乎。吾同胞之見聞未廣。而能考求時事者。亦習聞『報紙爲

黃

帝

魂

民之導師』一語。常奉報章之言。以爲圭臬。有此閩報。以腐其腦筋。窒其思想。而益其痼疾。是今日之亡吾閩者。必此報矣。而況又以輸內情於彼國哉。此可懼之現勢。又其一也。

世界上各國之競爭。不在兵戰。而在商戰。盡人而知之矣。我福建常商埠之初開。茶業之利。未始不稱盛一時也。乃吾商之目的。不在富國而在營家。同業同胞互相傾軋。以致俱傷兩敗。業以就衰。或更貪一時之利。不顧其後。售其欺罔之術。以僞雜眞。致使外人折閱。不復敢與吾人貿易。而焙製之術。又不肯改良。銷流益滯。於是英屬印度。學習種茶。更用新法製造。以奪吾利。遂使吾國茶業。有江河日下之勢。而吾閩則幾於衰息焉。嗚呼。爲全國計。則茶利可以挽漏卮。爲福建計。則茶業可以裕利源。今日吾閩之民生計。日蹙者。茶業之失敗。亦其一分因也。循是而往。則吾閩人之貧困。能無數倍於今日乎。此現勢之可懼者。又其一也。

一國之存亡。視乎民氣之盛衰。即一方亦何莫不然。吾閩人雖具有冒險敢死之特性。然足以當此美稱而無愧者。亦居其少數耳。其但知身家之計。而不知有國家。而

萎爾疲軟畏怯。餒敗毫無生人之氣者。則比比皆是。故每有風鶴之警。則思載蓄積。挈妻子而逃。其尤可笑者。馬江之役。居城市者。則徙避鄉僻。居田野者。又徙避城邑。毫無節度。毫無意識。即其人自爲謀。鼠頭亂竄。亦適足以顯其團結力之薄弱。愛國心之缺乏。而又無強力不挫之精神。揆勢審機之智慧矣。豈無一二遭官吏之苛暴。起而反抗者。然一見勢絀。立即伏降。而每有公憤或公益之事。則其始亦非不集合大衆。擦掌摩拳。勃勃欲試也。乃一經宿而已。衰其氣之大半。再經數宿。則直若忘之矣。其藉勢力以欺壓平民。罔利營私。毫無人性。或甘爲外人之鷹犬。以助虐其同胞者。其寡廉鮮恥。固尤吾之所不忍言者也。嗚呼。民氣如此。先亡之禍。可得免乎。此又其可懼之一也。

地球上文明國與文明國遇。即有戰爭之事。亦不過因國際上有不得已之處。而相見以兵戎耳。其人不至有橫受芟夷之慘也。即或勝者入人國都。而凡敵國中之天文臺。儀器館。公園。學舍。及種種文明之建築物與器具。不得燬壞之。惟伐野蠻或半開化之國。則兵不由門而入。而築道跨城以進。殺掠淫暴。皆所不禁。觀吾國歷次之

黃

帝

魂

黃

帝

魂

敗。各國殆無不以此道施之矣。今吾國各省之同胞。幸各能汲汲以播佈文明於其鄉土爲己任。故亦漸覺駸駸日上。城野改觀。而其進步之速者。則已見教學之校。相望於郊。幾閱報之人。徧及於婦孺。有藏書之樓。有俱樂部。有體操之場。有演說之壇。有議政之會。一死守祖國。誓抗異族。一言喧傳於里巷。一自由不死。民權萬歲。一聲聞溢於道途。足使西人見之而生其欽敬之心。戢其驕張之念。蓋皆能求以智力角勝於外人。使之歛手而不敢干犯者也。而回視吾閩人。則非但瞠乎其後。而自二三志士而外。大率懵然罔識。舍衣食男女謀利營家之外。一無所知。其野蠻之狀態。比諸未開化之土人。且有體魄遠遜之愧色焉。其能不遭外人之以待野蠻待之者。亦幾希矣。此又其可懼之一也。

嗚呼。處此現勢。吾閩人其弗能侈言其歷史地理人物以自豪矣。吾哀吾閩之負此資格。而至於澌亡更哀。吾閩人。襲此可以有爲之憑藉。而終於不振。爰洒血淚以獻芻蕘於我同胞。我同胞。尙克思之。

過金陵

過金陵

黃

粵以甲乙之際。天禍中國。人民塗炭。財政籍沒。夫暨王之族人。處王宮。伊川氏之墟。傷心野祭。遂使我廣漠無垠之禹域。神聖相傳之帝系。積骸枕山。岳流血。永黃河揚州之暴殘。嘉定之屠戮。其事已矣。中間靖海捕教。剿匪攘夷。何一非以吾人之血肉。供彼人之刀俎乎。至於輓近六十年來之事。又最所驚心動魄者也。

帝

魂

吾不知邇來燕晉齊秦一帶。其情形如何。能復有曩日。悲歌慷慨之風否。富厚多藏。如曩日。否。子女玉帛。不至散失否。然吾今年過金陵。蓋距所謂平定粵匪時。已四十餘年矣。人民之貧苦如故也。土地之空曠如故也。房屋之坍塌如故也。市面之蕭條如故也。頽垣破瓦。觸目傷心。豎者一碑。倒者一石。問其人曰。此當地之叢塚也。曰。此某大臣駐兵之所。某軍門鏖戰之場也。嗚呼。金陵而竟若此。蕭梁之事業。今安在哉。陳隋之歌舞。今安在哉。南渡衣冠。風流歇絕。追問石城之霸業。鍾山之王氣。乎。訪桃葉之遺蹤。尋板橋之故址。求如虞初新志中所紀一時之情事。已不可復得。但見清涼一片湖水。含愁而已。等而下之。至於隨園文酒之場。亦已如草如煙。纍纍如饅首者。皆當時紀念也。

黃

帝

魂

嘗與吾友謁孝陵。適有二三人在焉。因與撥草披榛。徘徊隧道間。忽一髑髏當其衝。一人俛而拾之。狂喜。且曰。我日本南州翁。亦曾拾得此物。遂成大業。此吾他日預徵也。當置之博物院。以傳觀我國人。翌日。遂作歌張之。有曰。『汝朱元璋之首級耶。汝洪秀全之頭顱耶。汝好男子胡爲叩之。無聲。吾將以汝餉我國人。』吾讀其詞。一字一汗流也。死者長已矣。忍令後人見此。戚耶。

自吾留金陵。凡數閱月。每好聞當日軼事。聞之又未嘗不悲。嘗因冠帶之招。裙屐之宴。泛舟秦淮。檀板金尊。冶容黛色。非不傾耳悅目。極一時之歡娛也。泊乎酒後更闌。執其人而叩以里居。與其家世。大抵少者。熬瘡。不知所對。其一二年齒稍增。顏色稍衰者。輒復唏噓。忸怩。謂吾某嘗爲達官。吾某嘗爲名士。吾居成灰燼。吾產成標業。吾親戚族屬。有子孫滅絕。全村蕩盡者。吾等失業而農。年荒歲不給。以吾對之他人。或自爲生活。以是覩顏向人耳。其言如是。吾聞之以爲聽白頭宮人談天寶遺事也。其他之流。徙各埠者。又寧可勝道哉。彼其一種也。而不見乎。白髮蒼顏。囚首垢面。無男無女。無老無幼。偃僂襁褓。相率而

黃

帝

魂

乞食於道者。城南北逕二十餘里。比比而是。持竹杖。挾藤筐。如斗。見有衣冠整楚。車馬往來者。追隨呼籲。聲喃喃不休。得一錢。則孜孜以喜。甚至叩頭流血。夜則編蘆爲屋。支土作床。環廂而居者。不下數十萬戶。白楊蕭蕭。飢鳥怒號。旱西門外之鬼火。青燐其隣。光也。暮春三月。江南草長。撥寸許之萌芽。土人呼爲麥子頭。擔荷而買於市。易升斗之粟。以博一飽。爲其死生過渡時代。昔日繁華之都。會有如斯耶。方城七十里。遼闊無邊。試登鍾鼓樓。望之。依約兩行楊柳青青。而着地者。新開之馬路也。以外茫如渺如。凹者爲潭。凸者爲壠。大都游牧不到之墟耳。豈無一二依當日壞牆修之。葺之。編茅種竹。以蔽風雨者。亦有四辟屹立。當日巍峨壯麗之規模。彷彿可辨。而西歪東倒。瓦蓋不完。僅存三數椽者。則租地而居。灌園鬻蔬之士人也。城隙土。不曰官地。曰軍人標業。二人居此者。轉按月納地租房稅焉。西南一隅。人煙少聚。開塲列肆。逐什一者往焉。肩挑手挽。謀朝夕者往焉。尋歡賣淫。爭妍鬪靡者往焉。父老爲吾言。金陵古帝王都。歷代精華萃於城北。故宮在焉。故也。而又長江千里。舳舻相接。爲往來交易之要衝。華族富商聚處於此。自雨花臺一戰。

黃

帝

魂

後諸路王師雲屯雨集。搜括剿除了無寧日。以吾省十三年之久。脅處危巢。髮日以長。薙無可薙。王師亦無從黑白耳。今日之殘敗。誰曰不宜吾等。非不願雨粟產金光。彩市面一新舊觀。爲國家增半壁之輝也。其如財力不及何。所謂王師者。其殘暴乃如此。固洪氏之所無也。

至於今日西南之場所。稍稍完整者。蓋亦有說。此間荒遠不利舟車。爲百工雜肆之所居。王師哀矜而恕之。留爲軍中柴米薪油之供應。不必盡加焚毀。故後人猶得踵而增之。然而錙銖之消失。子女之逃亡。已無遺子。其二大戶更無論矣。吾戚家嘗備一女工。本金陵世家子。爲湘勇所姦掠者。鄉人呼爲南京婆。與談當日事。輒唏噓不自勝。今死矣。試取梨花雪傳奇讀之。猶能窺見一斑也。而秦淮污濁之水。自南而西。達於長江。流妓土娼淫風未墜。則某大臣當日徧觴諸名將名士於中流。酒酣起舞。頓足激昂。瞥睹二八麗姝。荆釵布裙。憑窻窺客者。不覺掀髯一笑。之所招來而留遺也。曾國藩每謂此舉爲生平第一經世學問。其功不在管氏子下。至今湘人猶艷稱之。

父老又言。吾小經理人也。今年九十有四矣。生長兵戈蹂躪中。身凡數十死。安得今日復覩太平。然前此十餘年。嚴寒夜雪。尚有短褐單衫。破襟見肘。持不裕之麻鞋。無縫之護膝。強之質庫者。不與則怒。目攘袵詬詈。隨之謂我某年月日某案保奏之某。總兵提督銜也。微我等汝儕焉。有今日乎。吾至今聆彼之方言。猶矜矜戰慄也。豈無一二浮薄少年。尾而啜之。號曰騾子。吾見而屢誡之。以爲微彼人。吾儕寧至此其實騾子云者。非敢以爲奴隸牛馬之代名詞也。但極言其多而已。吾聞老者言。毛髮森張。不自知其訛之過類也。

然而今之殿閣。嶙嶙聯翩。堂皇歌功而頌德者。非某大臣之專祠耶。門楣閣樓。閣參差。鵬金而藻碧者。非某某軍門之居室耶。武夫前呵。從者塞途。四人輿而八人擁者。非大臣某軍門之子若孫耶。園亭花木。天章世襲。主盟粉黛。綺羅慾界。生成奴隸。而其他提一旅之師。虛五等之爵。猶且一人向隅。滿座不歡。有不憚累牘。聯章斷斷。爭辯者。謂某固江左虎臣。曾經効力之故員也。噫。噓。噓。噓。危乎盛極。

吾留金陵數閱月。爲日殆不可謂不久。屬以人事叢處。憂端多故。不得周遊村郭。憑

弔邱墟。與二三田夫野老。閒話滄桑。一驗當日敗殘之餘跡。而夕陽城郭。衰草寒烟。問帝子以無靈。哀王孫而不見其所見。所聞所傳聞者。固已若此。嗚呼。江山半壁。本歷劫之紅羊。金粉六朝。盡嘔心之碧血。庾子山哀江南之賦。李曄弔古戰場之文。恐無此蕭瑟淒涼。傷心慘目也。易曰。天運循環。無往不復。吾洲人也不復暇爲金陵悲矣。

燕京遊記

蓋嘗沿黃河以北。登陸行且行。入一都會。雖野無青草。而重樓傑閣。類帝王居。公子王孫。後塵相逐。踞於是者。若燕巢危幕。恬不知大廈之將傾。詢之士人。知爲古召公所封之燕人舊地。五胡之後。而契丹而金人。而蒙古而東胡。每爲異族結巢之所。無論聲明文物。蕩然靡存。卽華胄堂前之燕。已淪落於甍甍異種之家。而勝地遺民。已無復前朝之光景矣。一切燕雀之徒。肉食其間。旣無鴻鵠之志。但爲啄飲之謀。曾不知廉恥之爲何物。而近者牝燕踞巢。燕雛失所。業有年矣。庚子之時。燕壘已傾。幾無完卵。西馳千里。而外流離播越。遂如海燕無家。而數百兆羽毛豐滿之種類。復竭

黃

帝

魂

力啣泥爲老燕作補梁之計。故今燕巢如昨也。自是以後無復憂患。燕燕居式。驕淫佚樂。甚於曩時。朝管暮絃。笙歌達旦。張筵宴也。電燈龍舟。奇技淫巧。備燕遊也。夫吳宮失火。燕窟被焚。則今之頤和園。亦其類乎。乃巢於飛幕之上。而不自知。而彼供張奔走者。流方且日如燕燕之忙。毫無國家之思想。而鵲鵲伺之。而鷹鸇伺之。遂使天府京城。如鳥衣巷口。半壁斜陽。吾因之有感矣。燕地古稱多慷慨悲歌之士。而豪傑輩出焉。故齊人滅燕。燬其宗廟。遷其重器。而樂毅以微弱燕國。下齊七十餘城。自石晉敬瑭舉燕地以奉契丹。遂使終宋之世。而燕雲十六州不入版圖。及燕王棣再復經營氣象。一新。曾幾何時。胡人乃南下而牧馬矣。今則宮殿巍巍。臨制於上者。果誰氏耶。剝削摧殘。以供一人之欲者。果何如耶。乃庚子燕京被陷。而燕民竟有甘爲大英大法大日本之順民者。何以同此山川土地。而昔多慷慨悲歌之士者。乃今多覩顏俯首之人也。豈以五胡契丹金人蒙古東胡竊據而後。羶腥混雜。而民性爲之大改耶。抑燕民向受外人壓抑。最爲密邇。故習慣自然。以養成奴隸之根性耶。若是則後之視今。猶今之視昔。不能不爲燕民感也。夫無往不復。爲天運之自然。何燕京淪

黃

帝

魂

陷二百餘年。而燕民願未有興起者。何歟。吾聞古有田光義至高以刎頸燕契丹薦荆卿以褫秦王之魄。其事不成。則天也。今日遊於其市。尙有屠狗之輩。擊筑之徒。足以奮雄心而感壯士者乎。爲我弔而謝曰。表裏山河。烏可世世沉淪。而不一圖光復。也可以奮然興矣。

駁康有爲書

長素足下。讀與南北華洲諸華商書。謂中國祇可立憲。不能革命。援引今古。灑灑萬言。嗚呼。長素何樂而爲是耶。熟中於復辟以後之賜環。而先爲是齟齬不了之語。以聳東胡羣獸之聽。冀萬一可以解免非致書。吾人致書於滿人也。夫以一時之富貴。冒萬億不韙。而不辭舞詞弄札。眩惑天下。使賊儒元惡爲之則已矣。尊稱聖人。自謂教主。而猶爲是妄言。在己則脂韋突梯。以佞滿人已耳。而天下之受其蠱惑者。乃較諸於賤儒元惡之口。爲尤甚。吾可無一言以是正之乎。謹案長素大旨。不論種族異同。惟計情僞得失。以立說。雖然。民族主義。自太古原人之世。其根性固已潛在。遠至今日。乃始發達。此生民之良知本能也。長素亦知種族之必不可破。於是依違遷

黃

帝

魂

就、以、成、其、說、援、引、匈、奴、列、傳、以、爲、上、系、淳、維、出、自、禹、後、夫、滿、洲、種、族、是、曰、東、胡、西、方、謂、之、迦、古、斯、種、固、與、匈、奴、殊、類、雖、以、匈、奴、言、之、彼、既、大、去、華、夏、永、滯、不、毛、言、語、政、教、飲、食、居、處、一、切、自、異、於、域、內、猶、得、謂、之、同、種、也、耶、智、果、自、別、爲、韓、氏、管、氏、變、族、爲、陰、家、名、號、不、同、譜、牒、自、異、況、於、戕、虐、祖、國、職、爲、寇、讎、而、猶、傳、以、兄、弟、急、難、之、義、示、以、周、親、肺、腑、之、恩、巨、繆、極、戾、莫、此、爲、甚、近、世、種、族、之、辨、以、歷、史、民、族、爲、界、不、以、天、然、民、族、爲、界、藉、言、天、然、則、締、裕、海、藻、享、桃、蟠、雖、六、洲、之、氓、五、色、之、種、誰、非、出、於、一、本、而、何、必、爲、是、聒、聒、者、耶、長、素、又、曰、氏、羌、鮮、卑、等、族、以、至、元、魏、所、改、九、十、六、姓、大、江、以、南、駱、越、閩、廣、今、皆、與、中、夏、相、雜、恐、無、從、檢、閱、姓、譜、而、攘、除、之、不、知、駱、越、閩、廣、皆、歸、化、漢、人、而、非、陵、制、漢、人、者、也、胡代北始嘗宰制中華逮乎隋唐統一漢族自主則亦著土傳籍同爲編氓未嘗自別一族以與漢人相抗是則同於醇化而已日本定江夙有蕃別、歐、美、近、世、亦、許、歸、化、此、皆、以、己、族、爲、主、人、而、使、彼、受、吾、統、治、故、一、切、可、無、異、視、今、彼、滿、洲、者、其、爲、歸、化、漢、人、乎、其、爲、陵、制、漢、人、乎、堂、子、妖、神、非、郊、丘、之、教、辮、髮、瓔、珞、非、弁、冕、之、服、清、書、國、語、非、斯、邈、之、文、徒、以、尊、事、孔、子、奉、行、儒、術、崇、飾、觀、聽、斯、乃、不、得、已、

黃

帝

魂

而、爲、之、而、卽、以、便、其、南、面、之、術、愚、民、之、計、若、言、同、種、則、非、使、滿、人、爲、漢、種、乃、適、使、漢、人、爲、滿、種、也、長、素、固、言、大、同、公、理、非、今、日、卽、可、全、行、然、則、今、日、固、爲、民、族、主、義、之、時、代、而、可、溷、殺、滿、漢、同、薰、蕕、於、一、器、哉、時、方、據、亂、而、言、太、平、何、自、悖、其、三、世、之、說、也、長、素、二、說、自、知、非、持、之、有、故、言、之、成、理、不、得、已、復、援、引、春、秋、謂、其、始、外、吳、楚、終、則、等、視、不、悟、荆、楊、二、域、禹、貢、既、列、於、九、州、國、土、種、類、素、非、異、實、徒、以、干、化、陵、夷、自、守、千、里、遠、方、隔、閼、淪、爲、要、荒、而、文、化、言、語、無、大、殊、絕、世、本、譜、系、猶、在、史、官、一、日、自、通、於、上、國、則、自、復、其、故、名、豈、滿、洲、之、可、與、共、論、者、乎、至、謂、衣、服、辮、髮、漢、人、已、化、而、同、之、雖、復、改、爲、宋、明、之、服、反、覺、不、安、抑、不、知、此、辮、髮、胡、服、者、將、強、迫、以、成、之、耶、將、安、之、若、性、耶、禹、入、裸、國、被、髮、文、身、墨、子、入、楚、錦、衣、吹、笙、非、樂、而、爲、此、也、強、迫、既、久、習、與、性、成、斯、固、不、足、以、定、是、非、者、吾、聞、洪、楊、之、世、人、皆、蓄、髮、不、及、十、年、而、曾、左、之、師、摧、陷、洪、氏、復、從、髡、薙、是、時、朋、儕、相、對、但、覺、纖、首、銳、顛、形、狀、醜、異、然、則、蓄、髮、久、則、以、蓄、髮、爲、安、辮、髮、之、久、則、以、辮、髮、爲、安、向、使、滿、洲、制、服、涅、齒、以、黛、穿、鼻、以、金、刺、體、以、龍、塗、面、以、聖、恢、詭、殊、形、有、若、魑、魅、行、之、二、百、有、六、十、年、而、人、亦、安、之、無、所、怪、矣、不、問、其、是、非、然、否、而、惟、問、其、

所安。則所謂祖宗成法。不可輕變者。長素亦何以駁之乎。野蠻有自去其板齒而反。譏有齒者爲犬類。長素之說得無近於是耶。種種繆戾。由其高官厚祿之性。素已養成。由是引犬羊爲同種。奉猓尾爲鴻寶。向之崇拜公羊。誦法繁露。以爲一字一句皆神聖。不可侵犯者。今則并其所謂復九世之仇。而亦議之。其言曰。揚州十日之事。與白起坑趙。項羽坑秦無異。豈不曰秦趙之裔。未有報白項之裔者。則滿洲亦當同例也。豈知秦趙白項。本非殊種。一旦戰勝而擊坑之者。出於白項之指。麾非出於士卒全部之合意。若滿洲者。固人人欲盡漢種而屠戮之。其非爲豫酋一人之志。可知也是故秦趙之仇。白項不過仇其一人。漢族之仇。滿洲則當仇其全部。且今之握圖籍操政柄者。豈猶是白項之胤胄乎。三后之姓。降爲興臺宗支。荒忽莫可究詰。雖欲報復烏從而報復之。至於滿洲。則不必問其宗支而全部自在。也不必稽其姓名而政府自在也。此則枕戈剗刃之事。秦趙已不能施於白項。而漢族猶可施於滿洲。章章明矣。明知其可報復。猶復飾爲暗讐。甘與同壤。受其象養。供其驅役。寧使漢族無自立之日。而必爲滿洲謀。其帝王萬世祈天永命之計。何長素之無人心一至於此耶。

黃 帝 魂

長素又曰。所謂奴隸者。若波蘭之屬於俄。印度之屬於英。南洋之屬於荷。呂宋之屬於西班牙。人民但供租稅。絕無政權。是則不能不憤求自立耳。若國朝之制。滿漢平等。漢人但有才者。匹夫可以爲宰相。自同治年來。沈李翁孫迭相柄政。曾左及李倚爲外相。恭醇二邸但拱手待成耳。即今除榮祿慶邸外。何一非漢人爲政。若夫政治不善。則全由漢唐宋明之舊。而非滿洲特制也。然且舉明世廷杖鎮盜大戶。加稅開礦之酷政。而盡除之。聖祖立一條鞭法。納丁於地。不復差徭。此唐虞至明之所無。大地萬國所未有。他日移變。吾四萬萬人必有政權自由。可不待革命而得之也。夫所謂奴隸者。豈徒以形式言耶。曾左諸將倚畀雖重。位在藩鎮。叢爾彈丸。未參內政。且福康安一破臺灣。而遂有貝子郡王之賞。曾左反噬洪氏。挈大圭九鼎以付滿洲。爵不過通侯。位不過虛名之內閣。曾左在日。猶必詔事官文。始得保全。首領較其輕重。計其利害。豈可同日而道。近世軍機首領。必在宗藩。夫大君無爲而百度自治。爲首領者亦以衆員供其策使。彼恭醇二邸之仰成而沈李翁孫之有事。乃適見此爲奴隸。而彼爲主人也。階位雖高。猶之閹宦僕豎而賜爵儀同者。彼固仰承風旨。云爾曷

黃 帝 魂

黃

帝

魂

能獨行其意哉。一條鞭法名爲永，不加賦而耗羨平，餘猶在正供之外，徭役既免，民無哭聲。而舟車工匠遇事未嘗獲免，彼既以南米供給駐防，亦知民志不怡而不得不藉美名以媚悅之。玄暉弘曆數次南巡，強勒報效，數若恒沙，已居堯舜湯武之義名而使倭幸小人間接以行其聚斂，其酷有甚於加稅開礦者。觀唐甄之潛書與袁枚之致黃廷桂書，則可知矣。莊生有云：狙公賦芋，朝三暮四，衆狙皆怒。朝四暮三，衆狙皆悅。名實未虧而喜怒爲用，此正滿洲行政之實相也。況於廷杖雖除，詩案史禍較諸廷杖毒螫百倍。康熙以來名世之獄、嗣庭之獄、景祺之獄、周華之獄、中藻之獄、錫侯之獄，務以摧折漢人使之噤不發語。雖李紱、孫嘉淦之無過猶一切被絀，貫木以挫辱之。至於近世戊戌之變，長素所身受而猶謂滿洲政治爲大地萬國所未有，嗚呼斯誠大地萬國所未有矣。李陵有言：子爲漢臣，安得不云爾乎？夫長素所以不認奴隸力主立憲以摧革命之萌芽者，彼固終日屈心忍志以處奴隸之地，爾欲言立憲不得不以皇帝爲聖明，舉其詔旨有云：一夫失職，自以爲罪者，而謂亟亟欲開議院使國民咸操選舉之權以公天下，其仁如天，至公如地，視天位如敝屣，然後可

黃

帝

魂

以言皇帝復辟而憲政必無不行之慮，則吾向者爲正仇滿論既駁之矣。蓋自乙未以後，彼聖主所長慮卻顧，坐席不煖者，獨太后之廢置我耳。殷憂內結，智計外發，知非變法無以交通外人，得其歡心，非交通外人得其歡心無以挾持重勢而排沮太后之權力，載活小醜未辨菽麥，鋌而走險，固不爲滿洲全部計，長素乘之投閒抵隙，其言獲用，故戊戌百日之政足以書于盤盂，勒于鍾鼎，其迹則公而其心則祇以保吾權位也。曩令制度未定，太后天殂，南面聽治，知天下之莫予毒，則所謂新政者亦任其遷延墮壞而已，非直墮壞長素所謂拿破崙第三新爲民主力行利民已而夜宴伏兵擒議員百數及知名士千數，盡置於獄者，又將見諸今日何也？滿漢兩族固莫能兩大也。今以滿洲五百萬人臨制漢族四萬萬人，而有餘者獨以腐敗之成法愚弄之錮塞之耳。使漢人一日開通，則滿人固不能宴處於域內，如奧之撫匈牙利土之御東羅馬也。人情誰不愛其種類而懷其利祿？夫所謂聖明之主者，亦非遠於人情者也。果能敝屣其黃屋而棄捐所有以利漢人耶？藉曰其出於至公，非有漢滿畛域之見，然而新法猶不能行也。何者？滿人雖頑鈍無計而甘怵惕於漢人，知不可

黃

帝

魂

以重器假之亦人人有是心矣。頑鈍愈甚。團體愈結。五百萬人同德戮力。如生番之有社寮。是故漢人無民權。而滿洲有民權。且有貴族之權者也。雖無太后而掣肘者。什伯於太后。雖無榮祿而掣肘者。什伯於榮祿。今夫建立一政。登用一人。而肺腑暱近之地。羣相譴謫。朋疑衆難。難沓而至。自非雄傑獨斷。如俄之大彼得者。固弗能勝是也。共驩四子於堯。皆葭莩姻婭也。靖言庸回而堯亦不得不任用之。今其所謂聖明之主者。其聰明文思。果有以愈於堯耶。其雄傑獨斷。果有以儕於俄之大彼得者耶。往者戊戌變政。去五寺三巡撫。如拉枯獨駐防。則不敢撤彼聖主之力。與滿洲全部之力。果孰優孰絀也。中是言之。彼其爲私。則不欲變法矣。彼其爲公。則亦不能變法矣。長素徒以詔旨美談。視爲實事。以此誑耀天下。獨不讀劉知幾載文之篇乎。謂魏晉以後。詔敕皆責成羣下。藻飾旣工。事無不可。故觀其政令。則辛癸不如。讀其詔誥。則勳華再出。此足以知戊戌行事之虛實矣。且所謂立憲者。固將有上下兩院而下院議定之案。上院猶得以可否之。今上院之法。定議員誰爲之耶。其曰皇族則親王貝子是已。其曰貴族則八家與內外蒙古是已。其曰高僧則衛藏之達賴班禪是已。是數者皆漢族之所無。而異種之所特有。是議權仍不在漢人也。所謂漢滿平等者。必如奧匈二國並建政府。而統治於一皇爲雙立君主制。而後可使東三省尙在而滿洲大長得以兼統漢人。吾民猶勉自抑制。以事之。今者滿洲故土旣攘奪於俄人。失地當誅。並不認爲滿洲君主。而何雙立君主之有。夫戴此失地之天囚。以爲漢族之元首。是何異取罪人於囹圄而奉之爲大君也。乃曰朋友之交。猶貴久要不忘。安有君臣之際。受人之知遇。因人之危難。中道變棄。乃凡戈倒攻者。誠如是。則載活者固長素之私友。而漢族之公仇也。況滿洲全部之蠢如鹿豕者。而可以不革者哉。雖然如右所言。大抵關於種類。而於情僞得失。未暇論也。則將復陳斯旨。爲吾漢族籌之可乎。長素以爲革命之慘。流血成河。死人如麻。而其事卒不可就。然則立憲可不以兵刃得之耶。旣知英奧德意諸國數經民變。始得自由。中議政之權。民變者其徒以口舌變之乎。抑將以長戟勁弩飛丸發旛變之也。近觀日本立憲之始。雖徒以口舌成之。而攘夷覆幕之師在其前矣。使前日無此血戰。則後之立憲亦不能成。故知流血成河。死人如麻。爲立憲所無可幸免者。長素亦知其無可幸免。于是遷就其說。以

黃

帝

魂

已。是數者皆漢族之所無。而異種之所特有。是議權仍不在漢人也。所謂漢滿平等者。必如奧匈二國並建政府。而統治於一皇爲雙立君主制。而後可使東三省尙在而滿洲大長得以兼統漢人。吾民猶勉自抑制。以事之。今者滿洲故土旣攘奪於俄人。失地當誅。並不認爲滿洲君主。而何雙立君主之有。夫戴此失地之天囚。以爲漢族之元首。是何異取罪人於囹圄而奉之爲大君也。乃曰朋友之交。猶貴久要不忘。安有君臣之際。受人之知遇。因人之危難。中道變棄。乃凡戈倒攻者。誠如是。則載活者固長素之私友。而漢族之公仇也。況滿洲全部之蠢如鹿豕者。而可以不革者哉。雖然如右所言。大抵關於種類。而於情僞得失。未暇論也。則將復陳斯旨。爲吾漢族籌之可乎。長素以爲革命之慘。流血成河。死人如麻。而其事卒不可就。然則立憲可不以兵刃得之耶。旣知英奧德意諸國數經民變。始得自由。中議政之權。民變者其徒以口舌變之乎。抑將以長戟勁弩飛丸發旛變之也。近觀日本立憲之始。雖徒以口舌成之。而攘夷覆幕之師在其前矣。使前日無此血戰。則後之立憲亦不能成。故知流血成河。死人如麻。爲立憲所無可幸免者。長素亦知其無可幸免。于是遷就其說。以

自文。謂以君權變法。則歐美之政術器靈。可數年而盡舉之。夫如是。則固君權專制也。非立憲也。闊普通武之請立憲。天下盡笑其愚。豈有立憲而可上書奏請者。立憲可謂則革命。亦可請平。以一人之詔旨立憲。憲其所憲。非大地萬國所謂憲也。長素雖與載湉久處。然而人心之不相知。猶極一體而他體。不知其痛也。載湉亟言立憲。而長素信其必能立憲。然則今有一人執長素而告之曰。我當釀四大海水以爲酒。長素亦信其必能釀四大海水以爲酒乎。夫事之成否。不獨視其志願。亦視其才略。何如長素之皇帝。聖仁英武。如彼而何以剛毅能執后力。以尼新法。榮祿能造謠詠以聳人心。各督撫累經嚴旨。皆觀望而不辦。甚至京章受戮。已亦幽廢於滄臺也。君人者善惡自專。其威大矣。雖以文母之抑制。佞人之譏嫉。而秦始皇之在位。能取太后。嫪毐不韋而踣覆之。今載湉何以不能也。幽廢之時。猶曰瓜牙不具。乃至庚子。西幸日在道塗。已脫幽居之軛。尙不能轉移俄頃。以一身逃竄於南方。與太后分地而處。其孱弱少用如此。是則仁柔寡斷之主。漢獻唐昭之儔耳。太史公曰。爲人君父而不知春秋之義者。必蒙首惡之名。是故志士之任天下者。本無實權。不得以成敗論。

黃 帝 魂

黃

帝

魂

之而皇帝則不得不以成敗論之。何者。有實權而不能用。則不得竊皇帝之虛名也。夫一身之不能保。而欲其與天下共憂。督撫之不能制。而欲其使萬姓守法。庸有幾乎事。既無可奈何矣。其明效大驗已衆著於天下矣。長素則爲之解曰。幽居而不失位。西幸而不被弑。是有天命存焉。王者不死。可以爲他日必能立憲之徵。嗚呼。王莽漸臺之語曰。天生德於予。漢兵其如予何。今之載湉。何幸有長素以代爲王莽也。必若圖錄。有徵符。命可信。則吾亦嘗略讀緯書矣。緯書尙繁。中庸一篇。固爲贊聖之頌。往時魏源宋翔鳳輩。皆嘗附之三統三世。謂可以前知未來。雖長素亦所竺信者也。然而中庸以天命始。以上天之載。無聲無臭。終天命者。滿洲建元之始也。上天之載者。載湉爲滿洲末造之亡君也。此則建夷之運。終於光緒。奴爾哈齊之祚。盡於二百八十八年。語雖無稽。其彰明較著。不猶愈於長素之談天命者乎。要之撥亂反正。不在天命之有無。而在人力之難易。今以革命比之立憲。革命猶易立。憲猶難。何者。立憲之主。自上言之。則不獨專恃一人之才略。而兼恃萬姓之合意。自下言之。則不獨專恃萬姓之合意。而兼恃一人之才略。人我相待。所倚賴者爲多。而革命則既有其

合意矣。所不敢證明者才略耳。然則立憲有二難。而革命獨有一難。均之難也。難易相較。則無寧取其少難。而差易者矣。雖然。載滌一人之才略。則天下信其最細矣。而謂革命黨中必無有才畧如華盛頓拿破崙者。吾所不敢必也。雖華盛頓拿破崙之微時。天下亦豈知有華盛頓拿破崙者。而長素徒以阿圭拿度一蹶不振。相較今天下四萬萬人之材性。長素豈嘗爲其九品中正。而一切檢察差第之乎。藉曰此魁梧絕特之彥。非中國今日所能有。堯舜固中國人矣。中國亦望有堯舜之主出。而革命使本種不亡已耳。何必望其極點如華盛頓拿破崙者乎。長素以爲中國今日之人。心公理未明。舊俗俱在。革命以後。必將日尋干戈。偷生不暇。何能變法救民。整頓內治。夫公理未明。舊俗俱在。之民。不可革命。而獨可立憲。此又何也。豈有立憲之世。一人獨聖於上。而天下皆生蕃生蠶者哉。雖然。以此譏長素。則爲反唇相稽。校軫無已。吾曰。不可立憲。長素猶曰。不可革命也。則應之曰。人心之智慧。自競爭而後發。生今日之民。智不必恃他事以開之。而但恃革命以開之。且勿舉華拿二聖而舉明末之李自成。李自成者。迫於飢寒。揭竿而起。固無革命觀念。尙非今日廣西會黨之儔也。

黃 帝 魂

黃

帝

魂

然自聲勢稍增。而革命之念起。革命之念起。而剿兵救民賑飢濟困之事興。豈李自成生而有是志哉。競爭既久。知此事之不可已也。雖然。在李自成之世。則賑飢濟困爲不可已。在今之世。則合衆共和爲不可已。是故以賑飢濟困結人心者。事成之後。或爲梟雄。以合衆共和結人心者。事成之後。必爲民主。民主之興。實由時勢迫之。亦由競爭以生。此智慧者也。徵之今日。義和團初起時。惟言扶清滅洋。而景廷賓之師。則知掃清滅洋矣。今日廣西會黨。則知不必開釁於西人。而先以撲滅滿洲。剿除官吏爲能事矣。唐才常初起時。深信英人密約漏情。乃卒爲其所賣。今人廣西會黨。則知己爲主體。而西人爲客體矣。人心進化。孟晉不已。以名號言以方略言。經一競爭。必有勝於前者。今之廣西會黨。其成敗雖不可知。要之繼此而起者。必視廣西會黨爲尤勝。可豫言也。然則公理之未明。卽以革命明之。舊俗之俱在。卽以革命去之。革命非天雄大黃之猛劑。而實補瀉兼備之良藥矣。長素以爲今日之言革命者。或託外人運械。或請外國練軍。或與外國立約。或向外國乞師。卒之堂堂大國。誰肯與亂黨結盟。可取則取之耳。吾以爲今日革命。不能不與外國委蛇。雖極委蛇。猶不能

黃

帝

魂

不使外人干涉。此固革命黨所已知。而非革命黨所未知也。日本之覆幕也。法人常通情於大將軍。欲爲代平內亂。大將軍之從之與否。此固非覆幕黨所能豫知。然以人情自利。習之則從之爲多數。而不從爲少數。幸而不從。是亦覆幕黨所不料也。而當其歃血舉義之時。固未嘗以其必從而少沮。今者人知恢復。略有萌芽。而長素何忍以逆料未中之言。沮其方新之氣乎。嗚呼。生二十世紀。難知種界。難新學。發見難值人心。奮厲時難。前世聖哲。或不遇時。今我國民。幸觀精色。哀哀漢種。繫此剎那。誰無父母。誰無心肝。何其天關之不遺餘力。幸同種之爲奴隸。以必信其言之中也。且運械之事。勢不可無。而乞師之舉。不必果有。今者西方數省。外稍負海。而內有險阻之形勢。可以利用。外人而不爲外人所干涉者。亦未嘗無其地也。畧得數道。爲之建立政府。百度維新。庶政具舉。彼外人者。亦視勢利所趨耳。未成則欲取之。小成則未有不認爲與國者。而何必沾沾多慮爲乎。世有談革命者。知大事之難舉。而言割據自立。此固局於一隅。所謂井底之蛙。不知東海者。而長素以印度成事戒之。雖然。吾固不主割據。猶有辯護割據之說。在則以割據猶賢於立憲也。夫印度背蒙古之莫

黃

帝

魂

臥爾朝以成。各省分立之勢。卒爲英人蠶食。此長素所引爲成鑒者。然莫臥爾朝不亡。遂能止英之蠶食。耶。當莫臥爾一統時。印度已歸於異種矣。爲蒙古所有。與爲英人所有。二者何異。使非各省分立。則前者爲蒙古時代。後者爲英吉利時代。而印度本種並無此數十年之國權。夫終古不能得國權。與暫得國權。而復失之。其利害相越。豈不遠哉。語曰。不自由。毋寧死。然則暫有自由之一日。而明日自刎其喉。猶所願也。況綿延至於三、四十年乎。且以印度情狀比之。中國則固有絕異者。長素論印度亡國書。謂其文學工藝遠過中國。歷舉書籍見聞以爲證。不知熱帶之地。不憂凍餓。故人多惰惰。物易壞爛。故薄於所有觀念。是故婆羅釋迦之教。必現於印度。而不現於異地。惟其無所有觀念。而視萬物爲無常。不可執著。故此社會學家所證明。勢無可遁者也。夫薄於所有觀念。則國土之得喪。種族之盈衰。固未嘗慨然於胸中。當釋迦出世時。印度諸國已爲波斯屬州。今觀內典徒舉比隣諸王。而未見波斯皇帝。若並不知己國之屬於波斯者。厥有憤發其所能自樹立者。獨阿育王一家耳。近世各省分立之舉。亦其出於偶爾。而非出於本懷。志既不堅。是故遷延數世。國以淪喪。夫

欲自強其國種者不恃文學正藝而惟恃所有之精神中國之地勢人情少流散而多執著其賢於印度遠矣自甲申淪陷以至今日憤憤於腥羶賤種者何地蔑有其志堅於印度其成事亦必勝於印度此寧待贅蔡而知乎一若夫今之漢人判渙無羣人自爲私獨甚於漢唐宋明之季是則然矣抑誰致之而誰迫之耶吾以爲今人雖不盡以逐滿爲職志或有其志而不敢訟言於疇人然其輕視羶種以爲異種賤族者此其種性根於二百年之遺傳是固至今未去者也往者陳名夏錢謙益輩以北面降虜貴至閣部而未嘗建白一言有所補助如魏徵之於太宗范質之於藪祖者彼固曰異種賤族非吾中夏神明之胄所爲立於其朝者特曰冠貂蟬襲青紫而已其存聽之其亡聽之若曰爲之馳驅效用而有所補助於其一姓之永存者非吾之志也理學諸儒如熊賜履魏象樞陸隴其朱軾輩時有獻替而其所因革未有關於至計者雖曾胡左李之所爲亦曰建殊勳博高爵耳功成而後於其政治之盛衰宗稷之安危未嘗有所籌畫焉是并擁護一姓而亦非其志也其他朝士入則彈劾權貴出則搏擊豪強爲難能可貴矣次即束身自好優游卒歲以自處於朝隱而下

黃 帝 魂

之貪墨無藝怯懦忘恥者所在皆是三者雖殊科要其大者不知會計之盈絀小者不知斷獄之多寡苟得稟祿以全吾室家妻子是且普通之術矣無他本陳名夏錢謙益之心以爲心固二百年而不變也明之末世五遭傾覆一命之十文學之儒無不建義旗以抗仇敵者下至販夫乞子兒童走卒執志不屈而仰藥剗刃以死者不可勝條也今者北京之破民則願爲外國之順民官則願爲外國之總辦食其俸祿資其保護盡順天一城之中無不牽羊把茅甘爲貳臣者若其不事異姓躬自引決縉紳之士殆無一人焉無他亦曰異種賤族非吾中夏神明之胄所爲立於其朝者特曰冠貂蟬襲青紫而已其爲滿洲之主則聽之其爲歐美之主則聽之本陳名夏錢謙益之心以爲心者亦二百年而不變也然則滿洲弗逐而欲士之爭自濯磨民之敵愾效死以期至平獨立不羈之域此必不可得之數也浸微浸衰亦終爲歐美之奴隸而已矣非種不出良種不滋敗羣不除善羣不殖自非躬執大彗以掃除其故家汙俗而望禹域之自完也豈可得乎一（以上錄舊著正仇滿論）夫以種族異國明白如此情僞得夫彰較如彼而長素猶侈言立憲而力排革命者寧智不足

黃

帝

魂

識不逮耶。吾觀長素二十年。中變易多矣。始孫文倡義於廣州。長素嘗遣陳千秋往密與通情。及建設保國會。亦言保中國不保大清。斯固志在革命者。未幾。瞞於富貴利祿。而欲與素調和。於是戊戌柄政。始有變法之議。事敗亡命。作衣帶詔立保皇會。以結人心。然庚子漢口之役。猶以借還皇權密約。唐才常等卒爲張之洞所發。當是時。素志尙在。未盡漸滅也。唐氏既亡。保皇會亦漸潰散。長素自知革命之不成。則又瞞於富貴利祿。而今之得此。非若嚆昔之易。於是宣布是書。其志豈果在保皇立憲耶。亦使滿人聞之。而曰。長素固忠貞不貳。竭力致死以保我滿洲者。而之所傳。借還皇權保中國不保大清諸語。是皆人之所以誣長素者。而非長素固有是言也。榮祿既死。那拉亦薨。載灃春秋方壯。他日復辟必有其期。而滿洲之新起柄政者。其勢力權藉。或不如榮祿諸奸。則丁部主事可以起復。雖內閣軍機之位。亦可以覬覦矣。長素固云窮達一節不變。塞焉蓋有之矣。我未之見也。抑吾有爲長素憂者。曷日革命之議。譁噪於人間。至今未艾。陳千秋雖死。孫文尙在。唐才常雖死。張之洞尙在。保國會之微言。不著竹帛而入會諸公。尙在其足以證明長素之有志革命者。

黃

帝

魂

不可件舉。雖滿人之愚蒙。亦未必遽爲長素欺也。嗚呼。哀哉。南海聖人。多而梧鼠之技。不過於五。亦有時而窮矣。滿人既不可欺。富貴既不可復。而反受其蒙蔽。而緩於自立之圖。惜乎。已既自迷。又使他人淪陷。豈直二禽。乎。此吾所以不得不爲之辨也。若長素能躍然於祇悔振厲朝氣。內量資望。外審時勢。以長素魁壘耆碩之譽。聞於萬域。而弟子亦多言革命者。少一轉移不失爲素王。玄聖。後王有作。宣昭國光。則長素之像屹立於星霧。長素之書尊藏於石室。長素之迹葆覆於金塔。長素之器配崇於銅柱。抑亦可以慰薦矣。藉曰死權之念。過於殉名。少安無躁。以待新皇。雖長素已槁項黃馘。卓茂之尊榮。許靖之優養。猶可無操左契而獲之以視名實俱喪爲天下笑者。何如哉。書此敬問起居。不具。章炳麟白。

覆張之洞書

頃者奉到勸戒之文。反覆數千言。語長心重。諄諄是告。嗚呼。公誠狼狽不堪矣。既懼亡國。大夫之誚。又羞蒙殺士之名。內疚神明。外慙清議。俯仰無聊。欲以自解。其情可憫。其用心抑亦苦矣。雖然。公與吾黨皆可謂宗旨既定。不能強也。惟是公既不憚煩。

覆張之洞書

黃

帝

魂

言。吾黨亦何忍不舉所知。繩愆糾謬。以附忠告。明知公必不能聽受。非以公爲不肯。敢拒諫。怙非也。實由公平日守數千年。章詩賦之舊。傲然自負。爲通學耳。食一二西事知之未全。便又自以爲深通西學。於文明之學術。世界之公理。未嘗夢見。亦未肯虛心求益。是實公之病根。故每每有字字皆非。言言盡謬。之文字。貽笑天下。而不自知。比年以來。此病更深入骨髓。不可救藥矣。推原其故。公本徘徊兩可。而好名最甚。之人不幸而遇國變。一切醜態。不容於公論。積羞成怒。積怒成仇。仇一人可也。仇天下不可也。仇私怨可也。仇公理不可也。竊爲公惜。更爲公憐。憐惜之人。豈有他哉。當公之一悟耳。請就來文大謬不然之處。以至淺易知之理。逐一詮證。仍以勸戒之義。還以報公。蓋亦猛省熟讀。閉門思過。爲晚節末路。修可乎。公之所以致誤者。有一總原。有二分。因自餘諸義。千差百錯。靡不由此。而來。何謂總原。在於不知國家爲何物。不知國家與朝廷之區別。由此一原。乃生二分。一則不知歐美。所以致文明之故。視世界公理之新學。一切臆斷。疑爲康梁之說。一則不知志士之所志。以爲舍做官而外。別無保國救民之法。視天下之人。皆不如己之得計。審讀來文。以前一因立

黃

帝

魂

說以後。一因蓄心併爲一談。牢不可破。至愚極陋。坐井觀天。以小人。之腹度君子。之心。何所見。而云然耶。公所謂康梁之唾餘者。驟聞是言。不知所指。今來文所指出者。曰。人人有自主之權。曰。不受朝廷壓力。曰。流血以成大事。不知以此三者。指爲康梁唾餘。將以罪康梁耶。抑以重康梁耶。夫人人有自主之權。一語。今日歐美諸國。無論其爲政治家。其爲哲學家。議會之所議。報章之所載。未有不贊乎是者。若欲盡舉其說。盈箱累篋。而不能盡。列國著名之士。如法國之愛耳喜斯。孟德斯鳩。福祿特爾。盧騷。脫爾告。康德爾賽。英國之陸克。彌勒約翰。斯賓塞爾。德之康德。諸人。其所著之書。何一不言自由。何一不言平等。何一不言民權之數人者。生於康梁之前。昌言自主。歐美已實受其福。公目未睹西籍。亦將以康梁之門徒死黨羅織之乎。若以人人有自主之權。爲慘澹凶險。誣罔不道。犯上作亂。則諸人將爲天下之罪人。何以聲名遍於全球。各國爭譯其書。政治家人人仰之。爲山斗。其故何耶。無他。公理之於地球。猶衣食之於身。不可一日無者。乃歐西諸名士。竭畢生之力。以發明之。公一旦盡舉而歸之康梁。且目爲康梁之唾餘。毋亦太重視康梁。而自安固陋矣。且更徵之各國之

責

帝

魂

實例。法之革命也。天賦人權之說。載於憲法。美之獨立也。權利自由之書。布之列邦。其他各省所有者。曰人民言論思想之自由。權曰出版之自由。權曰從教之自由。權曰居住移轉之自由。權曰身體之自由。權曰住所之自由。權曰信書秘密之自由。權曰產業之自由。權載之憲法。布之通國。人人實享其利益。豈亦在滬習聞者乎。豈亦以康梁之說爲新奇而私淑者乎。豈所謂求己之學乎。中國有一於是乎。公試一考西史。當亦哂然自笑矣。總之。人人有自主之權。爲地球之公理。文明之極點。無可訾議者。若欲知其理之所以然。則諸家之說。原書具在其理。甚精可詳考也。至若不受壓制。甘心流血。固捨身救民之志士之所爲。各國歷史數見不鮮者矣。試取英國之史觀之。一千二百十五年之革命。何如。一千四百八十五年之革命。何如。一千八百三十二年之革命。又何如。使英人甘心壓制而不流血。則今日之英民猶君主貴族之奴隸也。取法國之史觀之。一千七百八十九年之革命。何如。一千八百三十年之革命。何如。一千八百四十八年之革命。又何如。使法人甘心壓制而不流血。則今日之法民亦君主貴族之奴隸也。又取美國之史觀之。英之所以壓制美國者。何若。

黃

帝

魂

美之所以抵抗英人者。又何若。使美人甘心壓制而不流血。則今日之美國猶印度也。取意大利之史觀之。各邦之君所以治其內者。何若。法奧諸國所以制其外者。又何若。使意人甘心壓制而不流血。則今日之意國猶土耳其也。是故西儒有恒言曰。『列國之文明。皆從流血購來。』柏雷亞言曰。『自由猶樹也。溉之以虐政之血。而後生長焉。』今試游乎其都。銅像巍巍。高立雲表者。皆昔日之爲國民流血者也。自公視之。必以爲忘身忘生。何苦爲此思之。而不得其解者。嗚呼。燕雀之胸。焉知鴻鵠之固其所也。今日中國。方諸英法革命以前。美意受制之日。有以異乎。無以異乎。蓋爲埃及印度土耳其之久矣。猶太覆轍尤吾黨所捶胸泣血飲恨終夕者也。公以爲猶太之受鄙賤於各國。爲其宗國已亡。無復君長。公亦知猶太之所以亡乎。猶太之人。既害捨身救民之耶穌。其君復驅頑劣之民。起與崇奉耶教之國爲敵。動歐洲列強之公憤。民氣渙散。營私自利。無政治思想。不知關心於國事。故今日分散各地。猶徒知居積而無他志。此猶太之所以亡也。公試念以中國今日之人心。加以縱團仇教。敢鬻強鄰。舉猶太之故轍。一一而趨步之。誰實猶太。吾耶公既聞猶太之亡。何不。

一考其所以亡而漫欲引證西史耶國會之設誠憤我四萬萬同胞已淪於埃及印度土耳其而猶太吾者又欲速我以種滅族絕之慘任是爲之豈獨奴隸牛馬萬劫不復哉鑒英法美意之前事怵埃及印度土耳其之實形抱猶太之沈痛號呼奔走以謀自立地球之大萬國之衆稍有人心者誰不鑒茲耿耿陰助其成乃公憤憤以爲條規甚秘未經刊布豈知公初聞二日而國會之文檄國會之條告歐美日本各新報已騰載流布贊其文明歐美日本各領事已飛電縱橫道其舉動皆以爲國民公義例無侵犯之條有保護無干預此舉遍布於五洲無可虛造者也新報議論尙可檢譯者也然而公必曰各國既已默許漢口之事領事何以簽押曰國民何以自立中國之所利各國之所不利也公之方能使中國不自立固各國所求之而不得者也然而公必又曰各國既不利吾自立豈有陰助其成之理曰國民舉動有文明思想者無論何國不得以也或干預之文明各國之通例也各國既以明自待斷不能背此公例而自居於野蠻者也譬之巨室主人伶惰家道中落其僮僕又恃驕怙寵爲患里黨於是強鄰悍族伺其可乘入而分佔其田宅侵奪其財產而號於人

曰彼不自治且貽吾患故將代理焉其子若弟出而逐僮僕整家業索歸其田宅財產鄰族亦不能屈之以非理忽有悍僕恐如是則害其執事願爲鄰族殺逐其主人以求鄰族仍予以執事當是時也爲鄰族者仗義則曰擲之利將復失計利則罪在悍僕今日之事何以異是此領事之所以答押而聽公爲之也嗚呼公既以一手絕中國一綫之機矣而復醜詆狂吠誣爲康梁思蓋其醜將欲中國永不自立乎將欲中國永無文明之日乎昔申包胥告伍員曰子能覆我必能興之一吾黨亦告公曰子能敗之吾必能興之國會者立此會以興中國者也非發爲議論以備採擇者也蓋立會者各有宗旨不必仿上議院不必仿下議院各有自由暴君不可得而制民賊不可得而奪者也故地球之上苟稱爲文明國者其憲法所載必使人人有立會之自由權誠以會黨者國民之元氣也法無革命黨何以成民主德無國民黨何以成聯邦意大利無燒炭黨何以脫外國之拘絆而成新造國凡茲三國雄視於宇內獨立於地球其始也皆自立會且其立會之時遭當事之忌不亞於今日豈發爲議論以備採擇哉公既不知國會之議而漫曰仿外國下議院之例公何嘗

知外國下議院之例哉。下議院若但爲議論儲蓄事。採擇則採與不採。擇與不擇。悉聽當事之便。而下議院爲無權矣。下議院者何。全國人民之代表者也。曷謂之代表。全國人民不能人人入議院以議定其政事。故於人民中選舉若干人以代議其事。所謂代議政體也。代議者人民之權利不能以君主之威而使之不議。即不能以君主之威而使之無權。此所謂民權也。故議院者爲民而設。非爲君而設。若但備採擇是專制國之顧問官。而議院不如是也。考之各國憲法。若英若美若德若法若瑞士下議院皆有立法權。而君主與大統領不過行法權而已。則下議院之權遠出君主與大統領之上。豈待其採擇哉。且君主與大統領得入議院演說。是君主與大統領發爲議論以備議院採擇矣。若奧若意大利若荷蘭若比利時若瑞典若挪威若西班牙若葡萄牙則議院有立法權。君主亦得而共之。是君主有君主之權。議院有議院之權。非徒憑君主之採擇。君以爲是而所議皆是。君以爲非而所議皆非。如東方專制之國者也。外國議院之例則如是。公所謂外國下議院之例不知其國在於何方。其例定於何人。豈公所知者於地球之外尙別有。有議院之國乎。且所謂當事

者亦不知何所指。若以外國言則議院中之議員即當事者也。何則。事也者一國之事。非一人家之事也。豈以君主與大統領爲當事者而議員乃置身事外乎。公又謂以自立爲名。自主爲教。人人將有大者王小者侯之思。豈知自主云者人人自由。人人平等。我不能以非理加諸人人。亦不能以非理加諸我。所謂太平之世也。若夫大者王小者侯。則封建之世。野蠻之習。至不自由。至不平等者也。自由平等之理在歐美各國。雖五尺童子亦莫不知之。蓋自幼穉園小學校已養成其自主之權。故斯賓塞爾社會平權論有童子之權利一章。童子且然而況其餘固若東方之國。專以柔順服從爲教。而專養其奴隸性質者也。公既不知自主之權爲何意。而曰人人有大者王小者侯之思。何以英國之民人人有自主之權。不聞其民一旦盡起而爲君主。法國之民人人有自主之權。不聞其民一旦盡起而爲總統。德國聯邦而人人有自主之權。不聞散其聯邦。美國合衆而人人有自主之權。不聞渙其台衆哉。然而公必又曰。此在外國開化之民也。若中國會黨皆貪淫穢悍之人。何足語此。曰中國之民豈生性好亂哉。暴君汚吏肆其荼毒。橫征暴斂。迫之以饑寒凍餒。驅之使然而

又窮設法網絕其生路故其人之所欲者衣食而已所仇視者官吏而已有能除官吏與衣食者自奮身忘死樂爲其用徐而導之以謀生之路與之以教養之方是本良民其智其力豈必讓歐美哉公總督湖湘十年於茲試念境內何以有會黨會黨何以多湘人自反而縮偏又挾其權勢橫逞殺戮行文四出到處株連恣會黨之人於他人祇一重仇於公有數重怨史遷有言怨毒之於人甚矣哉公以爲總督之權足恃乎昔兩江總督馬新貽仇客一人不得其死公所目睹者也公自問積怨於人較焉公何如公第自計無煩代爲吾黨憂矣且公之殺志士殺會黨豈不自以爲功乎昔者李鴻章奉使西國至德見鐵血宰相畢士馬克叩李以生平功業李歷述其平髮平捻之事意氣頗自得畢氏曰公之功業誠巍巍矣然吾歐洲人「以能敵異種者爲功自殘同種以保一家歐洲所不稱也」李有愧色今公之殺同種也誣之以將焚租界將害外人是殺同種以媚異種也且已無權捕戮必藉領事之簽押是借異種人之勢力以殺同種而轉以媚異種也以例李者例公不知歐洲之人將視公何等矣公之定此獄也一則曰領事恨之再則曰教士恨之三則曰洋官西士無

黃帝魂

黃

帝

魂

不恨之公以爲領事教士洋官西士其爲中國乎其爲彼國乎何大惑不解如是也今日地球通矣公理愈發明矣以公之學問見識而欲與地球上之公理爲敵多見其不知量也公謂外國學校以倫理科爲第一科未必盡然特倫理爲重要學問耳但東西洋之講倫理學有相同者卽以君臣之道言之患得患失不顧廉恥者謂之鄙夫偷生苟活以媚權奸者謂之亂賊此東西之所同者也東方學者曰「亶聰明作元后」后作民父母「西方學者曰「君者爲民辦事者也一國之公僕也」東方學者曰「君使臣死臣不得不死君雖不君臣不可以不臣」西方學者曰「人自由人人平等君有君權民有民權各不相侵乃底於平」東方學者曰「君者出令者也臣者行君之令而致之民者也民者出粟米麻絲作器皿通貨財以事其上者也」西方學者曰「君者行法者也臣者輔君以行法者也民者立法者也」此東西之所異者也然驟以此義語公知公之腦筋中素來無此思想必不敢認爲公理有反顧却走掩耳而不欲聞者故曰公致誤之總原在於不知國家爲何物不知國家與朝廷之區別也夫人人有國家乃至不辨國家爲何物豈非大可痛哉惟

黃

帝

魂

其不辨也。乃以國家拱而奉之於朝廷。久而遂視國家爲朝廷之物矣。以國家之大而視爲朝廷之物。是何異昔之論天文者以日爲地球之一物乎。且夫蜂與蟻。微蟲也。蜂能成房。蟻能爲垤。蜂之房。衆蜂成之。蟻之垤。衆蟻成之。未有蜂蟻之中。以此房垤爲一蜂一蟻之物者。人之於國家也。亦猶蜂之於房。蟻之於垤。而顧以此國家爲一人之國家乎。今來文屢言國家。率皆指爲朝廷之私有。欲人人爲朝廷謀。保其私物。指國會爲叛亂。是何異禁蜂不得爲房。禁蟻不得爲垤哉。歐美諸國。有政治思想。普及之法。故三尺童子。皆知有國家。皆知國家非朝廷之私物。今公以督撫大僚。而見出童子下。是不得不仿政治思想普及之法。以西國之教童子者。教公使知國家與朝廷之區別。以拔公之病根者也。何謂國家。國家有定義焉。國家云者。即人民集合之區域。以達共同之志願。居一定之疆土。組織一定之政治。而有獨立無限之主權者。也是故國家之土地。吾民集合之區域也。國家之庶務。吾民共同之志願也。國家一定之疆土。吾民與他國人民之界限也。國家一定之政治。吾民之機振也。國家獨立無限之主權。集合吾民之權力而成者也。由此觀之。國家之土地。疆域。庶務。政

黃

帝

魂

治主權。何一非本於吾民。故曰。國家者。民衆之國家也。非一人之私產也。何謂朝廷。朝廷亦有定義焉。朝廷云者。指君主於國家中所占之地位而言。屬於一姓者也。故不爾奔家者。法國之朝廷也。而今亡矣。其國猶強於大地。日皇居東京。日本之朝廷也。據皇室典範所載。有世傳御料皇室經費。二款。田產。有宅。經費。有制。與國家民衆之土地。毫不淆亂。未聞全國之土地。人民俱朝廷所有也。普魯士之王。爲德國聯邦之皇帝。即聯邦之朝廷也。凡百政事。皆決於聯邦之議院。一切土地民衆。皆聯邦諸州之所有。朝廷不惟不敢視爲己有。并不敢稍侵。所有英爲議院政體。其朝廷與國家之區別。更顯然易明。一切立法行政。無不本於議院。朝廷不過書諾而已。朝廷之權如此其小。而竟爲歐洲第一等強國。日月照臨之地。皆有領土。是國家之權力與朝廷何關哉。他若奧之與匈牙利。瑞典之與挪威。爲雙立君主之國。君十雖爲兩國。其立而與有奧政府。匈有匈政府。朝廷雖在奧。而匈人與奧人皆立於同等之地。位其朝廷。不惟不敢以匈爲己有。并不敢以奧爲己有。瑞典與挪威也。亦然。且世界之上。有無朝廷而有國家者。華與法其著名者也。有無國家而有朝廷者。埃及土

耳。其著名者也。或亦公之所知也。印度猶有皇位。自其民視之。猶以爲朝廷。在而國家不亡。則公之所未知也。中國之人。以國家爲朝廷之私物。視朝廷卽爲國家者。不獨公一人。故於國家之興亡。亦視爲朝廷之私事。於是國家之土地。聽朝廷之割讓。國家之庶務。聽朝廷之荒廢。國家之疆域。聽朝廷之淆亂。國家之政治。聽朝廷之敗壞。國家之主權。聽朝廷之放棄。甚至朝廷敗亡。爲異族賤種人所據。有吾國人亦遂安然奉之爲朝廷。且奉之爲國家。而視然號於人曰。吾中華也。此地。諸國所鄙爲支那人之特別性質者也。且不論此。卽就今日之中國而言。自公視之。固猶印度之民。以爲朝廷尙在。而國家未亡也。然試問土地如何矣。務庶如何矣。疆域如何矣。政治如何矣。主權如何矣。尙可一一諉之爲朝廷之私事乎。故今日而忍中國之亡也。如不忍中國之亡。必自辨朝廷與國家之區別。始且西國今日之強。皆自明此公理始也。當歐洲之中世紀。亦有以君權爲天授者。亦有以國家爲朝廷之私有者。洎一千七百四十年。普王佛勒特力。深以前說爲非。以爲國君者。國家第一臣之僕。歐洲之人。傳之爲格言。而法王路易十四。朕卽國家。一語。全歐之人。目之爲大逆不道。

黃 帝 魂

黃

帝

魂

至十八世紀。諸儒踵起。競倡自由人權平等之說。而成今日民權之世界。其精義粹理。不可不知者也。公就將木無志於學也。亦宜而開口便欲詆人。抑何不考他人之說。所自來。而一概以康梁唾餘一語。自塞其耳目乎。公不識西字。致疑西國。無此種學問。何不虛心一問。左右之通西文者乎。卽左右之人。迎合公意。諱言不知。公之左右。固多洋官。西士。若一問之。其人雖陋。必不肯認其本國滅此公理。以求合公意者。惟是西學本非公之所知。猶可言也。乃公必強以爲知。何可言也。雖然。強以不知責人者。謂之不知。吾黨所不爲也。若夫中學古義。名士之譽。數十年矣。安得謂之爲不知。何亦所言盡謬。耶。不論其他。公平日所講求者。忠節也。所事服者。朝廷也。乃至北京破滿酋走。而猶號於人曰。天下并未全亂。於所謂君父之危。視之若秦越之不相。關保此總督之任。便自以爲謝責。且忝然自命曰。粗明大義。維持名教。不知公所謂名教。大義者。爲何物矣。不倫不類。忽然加罪於公羊。公羊經師之精言。豈公一孔之士所能知哉。孔子以改制之心。託王魯之義。張三世之治。由撥亂而文致太平。此正以春秋當新王之微言。而所謂撥亂世而反之正。莫近乎春秋者也。夫曰文致。曰

黃

帝

魂

託王此實孔子改制之精心。垂示後王之大法。故曰天下愈亂。春秋愈治。非謂任天下之陸沈瓦解。而但儉安苟息。自以爲安。如後世之竊高官厚祿。置國事於身外。而但苟保富貴粉飾承平者。所可藏身也。不明經義。妄爲牽合。何其謬耶。且公既知言公羊矣。春秋不討賊非臣。不復仇非子之義。公知之乎。春秋亂臣賊子。人人得而誅之之義。公知乎。何立嗣之命下。孽塵之變出。不聞公一言之力。爭一卒之勤。王而不一言春秋之大義也。若謂草野寡陋。不曉朝事。必立嗣蒙塵之事。皆屬子虛。而後可。不然。婦人孺子兒童走卒。莫不曉之。豈所謂朝事者。僅深宮中二三大臣與公所密謀。故草野之人。不獲聞知乎。豈曰天下自亂。我自治耶。春秋精深。公所不解。論語孟子公所讀之解之矣。孔子曰。『天下有道。某不與易。』孟子曰。『當今之世。舍我其誰。』豈任天下之亂。而自以爲治乎。顧亭林之言曰。『天下興亡。匹夫有責。』公豈并顧氏之言。而亦未嘗聞之乎。公既無恥。無志。無學。無才。安心以亡中國。勉爲小人可矣。何苦譏言。妄語。再貽笑柄。吾黨之士。立志已定。非恐懔所能動。非引誘所能惑。來文厚意。危言。謝之甘言。亦謝之嗚呼。休哉。海島飄蓬之味。誠不如公高車駟馬。宦況之佳。然而俯仰無怍。神明泰然。愛我者敬我。仇我者亦不敢鄙。我何則。西人於不受朝廷壓力。甘心爲國民。流血以復人民自主之權者。莫不愛之敬之。目之爲豪傑。爲聖賢。其去而之他國也。則保護之。萬國公法。凡國與國有交付罪人之條約者。甲國之罪人。逃至乙國。甲國往索。乙國應立時交出。惟奴隸與國事犯不交。奴隸之所以不交者。謂人人平等。奴隸二字。爲文明之國所不認。故其人不願爲奴隸。逃至他國。乃復其自主之權。故不交。國事犯之所以不交者。以其人有文明思想。故合地球上文明諸國。而共保之。若有迎合他國。而交國事犯者。除阿非利加之野蠻。則然。苟以國自命者。斷斷乎不許也。若夫許外國人之來就學。固出於欲普文明之學於地球之公心。其優待也。優其士之志也。非與別國之朝廷講交誼。盡酬酢也。其爲自備經費來者。則重視也。有加。豈仗官府之派遣。委員之照料哉。且也文明諸國。無論何人。至於其國。其入也。疫癘爲之診視。行李爲之安頓。其居也。巡衛其室廬。保護其出入。周之密之。惟恐或失其憲。然也。固非若野蠻之國。出入無稽。宵小盜賊。爲行李患者也。若與縉紳士大夫相往還。其相待也。則有差。蓋視其人文明之程度。何

黃

帝

魂

馬宦況之佳。然而俯仰無怍。神明泰然。愛我者敬我。仇我者亦不敢鄙。我何則。西人於不受朝廷壓力。甘心爲國民。流血以復人民自主之權者。莫不愛之敬之。目之爲豪傑。爲聖賢。其去而之他國也。則保護之。萬國公法。凡國與國有交付罪人之條約者。甲國之罪人。逃至乙國。甲國往索。乙國應立時交出。惟奴隸與國事犯不交。奴隸之所以不交者。謂人人平等。奴隸二字。爲文明之國所不認。故其人不願爲奴隸。逃至他國。乃復其自主之權。故不交。國事犯之所以不交者。以其人有文明思想。故合地球上文明諸國。而共保之。若有迎合他國。而交國事犯者。除阿非利加之野蠻。則然。苟以國自命者。斷斷乎不許也。若夫許外國人之來就學。固出於欲普文明之學於地球之公心。其優待也。優其士之志也。非與別國之朝廷講交誼。盡酬酢也。其爲自備經費來者。則重視也。有加。豈仗官府之派遣。委員之照料哉。且也文明諸國。無論何人。至於其國。其入也。疫癘爲之診視。行李爲之安頓。其居也。巡衛其室廬。保護其出入。周之密之。惟恐或失其憲。然也。固非若野蠻之國。出入無稽。宵小盜賊。爲行李患者也。若與縉紳士大夫相往還。其相待也。則有差。蓋視其人文明之程度。何

如耳國事犯之尊敬。無論矣。以學生言。有國家思想。政治思想者。則愛之敬之。畏之慕之。苦心求學。專門是肄者。則愛之重之。頑固守舊。不喜公理。志趣卑陋。無他遠志者。則寬待之。無所謂鄙惡之者。乃若有之。則公之子若孫。遊於日本。種種行動。人人皆知。足以喪中國之體。壞彼國之風者。故其國某公。婉轉託辭。令公促歸者。實出於鄙惡也。且公聞之乎。日本幕府之末。守舊藩臣。恐人知外情。圖變法於己不利。於是嚴出洋之禁。有志之士。相率充賤役。伏番舶入外國。學校卒業而歸。爲維新之功臣。當時其本國尙禁之。豈有人爲之經理哉。豈有朝廷之交誼哉。且印度非律賓之人。英美之制。不得入大學。其少年有志者。私逃日本。求學。日人許之一律入大學。學校亦未見其悞悞無之也。是故志士擔簦。非流寓覓食之事。南洋投止。豈闕天蹟地之場。公薄人爲畧。知外情公誠昏。昏不知外情者矣。凡所云云。其問諸人而受人愚耶。抑自冥心思。索憑空構造者耶。吁。何其言之妄也。勿謂天下可欺。勿謂公理可誣。自今以往。毋再饒舌。言盡於此。惟公自思天下之士。亦不屑教誨之矣。

獄中答新聞報

讀新聞報論革命黨一篇。保皇拒俄。阻法。義勇隊。國民會。諸事。不知何人發端。而吾輩炳麟未嘗與焉。自六七歲時。讀蔣氏東華錄。明季稗史。見夫揚州嘉定戴名世。曾靜齋之事。仇滿之念。固已勃然在胸中。歲主時務報。與康梁諸子。委蛇亦嘗言及變法。當是時。固以爲民氣獲伸。則滿洲五百萬人。必不能自立於漢土。其言雖與今異。其旨則與今同。昔爲間接之革命。今爲直接之革命。何有所謂始欲維新。終創革命者哉。煊書之作。與康梁保皇同時。巴縣鄒容。肄業日本。元日演說。已大倡排滿主義。此皆在拒俄阻法。義勇隊。國民會之先。孰云始爲大清國民。無端而不認大清者。夫民族主義。熾盛於二十世紀。逆胡羶虜。非我族內。不能變法。當革命。變法亦當革命。不能救民。當革命。能救民。亦當革命。吾之序革命軍。以爲革命光復。名實大異。從俗言之。則曰革命。從吾輩之主觀言之。則曰光復。會朝清明。異於湯武。黜除賤族。異於山嶽黨。其爲希臘意大利之中興。則是矣。其爲英法之革命。則猶有小差也。逆胡挑釁。興此大獄。盜憎主人。亦固其所。吾輩書生。未有尺刃寸匕。足與抗衡。相延入獄。志在流血。性分所定。上可以質皇天后土。下可以對四萬萬人矣。而租界權利。爲外人所必爭。

黃

帝

魂

堅持此獄不令陷入內地。此自各行其志。與吾輩宗旨不同。既以租界爲大羅。而欲軼出租界外。以求流血。此必不可得之數也。誰爲吾輩請律師。籌訟費者。下獄之日。神氣激揚。寧暇謀及此事。而以四萬萬人之公心。激於義憤。而相率奔走。馳逐以圖之。吾以致命遂志爲心。彼以公理戰勝爲的。亦任其從旁觀畫而已。愚者不察。輒以始勇終怯。妄相詆誚。豈非見夏峯之營救。而譏左魏之貪生耶。且今日獄事起於滿洲政府。以滿洲政府與漢種四萬萬人。構此大訟。江督關道則滿政府之代表。吾輩數人則漢種四萬萬人之代表。爲四萬萬人者。固欲本種之獲伸。而不欲其爲異種之所勝。況乎滿漢爭訟。則裁判之權。自非滿洲官吏所能有。以英美諸國中。立而判此獄于法。則宜寧能聽其攔出租界。使裁判之權悉歸於訴訟人之手乎。此固四萬萬人之公心。而非吾輩所能阻止。亦非吾輩所當阻止者也。去矣。新聞記者。同是漢種。同是四萬萬人之一分子。亡國覆宗。祀逾二百。奴隸牛馬。躬受其辱。不思祀夏配天。光復舊物。而惟以維新革命。錙銖相較。大勇小怯。秒忽相衝。斥鷃井蛙。安足與知鯤鵬之志哉。去矣。新聞記者。濁醪夕引。素琴晨張。鬱青霞之奇意。入修夜之不暘天。

命方新來。復不遠請看五十年後。銅像巍巍立於雲表者。爲我爲汝。坐以待之。無多話話可也。

閱湖南官報

著者以己亥之秋。東走日本。尋遊大洋洲羣島。還復至日本。居一年有半。始倦游歸。此身殆自忘其爲湘人也。今日世界交通極矣。其不交通者。惟獨吾國。吾國中又實以湖南爲最。人生湖南。亦何不幸。吾聞文明進步之次第。先河而後海。曰內河文明。曰內海文明。曰大洋文明。自來文明之發達。未有與地理無關係者。然吾謂歐亞兩洲文明發達之次第。大相反對。歐洲之文明。爲輸出亞洲之文明。爲輸入。然則亞洲之文明。其先河而後海乎。今以南部數省言之。滇蜀草昧。無論已。閩粵大洋也。吳越內海也。湖南內河也。湖南文明之輸入。其必後於閩粵吳越有斷然深信。無可疑者。某君來以湖南官報一紙見遺。導鱸桑梓。我心如瘡。鑒鏡自晞。鬢毛已摧。而鄉音未改。湖南文明輸入之遲。與我身蒲柳先衰之感。能不令人悲痛抑。吾猶有說者。湖南自近五十年來。常以英雄之資。而爲奴隸之役。昔以奴隸而博公侯。今以奴隸而異。

黃

帝

魂

身首。昔傾天下之財力而注入之。今則傾祖宗之遺產而捐棄之。如鼠搬薑得罪於天下者。以此見笑於天下者。以此爲他人所使役所賣弄者。以此甚至自相戕賊。父子仇讎。兄弟胡越。亦以此至於今。而湖南之智力財力。武力生殖力。皆斷送於爲奴隸三字。嗟我兄弟邦人。諸友猶欲馳騁乎彬彬之場。潤色鴻業。不其忸歎然吾非欲此疆爾界也。使合全國之人能知所以自私則傾刻之間。不難立國。無一身不能有一家。無湖南何以有中國。推而放諸他省而準亦若是則已矣。爾尙前人之愆。吾湖南之責任尤大。嚮使無湖南。吾中國或早脫奴隸之羈絆者。數十年然則湖南之力量原自不小。以湖南之力量而甘心爲一奴隸。眞千古未有之奇事。抑千古未有之奇辱。然則今之具有不爲奴隸之力量者。又誰屬耶。

新聞歐洲前世紀新文明之原動力也。今合吾全國新聞尙未發生而貿貿焉望吾湖南遽進於新聞。何其奢也。然寄語創報諸公。吾湖南三年前叢報中有所謂湘學報者。新聞中有所謂湘報者。今則風微人往矣。向令前此創報諸公尙存亦不過以彼之五十步笑公等之百步。然則公等已百步或至於二三百步矣。豈文明果有

退步之理耶。公等至今日猶以此官報名。其欲爲湖南光耶。抑亦欲爲湖南羞。惟恐湖南之奴隸不能永存耶。雖然以輸入之文明而欲其一躍而達於內河。此眞著者之過望也。瞻望鄉關白雲一片。

蘇報案

自唱民族講公理。羞亡國求獨立之宗派出。而思潮之所鼓盪風聲之所趨馳。遂如急湍迅流。浸入腦際。此蓋國民之大幸。而政府之不幸也。自此一原遂造出滿清無數之變幻風雲。以求打消此派之尾閥。而爲保全其家產計。始焉變舊法。繼焉行新政。惟其變之也無善。因故其行之也無良。果愈經營愈狼狽。愈壓制愈激昂。而革命之先聲獨立之影響。愈有一日而千里之勢。由是野蠻之政府計窮力盡。乃轉求其所以異我者。而芟鋤之。而蘇報一案於是乎出。世吾不意革命舞臺中乃有此如火如荼之新活劇也。奇哉異乎。以一報館六黨人積極而震動全球。無端孕出此一大交涉。清廷不能強索滿奴不能反噬。遐邇聞其事。婦孺識其名。一切官者民者新者舊者。腐敗者文明者。齊注目而觀此案之結果。驗此案之前途。奇哉蘇報異哉黨人。

魂 帝 黃

(甲)蘇報案之原因。專制政體爲國民之疫神故歐洲無不死之專制以其爲國
民害也乃長命之專制其戾氣獨鍾於俄羅斯十耳其與滿清在土耳其之衰落俄
羅斯之內亂也其民皆抱一不自由母寧死之雄心而專制之滿清爲此懼矣以爲
俄土之專制制其同種也而爲害乃如此則以異族而制中原其將來之爲害不且
什百於俄土乎故不憚瞻前顧後易其溫和籠絡之手段而爲陰險暴厲之方針欲
杜漸以防微寧殺一以儆百耳否則彼之萃一國之精神以購一二黨人之性命而
勞此全獅搏兔之力者何爲也哉雖然彼既奪主人之財產必不肯甘心而還奉之
主人而主人之子若孫有懷大志圖光復又烏得不箝制之彼自爲謀曾何足怪
所異者蘇報自高談革命提倡獨立以來其排擊滿人轟震民志者殆非一日乃雖
有關係於滿洲之前途而此案獨發洩於呂海寰之小傳則清官亦知獨立爲不可
無之義清廷亦知革命爲所必有之時不過清官以攻及其身暴露其惡急不能耐
而出於此耳積羞成怒積怒成仇欲雪吾仇必張吾勢而又自慮其直接之難也於
是不得不委曲運動而間接以清廷捕黨人封報館借題發揮以成此案其執仇之

魂 帝 黃

心未嘗不巧其効忠之計未嘗不工既可以報私仇又可以博私眷嗚呼呂海寰上
海何地耶租界之治權果誰屬耶章炳麟鄒容之罪在文明之國又果何罪也耶即
此計幸而獲售則能殺黨人之首者必不能沒黨人之名而寰球之公論革命之風
潮必自此而愈益不可遏觀於沈蓋之獄而知之矣不幸外人愛顧治權不忍放棄
也則此計直如畫虎不類而清國之辱反自呂海寰而益增蘇報之名黨人之譽且
自呂海寰而益壯矣夫爲一身而辱其國不可爲也辱一國而以增他人之名譽又
胡可爲乎是呂海寰者實孕育革命之功臣而爲蘇報黨人增長名譽者也如是吾
不必爲蘇報哀而當爲呂海寰歎

(乙)蘇報案之組織。上海黨人而或可有一線之生機者則實賴上海袁道與西
官立約于前遂爲此案未審以前不能交出租界以外之鐵板註脚或以爲袁道愛
惜同種不忍殘害黨人故不爲已甚然清廷以是責之江蘇大吏大吏以是責之上
海道員則在袁道亦何愛于黨人不過知租界之治權彼實不得過雷池一步而不
能爲非分之想出位之謀耳惟甫經照會捕人旋即嗾差封報則袁道之真鈞壓力

亦可謂重矣。迫矣而卒不能償。大吏殺人。固寵之心。慰清廷。戮異官。同之願者。此則租界之制限。使然而袁道無可如何者也。曩令袁道未訂立事前之約。西官能放棄界內之權。則蘇報長封黨人。受戮本足以快野蠻。腐敗政府之心。而何以美領事之朋比。通同魏光燾。恩壽之電文。催迫上海道之哀求。賄託法文報。同文滬報之吠影。隨聲合什。百千萬之小醜。么魔而不能制一鐵筆。斗膽銅頭之死命者。何哉。蓋既有立約捕人之權。即有租界審判之權。有租界審判之權。即有租界行罰之權。而清官之伎倆。至是皆窮矣。於是闔省官吏。喘汗倉皇。既懼今日之無功。又慮將來之得罪。乃翻然變計。欲藉清廷之死力。以臨六人。而移之北京。以組成巨案。斯時也在各國宗旨不同。豈無市好清廷。而爲染指利權之計者。無論刻意東方之野蠻。俄國固允交人。而即稍涉文明。如彼法奧。亦復附和隨之。無他利之所在。固不難背公法以行之也。要之此案愈危。此案愈重。自有英美之專電。日意之確商。而光明復見矣。何則。彼雖不必盡爲蘇報黨人計。獨不自爲租界治權計乎。故雖加以張之洞。嗜殺希榮。再三之運動。而究竟無功。綜思數月以來。忽然立約。忽然捕人。忽然封報。忽然傳訊。

忽然索交人。忽然起交涉。忽然與公使而詰責。工部局忽然與公使而電飭。美領事忽然而移歸北京。忽然而仍留租界。前如兔起。後如鶻落。可以動一國之全神。可以分各國之意見。千奇萬幻。異哉蘇報之風雲。

(丙)蘇報案之波瀾。前說仍不足盡蘇報案之奇也。惟有觀點助點。而此案愈奇。如演劇焉。必有別事爲之串挿。如繪事焉。必有旁筆爲之渲染。自此案出現。以還。清政府既逆料其野蠻之行。爲必難如願。而積怒愈深。故無端而產沈蕙之獄。是時北京江左正在昏昧之時。而短命之沈蕙。遂慘遭其際。墮慶寬之手。以陷非刑。而爲蘇報諸人之替命鬼。此非沈蕙與蘇報諸人有幸。不幸亦非慶寬等之神通。優於張之洞。魏光燾等之手段也。蓋所處之地不同也。前有臬日。曾國章等之釋放。後有南匯黃炎培等之保釋。既有派慶寬查拿之事。實又有列單搜捕之風聞。眞革命黨耶。非革命黨耶。或輕罪而重決。或無故而被誣。凡施種種之餘威。皆以蘇報六人爲之中心點。是章鄒一案。實爲各案之孕母。而各案實爲章鄒一案之產兒也。至一切遷怒大學堂。移禍留學生。又其餘波矣。夫刑獄株連。在清國亦尋常之事耳。戊戌康有

爲之變被殺者六十株連者四十餘人庚子漢口之案至今搜求未已然此皆直接之波瀾而究不若沈蓋黃炎培等爲蘇報間接波瀾之奇妙也噫異矣

(丁)蘇報案之參商 伍員有言失巢之鳥尙且偕飛即同病相憐之謂耳今蘇報六人雖同時同地同案同禍而意見仍有不同者則章鄒以革命爲宗旨龍積之以保皇爲宗旨是也夫言革命者固爲革命即言保皇者亦何嘗非革命要其名目固分爲兩途也章鄒見危授命可死而不可屈可殺而不可辱而龍積之乃仍以奉有清帝密詔託爲保全身命之詞此願望志趣之不同而獄中衝突之所由起也章鄒不待捕而自投錢陳等則被拘之後徒自呼冤則程度之相去又何遠耶夫自古黨人之獄大都出於共轍同途乃此案不過六人而仍若門戶相分旌旗各異者是則聞所未聞也即自清官言之魏督則志在索人袁道則先行立約事本同謀而情若相反且其始並無原告之人至中途而突有恩壽之名出現且以呂海寰爲之先張之洞爲之後而清官之狀態不待繪而各肖其形矣而自西官言之則工部局之命意與各領事不盡同此領事與彼領事之命意亦不盡同彼公使與此公使之命意

又不盡同以章鄒兩種書說黨人六顆頭顱而演出此千般之活劇吾不知其價值幾何也雖然黨人亦殊苦耳本無名之公罪以滿洲政府私仇之故而受囚禁於盛暑之中久懸不決在黨人死生且不計即囚禁抑何足憂所異者自號文明國之領事府本有判定此案之權而竟任其阻撓於腐敗之清官以遷延累月也夫苟欲曲徇所請則亦已矣若律以租界治權之所有其又焉能爲領事解耶

(戊)蘇報案之現象及其前途 今者此案已確定由上海會審公堂審判矣清官之絕望黨人之重生皆意中必有之事何則以六人既在租界有罪則亦在租界受罰而已即清官必欲致之以死黨人且不畏於死而在租界又烏能犧牲其權限以亂次行之乎雖然以上海道受上游之督責上游又防清政府之憤怒豈能不介於中勢必竭力於將來再籌計外之計或重延律師以証成重罪或示罰之後再設他謀或定案以還復行索討此雖千萬難行之事要亦清官奇思異想之所必至者也

不寧惟是以美領事之與清官既已通同一氣而美外部之電詞乃至大違所欲則彼縱不能明抗外部之電而其心固未必釋然也如是則何難爲清官施耳助力小

罪大罰以稍報向受清官深厚之情此又平日不愛治權不恤人言之美領事情所或有而當代爲六人慮者矣然姑勿論其處置六人者何如而此後限制租界報言論之權必有順清官之意而重加壓力者壓力重則公論難伸報館之公論不伸則國民之前途必礙是此案之關係於國民前途者又烏可以道里計耶

噫嘻天之孕育一大事固如是其不易也有排擊者有嫉忌者有衝突者有限制者有助虐者而總歸於自然之結構曩令諸人被逮而後即能依約辦理有罪者罰之無罪者釋之固足以完領事之責任又不失租界之治權而此案反不見其重也即使清官橫索領事徇情工部局不據公理而力爭英美不準人道而電阻則諸人必陷黑闇之地獄而未免刀鋸之酷刑然死則死矣仍不足見此案之奇也其原因也則以排滿之聲中清廷之忌而以異己之仇肆殺人之欲其組織也則官吏求媚清廷魚肉同種美領事則爲一人之私怨俄奧公使則爲一國之利權而法公使又以聯俄之故隨聲而附和之於是而電文照會絡繹於途其波瀾也則以未得六人而甘心故藉沈蓋等而洩恨迨私恨既洩而適足動外人之觀念遂反爲六人之續命

金丹然惟六人之生死計較相殊各國之交涉方針亦異因而有意見之參商亦惟租界之權不可棄事前之約不可更因而有今日之現象在於此案之前途則有驟難豫計者然而清官之積忿難消死灰復燃是可斷言也

異哉列少年其章鄒之徒乎夫革命何事耶何者爲種族之幸何者爲殺身之本原在六人非不自知也業已知之矣而不忍以壓制之辱奴隸之差無國之慘長之萬世獨以三寸之舌七寸之管提倡民氣鼓吹風潮爲一國計絕爲一身計何其明於死生利之害若斯之至哉異哉列少年其章鄒之徒乎夫囚獄何地耶自蘇報放言遭忌以來捕人封報之風聲已非一日乃不惟不避而顧坦然自投以證之以甘蹈此不可知之禍斯已奇耳觀章炳麟獄中答新聞報之書處蒙難之際絕無怨心而勁直之氣絕不改其初操乃舉國若狂終不理於謬悠之口者（如法文報同文滬報等）抑又何耶

雖然自今以後此案之結穴其尾聲尙不知如何而上海之風氣言論必因之一變可想而知矣謂余不信請觀此案自有歸上海租界辦理之確聞而法文報之議論

頓爲之一改。然則使黨人而幸不致死。則瀛上之華字。各報昔以附和官場。紊亂黑白。顛倒是非。欲喉黨人於死地者。至是不結舌而終。吾不知其何以造詞也。報館有對待政府之權。又遭漢種奴辱之秋。而與黨人有同胞之誼。尙且如斯。而反待闖發轉移於無甚關係之西報。寧不哀乎。吾以爲蘇報之被封。黨人之被逮。實我同胞之一大機關也。嚮使清官旣可以封報。又可以殺人。未嘗不少沮國民之銳氣。今而有一線之光明也。倘藉黃帝在天之靈。幸而獲免。則雖封蘇報。而如蘇報者旣可以興。雖捕黨人而爲黨人。又可以脫。則此後之是非。庶以此案爲定論乎。

今此案尙懸而未結。惟所謂六人者。其一錢一龍一陳。已釋放矣。編者識。

鄭成功傳

緒論。橫覽五洲。縱覽廿紀。六物如球。衆生如蠶。其英雄之大舞臺。平以渺渺一歐羅巴地。不滿四千人。不滿四億。率其所謂民族主義。民族帝國主義者。以憑凌於世界風潮磅礴日月。慘淡異類殊族。低首帖耳。夷爲歐隸。大地搏搏益將爲掀天揭地之大洪水所淪陷焉。何以故。惟英雄故。惟英雄能排異種以殖新地故。

黃 帝 魂

哀矣哉。中國人之無民族精神也。吾嘗讀盡二千餘年之相斫書。繙遍二十四姓之家譜。所稱大政治家大戰爭家者。車載斗量焉。夷攷其行。非盡忠竭力於一人一姓之朝。置民族全體於不顧。而詡詡然自以爲功。卽欺人孤寡。夷人宗祀。以暴易暴。竊天下於囊橐。而以應天順人自命者也。其尤無恥者。自殘同種。以獻媚於人。如張洪範。洪承疇之所爲。敗類之餘。喪心不復。長夜漫漫。狂瀾滔滔。而所謂英雄者。不出此三途矣。使歷史能增進其名譽者。有幾人哉。使吾儕有崇拜之價值者。有幾人哉。雖然。以吾黃帝子孫四千年神明之胄。冠帶之族。詩書禮樂之所薰陶。山川文物之所鍾應。而謂坐受異族之蹂躪。鄉愿之污蔑。竟無一人焉。足以尸英雄之徽號。而一雪此恥者。豈公理所當然哉。吾不求得意之英雄。而求失意之英雄。不求成事之英雄。而求敗事之英雄。不求大名煌煌盛業鼎鼎爲世俗所稱道之英雄。而求數百年來若明若滅蕭條門巷無人過問之英雄。嗚呼。英雄毅魄哀怨生平海島。飄蓬潮聲。嗚咽非我絕代佳人。鄭成功而誰屬哉。非我絕代佳人。鄭成功而誰屬哉。

世紀之中其漢種存亡絕續之大關係乎天禍中國變故相屬伊川披髮荊棘銅駝而撼天揭地之豪傑猶誕生斯世增歷史之榮光殆爲黃族樹紀念一大碑乎果也距大思想家大哲學家黃梨洲之降生一十五年而大政治家大戰爭家鄭成功起實紀元後四千一百一十五年七月二十三日也

男女同姓其生不蕃兩文明相觸而新文明起生理之學然哉然哉成功父芝龍南安徽之石井人驕悍桀驁自命不凡實一世之頑傑幼以事遁日本居肥前平戶學劍術自遣母田川氏日本一老儒女貞操果決見義敢爲有大和魂武士道之風見芝龍而慕之請於父婚約遂成既而舉一子名福秋卽他日留萬丈光燄於世界拒滿洲排荷蘭闢臺灣新地永爲黃族好男兒模範之鄭成功也

抑成功有生之時代實民族競爭最劇烈之時代也黃帝子孫自秦漢以來困于專制之束縛民智日陋民氣日弱北狄賤種乃得終其臂而奪之發源于五胡之割據濫觴于索虜之分治沿天於蒙古之混一神州赤縣無乾淨土者久矣朱明起於草野仗義北伐驅除胡元實漢族千載一時之遭遇惜太祖以梟雄無賴之性質不務

培養國脉使適於天演之淘汰反從而壓制而錮塞之行八股之謬制倡祖訓之邪說沿及末流弊竇日起重以魏闢之橫熹宗之暗東林之黨同文之獄羅織萬狀人心惶惶盜賊并起時事日非近而長白山下之鐵騎遠而大西洋中之軍艦相持相搏逐鹿中原成功降生之前八年滿洲始建國稱帝越三年滿洲伐朝鮮荷蘭據瓜哇越五年滿洲取全遼荷蘭取臺灣及成功降生之年而葡萄牙人遂據澎湖焉嗟嗟滿族西侵歐權東漸果始收于今日而因已佈于當年佇看吾愛國男兒之經略何如矣

成功之返國及起兵「老驥伏櫪志在千里烈士暮年壯心未已」懷抱大志之英雄雖頭顱如雪而雄氣猶騰躍于九天況少年之俊傑哉成功降生後之二年芝龍奪臺灣澎湖而據之逐荷蘭葡萄牙人聚衆爲海盜出沒烟波奮威水陸明遣將討之數爲芝龍所敗然芝龍不能忘情於祖國卒以四千一百一十九年降明越二年迎成功及田川氏歸時成功甫七歲見芝龍於石井儀容秀整聲音清朗偉人丰度漸露頭角爰改名森字曰大木自是以後延師就學覃精經籍享和平之生涯者十

黃

帝

魂

有五年。天不欲絕代偉人以一書生終者也。漢種之歷史必要成功出世以爲祖國光也。四千一百三十五年北京破。四千一百三十六年南京破。芝龍時爲福建都督。擁立思文帝。成功隨父進謁。帝大悅之。始賜今名。授御營中軍都督。參預機務。是爲成功初出現于政界之時代。峨冠彩服。颯爽英姿。年少騷騷。交歡魚水。喜可知也。惜乎盛事不常。危機早伏。骨肉之間。親爲戎首。大禍之來。已在眉睫。君子誦「月明何與浮雲事。偏向圓時故故生」之句。能不爲成功搢一掬傷心淚哉。

芝龍之爲人也。血氣有餘。道心不足。以翌戴之功。頗夜郎自大。與舉朝文吏齟齬不合。水火玄黃。浸成朋黨。而漢種公敵之洪承疇。復以卑劣之手段。陰險之說辭。勸其叛降滿洲。以閩粵總督印相餌。芝龍惑焉。撤藩籬不守。四千一百三十七年。滿人南下。思文殉國。芝龍遣使進表。成功諫不聽。絕裾奔金州。母田川氏自殺。而芝龍亦爲敵兵所脅。挾之北上。爲楚囚者六年。卒賜死。以龍騰虎跳之英雄立身。一敗萬事瓦裂。楓青月黑。魂兮不歸。夫亦大可憐矣。

黃

帝

魂

杜宇啼枝。縈縈血淚。精禽填海。耿耿孤懷。此日之成功。其倖苦銜酸茹痛之心。事殆有未可以人意懸揣者乎。生我田川。知我思文。倏忽之間。幽冥痛隔。而芝龍又身入虎穴。永無生還之望。相見之期。國仇家怨。熱血填胸。環顧大局。則四百州土地。四萬萬同胞。將盡淪於異族。男兒男兒。豈甘偷息。草間長此終古乎。一點「烟土披里純」。一忍無可忍。遏無可遏。遂以二十三齡之少年。一躍而樹獨立之旗于南澳。金陵之失敗。及臺灣之攻取。大地萬千愁雲。一片芸芸。黃族之主權者。漸近末日之期。黑龍江中之禍水。浸灌中原。恢復運動。看着失敗。自成功起兵之歲。迄四千一百四十九年。而閔帝中樞失肇慶。失桂林。卒竄身滇南尺寸地。以延殘喘。忠臣義士死亡殆盡。所逢倚爲聲援者。惟成功一軍而已。成功於此十餘年中。以金門廈門兩島爲根據地。侵泉州。侵漳州。侵福州。軍勢頗盛。而一彼一此。迄無大勝敗。成功意不恆知非大舉北上。奪金陵。而據之。不足以震動天下耳。目。遂以明年七月。由海道入瓜洲。大敗海軍。進收鎮江。圍金陵。令諸將號召大江南北。於是常州。徽州。池州。太平。滁州。六合等州郡子弟。爭投麾下。東南諸省。朝夕待變。成功希冀中所謂「新中國」。

者。殆有從白地上湧起之觀。迺天不助順。滿將梁化鳳再邀擊之。鄭軍大潰。成功遁還中興之望。至此役而絕矣。

魯仲連義不帝秦。誓言蹈海。髯虬客恥比肩褒鄂。乃謀海外扶餘。尋常專制霸王。猶無術以網羅天下英雄豪傑。況莽莽神州。盡困異族者乎。成功既不得志於江南。復思闢地於海。迺再還鷓首以入臺灣。

芝龍之降明也。臺灣復落於荷蘭人之手。取之實難。雖然。拿破崙有言。『難之一字。惟愚人所用。字典爲有之耳。』咄。我絕代佳人鄭成功。又何遽不如老拿破崙乎。果也。

四千一百五十二年。以百艘泊澎湖。進攻臺灣。荷蘭不能敵。乞和。成功曰。『我欲復先人故土耳。他非所求。』迺結條約。縱之歸。成功復雄據臺灣。爲之定新名曰。『安平鎮。』制法律。定職官。興學校。修武備。大起池館。延納名流。雖然。有一海外新中國。一之資格矣。成功最後所經營如是如是。

中國數千年來。有關地於陸者。無闢地於海者。有之曰。鄭氏。始有奉一政府命令。以闢地者。無舉一私人資格。以闢地者。有之曰。鄭氏。始偉矣哉。然芝龍得臺灣。不過爲

黃

帝

魂

海盜成功。得之遂足以尸「殖民地」之徽號焉。意氣才略。過乃公遠矣。倘所謂「雖鳳清於老鳳聲」者。歟。雖然。此又豈成功所躊躇滿志者耶。彼以十餘年間。出死入生。備嘗人世之痛苦。結髮從軍以來。孔席不煖。墨突不黔。絞腦腐腸。以圖天下事。霜鬢斑斑。垂二毛矣。及中。故土無復插足之區。乃僅以區區臺澎。爲漢族最後之居留地。當其指揮談笑。痛飲酣歌之際。每一念故鄉之天地。祖國之山河。未嘗不吞聲飲恨。如萬箭之攢其心也。

成功之長逝。及漢族之末路。成功自四千一百三十七年以來。迄四千一百五十二年。起兵已十六載。身歷大小百餘戰。蹉跎荏苒。始得保臺灣。尺寸地。爲用兵最後之結果。成功年亦三十有八矣。還憶當時義旗初樹之際。馬跨桃花。鞭垂楊柳。以願願絕代佳公子。投身於世界風潮。盤渦突衝之中心點。日夜謀保。保國之政策。曾幾何時。頭顱無恙。而江山已不可復問矣。攬鏡華髮。據鞍髀肉黃龍。痛飲夢想。徒靈蒼蒼者。天安得不悶殺英雄哉。況異種披猖。同胞塗炭。成功入臺灣之歲。正由榔死。緬甸之年。海天迢遞。惡耗遙傳。而黃帝子孫。世襲之公產業。不得不拱手讓諸羗族。

馬蹄蹂躪龍血模糊到此。人生寧論天道成功。以憂國之愁。遂成痼疾。四千一百五十三年五月大星耿耿直墜臺澎。解脫塵軀。復歸天國。嗚呼鄭成功逝矣。嗚呼黃族已矣。

成功歿後。臺人奉其子經爲首領。越十年而中原變故復起。吳三桂耿精忠並謀自立。此實恢復一大好機會也。雖然經固守文令。非可望其步老將軍之後塵者。雖稍稍出師略泉漳諸地。卒不能大有建樹。吳耿亦相繼敗死。四千一百七十一年滿軍攻廈門。鄭氏敗績。明年六月經亦卒。長子克臧繼爲臣下所殺。而立次子臣瑛焉。臧故少年俊傑。有乃祖風。爲成功鍾愛。瑛則孺子而已。廢明立昏。雲翻雨覆。而漢種末路之慘劇。迺漸近開幕時矣。

「力拔山兮氣蓋世。時不利兮雖不逝。雖不逝兮可奈何。虞兮虞兮奈若何。」一私人之末路。其傷心短命之狀。尙令人爲之痛哭。況一民族前途之墜落哉。克臧嗣位後。國事益零落不堪道。失泉漳諸地。失金門。失廈門。四千一百七十四年七月。家賊施琅復以水師來寇。克臧出降。於是漢種最後之居留地。所謂「海外新中國」者。

遂終委於敵手。距成功起兵之歲三十有八年。自是以後。沉沉睡獅一臥不於醒。迄今日。

結論 著者曰。吾讀亞洲史而媿其無英雄也。吾讀歐洲史而羨其有英雄焉。夫英雄果何物質言之。亦曰排異種與殖新地而已。今世白哲人種所香花祝而神明奉羣以英雄之徽號相歸者。亦此二途爲最多耳。華盛頓也。瑪志尼也。噶蘇士也。加里波利也。加富兒也。畢士馬克也。非排異種之英雄歟。哥倫布也。立溫斯敦也。俟頓曲也。麥塞耶也。克雷飛也。哈士丁斯也。非殖新地之英雄歟。吾讀其傳記。歌焉舞焉。哈焉愕焉。羨焉妬焉。以爲奈何我漢種而竟無是人焉。奈何我漢種而竟無合併彼二途之才。以凌歐而駕美之人焉。雖然我漢種豈真無是人耶。我漢種豈真無合併彼二途之才。以凌歐而駕美之人耶。吾草鄭成功傳。吾請舉向之所崇拜華盛頓。瑪志尼。噶蘇士。加里波利。加富兒。畢士馬克者而崇拜之。吾請舉向之所崇拜哥倫布。立溫斯敦。俟頓曲。麥塞耶。克雷飛。哈士丁斯者而崇拜之。英雄哉。我鄭成功也。英雄哉。我漢種之鄭成功也。

白種者。其天之驕子乎。蹙黑而黑微矣。壓赭而赭滅矣。夷稷而稷亡矣。今且出其羣魔。競逐萬矢齊發之手。段以窺伺我黃。以窺伺我黃之漢種矣。數百年來。能敵之者。惟成吉思汗耳。雖然。彼蒙古種。而漢種之公敵也。我不屑崇拜之。我不屑崇拜之。我惟崇拜我。鄭成功。彼能使歐權鼻祖之荷蘭。逡巡讓步。彼能使滿族餘奴之漢種。奮爭先是。豈尋常賤丈夫。所敢希冀哉。使天假之年。內驅異族。還我河山。之後。餘力猶多。或盡取南洋諸島。爭霸權於海上。關屬地於環球。以步倫之後塵乎。未可知也。不然而使生於今日之世界乎。則所謂民族主義。民族帝國主義者。方將出現於皇漢之歷史。又何至爲歐人之專有物也。嗚呼。海雲蒼蒼。海水茫茫。安得有鄭成功其人者乎。以煥揚我祖國之榮光。

鄭成功爲吾民族第一偉人。其燦爛絢耀之歷史。雖罄南山之竹。亦不足以表白之。是篇特十二峯之一片靄耳。吾友花隱生近編「臺灣恨」說部一書。累數千萬言。其初集即成功一生之譜牒也。金針刺繡。鐵戟摩天。入世英雄。呼之欲出。吾胤四萬萬。其有奮衣挺劍。繼成功而起者乎。日夕望之矣。編者識。

又篇中用黃帝紀年。推算處似未精確。讀者可參觀「黃帝紀元說」一篇。編者再識。

追論張汶祥

嗚呼。民之憔悴於虐政。如此其甚哉。自滿清僭竊二百餘年。其間貪官暴吏。以卑賤賁緣起家。擢封圻。躋顯秩者。比比而是。其行爲雖極污穢。爲人類之所不齒。殘虐人民。吞噬財帛。有如虎狼。人民之受其荼毒者。至於族破家亡。賣妻鬻子。銜恨入骨。而卒無有割刃於此貪官暴吏之腹。以爲萬姓除害者。何哉。嗚呼。此所以二百五十餘年之中。無一非貪官暴吏之時代。一千四百五十餘州縣。無一非貪官暴吏之黨徒。芸芸衆生。宛宛赤子。但有飲泣吞聲。輾轉於壓抑羈絆之下。無可如何者也。夫如是。乃有所謂荏苒之英。綠林之傑者。白晝行市。如入無人打家劫舍。慙不畏死。殺人如草。目不轉睛。官屢捕之以膏肓。斧兄弟就戮。唱歌于。則其視官府如無物。等生死。若輕塵也。抑何事不可爲。何仇不可報乎。況夫以盜爲仇者。官奉旨爲盜者。又官也。奉旨爲盜。故官明劫而盜暗。劫官日市而盜夜市。名目雖殊。所欲則一。是官與盜固

同類也。而捕之傷其同類矣。傷同類仇也。仇則必報。且也盜爲財乎。則宜擇其豐者。厚者而取之。官之刮蝕民財也。至豐且厚。欲爲財莫官如。盜爲名乎。則宜擇其苛者。虐者而誅之。官之草菅人命也。肆虐極苛。欲爲名又莫如官。有此三者。誠以其殺人如草。目不轉睛之手段而施之。貪官暴吏乎。則懸頭於市。裂尸於途。漬血於庭。飛刃於枕。淫妄殲於牀。弱子流乞於他鄉。一省之中。每歲有四五起爲貪官暴吏者。有不聞風喪膽潛伏故鄉以得保首領爲幸者哉。乃吾讀二百五十餘年之歷史。除川楚粵捻數大倡義以後。各省州縣歲時月日非無憤官吏之貪暴而思集衆以抗拒之者。卒皆不旋踵而滅。固吾民抗拒力之薄弱哉。而所謂荏苒之英綠林之傑者。亦日爲彼同類奉旨爲盜之官吏所屠戮。而毫無報復之志。遂使貪官暴吏得以廣置田宅。蓄積金貲。驕淫佚樂。無所顧忌。以博姬妾牀第之歡。以爲子孫他日淫蕩放縱之費。優游歲月。以至於死。尙得保其首領以終其天年。噫。是何貪官暴吏之運命之佳。而無才民與才盜之至於斯也。龔璉人曰。一世之衰也。庠序無才士。隴無才民。廛無才工。衢無才商。抑巷無才儉。市無才僧。藪澤無才盜。然則才民與才盜之絕跡於今。

黃 帝 魂

日。豈無故哉。有所以鋤其才以就不才者也。吾爲歷歷舉之。一曰康熙。二曰隆乾。三曰曾國藩。

康熙既平三藩。征漠北。乃開史館。與博學鴻詞。科網羅。明季遺老與夫慷慨悲歌之士。視天畫地之倫。復開千叟宴。詔天下不論滿漢。凡年過八十者。皆得與宴。賦詩以示滿漢一體。故論者謂滿清之命脈全在於康熙六十年間。能以儒術籠絡天下之人。心然當其時。人股三廢且數年矣。卒因滿大學士鄂爾泰之奏而復之。然鄂奏有非不知入股爲無用。而用以牢籠志士。驅策英才。其術莫善於此等語。然則漢人之愚蠢受治。以至今日者。非康熙爲之哉。其時又親講朱學。大小臣工相與應之。蓋朱學者。以束身寡過不敢作爲爲至計。所以陰鋤天下之士氣。使之厭臧老漁。不可復陽其道。莫善於此也。其明用之者。則莫如西征而殺犯駕之遺民。莽俠夫。夫以天下之大。而不能容一匹夫。其量亦不及趙襄子遠矣。至於戴名世之南山集。不過偶撰方孝標一詩。頗有怨懟之旨。此亦但據東華錄言之。至南山全集。劍氣珠光。不久又當出現矣。遂并被其集中所選之人。而株連之親族誅夷。有敢收藏。

黃 帝 魂

南山集者。輒捕殺不赦。雖以篤守朱學爲李光地所敬信之方苞亦以族人之故下獄終年餘則皆明季名士一時蓋幾於殲盡嗚呼昔秦政藏書之罪尙不過城旦而止今刑法之酷烈乃遠過之可謂虐已

及夫乾隆之世。鋤才之術又益工焉。於利用朱學之外更益以說文爾雅聲音訓詁之末學以服官從政之年而使之俯事於髫齡之小學愈穿鑿支離愈繁戀不舍不獨於經世國家之故不知講求即求如向者之篤守朱學以束身寡過爲至計者亦不可復得蓋至是而天下之士皆以承順人主意指取富貴爲事不復知廉恥爲何物矣而既顯之以文又耀之以武一年之中殺大臣五十餘人叱辱羣臣如役奴婢一朝之久如劉統勳之不受侮弄者一人而已嘗叱協辦大學士紀昀謂「朕以汝文學尙優故使領四庫書實不過以倡優蓄之汝何敢妄談國事」夫協辦大學士位亦尊矣而曰倡優蓄之則其視羣臣如草芥摧折士類爲何如者尹會一視學江蘇還奏曰「陛下幾次南巡民間疾苦怨聲載道」乾隆厲聲詰之曰「汝云民間疾苦試指出何人疾苦怨聲載道試指明何人怨言」夫此何事也豈能指出何人

黃 帝 魂

乎尹亦惟有自伏妄奏免冠叩頭已耳乃遠謫之於塞外自是以後而士民益結舌吞聲無所告訴諸臣益阿諛取悅以保祿位政治穢亂官吏貪婪至乾隆末年而天下大亂矣雖然康熙乾隆之所爲吾無怪也彼自塞外入主中國非用顛倒半籠之術不足以使漢人醉死夢生以長享其據中國帝王之業且承歷代專制政體將大結局之際必有一番之異彩而乾隆時又正值其回光故暴行無常威權過重特異於前代耳然吾獨怪曾國藩

曾國藩者非所謂近代之一大偉人乎彼其挽瀕清朝廷於將覆之餘間使之復起其魄力之大願力之宏顧何如者乃自歐人論之則曰「鋤同種以媚異種功雖高不貴也」而吾國人之稍知國種之義者亦莫不疾首痛心謂吾人今日之猶宛轉悲啼於異種虐政之下皆彼鋤同媚異甘爲他人之功狗者爲之言及曾國藩胡林翼左宗棠駱秉章李鴻章輩輒視爲當日之洪承疇而唾罵之不遺餘力雖然彼其鋤同種以媚異種固已鐵案如山萬牛回首吾姑不具論矣而國藩者非以陶鑄天下之才爲己任者哉「原才」一篇言之可爲勸聽而獨至於不侮鰥寡不畏強禦

之義。夫俠士則務鋤而去之。而懼其萌芽。則又何也。豈所謂才者必如當時之食其餘蔭。高據勢要。而爲督撫大官者乎。不然。何其庇同官而殘削天下之元氣。至於如此也。同官爲何。兩江總督馬新貽是刺殺兩江總督馬新貽者何。則張汶祥是。夫張汶祥者。非當時之所謂劇盜者哉。嘗考之官書。有謂馬新貽爲狂人。張汶祥所刺而盛稱新貽戰功。吏治之熾。及兩江總督之顯赫。而具悼惜之者。夫兩江總督之出也。武夫前呵。從者後擁。必清道而後行。其處也。則重門疊戶。爪牙林立。神鬼猙獰。汶祥雖狂。安得總督而刺殺之。而考他書之所載。則有謂張汶祥爲神所使者。其說尤荒謬。不經。然亦有謂馬新貽爲總督。路見民女而悅之。下屬窺其意。威奪以獻。其夫憤而行刺者。是說也。似之。然不殺其奪之者。而殺其取之者。則又何說。今以余所聞証之。殆皆不然。蓋張汶祥與馬新貽。吳炳燮三人者。微時之同盟。弟昆也。一人偕入營伍。馬以有功。故秩漸尊。吳亦得爲武職。吳之妻絕色也。馬竊通之。礙於吳不得逞。乃陽顯而陰陷之。調吳出守。吳卒以是死。馬遂取吳妻。張汶祥厲聲責之曰。天下婦人多矣。汝爲顯官。何求不得。何必此同盟之妻。爲不改吾將殺汝。馬不聽。汶祥

遂去。

兩江總督新任。例行香孔廟。先數日。汶祥宣言曰。某日常殺馬新貽。馬新貽聞之大懼。是日嚴兵戒備。若臨敵。然衙署從官皆排列以俟。馬新貽不覺出。獨徘徊室中。俄見瓦際有憑空而下者。視之。則張汶祥拔刀而來也。馬呼救不及。遂爲所刺。時從者伺之久。不見總督出。乃入而請之。遙望庭中一人在焉。形貌衣服殊非總督。及階則有已橫於地。血滿於庭者。審視之。乃真兩江總督馬新貽也。大驚呼曰。吁。爾何人。敢行刺庭中。應聲曰。我張汶祥也。從者曰。吁。張汶祥。爾何人。敢行刺馬大人。罪當死。遂執之。汶祥笑曰。嘻。我固不欲逃耳。若欲逃去之久矣。豈諸君所能得哉。所以不去者。正以待諸君。故總督爲方面大官。被殺而不得主名。必且嚴辦。所屬子民與封疆各大吏。是株連無已也。吾不忍以一人而累萬姓。是以不去。且我之殺彼。爲公義。非爲私仇也。吾甚欲自今而後。貪官暴吏得引彼以爲鑑。使知民間尙有抱不平之人在。而不敢橫行。則汶祥雖死。何恨因述。與馬新貽同盟始末。時曾國藩方以誅鋤洪氏功爲清廷所倚重。特以此案委之。及訊。汶祥無異詞。曾國藩以是爲揚同官之惡。欲

置之死。有刑部尙書鄭敦謹。者國藩同鄉也。將升協辦。士矣。以張汶祥爲友。報仇不當。殺往復力爭之。不可於是卒殺張汶祥。復加以誣辭成疑案焉。敦謹忿然曰。枉法徇私。冤殺義士。吾安忍以官爲哉。投劾而去。噫嘻。此所爲數十年來貪官暴吏。益接跡於天下而無所顧忌也。

論者曰。嗚呼。曾國藩誅鋤同種之罪。至是愈無可逃。曾國藩媚事異族之醜。至是亦愈不可掩矣。夫張汶祥之案。以文明國之法律觀之。不過如日本壯士之刺星亨。裁判所得定以永遠徒流之罪。而不得加誅。何則。以其爲公民。報仇非一己之事也。然此正民與官爭權之起點。蓋既有法律以治其民。而無法律以治其官。官乃得陽借其法以陰售其惡。而賊害其民。試問所謂中興以來冒軍功通賄賂儼然而官者。何一非爲民盜賊。如馬新貽一流者乎。縱盜賊以殃民。民不能堪。不得不憤而訴之於其官之上。級而權勢仍在官也。官與官相徇。無不官直而民曲。官是而民非。不平等之既極。人民無所告訴。如是乃不得不相率而訴之於刀兵。而民殺官之事以起矣。夫官殺民。以其爲害於全體之治平也。民殺官。亦以其爲害於全體之治平也。然民

黃

帝

魂

黃

帝

魂

不法而爲盜。其爲全體害者。不過十之三。盜不法而爲官。則其爲全體之害者。且十之九矣。故平心論之。非嚴其法以治其官。而寬其法以治其民。不得謂之公理。雖然中興者。君權之再盛。而民權之再屈也。暗殺者。民權之復萌。而官權所不利也。曾國藩既自以爲中興之功。狗竭其誅。鋤同種媚事異族之術。唯恐不工。而其所引進以散布於天下者。又皆冒軍功通賄賂爲民盜賊。如馬新貽者之一流。故宜其一聞此事而激腦刺心。以爲張汶祥一細民耳。而殺我同官。是民權復伸之漸也。民權復伸。則彼胡虜主東姦淫擄掠所盜竊之天下。終不可以復保。而所謂中興之事業。亦行且自危。於是不憚喪心病狂。假張文祥一案。以復恣其餘毒。而張汶祥竟以是死矣。雖然滿清竊國二百餘年。而前有莽俠夫敢於犯駕。後有張文祥敢於殺官。其氣魄比於泰山之高。其心跡比於霜雪之亮。蓋不知幾經山川誕孕之靈。而始得斯義夫俠士爲吾禹域一振國民之精神。而新國家之面目也。而皆論族鯨兒幽光不發。惜哉。昔歐美日本以有俠士而國日強。吾今亦以有俠士而國愈蹙。此無他一培養之以壯國家之元氣。一鋤滅之以快一人之私憤。其途徑大有異也。唯其途徑異。故興

亡効驗亦因之而異焉。是不可以不論。

殺張於祥爲會國藩誅鋤洪氏後一大罪案。著者藉題發揮。旁搜博證。故泛引滿洲大長康熙乾隆兩代之惡跡。以逼効國藩之罪狀。而於張汶祥一面。反從簡畧焉。編者識。

畢永年

畢永年。字松甫。亦字松琥。湖南長沙府之善化縣人也。舉拔貢生。以文學鳴於時。嘗著「存華篇」(湘報論說)提倡民族思想。然性豪宕。喜結納。又耽於聲色。毀家資過半。大忤其父。君初不與聞。自立會之計畫。而實由君手以開自立會之先河。故今之著此書(書名庚子漢變始末記)究不得置君於局外。譚嗣同之死也。君方由燕京歸長沙。離京纔二三日。至滬。聞政變。遽自斷其尾。火其資。照示不復再隸於滿清之治下。其決心有如此者。先是康有爲在京時。誑同志以建設共和政府。謀圍頤和園。殺現今清國皇帝及太后。而以己代帝位。畢固急進派。始與其謀。及敗。康已先事逸往香港。旋東之橫濱。至是畢往訪之。欲爲後圖。詎康已變計。將以保皇之名。

黃

帝

魂

黃

帝

魂

利用海外之吾國商賈。歛資以行樂計。知畢必不主張保皇之說。又以當時革命派發起人孫文亦住橫濱。畢已先往訪之也。頓起門戶之見。閉門不納。於是康氏前後之陰謀已盡爲畢所窺見。乃於某報中播揚之。康由是益深切齒。畢欲得而甘心焉。嘗使其徒某在港澳一帶地覓亡命。曰有能刺殺畢者。以五千元酬之。畢前後凡三至日本。再歸湖南。爲漢報主筆者數閱月。湖南會黨巨魁李雲彪楊金彪等之與革新派往來者。以畢爲最早。而林氏錫珪之所謀亦多起因於畢。己亥冬間。林自東京始歸時。欲在漢續招納亡命以圖暴動。而窮無所告。畢以三百金助之。庚子之大計畫實始於此。然至自立會發達時。畢以宗旨不合。終不與聞。顧畢嘗與興中會事(黃中黃所譯「孫逸仙」之畢松琥一章言之最詳)其後亦卒不合。至廣州乃鬻其西服。着僧裝。寄身於某禪林。有佛與同志某曰。「他日有奇虬巨鯨大珠。空青任吾大陸破壞之責者。其人今或爲僧也耶。」吾方入其羣以求之。一有自南中來者。傳聞畢氏以新爲僧。其級尙卑下。每日任炊爨洒掃之事。甚苦。無何病歿之報騰於各新聞紙。

林錫珪字述唐。湖南湘陰人。生於黃帝紀元四千五百八十四年乙亥。一原著以西歷紀年。年少時。煎其腦於詞章。戕其身於女色。某報中謂其幼時即稟異資等語。未免出於文人標榜之習。非紀實也。歲戊戌。補入時務學堂之二班。受粵人歐集甲之教育。歐固康弟子。倡公羊張三統之學。林君化之。不復爲前日之佻達少年。而究心於經世。是歲八月。清政變。歐以黨人故。遠竄橫濱。學堂亦因之解散。畢永年者。拔貢生也。與譚嗣同交最厚。又有天然之民族思想。因死而九世之仇益橫亘於胸中。遂削髮往來江湖間。欲糾集同志。林嘗左右之一。至上海。自此而其政治思想。爲一大變。先是林囿於歐說。其崇拜康氏。有如星日。然至聞見既廣。乃自笑其前此之私淑。眞爲井蛙夏蟲。由是廢棄文學。以實行家自任。不欲其能力伸暢於理想之一途。乃與畢氏謀。縱火於長沙。因而襲取之。沿江而下。情當時君年尙少。乏於經歷。又畢氏理想雖高。而以條理之缺乏。其所計畫終不克成就。時湘中新舊兩黨門戶之見最烈。林以急激故。亦爲鄉里所不容。明年六月。應梁啓超之招。往肄業於東京。

黃

帝

魂

黃

帝

魂

大同高等學校。君銳於感化力。長於記憶力。至日本不數月。而其國之普通言語。卽應對如流。是歲九月。梁氏將航美。屬之檀香山。林時受有數大刺激。一在校中不克自備資斧。常仰給於粵商。橫遭他人白眼。二林之目的。原在於實行讀書。非其所樂。三當時日本之新聞紙。其唾罵支那人。幾牛馬之不若。乃決計歸國。說於梁曰。『國勢至此。而有心之士。孜孜焉以求學。學成而國已燼矣。夫學猶之耕也。不耕固無所得。食試問救火。急乎抑耕急乎。』梁知其意。出資遣之行。至神戶。以書告同學某曰。『吾以舟停故。登岸信步至某處。一著者今忘其名。一山腰有浴室。浴室之東。通以小橋。橋之兩旁有石壁立。中有瀑布。墜空而下。遠望海水。澄波如碧。風景絕佳。因思吾國山水之勝。當不下於三島。顧皆草昧未闢。不復加以人爲。夫權利者。天下之公物也。已不能享之。則必代之。而有於人。無尤也。珪行矣。此身不知能再呼吸。此等文明之空氣。與否。言至此。不禁淚落。』下。一噫。嘻。何林氏憂思之深至此也。林以其年九月。抵漢上。其後之計畫。詳於第口章。不復贅。惟著者有一言。欲爲林氏呼冤。而告我國民者曰。林之目的。與唐異。唐崇拜康。林崇拜公理。唐爲帝黨。林爲民黨。唐

主立憲林主其和然以唐見信於康林苟欲以間接見信於康而得其接濟則勢不得不枉己以從人其實林無時無刻不欲出唐之範圍外因其組織多近於美國制度與唐每多衝突唐終不化屢掣林肘唐於會中幾激成內訌林又起而調和之且不獨此也林久與下等社會人伍深知其性質又善於撫慰人多樂爲所用唐則於林之調度時藏干與之又林極機警唐極沉滯而不利於秘密之事與林又不免於齟齬漢變之敗其或以此爲主因也林初至漢時僅識數人所有者不過三數百金而招集各會頭目激之以義動之以財感之以信誠餌之以爵位其後北至河南南至湘桂西至巴蜀東至九江爲時不出一年所費不過三萬終能屈伏數百萬殺人行劫之無賴游民於指揮號令之下任勞任怨任寒任饑屢次幾爲屬下頑民所刺殺至其後林之死也則又豈有不爲之墮淚者吾謂庚子長江流域革命運動大舞臺爲林氏一人之所築而其他各人無非備數者想讀此者必表同情也

畢永年林錫珪兩篇見吾友甲表所著「庚子漢變始末記」著者於庚子一役之計畫始終與聞之故論當日之情事與其人物隱然若有深痛且能以南董之

筆出之不少偏護其書約十萬言殆煌煌乎大觀而中國近世革新史也編者識

書周雲祥事

雲南僻處西南隅萬山叢雜五金諸礦遍地有之西通暹緬隣於英南接越南逼於法固形勢之要區也而民族强悍久不臣服滿清自經岑毓英撫定纔數十年滿政府遂與法國立兩廣雲南不得讓與他人之約雲南之人惕然深恥之以爲法國鐵路既由老關諒山兩處入蒙自以抵大理英國鐵路又由暹緬入大理而越四川他日全路告成則百礦之利權勢必盡爲外人所攬奪彼滿政府之處心積慮思以禁壓我漢人販賣我漢土也既已無所不至前此如港澳如臺灣如膠州如廣州灣九龍如旅順大連灣等粒沙寸土鬻割從心然則不啻捲我四百餘州之土地拱手以授之他人不止也今其東三省之所謂滿洲人游牧地者行已隸屬於俄無形之瓜分爲時且亟及今不圖恐後之爲奴隸之奴隸者無有已時於是自立黨首周雲祥崛起其間矣周雲祥建水人年二十四身軀修偉智力過人性沉默寡言事母尤以孝著其先世以礦業起家設錫廠於個舊雲祥復善自經營調儻好義少年游俠之

魂 帝 黃
士多歸之以故得死黨數千人。雲祥乃就錫廠購軍械編義勇以自捍衛。蒙自縣令孫家祥者以殺人而膺上賞者也。嘗擄捕富商楊自元勒贖不遂殺之。至是復欲以捕楊者捕周雲祥。乃以癸卯四月十八日會同督帶麥四率步隊三百餘人前赴錫廠以責繳軍火爲名意在雲祥也。雲祥偵知之設伏以待。比至則義勇四起轟斃清兵二百餘人。哨弁二人奪其快鎗快砲各若干件。麥四爲飛彈所中負傷走。孫知勢不敵乃乘機縱火焚燒良民廬舍一空。星夜竄歸爲自守計。電調萬浩續備左翼軍黃鳳圖前往接應。甫至義勇又邀擊大敗之。斃清兵百餘人。孫乃電建水縣收雲祥家屬并繫其母雲祥聞之大號則益奔走號召刻日誓師本擬先取蒙自繼以蒙自多西商旅店懼礙交涉乃陽攻蒙自暗襲臨安復遣其黨千顯忠分兵由間道疾趨石屏皆按兵聽命。所過秋毫無犯四民樂輸商旅不驚臨民之從之者日以千百計。蓋咸知周雲祥自立宗旨者也。下臨安時兵不血刃但殺幕府胥吏之爲民害者數人其餘官吏鉅紳僅予拘管責其代籌軍餉及救護其母而已。雲祥據臨安凡半閱月將宣告自立意見與各國政府爲直接交涉并派員馳往各地聯絡海以內外

魂 帝 黃
諸同志共襄大舉力覆滿清詎布署未定而清官魏景桐劉春霖等猝以兵至雲祥開門禦之先後斃營弁七人清兵之陣亡疫亡者不下五六千衆其逃亡者尙無算焉。方擬乘勝進攻會省中清軍復大至雲祥以所部除敵勇久經訓練外餘皆新附不成軍知衆寡之不敵乃率其衆退保於三猛山中銳意訓練兼事屯墾遙爲廣西聲援云。其曰雲祥已故者清官之藉以邀功耳。先是三月中有革命黨文士游雲南聞雲祥名往訪之與談獨立自強之宗旨雲祥言詞慷慨多中時機嘗謂吾輩今日審時度勢只宜外和歐美內逐滿清而已。又嘗語及孫康雲祥嘆曰康梁輩舞文弄墨乳臭未除即一紙新廣東亦猶小兒學語耳。烏足以語大事。當今之世可與雲祥共事者惟中山其人歟。其自負如此。雲祥既抱唯一之目的故此大革命軍起絕無仇視西人戕害教士之事爲有文明風焉。

記仇滿生

仇滿生福建侯官人生平持民族主義立志欲傾倒滿洲政府故自號仇滿生云。仇滿生既負大志以爲方今非合羣力不足以舉大事於是肄業於福州東文學堂冀

廣結。納圖大舉。然閩士性質率近保守。且其程度。無有能及仇滿生者。仇滿生落落難合。惟與其同學林君志鈞。程君樹德。相友善。二君者。於今年三月渡海至日本。於是仇滿生在閩益孤。乃亦謀東渡。癸卯五月。道經上海。值俄事起。東京留學生組織義勇隊。而仇滿生之友程林二君。亦投身義勇隊。本部爲部員。上海社會大激昂。日爲集會運動。仇滿生既痛時局逼迫。自分瓜分在即。生平欲爲克林威爾丹頓羅拔士比親翰查理斯第一路易十六世之事。此志恐不克達。母寧犧牲吾身蹈海而死。庶幾東京留學生及吾親愛之友。朋聞吾之事。而有所感奮。則他日能竟吾未能竟之志者。自有其人。且恐義勇隊及本部部員有懷懼而不肯即死。或中途變計者。已則先爲之倡。乃於是月十四日。乘西京丸赴東。船抵馬關。仇滿生操閩音。與船客語甚久。客山東人。不能閩語。仇滿生乃乘梯出上艙。客知有變。尾之。既見仇滿生望海而立。張目四顧。少頃。卒躍身入海。客大譁。時波浪洶涌。船主命停輪。投救生環數四。而仇滿生竟不肯復活。但見如山之浪澎湃。碎舐掠船而過。仇滿生遂葬身於此大浪之旋渦而飄忽以去矣。先是仇滿生在滬。以書抵林君志鈞。告以某日當至橫濱。

黃

帝

魂

黃

帝

魂

及期。迨之不至。惟喧傳西京丸船過馬關時有蹈海死者。自稱仇滿生也。于是程林二君。貽書會館徵其事。久之。乃得仇滿生死狀。東京同人聞之大感動。咸就程林二君叩仇滿生生平。六月一日。仇滿生同學發起爲仇滿生開追悼會。于日本東京牛込區之清風亭。是日與會者僅二十餘人。然皆表同情。仇滿生者也。程君樹德首出。席演說。先述仇滿生平日志行。次揭明其蹈海之故。語甚激楚。合座淒咽。繼林君志鈞宣讀祭文。林君與仇滿生交最稔。故其祭文累數百言。情辭俱摯。而復出其悲壯之音。聞者咸爲歔歔。宣讀既畢。劉君崇傑起。命衆整列向所設仇滿生之位。行三鞠躬禮。禮畢。合與會二十餘人共撮一影。以爲紀念。浙江留學生監督高君鳳謙亦來會焉。仇滿生年三十餘。足跡未嘗出鄉里。故卽以今日如茶如火之學界。亦無有人知仇滿生者。其生平學業志行。程林二君皆能道之。書此以告世之欲爲漢種國民作傳者。仇滿生姓陳名鯤。

祭沈盡文

黃帝四千六百十四年。秋七月朔。某等謹以清酌庶羞。祭國士沈君之靈曰。嗚呼哀

哉前不見古人後不見來者紛建虜之橫行蒞子遺而爲鮮昔揚靈於洞庭有而農
(王船山)與曾牛(曾靜齋)建黃書而爲律植攘夷以作經粵洪氏之天德撻漢武
於胡清列缺辟歷下擊埃薺兮鄴七十二峯而清明旻天罔極爲反爲側破鏡羣翔
國藩林翼緊荆楚與珠申覆黃炎以深墨淪三翻六翼使填泗水兮纓香木兮珠爲
繁勒悼南土之不靈藉國仇而騁力嗚呼哀哉荒荒衡嶽泯無卉木兮帝赤燁而怒
下監而悲傷閃屍元氣散以分離兮鑠鑠鐵鏐銀以成光六種震動師子夜咤兮曰
聖沈蕙初度於沅湘亮不讀書擊劍兮資三戶以斃秦塊抱關於大別兮龍蛇虎
豹空沓而魚鱗遭夏口之塗地兮吾將馳乎析木之津津方冥冥兮歐滿交梓單于
西跳兮蜩蟬羣沸假太阿於哲人兮烹于胡而啖其肺何大功之不卒成兮闕叢怨
於羣怒虹蜺旬始氛茲黃天兮直北辰之方醉嗟簿進之不償兮愆乾餱而狂狴悲
夫丈夫固烹五鼎兮况犧牲於胤族却外援於大東兮漆吾身以待三木盲風暴雨
汨集若盧兮果天民乎是桀蒼鷹擊殿鴉鳥頭白兮羣馬悲鳴而生角嗚呼哀哉政
變之獄實隕譚林媚於天囚厥死非禔勤王之敗唐傳是罹爲滿干城剗類則宜今

鈞天有神神之忘震日兮方授人以金版資赤棒於羶胡兮獨芟夷茲姬漢惟夫子之
一嘆兮秦皇女媧之魂長往而不返嗚呼哀哉不有死者誰申民氣不有生者誰復
九世哀我遺黎不絕如系大波相續云誰亡繼重曰中國有人兮君千萬歲像寫良
金兮雲之外魂歸來兮松江介蜺爲旌兮翠爲蓋徑路刀兮縣懸位犁清廷兮神哉
沛黃帝歸兮鼎湖返兮漢土曼兮度無界嗚呼哀哉尙饗

君原名克誠字愚溪其先江蘇蘇州府之吳縣人世居洞庭西山祖某以商遷湖
南遂隸籍於長沙府屬之善化縣君年僅三十有一近日革命派之實行家也今
年六月君在北京爲蔡金臺吳式釗及慶寬輩所訐發(或謂因清俄密約事)
清后那拉氏命執下刑部凡三日遂置之死君之死也備極五刑先以八人輪毆
至二時許血肉狼籍氣瀕絕矣乃以帛勒之既死而復刃其頸嗚呼慘已海上同
志既聞其事以七月一日爲開追悼會於愚園與會者凡數百人此篇即當時祭
文也至君之生平事實友人黃中黃著有「沈蕙」一書(非近日坊間所出之中
國大運動家沈蕙)夾叙夾議確能得君之真相取而讀之必有劍及於戶屨及

於門者編者識

叙庚子銷夏記

嗚呼。天時不如地利。地利不如人和之說。自有庚子義和團之事。而讀書者。不能不更進一解。當義和團之扶清滅洋也。清太后第三次臨朝。已一年有餘。此年餘中。聖德神謨。書不勝書。尤以立載漪之子溥儀爲太子。爲第一奠安社稷之大計。任用名相榮祿。剛毅與賢王載漪之三人者。權專恩渥。震耀寰區。命榮祿親統武衛五軍。握全國兵柄。而蓋世猛將如董福祥者。隸麾下。受節制。盡收精兵利器。榮祿軍中。收購外國利器爲最多。此次京津戰用。皆其所支給。以拱衛京師。於是外臣不復有重兵。令剛毅總持軍機處。而啓秀。趙舒。翹。輩聯絡一氣。於是各省不敢有異議。命載漪總持總理衙門。督率崇禮。敬信。那桐。梓。喜。英。年。輩。示天朝之威。於是朝野不敢談邦交。其他名儒碩德。如徐桐。崇綺。輩。輔導太子。兼謀國政。更有親貴載勳。載濂。載灃。載瀾等。皆天潢神胄。一德咸孚。即至奏復八股。試士之何瑩。超擢左副都御史。奏禁閱海國圖志。朔方備乘之陳。藝龍。凡有一長可取。莫不驟躋顯位。何爲剛毅

心腹。陳爲榮祿心腹。更有重臣如裕祿者。率廷杰。廷雍。輩總督直隸。守門戶。如毓賢者。巡撫山西。鞏後路。各行省督撫。藩臬大員。十有七人。爲年餘來所簡拔之滿洲親信。而宦官李蓮英尤爲推心置腹。閫內外非李莫任。一時人材之盛。邁唐軼虞。內憂外患。悉無虞。凡今日外國人所謂誤國之元凶。皆清太后股肱心膂。所謂佐命之元勳也。善哉。湖北巡撫于蔭霖告其至友某太史之言曰。衆正盈廷。天下不患不太平。一猶歟。盛哉。蔑以加矣。人材如此。兵力如此。春夏之交。義和團果應景運而興。義和團者。其名正。其言順。其術尤神。聚衆數十萬之多。蓋毓賢巡撫山西時。所苦心培養。密介剛毅而薦之朝廷者也。維時由直隸起義。直隸總督裕祿奏獎任用。禮敬飲助。不遺餘力。爲其義也。爲其和也。朝廷倚任獎勵。布告內外。始終不疑爲其義也。爲其和也。王公百官。婦人女子。士庶廝養。莫不敬畏感佩。謂從此可不折一兵。大張撻伐。爲其義也。爲其和也。當其時。清太后聖斷於上。王公大臣謀臣猛將協助於中。而義和團尤發忠憤於下。人材如此。兵力如此。人和又如此。謂非千載一時之盛事也。哉。謂非千載一時之盛事也。哉。

更不惜重金以賞義和團。不惜嚴刑以殺大臣之謗義和團者。其所以維持義和團者。又無微不至。即無拳咒禦火器之神術而已。斷斷然其無功不成。況乎其有術也。況乎其有器也。夫有此數十親賢大臣。出其畢生之力。以率以數萬精練之兵。以爲八旗神機虎威等。久稱勁旅之大助。更益之以數十萬之義兵。而五尺童子。執干戈以衛社稷者。又不可以數計。特召二十餘年著名之理學名臣。知兵大員。赤心爲國之李秉衡。佐榮祿治兵。李秉衡到京。一言而殺兩大臣。以攻京以內八國兵不滿千。各國士官二十人。兵四百二十三人。義勇隊百數十人。無城無壁。無食無械。之使館掃除。以外屢經挫殺之洋兵。據裕祿奏報。洋兵已剿殺無幾。指日掃除租界巢穴。肅清大沽海口。建古今絕無宇宙。僅有之奇勳。千百年後。孰不仰齊天之功。驚諸臣不世之績哉。乃集閱外國記載。京以內圍攻使署。至六十三晝夜之久。有貴顯親自督戰。乃袁世凱自山東電致張之洞語。不知榮祿平抑董福祥乎。二者必居其一。猛攻亦不下五十次。京以外大沽天津均爲重鎮。其他亦復節節重防。何以京以內區區之使館。尙攻之不破。京以外裕祿既不守天津。且李秉

黃 帝 魂

衡一見洋兵。首先奔潰。至令外兵直達京師。而彼動稱祖宗成法之清太后。亦竟委棄其祖宗之宗廟。祖宗之社稷。祖宗之陵寢。而蒼皇出走。豈千載一時之人和。竟至此而不足恃乎。抑所謂人和者。未盡然乎。且清太后出走時。榮祿董福祥輩尙手握重兵。號召各督撫。何以不聞有一師一旅禦大患而救危亡。豈人和之極。至於莫可形容。轉有不能不散之勢乎。抑外國記載盡屬虛誕。而北京尙安如磐石。可以言扶清外國已悉就淪亡。可以言滅洋乎。嗚呼。朝野執筆動曰。我國家億萬年有道之長。曰。我國家以神武開基。八旗勁旅。亘古所無。曰。我國家深仁厚澤。二百餘年。浹髓淪肌。曰。我國家懷柔遠人。無微不至。此等語。不知禿幾千萬管之筆矣。今譯錄外人記載數種。以當異聞。名爲庚子銷夏記。與七開半之殿試策。固異文而同旨者。也是爲叙。

是篇描寫滿廷君臣張皇顛預之狀態。處處以挑動之筆出之。惟妙惟肖。所謂嘻笑怒罵。自成文章者也。然其於義和團不無微詞。讀者可與一義和團與中國之關係。一篇參觀之。他日吾國而獨立也。義和團固其先聲乎。編者識。

觀戲記

記者越太平洋而客美洲也。登岸見所謂吾廣東人。衣廣東之衣。食廣東之食。言廣東之言。用廣東之器具。舉飲食玩好服飾器用。無一不遠來自廣東。聲音笑貌性情。行爲心腸見識起居嗜好。無一不如在廣東焉。所異者。一頂黑洋帽。服尙黑色耳。記者驚曰。斯地其廣東乎。外國哉。何廣東之流寓此地者。或數世。或數十年。或十餘年。或數年。毫不爲他國風潮之所變遷。政治之所沾染。文明之所吹噓。而依然完全無缺。至死不變之廣東人也。廣東人其有獨立之風哉。其不唐三藏取經。西方過火。燄山有齊天大聖之火扇。火不能傷之術哉。俄而爲友人引而觀戲。其所演。班本又廣東戲也。花旦小生。白鼻哥。紅鬚軍師。斑頭婆。無一不如廣東舊曲。舊調。舊絃。舊素。舊鼓。鑼。紅粉佳人。風流才子。傷風之事。亡國之音。昔在本國已憎其無謂。今豈復堪入耳哉。不忍卒觀而去。記者聞昔法國之敗於德也。議和賠款。割地喪兵。其哀慘艱難之狀。不下於我國今時。欲舉新政。費無所出。議會乃爲籌款。并激起國人憤心之計。先於巴黎建一大戲臺。官爲製曲。官爲收費。專演德法爭戰之事。摹寫法人被殺。流血。斷頭。折臂。洞胸。裂腦之慘狀。與夫孤兒寡婦。幼妻弱子之淚痕。無貴無賤。無上無下。無老無少。無男無女。頃刻慘死於彈烟炮雨之中。重疊裸葬於旗影馬蹄之下。種種慘劇。種種哀聲。而追原國家破滅。皆由官習於驕橫。民流於淫侈。咸不思改革。振興之故。凡觀斯戲者。無不忽而放聲大哭。忽而怒髮衝冠。忽而頓足捶胸。忽而磨拳擦掌。無貴無賤。無上無下。無老無少。無男無女。莫不磨牙切齒。怒目裂眦。皆誓雪國恥。誓報公仇。飲食夢寐。無不憤恨在心。故改行新政。衆志成城。易於反掌。捷於流水。不三年而國基立焉。國勢復焉。故今仍爲歐洲一大強國。演戲之爲功大矣哉。

記者又嘗遊日本矣。觀其所演之劇。無非追繪維新初年情事。是時國中壯士憤將軍之專橫。悲國家之微弱。鎖國守陋。外人交侵。士氣不振。軟弱如婦人女子。乃悲歌慷慨。欲捐軀流血。以挽之。腰繫白布巾。橫插雙劍。一以殺一人。一以殺已徧走諸侯。王說以大義。其日夜聚議。所或在娼寮酒館。漫天大雪。攜劍出門去。頃刻取仇人頭歸。以下酒。以起舞。櫻花門外。血如櫻。前者死者。繼起義兵。與舊黨相爭。不惜冒叛逆名。會津城中。一日餓死十餘萬人。當時人捐銀一毫。以爲兵費。鎔鍋釜以爲兵器。積

骸。疊尸。家。亡。身。死。而。志。士。仍。不。顧。也。久。之。政。府。知。民。氣。之。不。可。遏。乃。急。急。改。革。政。治。年。年。改。良。進。步。日。本。人。乃。有。今。日。自。由。之。樂。與。地。球。六。大。強。國。並。立。日。本。人。且。看。且。淚。下。且。握。拳。透。爪。且。以。手。加。額。且。大。聲。疾。呼。且。私。相。耳。語。莫。不。曰。我。輩。得。有。今。日。皆。先。輩。烈。士。爲。國。犧。牲。之。賜。不。可。不。使。日。本。爲。世。界。之。日。本。以。報。之。記。者。旁。坐。默。默。而。心。相。語。曰。爲。此。戲。者。其。激。發。國。民。愛。國。之。精。神。乃。如。斯。其。速。哉。勝。於。千。萬。演。說。臺。多。矣。勝。於。千。萬。報。章。多。矣。於。是。追。憶。生。平。所。視。之。劇。而。驗。其。關。係。於。國。種。社。會。何。如。而。論。次。之。記。者。生。於。廣。東。之。惠。州。面。山。而。背。海。伏。處。窮。鄉。見。聞。謏。陋。然。聞。吾。廣。東。戲。班。有。五。種。曰。廣。州。班。曰。南。海。班。曰。潮。州。班。曰。惠。州。班。曰。過。山。班。南。海。班。吾。未。之。見。惠。州。不。脫。廣。東。窠。臼。且。聲。不。逮。之。無。足。觀。者。廣。州。爲。全。省。人。士。所。注。目。其。名。優。工。價。至。於。二。三。千。金。聲。價。昂。高。然。大。概。以。善。演。男。女。私。情。善。鼓。動。人。淫。心。爲。第。一。等。脚。色。故。其。日。戲。尙。有。無。風。起。浪。事。急。招。兵。奸。臣。當。國。太。子。回。朝。盡。誅。奸。黨。國。泰。民。安。等。節。段。以。觸。人。分。別。奸。賢。之。心。至。於。夜。間。所。謂。出。頭。者。則。盡。是。小。姐。丫。環。公。子。專。顯。花。旦。小。生。之。手。面。繪。影。繪。聲。牽。連。撮。合。皆。野。合。私。奔。勻。脂。粉。挂。蚊。帳。等。事。深。夜。沉。沉。淫。情。勃。

魂 帝 黃

勃。以。淫。夫。淫。婦。之。行。爲。反。可。致。狀。元。夫。人。之。榮。貴。愚。夫。愚。婦。何。知。有。不。怍。怍。心。動。相。率。爲。桑。間。濮。上。之。行。者。哉。雖。其。間。亦。有。一。二。如。蘇。武。牧。羊。李。陵。碑。等。述。忠。臣。義。士。之。遺。跡。其。詞。可。泣。可。歌。者。然。蘇。武。牧。羊。不。演。其。拒。衛。律。李。陵。之。招。降。十。九。年。嚼。雪。吞。氈。抱。漢。節。之。苦。心。而。因。其。娶。有。胡。婦。妄。造。猩。猩。女。追。夫。之。事。以。亂。之。或。且。運。昭。君。出。塞。而。爲。一。齣。夫。蘇。武。帝。時。人。昭。君。元。帝。時。人。相。去。百。餘。年。矣。乃。演。者。以。二。人。連。轡。歸。國。儼。若。同。時。以。上。取。之。則。無。精。神。以。下。取。之。則。非。事。實。其。他。陳。陳。相。因。毫。無。新。調。聲。音。靡。靡。鄭。衛。衰。亡。又。不。其。論。矣。此。有。心。人。觀。戲。所。以。不。能。終。曲。也。

潮州班用福潮佬方音。故鄉俗謂之福佬班。其所演乃與廣州班大異。廣州班往往取小說之一節一莖一花一木而牽合之。潮州班其所演小說。積日累月。盡其全部而後已。三國演義。水滸隋唐演義。等書。當其常演之本。不獨隻字不遺。即其聲音笑貌。偶有差錯。萬目閱之。故觀其演。三國也。如置身於鼎足之填。而親見英雄。築士。武臣。健卒。設謀致勇。以爭割據土地也。其演水滸也。如與宋江武松爲伍。殺貪官。誅淫婦。民權興。官權滅也。其演隋唐演義也。如親見昏君。以天下爲己私產。採致良家子。

黃

帝

魂

女無數。日夜縱淫於內。興土木。建宮室。使民帶刑。作工。草菅兆姓。於外。英雄溫溫。乃羣思撥亂。而爲治。開新國。除淫昏也。蓋嘗論之。廣州班。似於尙文。潮州班。近於尙武。廣州班。多淫。潮州班。多殺氣。以是之故。其人民之感召。與山川風俗極影響焉。廣州受珠江之流。故其民聰明豁達。衣冠文物。勝於他土。然智過則流。於詐。僞文多。則流於柔弱。此其蔽也。惠潮嘉以東。稟山澤之氣。故其民剛健猛烈。朴魯耿介。勝於他土。然過猛則戰鬪。時作過介。則規模太隘。此其蔽也。記者自有知識以來。見我州中倡革命者。蓋數十起矣。其視革命之事。如食飲衣服之不可離。其視死於戰鬪。若榮慶焉。官雖痛剿殺之。毫不能也。然而打家劫舍之事。則不屑爲之也。若夫省會之地。搶劫如林。省城以西州縣。夜不安寢。行水之收。歲至數萬。而揭竿之舉。鮮有聞焉。東江有會黨。而無綠林。西江有綠林。而無會黨。此廣東東西江人種性情之大別也。然而於當今萬國競爭。自存優勝劣敗之際。求其有軍國民之性質。尙武剛烈之氣象者。則吾雖東江人。不能不私贊之。私喜之。以爲吾東江人。稍有近於是也。雖然。東四江大別。所由來。何自始乎。曰。亦始於潮州班。廣州班。所演宗旨不同而已矣。潮州

黃

帝

魂

班重鼓聲。廣州班重絃笛。鼓聲之聲。使人聞之心壯。絃笛之聲。使人聞之心頹。然而潮州班守其方音。不能通行於全省。且專演前代時事。全不知當今情形。其於激發國民之精神。有乎古而遺乎今者也。廣州班則無精神。無事實。聞有如仙花法新華者。能撮紅樓夢時。娶補裘爲一齣。三國演義劉備招親爲一齣。既憂憂乎難得。至於陳腐之曲本。誨淫誨盜之毒風。尤數見不鮮。足以傷風敗類。皆不可不加以改革者也。

若夫過山班。則俗謂之雜班。自檜以下。無譏焉。廣東之戲。盡此矣。廣東之於中國。言語特殊於各省。習尙特殊於各省。下至民間所演之戲。亦特殊於各省。蓋中國之視廣東。如一外國焉。北清之人。多稱廣東省爲廣東國者。幾於名稱其實矣。昔法國名士評拿破崙之文曰。一生於哥塞牙深山大澤。議論自存國風。廣東之人。愛其國風。所至莫不携之。故有廣東人足跡。即有廣東人戲班。海外萬埠。相隔萬里。亦如在廣東之祖家焉。中國京師。吾未至。吾弗知。昔在上海。聞有同慶茶園者。廣東戲也。與春仙丹桂各外江班抗行。未久。即歸消滅。蓋外江班能變新腔。令人神旺。廣東班徒

魂 帝 黃
拘、舊、曲、令、人、生、厭、宜、其、敗、也。外江班所演多悲壯慷慨之詞其所重在武牛廣東班所演多牀第狎褻之狀其所重在花旦武生有英雄氣象花旦有腐儒氣象英雄使人敬腐儒使人憎廣東班若不從新整頓吾恐十年後皆歸消滅無疑也外江班所演打鼓罵曹紅袍等戲頗有誅奸滅惡之心所撮鐵公鷄述洪楊與滿清戰爭時事兩軍兵士皆無紀律紮營則彼此聚賭聞戰則各歸隊伍官軍淫掠無異洪軍於滿清中興國史外稍存一公道信史使漢人耳目不至全爲所蔽噫嘻成敗雖曰天命豈非人事哉近年有汪笑儂者撮黨人碑以暗射近年黨禍爲當今劇班革命之一大巨子意者其法國日本維新之悲劇將見於亞洲大陸歟且夫班本者古樂府之遺也樂府者古詩之遺也詩三百篇皆被之管絃以正風俗以宣教化樂者感人最深故歲終使者采風以入樂使知民間疾苦而時變其政是故十五國風之詩皆十五國所演之班本也漢書禮樂志房中歌郊祀歌大風歌秋風歌飽子歌等類漢時所演之班本也至於魏晉隋唐凡士大夫有佳篇雅什纔經脫稿卽播人間如王之渙王昌齡高適等旗亭飲酒女優徧唱各人詩始及黃河遠上白雲間一片孤

黃 帝 魂
城萬仞山是魏晉隋唐之曲本卽當時之詩詞也宋元以後詩與樂離士大夫所詠者不可譜之於樂於是始創曲本西廂記明珠記琵琶記出焉源流滋多又有南腔北腔南曲北曲之分行於燕趙秦晉間者謂之北曲行於吳越者謂之南曲南北之方音既不同而中原樂器經三國五胡之亂散失無存北方所用之樂大都由東胡北狄西域而來南方所用之樂大都由滇南川西邊界而來年遠代湮不可殫述乃自元以來華夷無限賢人君子不得志於時者思爲移風易俗之助往往作爲曲本以傳播民間如湯玉茗之牡丹亭臨川四夢孔雲亭之桃花扇傳奇蔣心餘之冬青樹一片石香祖樓空谷香臨川夢等類共成九種曲皆於一時之人心風俗有所關繫焉蔣心餘之言曰天下之治亂國之興衰莫不起于匹夫匹婦之心莫不成於其耳目之所感觸感之善則善感之惡則惡感之正則正感之邪則邪感之既久則風俗成而國政亦因之焉故欲善國政莫如先善風俗欲善風俗莫如先善曲本曲本者匹夫匹婦耳目所感觸易入之地而心之所由生卽國之興衰之根源也記者曰蔣君其知本哉雖然豈特此哉夫感之舊則舊感之新則新感之雄心則雄心感之

暮氣則暮氣感之愛國則愛國感之亡國則亡國演戲之移易人志直如鏡之照物
 鏡之染衣無所遁脫論世者謂學術有左右世界之力若演戲者豈非左右一國之
 力者哉中國不欲振興則已如欲振興可不於演戲加之意乎加之意奈何一日改
 班本二日改樂器改之道如何曰請詳他日曰請自廣東戲始於是乎記

少年登場 (北曲一套)

(生儒扮帶劍執國旗上)軀殼無何有精神出死生闢開新世界一曲演文明小
 子姓真名個表字少年中國人也養軒嫡派孔孟教徒生成獨立性根發起自由
 思想頭顱似鐵怕甚麼雨血風腥筋骨皆銅那知道奴顏婢膝只是小子這個人
 呵氣數平常偏偏生在這黑暗世界鬼混了十多年幾乎連我那祖先的譜系本
 來的面目都輕輕巧巧的混過去了你道可笑不可笑可嘆不可嘆麼却喜小子
 今年剛剛纔進二十歲了常言道往者不咎來者可追難道就是這樣不成嗎(一
 嘆介)唉你看這大陸上許多箇數的人都糊糊塗塗懵懵懂懂的睡着了待我
 喚醒他一番者

黃

帝

魂

(新水令)唐宗漢祖總沈銷問新亭淚痕多少山河同破卵種族寄生苗此夢勞勞
 公等幾時了

呵。

(駐馬聽)非哭非號鵲母能言時弄巧亦顰亦笑蛾眉且學替人描國殤纔識楚人
 騷漢宮人又把胡虜抱口強膝轉饒馬屁兒去拍當頭泡

你看這一派人呵他怎知道國民的義務却口口聲聲的要布憲法開議會又說
 甚麼要派王公大臣出洋考查各國的憲法以備採擇你道地球上還有這樣的欽
 定憲法麼咳這也不過是生成的奴隸性罷了(恨介)却是於我們中國大有妨
 礙呢

(沉醉東風)你便運動個五花官誥到頭來笑罵難逃他只索牛馬呼你儘管爺娘
 叫甚青史褒忠錄孝那知道白天搗鬼暗裏藏刀西響東效沒來由把國民價值掃
 地盡了

（冷笑介）哦哦。像他這樣一派的人，原來是釜底游魂，部中涼血生氣已盡，其實可憐得狠的。

（鴈兒落）他本是晚黃花生，蕭條倚著那東籬下，裝笑傲，留得箇二寸臭皮囊，少不得一副老面貌。

不信，你問他那個主義，是怎樣講的。

（叨叨令）他想那名兒，利兒，黑夜裏偷摸摸的盜妻兒，妾兒，準備着惺惺惜惜的抱，便借着君兒友兒說甚麼恩仇，報怎知道奴兒，賊兒，有一日吆吆喝喝的，叫兀的不氣殺人也麼？哥氣殺人也麼？哥誰思量首兒，領兒，還望他安穩穩的保說到這裏，不覺一陣熱血潮湧上來。（頓足介）

（喬牌兒）這肝腸似攪熱血兒，灑多少有誰肯把國旗招聽那太平洋風自潮。

你道好好的一箇中國，就這樣叫他腐敗算得了的麼？咳，只要大家下勁的掙扎起來，那怕霹靂當頭，荆榛遍地呢。（搖旗起舞介）

（甜水令）我索要辛辛，苦苦，轟轟烈烈，另起爐竈，重鑄新民腦，莫依樣葫蘆，又甚國。

民代表，但處處登錄商標。

不信呵，你看那歷史上的外國人，他當初是怎樣得來的。

（折桂令）他當初教皇虎暴，君主狼饕，剝人場海樣兒寬，斷頭臺天價兒高，把皮膚剝了，還要把咬嚙啞的髓兒骨兒敲，說甚麼夫妻階，老親甚麼兄弟同胞，他痛在心，苗恨在眉梢，抖起精神，捲起風潮。

那英國的克林威爾，意國的馬志尼，日本國的西鄉隆盛，不是我們少年隊裏鏗鏘的鐵漢麼？便是那法國的婦人羅蘭夫人，日本國的婦人望東啊。

（耍孩兒）爲的是頭顱買得千金笑，拚着妻孥重守三年孝，前人倖福後人消，甚堪嚙，落口蕭蕭是男兒呵，安排碧化三年血，是女兒呵，那管風催一擲腰，全世界好熱鬧，掙得報完全，家國絕代人豪。

他們外國的少年，都有這樣的本領，難道我們中國的少年，就做出第二個英吉利，意大利，法蘭西，日本麼？（大笑介）

（鴛鴦煞）揮毫組織南北套，苦心演說興亡調，無意發牢騷，舌兒焦，唇兒敝，願望兒。

香。只。要。大。家。呵。進。步。的。速。國。民。呵。回。頭。得。早。有。日。呵。義。務。盡。了。酌。酒。兒。看。江。山。纔。紀。念。着。我。這。少。年。中。國。報。

小小年華莫亂拋

健兒身手健兒刀

要從黑暗一世界

發起光明萬丈高

歎老（南北曲一套）

（老生幅巾綈袍眇目跛足扶杖上）海桑陵谷幻乾坤春夢模糊不見痕滿目山川何限憾夕陽雖好近黃昏老夫姓陳名腐排行老大混沌帝國人也冉冉龍鍾奄奄龜息四肢如廢無獨立之精神五官不靈乏自由之思想見者謂其心已死諒非金石豈能長存醫士云元氣太傷雖有參苓恐難奏效（歎介）唉不料我好一箇人兒如今只弄得如醉如癡又聾又瞽人人譏笑我老大唾罵我老大揶揄我老大看看我也老大得不耐煩了今日傳說有個少年登場說了許多頂天立地的大話要替我混沌帝國振作一番少年少年你兀的不羨煞俺也

（雙調新水令）莽男兒意氣薄雲霄好乾坤從新構造揮戈迴落日磨戟認前朝命

黃

帝

魂

世英豪歎我生辜負了

唉。怎。地。我。老。大。一。生。呵。却。儘。在。混。沌。世。界。過。日。子。

（駐馬聽）爲君的代代神堯厚澤深仁傳鳳詔爲臣的人人方召颺言拜手詔龍韜華夷一統漢皇驕子孫萬世秦皇保成算廟堂高便大家睡個長春覺

這幾千年的混沌帝國果然依舊卿雲糾縵復旦光華鳳舞麟遊河清海晏俺老大便糊糊塗塗懵懵懂懂了一此一生倒也快活（捋頭介）却是怎生能穀呢

（沈醉東風）你看那境內呵弄潢池鼠偷狗盜你看那境外呵獵出原虎嘯狼號雷轟了文字妖煙覆了鄒魯教好一幅江山春曉只贏得瓜分豆剖雪虐風饕金甌碎了問人間何世蒼天悄悄

可歎混沌帝國的人却是一些不懂的

（僞兒落帶得勝令）宴瑤池王母慶良宵敝瓊樓姮娥延晚照招幾箇紫陽仙和玉簫添幾乘五雲車遊蓬島呀甚津河聲鼓痛邦交甚淖沲麥飯榮慈抱那月沈鈞不似蘆溝橋那兩淋鈴不似長安道嬌燒風景當前好逍遙年華暗裏銷

歎老

三百七

春花秋月福過災生。夜半池深人盲馬瞎。看來已是萬分不濟事了。但是那混沌帶國的人。却也癡人說夢。要點綴多少維新的話頭。

(折桂令)甚惺惺綸音一紙。飛下瓊瑤。好女流的纖趾兒。鬆好秀才的八股兒。拋更車乘迢迢。特科應招。經濟匡時。嬌禹臯。開幾個方言學校。派幾個出使星輅。若提起軍國主義。呵。便撇却弓刀。丟却戈矛。聘個洋師。練箇洋操。這箇也算。是時新的極了。只是你道。果然有濟麼。

(醉東風)原來是假孫叔。衣冠枉肖。美西施。顰笑難描。急忙忙。粉飾多空洞。元神少。傀儡兒一場熱鬧。依舊的魚游沸釜。燕處危巢。他因循且過了今朝。他倉皇怎待得來。朝安排看。裏門不拱紙錢。飛多管是蒼生劫運。龍蛇到人言。悄君聽取。長白山下。大海風潮。

則見那少年呵。

(七兄弟)氣揚揚團結的同胞。發達的芳標。日新又新的時髦。他靈魂便似個騰雲蛟。他主權便似箇冠山鼇。他文明便似箇朝陽鳳鳥。

叵耐俺老大呵。

(四明泥)誰似俺這樣冬烘頭腦。既然是東方病叟。又道是幼稚苗條。擁拳愁學美人腰。枯楊怕對如花貌。天荒地老心兒苦熬。枯石爛魂兒黯消。哭神州我只索重望扶桑曉。

今日混沌帝國既是出了些個少年。俺老大當初放棄了責任。而今只索要卸去責任了。(起舞作歡喜狀介)

(園林好)戰立。威權爾操志澄清。心神爾勞。讓老朽偷空醉飽。大擔荷一肩挑。大鼎鼐一手調。

前車已覆。後轍方遑。來者可追。往者不咎。少年。少年。你須要下死勁的掙扎。掩老。大便是你的殷鑒也。

(北江梅令)(指眇目介)你休像我夢夢天視常昏眊。(指跛足介)你休像我搖搖國步時顛倒。(指拐杖介)你須知勉強支持的。不算堅牢。(又傍徨四顧介)你須知寄人籬下。原作不得。泰山靠逝水滔滔。長路迢迢。歷許多鐵血關頭。練出個英雄年。

少便從那二十世紀。擘破混元包。打疊着二百餘州。做箇富強料。天也牢騷人也號。咁待大千放出先明。大家歡笑。

哈哈。此刻已是新舊交代的時候。老大去也。

（尾聲）故人不及新人好。我到此何須歎。二毛少年呵。少年只望你提挈河山。休草草。

黃帝魂終

黃帝魂終

黃帝紀元四千六百十四年十一月一日印刷
同 年十二月六日出版

定價壹圓

撰述者 黃帝子孫之多數人

編輯者 黃帝子孫之一個人

發行者 黃帝子孫之爲發行者

印刷者 黃帝子孫之爲印刷者



中國國民黨黨史史料編纂委員會藏本
中央委員會
中華民國五十七年九月一日影印初版

黃帝魂

(精裝一冊)

定價：臺幣二五〇元
美金七元

發行者：中國國民黨黨史史料編纂委員會
中央委員會

經銷處：中

央

文物供應社

臺灣省台北市中山南路十一號之一
郵政劃撥帳戶二一八一號

印刷者：國

際印刷廠

臺灣省台北市大同街一二五號

究必印翻・有所權版